







পঞ্চভূত  
রবীন্দ্রনাথ ঠাকুর



বিশ্বভারতী গ্রন্থালয়  
২ বঙ্কিম চাট্টো স্ট্রীট, কলিকাতা

প্রকাশ : ১৯০৪

সংস্করণ : বিচিত্র প্রবন্ধ - অন্তর্গত : ১৩১৪ বৈশাখ

বিশ্বভারতী সংস্করণ : ১৩৪২ চৈত্র

পুনর্মুদ্রণ : ১৮৫৫ কাঙ্ক্ষন

প্রকাশক শ্রীপুলিনবিহারী মেন

বিশ্বভারতী, ৩৭ ষারকানাথ ঠাকুর লেন, কলিকাতা

মুদ্রাকর শ্রীহর্ষনারায়ণ গুপ্টাচার্য

ভাপনী প্রেস, ৩০ কর্নওয়ালিস স্ট্রীট, কলিকাতা

## সূচীপত্র

পরিচয়	১
সৌন্দর্যের সঞ্চয়	১৪
নরনারী	২৬
পল্লিগ্রামে	৪২
মল্লুগু	৫২
মন	৬৪
অবগুতা	৭০
গল্প ও পদ্য	৮১
কাব্যের তাৎপর্য	৯৩
প্রাঞ্জলতা	১০৪
কৌতুকহাস্য	১১০
কৌতুকহাস্যের মাত্রা	১১৮
সৌন্দর্য সঞ্চয়ে সন্তোষ	১২৭
ভক্ততার আদর্শ	১৩৫
অপূর্ব রামায়ণ	১৪২
বৈজ্ঞানিক কৌতুহল	১৪৭



উৎসর্গ

মহারাজ শ্রীজগদীন্দ্রনাথ রায় বাহাদুর  
সুহৃৎস্বরকরকমলেষু



সংশোধন । ৪৪ পৃ ১৮ ছত্রে : বিবরণসূত্রে

## পরিচয়

বচনার সুবিধার জন্য আমার পাঁচটি পারিপার্শ্বিকে পঞ্চভূত নাম দেওয়া যাক। ক্ষিতি, অপ্, তেজ, মরুৎ, ব্যোম।

একটা গড়া নাম দিতে গেলেই মানুষকে বদল করিতে হয়। তলোয়ারের বেমন খাপ, মানুষের তেমন নামটি ভাষায় পাওয়া অসম্ভব। বিশেষতঃ ঠিক পাঁচ ভূতের সহিত পাঁচটা মানুষ অবিকল মিলাইব কী করিয়া।

আমি ঠিক মিলাইতেও চাহি না। আমি তো আদালতে উপস্থিত হইতেছি না। কেবল পাঠকের এজলাসে লেখকের একটা এই ধর্মপথ আছে যে, সত্য বলিব। কিন্তু সে সত্য খানাইয়া বলিব।

এখন পঞ্চভূতের পরিচয় দিই।

শ্রীযুক্ত ক্ষিতি আমাদের সকলের মধ্যে গুরুভার। তাঁহার অধিকাংশ বিষয়েই অচল অটল ধারণা। তিনি বাহাকে প্রত্যক্ষ ভাবে একটা দৃঢ় আকারের মধ্যে পান, এবং আবশ্যক হইলে কাজে লাগাইতে পারেন, তাহাকেই সত্য বলিয়া জানেন। তাহার বাহিরেও যদি সত্য থাকে, সে সত্যের প্রতি তাঁহার শ্রদ্ধা নাই, এবং সে সত্যের সহিত তিনি কোনো সম্পর্ক রাখিতে চান না। তিনি বলেন, 'যে সকল জ্ঞান অত্যাশঙ্কক তাহারই ভার বহন' করা যথেষ্ট কঠিন। বোঝা ক্রমেই ভারি এবং শিক্ষা ক্রমেই দুঃসাধ্য হইয়া উঠিতেছে। প্রাচীন কালে যখন জ্ঞানবিজ্ঞান এত স্তরে স্তরে জমা হয় নাই, মানুষের নিতান্ত শিক্ষণীয় বিষয় যখন যৎসামান্য ছিল, তখন শৌখিন শিক্ষার অবসর ছিল। কিন্তু এখন আর তো সে অবসর নাই। ছোটো ছেলেকে কেবল বিচিত্র বেশবাস এবং অলংকারে আচ্ছন্ন করিলে কোনো ক্ষতি নাই, তাহার খাইয়া-নাইয়া আর কোনো

## পরিত্য.

কর্ম নাই। কিন্তু তাই বলিয়া বয়ঃপ্রাপ্ত লোক, যাহাকে করিয়া-কর্মিয়া  
নড়িয়া-চড়িয়া উঠিয়া-ছাটিয়া ফিরিতে হইবে, তাহাকে পায়ে নুপুর, হাতে  
কঞ্চণ, শিখায় যম্বুপুচ্ছ দিয়া সাজাইলে চলিবে কেন। তাহাকে কেবল  
মালকোঁচা এবং শিরস্কাণ ছাটিয়া দ্রুতপদে অগ্রসর হইতে হইবে। এই  
कारणे সভ্যতা হইতে প্রতিদিন অলংকার খসিয়া পড়িতেছে। উন্নতির  
অর্থই এই, ক্রমশ আবশ্যকের সক্ষয় এবং অনাবশ্যকের পরিহার।'

শ্রীমতী অপ ( ইহাকে আমরা শ্রোতস্থিনী বলিব ) কিত্তির এ তর্কের  
কোনো বীতিমতো উত্তর করিতে পারেন না। তিনি কেবল মধুর কাকলি  
ও স্তম্বর ভঙ্গিতে ঘুরিয়া ফিরিয়া বলিতে থাকেন, 'না, না, ও কথা  
কখনোই সত্য না। ও আমার মনে লইতেছে না, ও কখনোই সম্পূর্ণ  
সত্য হইতে পারে না।' কেবল বার বার 'না না, নহে নহে'। তাহার  
সহিত আর কোনো যুক্তি নাই, কেবল একটি তবল সংগীতের ধ্বনি, একটি  
অহুনয়স্বর, একটি তরঙ্গনির্দ্ভিত গ্রীবার আন্দোলন—'না, না, নহে  
নহে। আমি অনাবশ্যককে ভালোবাসি, অতএব অনাবশ্যকও আবশ্যক।  
অনাবশ্যক অনেক সময় আমাদের আর কোনো উপকার করে না, কেবল-  
মাত্র আমাদের স্নেহ, আমাদের ভালোবাসা, আমাদের করুণা, আমাদের  
স্বার্থবিসর্জনের স্পৃহা উদ্বেক করে; পৃথিবীতে সেই ভালোবাসার  
আবশ্যকতা কি নাই।'

শ্রীমতী শ্রোতস্থিনীর এই অহুনয়প্রবাহে শ্রীযুক্ত কিত্তি প্রায় গলিয়া  
বান, কিন্তু কোনো যুক্তির দ্বারা তাহাকে পরাস্ত করিবার সাধ্য কী।

শ্রীমতী তেজ ( ইহাকে দীপ্তি নাম দেওয়া গেল ) একেবারে নিষ্কাশিত  
অসিলতার মতো বিকমিক্ করিয়া উঠেন এবং শাপিত স্তম্বর স্বরে  
কিত্তিকে বলেন, 'ইস! তোমরা মনে কর পৃথিবীতে কাজ তোমরা  
কেবল একলাই কর। তোমাদের কাজে যাহা আবশ্যক নয় বলিয়া ছাটিয়া

## পত্রিকায়

কেলিতে চাও, আমাদের কাজে তাহা আবশ্যক হইতে পারে। তোমাদের আচারব্যবহার কথাবার্তা বিশ্বাস শিক্ষা এবং শরীর হইতে অলংকার-মাত্রই তোমরা ফেলিয়া দিতে চাও, কেননা, সভ্যতার ঠেলাঠেলিতে স্থান এবং সময়ের বড়ো অনটন হইয়াছে। কিন্তু আমাদের যাহা চিরন্তন কাজ, ঐ অলংকারগুলো ফেলিয়া দিলে তাহা একপ্রকার বন্ধ হইয়া যায়। আমাদের কত টুকিটাকি, কত ইটি-উটি, কত মিষ্টতা, কত শিষ্টতা, কত কথা, কত কাহিনী, কত ভাব, কত ভদ্রি, কত অবসর সঞ্চয় করিয়া তবে এই পৃথিবীর গৃহকার্য চালাইতে হয়। আমরা 'মষ্ট করিয়া হাসি, বিনয় করিয়া বলি, লজ্জা করিয়া কাজ করি, দীর্ঘকাল যত্ন করিয়া বেখানে যেটি পরিলে শোভা পায় সেটি পরি; এই জন্তই তোমাদের মাতার কাজ, তোমাদের স্ত্রীর কাজ এত সহজে করিতে পারি। যদি সত্যই সভ্যতার তাড়ায় অত্যাবশ্যক জ্ঞানবিজ্ঞান ছাড়া আর সমস্তই দূর হইয়া যায়, তবে এক বার দেখিবার ইচ্ছা আছে অনাথ শিশুসন্তানের এবং পুরুষের মতো এত বড়ো অসহায় এবং নির্বোধ জাতির কী দশাটা হয়।'

শ্রীযুক্ত বাবু ( ইহাকে সমীর বলা যাক ) প্রথমটা এক বার হাসিয়া সমস্ত উড়াইয়া দিলেন। তিনি বলিলেন, 'কিত্তির কথা ছাড়িয়া দাও; একটুখানি পিছন হঠিয়া, পাশ ফিরিয়া, নড়িয়া-চড়িয়া একটা সত্যকে নানা দিক হইতে পর্যবেক্ষণ করিতে গেলেই উহার চলংশক্তিহীন মানসিক রাজ্যে এমনি একটা ভূমিকম্প উপস্থিত হয় যে, বেচারার বহুত্বনির্মিত পাকা মতগুলি কোনোটা বিদীর্ণ, কোনোটা ভূমিসাৎ হইয়া যায়। কাজেই ও ব্যক্তি বলে, দেবতা হইতে কীট পর্যন্ত সকলই মাটি হইতে উৎপন্ন; কারণ মাটির বাহিরে আর কিছু আছে স্বীকার করিতে গেলে আবার মাটি হইতে অনেকখানি নড়িতে হয়। উহাকে এই কথাটা বুকানো আবশ্যক যে, মানুষের সহিত জড়ের সম্বন্ধ লইয়াই সংসার নহে, মানুষের

## পরিচয়

সহিত মানুষের সম্বন্ধটাই আসল সংসারের সম্বন্ধ। কাজেই বস্তুবিজ্ঞান যতই বেশি শেখ না কেন, তাহাতে করিয়া লোকব্যবহার-শিক্ষার কোনো সাহায্য করে না। কিন্তু যেগুলি জীবনের অলংকার, বাহ্য কমনীয়তা, বাহ্য কাব্য, সেইগুলিই মানুষের মধ্যে স্বার্থ বন্ধন স্থাপন করে, পরস্পরের পথের কণ্টক দূর করে, পরস্পরের হৃদয়ের ক্ষত আরোগ্য করে, নয়নের দৃষ্টি খুলিয়া দেয়, এবং জীবনের প্রসার মর্ত হইতে স্বর্গ পর্যন্ত বিস্তারিত করে।'

শ্রীযুক্ত যোম কিয়ৎকাল চক্ৰ মুদিয়া, বলিলেন, 'ঠিক মানুষের কথা যদি বল, বাহ্য অনাবশ্যক তাহাই তাহার পক্ষে সর্বাপেক্ষা আবশ্যক। যে কোনো-কিছুতে স্তুবিধা হয়, কাজ চলে, পেট ভরে, মানুষ তাহাকে প্রতিদিন স্তুগা করে। এই স্তু ভারতের ঋষিরা কৃধাতৃক্ষা শীতগ্রীষ্ম একেবারেই উড়াইয়া দিয়া মনুষ্যত্বের স্বাধীনতা প্রচার করিয়াছিলেন। বাহিরের কোনো-কিছুবুই যে অবশ্যপ্রয়োজনীয়তা আছে ইহাই জীবাখ্যার পক্ষে অপমানজনক। সেই অত্যাবশ্যকটাকেই যদি মানবসভ্যতার সিংহাসনে রাজ্য করিয়া বসানো হয় এবং তাহার উপরে যদি আর কোনো সম্রাটকে স্বীকার না করা যায়, তবে সে সভ্যতাকে সর্বশ্রেষ্ঠ সভ্যতা বলা যায় না।'

যোম বাহ্য বলে তাহা কেহ মনোযোগ দিয়া শোনে না। পাছে তাহার মনে আঘাত লাগে এই আশঙ্কায় স্রোতস্থিনী যদিও তাহার কথা শ্রুতিধানের ভাবে শোনে, তবু মনে মনে তাহাকে বেচারা পাগল বলিয়া বিশেষ দয়া করিয়া থাকে। কিন্তু দীপ্তি তাহাকে সহিতে পারে না, অধীর হইয়া উঠিয়া মাঝখানে অস্ত্র কথা পাড়িতে চায়। তাহার কথা ভালো বুঝিতে পারে না বলিয়া তাহার উপর দীপ্তির ঘেন একটা আন্তরিক বিদ্বেষ আছে।

## পরिচয়

কিন্তু ব্যোমের কথা আমি কখনো একেবারে উড়াইয়া দিই না। আমি তাহাকে বলিলাম, 'ঋষিরা কঠোর সাধনায় যাহা নিজেদের জ্ঞান করিয়াছিলেন, বিজ্ঞান তাহাই সর্বসাধারণের জ্ঞান করিয়া দিতে চায়। ক্ষুধাতৃষ্ণা শীতগ্রীষ্ম এবং মাহুষের প্রতি জড়ের যে শতসহস্র অত্যাচার আছে, বিজ্ঞান তাহাই দূর করিতে চায়। জড়ের নিকট হইতে পলায়ন-পূর্বক তপোবনে মহুগ্ধের মুক্তিসাধন না করিয়া জড়কেই ক্রীতদাস করিয়া ভৃত্যশালায় পুষ্টিয়া রাখিলে এবং মহুগ্ধকেই এই প্রকৃতির প্রাণাদে রাজ্যরূপে অভিষিক্ত করিলে আর তো মাহুষের অবমাননা থাকে না। অতএব স্থায়ী রূপে জড়ের বন্ধন হইতে মুক্ত হইয়া স্বাধীন আধ্যাত্মিক সভ্যতায় উপনীত হইতে গেলে, মাঝখানে একটা দীর্ঘ বৈজ্ঞানিক সাধনা অতিবাহিত করা নিতান্ত আবশ্যক।'

ক্ষিত্তি যেমন তাঁর বিরোধী পক্ষের কোনো যুক্তি খণ্ডন করিতে বসে নিতান্ত বাহলা জ্ঞান করেন, আমাদের ব্যোমও তেমনি একটা কথা বলিয়া চূপ মারিয়া থাকেন; তাহার পর যে যাহা বলে তাঁহার গাঙ্গীর্ষ নষ্ট করিতে পারে না। আমার কথাও তাঁহাকে স্পর্শ করিতে পারিল না। ক্ষিত্তি যেখানে ছিল সেইখানেই অটল হইয়া রহিল এবং ব্যোমও আপনার প্রচুর গৌকলাড়ি ও গাঙ্গীর্ষের মধ্যে সমাহিত হইয়া রহিলেন।

এই তো আমি এবং আমার পঞ্চভূত সম্প্রদায়। ইহার মধ্যে শ্রীমতী দীপ্তি এক দিন প্রাতঃকালে আমাকে কহিলেন, 'তুমি তোমার ভাষারি রাখ না কেন?'

মেঘেদের সাধায় অনেকগুলি অঙ্ক সংস্কার থাকে, শ্রীমতী দীপ্তির মাধায় উন্নত এই একটি সংস্কার ছিল যে, আমি নিতান্ত যে-সে লোক নহি। বলা বাহুল্য, এই সংস্কার দূর করিবার জন্য আমি অত্যধিক প্রয়াস পাই নাই।

## পরিচয়

সমীর উদার চকল ভাবে আমার পৃষ্ঠে চপেটাঘাত করিয়া বলিলেন, 'লেখো না হে।'

ক্ষিতি এবং বোম চূপ করিয়া রহিলেন।

আমি বলিলাম, 'ডায়ারি লিখিবার একটি মহদোষ আছে।'

দীপ্তি সমীর হইয়া বলিয়া উঠিলেন, 'তা থাক্, তুমি লেখো।'

স্রোতস্বিনী মৃদুস্বরে কহিলেন, 'কী দোষ শুনি।'

আমি কহিলাম, 'ডায়ারি একটা কৃত্রিম জীবন। কিন্তু যখন উহাকে রচিত করিয়া তোলা যায়, তখন 'ও আমাদের প্রকৃত জীবনের উপর কিয়ৎপরিমাণে আধিপত্য না করিয়া ছাড়ে না। একটা মানুষের মধ্যেই সহস্র ভাগ আছে, সব কটাকে সামলাইয়া সংসার চালানো এক বিষম আপদ; আবার বাহির হইতে স্বহস্তে তাহার একটি কৃত্রিম জুড়ি বানাইয়া দেওয়া আপদ বৃদ্ধি করা মাত্র।'

কোথাও কিছুই নষ্ট, বোম বলিয়া উঠিলেন, 'সেই জন্মই তো তব-জ্ঞানীরা সকল কর্মই নিষেধ করেন। কারণ, কর্মমাত্রই এক-একটি সৃষ্টি। যখন তুমি একটা কর্ম সৃজন করিলে তখন সে অমরত্ব লাভ করিয়া তোমার সহিত লাগিয়া রহিল। আমরা যতই ভাবিতেছি, ভোগ করিতেছি, ততই আপনাকে নানা-খানা করিয়া তুলিতেছি। অতএব বিস্তৃত আত্মাটিকে যদি চাও, তবে সমস্ত ভাবনা, সমস্ত সংস্কার, সমস্ত কাজ ছাড়িয়া দাও।'

আমি বোমের কথায় উত্তর না দিয়া কহিলাম, 'আমি নিজেকে টুকরা টুকরা করিয়া ভাঙিতে চাহি না। ভিতরে একটা লোক প্রতিদিন সংসারের উপর নানা চিন্তা, নানা কাজ গাঁথিয়া গাঁথিয়া এক অনাবিকৃত নিয়মে একটি জীবন গড়িয়া চলিয়াছে। সবে সবে ডায়ারি লিখিয়া গেলে তাহাকে ভাঙিয়া আর একটি লোক গড়িয়া আর একটি দ্বিতীয় জীবন খাড়া করা হয়।'

## পরिচয়

ক্ষিতি হাসিয়া কহিল, 'ভাষ্যদিকে কেন যে দ্বিতীয় জীবন বলিতেছ আমি তো এ পর্যন্ত বৃষ্টিতে পাবিলাম না।'

আমি কহিলাম, 'আমার কথা এই, জীবন এক দিকে একটা পথ আঁকিয়া চলিতেছে, তুমি যদি ঠিক তার পাশে কলম হস্তে তাহার অমূরূপ আর একটা রেখা কাটিয়া যাও, তবে ক্রমে এমন অবস্থা আসিবার সম্ভাবনা, যখন বোঝা শক্ত হইয়া দাঁড়ায়, তোমার কলম তোমার জীবনের সমপাতে লাইন কাটিয়া যায় না তোমার জীবন তোমার কলমের লাইন ধরিয়া চলে। দুটি রেখার মধ্যে কে আসল, কে নকল, ক্রমে স্থির করা কঠিন হয়। জীবনের গতি স্বভাবতঃই রহস্যময়, তাহার মধ্যে অনেক আশ্চর্যগুণ, অনেক স্বতোবিরোধ, অনেক পূর্বাণবের অসামঞ্জস্য থাকে। কিন্তু লেখনী স্বভাবতঃই একটা সুনির্দিষ্ট পথ অবলম্বন করিতে চাহে। সে সমস্ত বিরোধের মীমাংসা করিয়া, সমস্ত অসামঞ্জস্য সমান করিয়া, কেবল একটা মোটামুটি রেখা টানিতে পারে। সে একটু ঘটনা দেখিলে তাহার যুক্তিসংগত সিদ্ধান্তে উপস্থিত না হইয়া থাকিতে পারে না। কাজেই তাহার রেখাটা সহজেই তাহার নিজের গড়া সিদ্ধান্তের দিকে অগ্রসর হইতে থাকে, এবং জীবনকেও তাহার সহিত মিলাইয়া আপনার অমূবর্তী করিতে চাহে।'

কথাটা ভালো করিয়া বুঝাইবার জন্য আমার ব্যাকুলতা দেখিয়া শ্রোতৃবিনী দয়ার্শ্রিচিতে কহিল, 'বুঝিয়াছি তুমি কী বলিতে চাও। স্বভাবতঃ আমাদের মহাপ্রাণী তাঁহার অতিগোপন নির্মাণশালায় বসিয়া এক অপূর্ব নিয়মে আমাদের জীবন গড়েন, কিন্তু ডায়ারি লিখিতে গেলে দুই ব্যক্তির উপর জীবন গড়িবার ভার দেওয়া হয়। কতকটা জীবন অমূসাবে ডায়ারি হয়, কতকটা ডায়ারি অমূসাবে জীবন হয়।'

শ্রোতৃবিনী এমনি সহিষ্ণু ভাবে নীরবে সমনোধোগে সকল কথা শুনিয়া



## পরিচয়

যায় যে, মনে হয় যেন বহু যত্নে সে আমার কথাটা বুঝিবার চেষ্টা করিতেছে— কিন্তু হঠাৎ আবিষ্কার করা যায় যে, বহু পূর্বেই সে আমার কথাটা ঠিক বুঝিয়া লইয়াছে।

আমি কহিলাম, 'সেই বটে।'

দীপ্তি কহিল, 'তাহাতে কৃতি কী।'

আমি কহিলাম, 'যে ভুক্তভোগী সেই জানে। যে লোক সাহিত্য-ব্যবসায়ী সে আমার কথা বুঝিবে। সাহিত্যব্যবসায়ীকে নিজের অন্তরের মধ্য হইতে নানা ভাব এবং নানা চরিত্র বাহির করিতে হয়। যেমন ভালো মালী ফসলাশ অল্পসারে নানারূপ সংঘটন এবং বিশেষরূপ চাষের দ্বারা একজাতীয় ফুল হইতে নানাপ্রকার ফুল বাহির করে— কোনোটার বা পাতা বড়ো, কোনোটার বা বড় বিচিত্র, কোনোটার বা গন্ধ সুন্দর, কোনোটার বা ফল সুমিষ্ট। তেমনি সাহিত্যব্যবসায়ী আপনার একটি মন হইতে নানাবিধ ফলন বাহির করে। মনের স্বতন্ত্র স্বতন্ত্র ভাবের উপর কল্পনার উত্তাপ প্রয়োগ করিয়া তাহাদের প্রত্যেককে স্বতন্ত্র সম্পূর্ণ আকারে প্রকাশ করে। যে সকল ভাব, যে সকল স্মৃতি, মনোবৃত্তির যে সকল উচ্ছ্বাস সাধারণ লোকের মনে আপন আপন যথানির্দিষ্ট কাজ করিয়া যথাকালে করিয়া পড়ে অথবা রূপান্তরিত হইয়া যায়, সাহিত্যব্যবসায়ী সেগুলিকে ভিন্ন করিয়া লইয়া তাহাদিগকে স্থায়ী ভাবে রূপবান করিয়া তোলে। যখন তাহাদিগকে ভালোরূপে মূর্তিমান করিয়া প্রকাশ করে তখন তাহারা অমর হইয়া উঠে। এমনি করিয়া ক্রমশ সাহিত্যব্যবসায়ীর মনে এক দল স্ব-স্ব-প্রধান লোকের পল্লী বসিয়া যায়। তাহার জীবনের একটা ঐক্য থাকে না। সে দেখিতে দেখিতে একেবারে শতধা হইয়া পড়ে। তাহার চিরজীবনপ্রাপ্ত স্মৃতিত মনোভাবের দলগুলি বিশ্বজগতের সর্বত্র আপন হস্ত প্রসারণ করিতে থাকে। সকল বিষয়েই তাহাদের

## পরিচয়

কৌতূহল। বিশ্ববহুত্ব তাহাদিগকে দশ দিকে ভুলাইয়া লইয়া যায়। সৌন্দর্য তাহাদিগকে বাঁশি বাজাইয়া বেদনাপাশে বদ্ধ করে। দুঃখকেও তাহারা ক্রীড়ার সঙ্গী করে, যত্নকেও তাহারা পবন করিয়া দেখিতে চায়। নবকৌতূহলী শিশুদের মতো সকল জিনিসই তাহারা স্পর্শ করে, জ্ঞান করে, আনন্দন করে, কোনো শাসন মানিতে চাহে না। একটা দীপে একেবারে অনেকগুলো পলিতা জ্বালাইয়া দিয়া সমস্ত জীবনটা হুহুঃশব্দে দহু করিয়া ফেলা হয়। একটা প্রকৃতির মধ্যে এতগুলো জীবন্ত বিকাশ বিষম বিরোধ-বিশৃঙ্খলার কারণ হইয়া দাঁড়ায়।’

শ্রোতৃবিনী ঈষৎ স্নান ভাবে জিজ্ঞাসা করিলেন, ‘আপনাকে এইরূপ বিচিত্র স্বভাব ভাবে ব্যস্ত করিয়া তাহার কি কোনো স্থখ নাই।’

আমি কহিলাম, ‘স্বজ্ঞানের একটি বিপুল আনন্দ আছে। কিন্তু কোনো মানুষ তো সমস্ত সময় স্বজ্ঞানে ব্যাপৃত থাকিতে পারে না—তাহার শক্তির সীমা আছে, এবং সংসারে লিপ্ত থাকিয়া তাহাকে জীবনযাত্রা নির্বাহ করিতেও হয়। এই জীবনযাত্রায় তাহার বড়ো অসুবিধা। মনটির উপর অবিশ্রাম করনার তা দিয়া সে এমনি করিয়া তুলিয়াছে যে, তাহার গায়ে কিছুই সয় না। সাত-ফুটা-ওয়াল বাঁশি বাজাঘরের হিসাবে ভালো, ফুৎকারমাত্রে বাজিয়া ওঠে, কিন্তু ছিত্রহীন পাকা বাঁশের লাঠি সংসারণথের পক্ষে ভালো, তাহার উপর সম্পূর্ণ নির্ভর করা যায়।’

সমীর কহিল, ‘দুর্ভাগ্যক্রমে বংশধরের মতো মানুষের কার্যবিভাগ নাই। মানুষ-বাঁশিকে বাজিবার সময় বাঁশি হইতে হইবে, আবার পথ চলিবার সময় লাঠি না হইলে চলিবে না। কিন্তু তাই, তোমাদের তো অবস্থা ভালো, তোমরা কেহ বা বাঁশি, কেহ বা লাঠি—আর আমি যে কেবলমাত্র ফুৎকার। আমার মধ্যে সংগীতের সমস্ত আভ্যন্তরিক উপকরণই আছে, কেবল যে একটা বাহ্য আকারের মধ্য দিয়া তাহাকে

## পরिচয়

বিশেষ রাগিণীরূপে ধ্বনিত করিয়া তোলা যায়, সেই যন্ত্রটা নাই।’

দীপ্তি কহিলেন, ‘মানবজন্মে আমাদের অনেক ত্রিনিস অনর্ধক লোকসান হইয়া যায়। কত চিন্তা, কত ভাব, কত ঘটনা প্রবল স্মৃৎস্মৃৎস্মের চেটে তুলিয়া আমাদের প্রতিদিন নানারূপে বিচলিত করিয়া যায়; তাহা-দিগকে যদি লেখায় বন্ধ করিয়া রাখিতে পারি তাহা হইলে মনে হয় যেন আমার জীবনের অনেকখানি হাতে রহিল। স্মৃৎস্ম হটুক, স্মৃৎস্ম হটুক, কাহারও প্রতি একেবারে সম্পূর্ণ দখল ছাড়িতে আমার মন চায় না।’

ইহার উপরে আমার অনেক কথা বলিবার ছিল, কিন্তু দেখিলাম স্রোতস্থিনী একটা কী বলিবার ব্রহ্ম ইতস্তত করিতেছে, এমন সময় যদি আমি আমার বক্তৃতা আরম্ভ করি তাহা হইলে সে তৎক্ষণাৎ নিজের কথাটা ছাড়িয়া দিবে। আমি চূপ করিয়া রহিলাম। কিয়ৎক্ষণ পরে সে বলিল, ‘কী জানি ভাই, আমার তো আরো ঐটেই সর্বাপেক্ষা আপত্তিজনক মনে হয়। প্রতিদিন আমরা যাহা অনুভব করি, তাহা প্রতিদিন লিপিবদ্ধ করিতে গেলে তাহার যথার্থ পরিমাণ থাকে না। আমাদের অনেক স্মৃৎস্ম, অনেক রাগদেহ অকস্মাৎ সামান্য কারণে গুরুতর হইয়া দেখা দেয়। হয়তো অনেক দিন যাহা অনায়াসে সহ করিয়াছি এক দিন তাহা একেবারে অসহ হইয়াছে; যাহা আসলে অপরাধ নহে এক দিন তাহা আমার মিকটে অপরাধ বলিয়া প্রতিভাত হইয়াছে; তুচ্ছ কারণে হয়তো একদিনকার একটা স্মৃৎস্ম আমার কাছে অনেক মহত্তর স্মৃৎস্মের অপেক্ষা গুরুতর বলিয়া মনে হইয়াছে; কোনো কারণে আমার মন ভালো নাই বলিয়া আমরা অনেক সময় অস্ত্রের প্রতি অস্ত্রায় বিচার করিয়াছি; তাহার মধ্যে যেটুকু অপরিমিত, যেটুকু অগ্নায়, যেটুকু অসত্য তাহা কালক্রমে আমাদের মন হইতে দূর হইয়া যায়— এইরূপে ক্রমশই জীবনের বাড়াবাড়িগুলি চুকিয়া গিয়া জীবনের মোটামুটিটুকু টিকিয়া

## পরিত্য

বায়, সেইটেই আমার প্রকৃত আমারত্ব ; তাহা ছাড়া আমাদের মনে অনেক কথা অর্ধশূট আকাবে আসে যায় মিলায়, তাহাদের সবগুলিকে অতিশূট করিয়া তুলিলে মনের সৌকুমার্য নষ্ট হইয়া যায়। ডায়ারি রাখিতে গেলে একটা রুজিম উপায়ে আমরা জীবনের প্রত্যেক তুচ্ছতাকে বৃহৎ করিয়া তুলি, এবং অনেক কচি কথাকে জোর করিয়া ফুটাইতে গিয়া ছিঁড়িয়া অথবা বিকৃত করিয়া ফেলি।'

সহসা শ্রোতস্বিনীর চৈতন্য হইল, কথাটা সে অনেক কণ ধরিয়া এবং কিছু আবেগের সহিত বলিয়াছে। অমনি তাহার কর্ণমূল আরক্তিম হইয়া উঠিল ; মুখ ঈষৎ ফিরাইয়া কহিল, 'কী জানি, আমি ঠিক বলিতে পারি না— আমি ঠিক বুঝিয়াছি কি না কে জানে।'

দীপ্তি কখনো কোনো বিষয়ে তিলমাত্র ইতস্তত করে না— সে একটা প্রবল উত্তর দিতে উজ্জত হইয়াছে দেখিয়া আমি কহিলাম, 'তুমি ঠিক বুঝিয়াছ ; আমিও ঐ কথা বলিতে যাইতেছিলাম, কিন্তু এমন ভালো করিয়া বলিতে পারিতাম কি না সন্দেহ। শ্রীমতী দীপ্তির এট কথা মনে রাখা উচিত, বাড়িতে গেলে ছাড়িতে হয়। অর্জন করিতে গেলে ব্যয় করিতে হয়। জীবন হইতে প্রতিদিন অনেক তুলিয়া, অনেক ফেলিয়া, অনেক বিলাইয়া তবে আমরা অগ্রসর হইতে পারি। কী হইবে প্রত্যেক তুচ্ছ শ্রব্য মাথার তুলিয়া, প্রত্যেক ছিন্নশুণ্ড পুঁটলিতে পুরিয়া, জীবনের প্রতি দিন প্রতি মুহূর্ত পশ্চাতে টানিয়া লইয়া। প্রত্যেক কথা, প্রত্যেক ভাব, প্রত্যেক ঘটনার উপর যে ব্যক্তি বুক দিয়া চাপিয়া পড়ে সে অতি হতভাগ্য।'

দীপ্তি মৌখিক হাল্কা হাসিয়া করজোড়ে কহিল, 'আমার ঘাট হইয়াছে তোমাকে ডায়ারি লিখিতে বলিয়াছিলাম, এমন কাজ আর কখনো করিব না।'

## পারচয়

সমীর বিচলিত হইয়া কহিল, ‘অমন কথা বলিতে আছে! পৃথিবীতে অপরোধ স্বীকার করা মহাপ্রম। আমরা মনে করি, দোষ স্বীকার করিলে বিচারক দোষ কম করিয়া দেবে; তাহা নহে। অন্য লোককে বিচার করিবার এবং ভ্রম সনাক্ত করিবার স্বয়ং একটা দুর্লভ সুখ; তুমি নিজের দোষ নিজে যতই নাড়াইয়া বল না কেন, কঠিন বিচারক সেটাকে ততই চাপিয়া ধরিয়া স্বয়ং পায়। আমি কোন পথ অবলম্বন করিব ভাবিতে-ছিলাম, এখন স্থির করিতেছি আমি ডায়ারি লিখিব।’

আমি কহিলাম, ‘আমিও প্রস্তুত আছি। কিন্তু আমার নিজের কথা লিখিব না। এমন কথা লিখিব যাহা আমাদের সকলের। এই আমরা যে-সব কথা প্রতিদিন আলোচনা করি—’

শ্রোতস্বিনী কিঞ্চিৎ ভীত হইয়া উঠিল। সমীর কবাজোড়ে কহিল, ‘দোহাই তোমার, সব কথা যদি সেগায় গুঠে তবে বাড়ি হইতে কথা মুখস্থ করিয়া আসিয়া বলিব এবং বলিতে বলিতে যদি হঠাৎ মাঝখানে ভুলিয়া যাই তবে আবার বাড়ি গিয়া দেখিয়া আসিতে হইবে। তাহাতে ফল হইবে এই যে, কথা বিস্তর কমিবে এবং পরিশ্রম বিস্তর বাড়িবে। যদি খুব ঠিক সত্য কথা লেখ, তবে তোমার সঙ্গ হইতে নাম কাটাইয়া আমি চলিলাম।’

আমি কহিলাম, ‘আরে না, সত্যের অনুরোধ পালন করিব না, বন্ধুর অনুরোধই রাখিব। তোমরা কিছু ভাবিয়ে না, আমি তোমাদের মুখে কথা বানাইয়া দিব।’

কিন্তু বিশাল চক্ষু প্রসারিত করিয়া কহিল, ‘সে যে আরো ভয়ানক। আমি বেশ দেখিতেছি, তোমার হাতে লেখনী পড়িলে যত সব কুযুক্তি আমার মুখে দিবে আর তাহার অকাটা উত্তর নিজের মুখ দিয়া বাহির করিবে।’

## পরিচয়

আমি কহিলাম, 'মুখে বাহার কাছে তর্কে হারি, লিখিয়া তাহার প্রতিশোধ না নিলে চলে না। আমি আগে থাকিতেই বলিয়া রাখিতেছি, তোমার কাছে বত উপজব এবং পরাস্তব সহ করিয়াছি এযাবে তাহার প্রতিফল দিব।'

সর্বসহিবু ক্রিতি সঙ্কটচিন্তে কহিল, 'তথাস্ত।'

ব্যোম কোনো কথা না বলিয়া ক্ষণকালের ক্ষণ ভেবং হাসিল, তাহার সুগভীর অর্থ আমি এ পর্যন্ত বুঝিতে পারি নাই।

## সৌন্দর্যের সম্বন্ধ

বর্ষায় নদী ছাপিয়া খেতের মধ্যে জল প্রবেশ করিয়াছে। আমাদের বোট অর্ধমগ্ন ধানের উপর দিয়া সর্ব সর্ব শব্দ করিতে করিতে চলিয়াছে।

অদূরে উচ্চভূমিতে একটা প্রাচীরবেষ্টিত একতানা কোঠাবাড়ি এবং দুই-চারিটি টিনের ছাদ-বিশিষ্ট কুটির, কলা কাঁঠাল আম বাশঝাড় এবং বৃহৎ বাঁধানো অশথ গাছের মধ্য দিয়া দেখা যাইতেছে।

সেখান হইতে একটা সরু সুরের সানাই এবং গোটাকতক ঢাক ঢোলের শব্দ শোনা গেল। সানাই অত্যন্ত বেশুরে একটা মেঠো বাগিণীর আরম্ভ-অংশ বারম্বার কিরিয়া কিরিয়া নিষ্ঠুর ভাবে বাজাইতেছে এবং ঢাক-ঢোলগুলো যেন অকস্মাৎ বিনা কারণে খেপিয়া উঠিয়া বায়ুবাজ্য লণ্ড-ভণ্ড করিতে উত্তত হইয়াছে।

শ্রোতস্থিনী মনে করিল, নিকটে কোথাও বুঝি একটা বিবাহ আছে। একান্ত কৌতূহল-পূরে বাতায়ন হইতে মুখ বাহির করিয়া, তরুসমাচ্ছন্ন তীরের দিকে উৎসুক দৃষ্টি চালনা করিল।

আমি ঘাটে বাধা নৌকার মাঝিকে জিজ্ঞাসা করিলাম, 'কী বে, বাজনা কিসের।'

সে কহিল, আজ জমিদারের পুণ্যাহ।

পুণ্যাহ বলিতে বিবাহ বুঝায় না শুনিয়া শ্রোতস্থিনী কিছু ক্ষুব্ধ হইল। সে ঐ তরুচ্ছায়াম্বন গ্রামা পথটার মধ্যে কোনো এক জায়গায় ময়ূরপংখিতে একটি চন্দনচর্চিত অজ্ঞাতশ্মশ্রু নববর অথবা লজ্জামণ্ডিতা রক্তাধরা নব-বধূকে দেখিবার প্রত্যাশা করিয়াছিল।

আমি কহিলাম, 'পুণ্যাহ অর্থে জমিদারি বৎসরের আরম্ভ-দিন। আজ প্রজারা যাহার ঘেমন ইচ্ছা কিছু কিছু খাজনা লইয়া কাছারি-ঘরে টোপন-পরা বরবেশধারী নায়েবের সম্মুখে আনিয়া উপস্থিত করিবে।

## সৌন্দৰ্যের সম্বন্ধ

সে টাকা সে দিন গণনা করিবার নিয়ম নাই। অর্থাৎ বাজনা-দেনাপাওনা যেন কেবলমাত্র খেচ্ছাকৃত একটা আনন্দের কাজ। ইহার মধ্যে এক দিকে নীচ লোভ, অপর দিকে হীন ভয় নাই। প্রকৃতিতে তরলতা যেমন আনন্দ-মহোৎসবে বসন্তকে পুষ্পাঞ্জলি দেয় এবং বসন্ত তাহা সঞ্চয়-ইচ্ছায় গণনা করিয়া লয় না, সেইরূপ ভাবটা আর কি।'

দীপ্তি কহিল, 'কাজটা তো বাজনা আদায়, তাহার মধ্যে আবার বাজনা-বাণ্ড কেন।'

ক্ষিত্তি কহিল, 'ছাগশিশুকে যখন বলিদান দিতে লইয়া যায় তখন কি তাহাকে মালা পরাইয়া বাজনা বাজায় না। আজ খাজনা-দেবীর নিকটে বলিদানের বাণ্ড বাঞ্জিতেছে।'

আমি কহিলাম, 'সে হিসাবে দেখিতে পায় বটে, কিন্তু বলি যদি দিগ্ভেই হয় তবে নিত্যস্ত পুত্র মতো পুত্রত্যা না করিয়া উহার মধ্যে বড়টা পারা যায় উচ্চভাব রাখাই ভালো।'

ক্ষিত্তি কহিল, 'আমি তো বলি যেটার যাহা সত্য ভাব তাহাই বন্ধা করা ভালো; অনেক সময়ে নীচ কাজের মধ্যে উচ্চ ভাব আঁবোপ করিয়া উচ্চ ভাবকে নীচ করা হয়।'

আমি কহিলাম, 'ভাবের সত্যমিথ্যা অনেকটা জ্ঞানের উপরে নির্ভর করে। আমি এক ভাবে এই বর্ষার পদ্মিপূর্ণ মদীটিকে দেখিতেছি, আর ঐ জ্বলে আর এক ভাবে দেখিতেছে; আমার ভাব যে এক চুল মিথ্যা এ কথা আমি স্বীকার করিতে পারি না।'

সমীর কহিল, 'অনেকের কাছে ভাবের সত্যমিথ্যা ওজন-দরে পরিমাপ হয়। যেটা যে পরিমাণে মোটা সেটা সেই পরিমাণে সত্য। সৌন্দৰ্যের অপেক্ষা ধূলি সত্য, স্নেহের অপেক্ষা স্বার্থ সত্য, প্রেমের অপেক্ষা ক্রুধা সত্য।'

আমি কহিলাম, 'কিন্তু তবু চিরকাল মানুষ এই সমস্ত ওজনে-ভারি



## সোন্দরের সম্বন্ধ

যোটা জিনিসকে একেবারে অস্বীকার করিতে চেষ্টা করিতেছে। ধূলিকে আবৃত করে, স্বার্থকে লক্ষ্য দেয়, ক্ষুধাকে অন্তরালে নির্বাসিত করিয়া রাখে। মলিনতা পৃথিবীতে বহু কালের আদিম সৃষ্টি, ধূলিজগালের অপেক্ষা প্রাচীন পদার্থ মেলাই কঠিন— তাই বলিয়া সেইটেই সব চেয়ে সত্য হইল? আর অন্তর-অন্তঃপুরের যে লক্ষ্মীরূপিনী গৃহিণী আসিয়া তাহাকে ক্রমাগত খোঁজ করিতে চেষ্টা করিতেছে তাহাকেই কি মিথ্যা বলিয়া উড়াইয়া দিতে হইবে।’

ক্ষিত্তি কহিল, ‘তোমরা ভাই এত ভয় পাইতেছ কেন। আমি তোমাদের সেই অন্তঃপুরের ভিত্তিতে ডাইনোসাইট লাগাইতে আসি নাই। কিন্তু একটু ঠাণ্ডা হইয়া বেলো দেখি, পুণ্যাহের দিন ঐ বেহুবা সানাইটা বাজাইয়া পৃথিবীর কী সংশোধন করা হয়। সংগীতকলা তো নহেই।’

সমীর কহিল, ‘ও আর কিছুই নহে, একটা স্বর ধরাইয়া দেওয়া। সংসংসরের বিবিধ পদস্থলন এবং ছন্দঃপতনের পর পুনর্বার সময় কাছে আসিয়া এক বার ধুয়ায় আনিয়া ফেলা। সংসারের স্বার্থকোলাহলের মধ্যে মাঝে মাঝে একটা পক্ষম স্বর সংযোগ করিয়া দিলে, নিদেন ক্ষণকালের জগৎ পৃথিবীর শ্রী কিরিয়া যায়; হঠাৎ হাটের মধ্যে গৃহের শোভা আসিয়া আবির্ভূত হয়; কেনাবেচার উপর ভালোবাসার স্নিগ্ধ দৃষ্টি চন্দ্রালোকের স্তায় নিপতিত হইয়া তাহার শুষ্ক কঠোরতা দূর করিয়া দেয়। যাহা হইয়া থাকে পৃথিবীতে তাহা চীৎকারস্বরে হইতেছে, আর যাহা হওয়া উচিত তাহা মাঝে মাঝে এক-এক দিন আসিয়া মাঝখানে বসিয়া অকোমল স্নন্দর স্বরে স্বর দিতেছে এবং তখনকার মতো সমস্ত চীৎকারস্বর নরম হইয়া আসিয়া সেই স্বরের সহিত আপনাকে মিলাইয়া লইতেছে— পুণ্যাহ সেই সংগীতের দিন।’

আমি কহিলাম, ‘উৎসবমাত্রই তাই। মাছষ প্রতিদিন যে ভাবে কাজ করে এক-এক দিন তাহার উন্টা ভাবে আপনাকে সারিয়া লইতে

## সৌন্দর্যের সম্বন্ধ

চেষ্টা করে। প্রতিদিন উপার্জন করে, এক দিন খরচ করে : প্রতিদিন দ্বার রুদ্ধ করিয়া রাখে, এক দিন দ্বার উন্মুক্ত করিয়া দেয় ; প্রতিদিন গৃহের মধ্যে আমিই গৃহকর্তা, আর এক দিন আমি সকলের সেবায় নিযুক্ত ; সেই দিন শুভদিন, আনন্দের দিন, সেই দিনই উৎসব। সেই দিন সম্বৎসরের আদর্শ। সে দিন ফুলের মালা, ফটিকেয় প্রদীপ, শোভন ভূষণ— এবং দূরে একটি বাঁশি বাজিয়া বলিতে থাকে, আজিকার এই সুরই যথার্থ সুর, আর সমস্তই বেসুরা। বৃষ্টিতে পানি, আমরা মাহুয়ে মাহুয়ে, জ্বলে জ্বলে, মিলিত হইয়া আনন্দ করিতে আসিয়াছিলাম কিন্তু প্রতিদিনের দৈন্যবশত : তাহা পারিয়া উঠি না : যে দিন পানি সেই দিনই প্রধান দিন।’

সমীর কহিল, ‘সংসারে দৈত্যের শেষ নাই। সে দিক হইতে দেখিতে গেলে মানবজীবনটা অভ্যস্ত শীর্ণ শূন্য শ্রীহীন রূপে চক্ষে পড়ে। মানবাত্মা জিনিসটা যতই উচ্চ হউক না কেন, দুই বেলা দুই মুষ্টি তণ্ডুল সংগ্রহ করিতেই হইবে, এক খণ্ড বস্ত্র না হইলে সে মাটিতে মিশাইয়া যায়। এ দিকে আপনাকে অবিনাশী অনন্ত বলিয়া বিশ্বাস করে, ও দিকে যে দিন নশ্বের ডিবাটা হারাইয়া যায় সে দিন আকাশ বিদীর্ণ করিয়া ফেলে। যেমন করিয়াই হোক, প্রতিদিন তাহাকে আহারবিহার কেনাবেচা দরদাম মারামারি ঠেলাঠেলি করিতেই হয়— সে জ্ঞান সে লজ্জিত। এই কারণে সে এই শুক ধূলিময় লোকাকীর্ণ হাট-বাজারের ইতরতা ঢাকিবার জ্ঞান সর্বদা প্রয়াস পায়। আহারে বিহারে আদানে প্রদানে আত্মা আপনার সৌন্দর্য-বিভা বিস্তার করিবার চেষ্টা করিতে থাকে। সে আপনার আবশ্যকের সহিত আপনার মহত্বের সুন্দর সামঞ্জস্য সাধন করিয়া লইতে চায়।’

আমি কহিলাম, ‘তাহারই প্রমাণ এই পুণ্যাহের বাঁশি। এক জনের ভূমি, আর এক জন তাহারই মূল্য দিতেছে, এই শুক চূক্তির মধ্যে লজ্জিত মানবাত্মা একটি ভাবের সৌন্দর্য প্রয়োগ করিতে চাহে। উভয়ের মধ্যে

## সৌন্দর্যের সম্বন্ধ

একটি আত্মীয়সম্পর্ক বাধিয়া দিতে ইচ্ছা করে। বুঝাইতে চাহে, ইহা চুক্তি নহে, ইহার মধ্যে একটি প্রেমের স্বাধীনতা আছে। রাজাপ্রজ্ঞা ভাবের সম্বন্ধ, আদানপ্রদান হৃদয়ের কর্তব্য। খাজনার টাকার সহিত রাগরাগিণীর কোনো যোগ নাই, খাজাঞ্চিধানা নহবত বাজাইবার স্থান নহে; কিন্তু যেখানেই ভাবের সম্পর্ক আসিয়া দাঁড়াইল অমনি সেখানেই বাঁশি তাহাকে আহ্বান করে, রাগিণী তাহাকে প্রকাশ করে, সৌন্দর্য তাহার সহচর। গ্রামের বাঁশি যথাসাধ্য প্রকাশ করিতে চেষ্টা করিতেছে, আজ আমাদের পুণ্যদিন, আজ আমাদের রাজাপ্রজ্ঞার মিলন। জমিদারি কাছারিতেও মানবাখ্যা আপন প্রবেশপথ-নির্মাণের চেষ্টা করিতেছে, সেখানেও একখানা ভাবের আসন পাতিয়া রাখিয়াছে।'

শ্রোতস্বিনী আপনার মনে ভাবিতে ভাবিতে কহিল, 'আমার বোধ হয় ইহাতে যে কেবল সংসারের সৌন্দর্য বৃদ্ধি করে তাহা নহে, যথার্থ দুঃখভার লাঘব করে। সংসারে উচ্চনীচতা যখন আছেই, সৃষ্টিলোপ ব্যতীত কখনোই যখন তাহা ধ্বংস হইবার নহে, তখন উচ্চ এবং নীচের মধ্যে একটা অবিচ্ছিন্ন সম্বন্ধ থাকিলে উচ্চতার ভার বহন করা সহজ হয়। চরণের পক্ষে দেহভার বহন করা সহজ; বিচ্ছিন্ন বাহিরের বোঝাই বোঝা।'

উপমাপ্রয়োগপূর্বক একটা কথা ভালো করিয়া বলিলামাত্র শ্রোতস্বিনীর লজ্জা উপস্থিত হয়, যেন একটা অপরাধ করিয়াছে। অনেকে অস্ত্রের ভাব চুরি করিয়া নিজের বলিয়া চালাইতে এরূপ কুঞ্জিত হয় না।

ব্যোম কহিল, 'যেখানে একটা পরাভব অবশ্য স্বীকার করিতে হইবে সেখানে মাহুষ আপনার হীনতা-দুঃখ দূর করিবার জন্য একটা ভাবের সম্পর্ক পাতাইয়া লয়। কেবল মাহুষের কাছে বলিয়া নয়, সর্বত্রই। পৃথিবীতে প্রথম আগমন করিয়া মাহুষ যখন দাবাগি ঝটিকা বস্তার সহিত

## সৌন্দর্যের সম্বন্ধ

কিছুতেই পারিয়া উঠিল না, পর্বত যখন শিবের প্রহরী নন্দীর গায় তর্জনী দিয়া পথরোধপূর্বক নীচবে নীলাকাশ স্পর্শ করিয়া দাঁড়াইয়া রহিল, আকাশ যখন স্পর্শাতীত অবিচল মহিমায় অমোঘ ইচ্ছাবলে কখনো বৃষ্টি কখনো বজ্র বর্ষণ করিতে লাগিল, তখন মাহুস তাহাদের সহিত দেবতা পাতাইয়া বসিল। নহিলে চিরনিবাসভূমি প্রকৃতির সহিত কিছুতেই মাহুসের সন্ধি-স্থাপন হইত না। অজ্ঞাতশক্তি প্রকৃতিকে যখন সে ভক্তিভাবে পরিশূর্ণ করিয়া ফেলিল তখনি মানবাত্মা তাহার মধ্যে গৌরবের সহিত বাস করিতে পারিল।'

ক্ষিতি করিল, 'মানবাত্মা কোনোমতে আপনার গৌরব রক্ষা করিবার জন্ত নানাপ্রকার কৌশল করিয়া থাকে সন্দেহ নাই। রাজা যখন যথেষ্টাচার করে, কিছুতেই তাহার হাত হইতে নিষ্কৃতি নাই, তখন প্রজা তাহাকে দেবতা গড়িয়া হীনতানুঃখ বিস্মৃত হইবার চেষ্টা করে। পুরুষ যখন সবল এবং একাধিপত্য করিতে সক্ষম, তখন অসহায় স্ত্রী তাহাকে দেবতা দাঁড় করাইয়া তাহার স্বার্থপর নিষ্ঠুর অত্যাচার কথঞ্চিৎ গৌরবের সহিত বহন করিতে চেষ্টা করে। এ কথা স্বীকার করি বটে, মাহুসের যদি এইরূপ ভাবের দ্বারা অভাব ঢাকিবার ক্ষমতা না থাকিত তবে এত দিনে সে পশুর অধম হইয়া যাইত।'

শ্রোতৃঙ্গিনী ঈষৎ ব্যথিত ভাবে করিল, 'মাহুস যে কেবল অগত্যা এইরূপ আত্মপ্রতারণা করে তাহা নহে। যেখানে আমরা কোনোরূপে অভিভূত নহি, বরং আমরাই যেখানে সবল পক্ষ, সেখানেও আত্মীয়তা-স্থাপনের একটা চেষ্টা দেখিতে পাওয়া যায়। গাভীকে আমাদের দেশের লোক মা বলিয়া, ভগবতী বলিয়া, পূজা করে কেন। সে তো অসহায় পশুমাত্র; পিঁড়ন করিলে, তাড়না করিলে, তাহার হইয়া দু কথা বলিবার কেহ নাই। আমরা বলিষ্ঠ, সে দুর্বল; আমরা মাহুস, সে পশু। কিন্তু

## সৌন্দর্যের সন্ধান

আমাদের সেই শ্রেষ্ঠতাই আমরা গোপন করিবার চেষ্টা করিতেছি। যখন তাহার নিকট হইতে উপকার গ্রহণ করিতেছি তখন যে সেটা বলপূর্বক করিতেছি, কেবল আমরা সফম এবং সে নিরুপায় বলিয়াই করিতেছি, আমাদের অন্তরাত্মা সে কথা স্বীকার করিতে চাহে না। সে এই উপকারিণী পরম বৈধব্যতী প্রশান্তা পশুমাতাকে মা বলিয়া তবেই ইহার দুগ্ধ পান করিয়া যথার্থ তৃপ্তি অনুভব করে : মামুয়েব সহিত পশুর একটি ভাবের সম্পর্ক, একটি সৌন্দর্যের সন্ধান স্থাপন করিয়া, তবেই তাহার সৃজন-চেষ্টা বিশ্রাম লাভ করে।’

ব্যোম গম্ভীর ভাবে কহিল, ‘তুমি একটা খুব বড়ো কথা কহিয়াছ।’

শুনিয়া স্রোতধিনী চমকিয়া উঠিল। এমন দুর্কর্ম কখন করিল সে জানিতে পারে নাই। এই অজ্ঞানকৃত অপরাধের জন্য সলজ্জ সংকুচিত ভাবে সে নীরবে মার্জনা প্রার্থনা করিল।

ব্যোম কহিল, ‘ঐ যে আত্মার সৃজনচেষ্টার কথা উল্লেখ করিয়াছ, উহার সন্ধ্যা অনেক কথা আছে। মাকড়সা যেমন মাঝখানে থাকিয়া চারি দিকে জাল প্রসারিত করিতে থাকে, আমাদের কেন্দ্রবাসী আত্মা সেইরূপ চারি দিকেব সহিত আত্মীয়তাবন্ধন-স্থাপনের জন্য ব্যস্ত আছে; সে ক্রমাগতই বিসদৃশকে সদৃশ, দূরকে নিকট, পরকে আপনার করিতেছে। বসিয়া বসিয়া আত্ম-পরের মধ্যে সহস্র সেতু নির্মাণ করিতেছে। ঐ যে আমরা বাহাকে সৌন্দর্য বলি, সেটা তাহার নিজের সৃষ্টি। সৌন্দর্য আত্মার সহিত জড়ের মাঝখানকার সেতু। বস্তু কেবল পিণ্ডমাত্র; আমরা তাহা হইতে আহার গ্রহণ করি, তাহাতে বাস করি, তাহার নিকট হইতে আঘাতও প্রাপ্ত হই। তাহাকে যদি পর বলিয়া দেখিতাম তবে বস্তুসমষ্টির মতো এমন পর আর কী আছে। কিন্তু আত্মার কার্য আত্মীয়তা করা। সে মাঝখানে একটি সৌন্দর্য পাতাইয়া বসিল। সে যখন জড়কে বলিল

## সৌন্দর্যের সম্বন্ধ

সুন্দর তখন সেও জড়ের অন্তরে প্রবেশ করিল, জড়ও তাহার অন্তরে আশ্রয় গ্রহণ করিল— সে দিন বড়োই পুলকের সঞ্চার হইল। এই সেতু-নির্মাণকার্য এখনো চলিতেছে। কবির প্রধান গোরব ইহাই। পৃথিবীতে চারি দিকের সহিত সে আমাদের পুরাতন সম্বন্ধ দৃঢ় ও নব নব সম্বন্ধ আবিষ্কার করিতেছে। প্রতিদিন পর পৃথিবীকে আপনার এবং জড় পৃথিবীকে আত্মার বাসযোগ্য করিতেছে। বলা বাহুল্য, প্রচলিত ভাষায় যাহাকে জড় বলে আমিও তাহাকে জড় বলিতেছি। জড়ের জড়ত্ব সম্বন্ধে আমার মতামত ব্যক্ত করিতে বসিলে উপস্থিত সভায় সচেতন পদার্থের মধ্যে আমি একা মাত্র অবশিষ্ট থাকিব।’

সমীর ঘোষের কথায় বিশেষ মনোযোগ না করিয়া কহিল, ‘স্রোতস্বিনী কেবল গাভীর দৃষ্টান্ত দিয়াছেন, কিন্তু আমাদের দেশে এ সম্বন্ধে দৃষ্টান্তের অভাব নাই। সে দিন যখন দেগিলাম এক ব্যক্তি বৌদ্ধে ত্যাগিয়া পুড়িয়া আসিয়া মাথা হইতে একটা কেবোসিন তেলের শূণ্য টিনপাত্র কুলে নামাইয়া ‘মা গো’ বলিয়া জ্বলে কাঁপ দিয়া পড়িল, মনে বড়ো একটু লাগিল। এই যে স্নিগ্ধ সুন্দর স্নগভীর জলরাশি স্মিষ্ট কলস্ববে দুই তীরকে স্তনদান করিয়া চলিয়াছে, ইহারই শীতল ক্রোড়ে তাপিত শরীর সমর্পণ করিয়া দিয়া ইহাকে মা বলিয়া আহ্বান করা, অন্তরের এমন সুমধুর উচ্ছ্বাস আর কী আছে! এই ফলশস্যসুন্দর বহুস্বরা হইতে পিতৃপিতামহসেবিত আজ্ঞাপরিচিত বাস্তুগৃহ পর্যন্ত যখন স্নেহসজীব আত্মীয়রূপে দেখা দেয়, তখন জীবন অত্যন্ত উর্বর সুন্দর জ্বাল হইয়া উঠে। তখন জগতের সঙ্গে স্নগভীর যোগসাধন হয়; জড় হইতে জন্তু এবং জন্তু হইতে মানুষ পর্যন্ত যে একটি অবিচ্ছিন্ন ঐক্য আছে এ কথা আমাদের কাছে অত্যন্ত বোধ হয় না; কারণ, বিজ্ঞান এ কথার আভাস দিবার পূর্বে আমরা অন্তর হইতে এ কথা জানিয়াছিলাম; পণ্ডিত আসিয়া

## সৌন্দর্যের সম্বন্ধ

আমাদের জ্ঞাতিসম্বন্ধের কুলজি বাহির করিবার পূর্বেই আমরা নাড়ির টানে সর্বত্র ঘরকন্না পাতিয়া বসিয়াছিলাম।

‘আমাদের ভাষায় খ্যাঙ্ শব্দের প্রতিশব্দ নাই বলিয়া কোনো কোনো যুরোপীয় পণ্ডিত সন্দেহ করেন, আমাদের কৃতজ্ঞতা নাই। কিন্তু আমি তাহার সম্পূর্ণ বিপরীত দেখিতে পাই। কৃতজ্ঞতা স্বীকার করিবার জন্ত আমাদের অন্তর বেন লালায়িত হইয়া আছে। জন্তর নিকট হইতে যাত্রা পাই, জড়ের নিকট হইতে যাত্রা পাই, তাহাকেও আমরা স্নেহ দয়া উপকার-রূপে জ্ঞান করিয়া প্রতিদান দিবার জন্ত ব্যগ্র হই। যে জাতিস্র লাঠিখাল আপনাদের লাঠিকে, ছাত্র আপনাদের গ্রন্থকে এবং শিল্পী আপনাদের যন্ত্রকে কৃতজ্ঞতা-অর্পণ-লালসায় মনে মনে জীবন্ত করিয়া তোলে, একটা বিশেষ শব্দের অভাবে সে জাতিকে অকৃতজ্ঞ বলা যায় না।’

আমি कहিলাম, ‘বলা যাইতে পারে; কারণ, আমরা কৃতজ্ঞতার সীমা লঙ্ঘন করিয়া চলিয়া গিয়াছি। আমরা যে পরস্পরের নিকট অনেকটা পরিমাণে সাহায্য অনংকোচে গ্রহণ করি, অকৃতজ্ঞতা তাহার কারণ নহে, পরস্পরের মধ্যে স্বাতন্ত্র্যভাবের অপেক্ষাকৃত অভাবই তাহার প্রধান কারণ। গিফুক এবং দাতা, অতিথি এবং গৃহস্থ, আশ্রিত এবং আশ্রয়দাতা, প্রভৃ এবং ভূতোর সম্বন্ধ যেন একটা স্বাভাবিক সম্বন্ধ। সুতরাং সে স্থলে কৃতজ্ঞতাপ্রকাশপূর্বক ঋণমুক্ত হইবার কথা কাহারও মনে উদয় হয় না।’

ব্যোম कहিল, ‘বিলাতি হিসাবের কৃতজ্ঞতা আমাদের দেবতাদের প্রতিও নাই। যুরোপীয় ধর্ম বলি ‘খ্যাঙ্ গড’ তখন তাহার অর্থ এই, ঈশ্বর ধর্ম মনোযোগপূর্বক আমার একটা উপকার করিয়া দিলেন তখন সে উপকারটা স্বীকার না করিয়া বর্ষের মতো চলিয়া যাইতে পারি না। আমাদের দেবতাকে আমরা কৃতজ্ঞতা দিতে পারি না; কারণ, কৃতজ্ঞতা

## সৌন্দর্যের সম্বন্ধ

দিলে তাঁহাকে অল্প দেওয়া হয়, তাঁহাকে ফাঁকি দেওয়া হয়। তাঁহাকে বলা হয়, তোমার কাজ তুমি করিলে, আমার কর্তব্যও আমি সারিয়া দিয়া গেলাম। বরঞ্চ স্নেহের এক প্রকার অকৃতজ্ঞতা আছে, কারণ, স্নেহের দাবির অস্ত নাই— সেই স্নেহের অকৃতজ্ঞতাও স্বাতন্ত্র্যের কৃতজ্ঞতা অপেক্ষা গভীরতর, মধুরতর। রামপ্রসাদের গান আছে—

তোমায় মা মা বলে আর ডাকিব না,

আমায় দিয়েছ দিতেছ কত বহুণা।

‘এই উদার অকৃতজ্ঞতা কোনো যুরোপীয় ভাষায় তর্জমা হইতে পারে না।’

ক্ষিত্তি কটাক্ষসহকারে কহিল, ‘যুরোপীয়দের প্রতি আমাদের যে অকৃতজ্ঞতা, তাহারও বোধ হয় একটা গভীর এবং উদার কারণ কিছু থাকিতে পারে। জড়প্রকৃতির সহিত আত্মীয়সম্পর্ক স্থাপন সম্বন্ধে যে কথাগুলি হইল তাহা সম্ভবতঃ অত্যন্ত স্থূলর; এবং গভীর যে তাহার আর সন্দেহ নাই, কারণ এ পর্যন্ত আমি সম্পূর্ণ তলাইয়া উঠিতে পারি নাই। সকলেই তো একে একে বলিলেন যে, আমরাই প্রকৃতির সহিত ভাবের সম্পর্ক পাতাইয়া বসিয়াছি, আর যুরোপ তাহার সহিত দূরের লোকের মতো ব্যবহার করে। কিন্তু জিজ্ঞাসা করি, যদি যুরোপীয় সাহিত্য, ইংরাজি কাব্য, আমাদের না জানা থাকিত তবে আজিকার সভায় এ আলোচনা কি সম্ভব হইত। এবং যিনি ইংরাজি কখনো পড়েন নাই তিনি কি শেষ পর্যন্ত ইহার মর্মগ্রহণ করিতে পারিবেন।’

আমি কহিলাম, ‘না, কখনোই না। তাহার একটু কারণ আছে। প্রকৃতির সহিত আমাদের যেন ভাইবোনের সম্পর্ক এবং ইংরাজি ভাবুকের যেন স্ত্রীপুরুষের সম্পর্ক। আমরা জগ্নাবধিই আত্মীয়, আমরা স্বভাবতঃই এক। আমরা তাহার মধ্যে নব নব বৈচিত্র্য, পরিস্ফুট ভাবচ্ছায়া দেখিতে



## সৌন্দৰ্যৰেৰ সন্মুখ

পাই না, এক প্ৰকাৰ অন্ধ অচেতন স্নেহে মাথামাথি কৰিয়া থাকি। আৰ ইংৰাজ, প্ৰকৃতিৰ বাহিৰ হইতে অন্তৰে প্ৰবেশ কৰিতেছে। সে আপনাৰ স্বাতন্ত্ৰ্য বক্ষা কৰিয়াছে বলিয়াই তাহাৰ পৰিচয় এমন অভিনব আনন্দময়, তাহাৰ মিলন এমন প্ৰগাঢ়তৰ। সেও নববধূৰ জাগ্ৰ প্ৰকৃতিকে আয়ত্ত কৰিবার চেষ্টা কৰিতেছে, প্ৰকৃতিও তাহাৰ মনোহরণেৰ জন্ত আপনাৰ নিগূঢ় সৌন্দৰ্য উদ্ঘাটিত কৰিতেছে। সে প্ৰথমে প্ৰকৃতিকে জড় বলিয়া জানিত, হঠাৎ এক দিন যেন যৌবনাৰস্বে তাহাৰ প্ৰতি দৃষ্টিক্ষেপ কৰিয়া তাহাৰ অনিৰ্বচনীয় অপৰিমেয় আধ্যাত্মিক সৌন্দৰ্য আবিষ্কাৰ কৰিয়াছে। আমৰা আবিষ্কাৰ কৰি নাই; কাৰণ, আমৰা সন্দেহও কৰি নাই, প্ৰশ্নও কৰি নাই।

‘আত্মা অগ্ৰ আত্মাৰ সংঘৰ্ষে তবেই আপনাকে সম্পূৰ্ণ ৰূপে অনুভব কৰিতে পারে, তবেই সে মিলনেৰ আধ্যাত্মিকতা পৰিপূৰ্ণ মাত্ৰায় মস্থিত হইয়া উঠে। একাকী হইয়া থাকা কিছু না থাকার ঠিক পরেই। কোনো একজন ইংৰাজ কবি লিখিয়াছেন, ঈশ্বৰ আপনাৰই পিতৃ-অংশ এবং মাতৃ-অংশকে স্ত্ৰী-পুৰুষ ৰূপে পৃথিবীতে ভাগ কৰিয়া দিয়াছেন; সেই দুই বিচ্ছিন্ন অংশ এক হইবার জন্ত পৰম্পৰেৰ প্ৰতি এমন অনিবার্য আনন্দে আকৃষ্ট হইতেছে; কিন্তু এই বিচ্ছেদটি না হইলে পৰম্পৰেৰ মধ্যে এমন প্ৰগাঢ় পৰিচয় হইত না। ঐক্য অপেক্ষা মিলনেই আধ্যাত্মিকতা অধিক।

‘আমৰা পৃথিবীকে নদীকে মা বলি, আমৰা ছায়ায় বট-অশ্বখকে পূজা কৰি, আমৰা প্ৰস্তৰ-পাৰ্বাণকে সজীব কৰিয়া দেখি, কিন্তু আত্মাৰ মধ্যে তাহাৰ আধ্যাত্মিকতা অনুভব কৰি না। বৰঞ্চ আধ্যাত্মিককে বাস্তবিক কৰিয়া তুলি। আমৰা তাহাতে মনঃকল্পিত মূৰ্তি আৰোপ কৰি, আমৰা তাহাৰ নিকট সুখ-সম্পদ সফলতা প্ৰাৰ্থনা কৰি। কিন্তু

## সৌন্দর্যের সত্বক

আধ্যাত্মিক সম্পর্ক কেবলমাত্র সৌন্দর্য কেবলমাত্র আনন্দের সম্পর্ক, তাহা সুবিধা-অসুবিধা সঙ্ঘ-অপচয়ের সম্পর্ক নহে। ব্রহ্মসৌন্দর্যপ্রবাহিনী জাহ্নবী যখন আত্মার আনন্দ দান করে তখন সে আধ্যাত্মিক; কিন্তু যখন তাহাকে মূর্তিবিশেষে নিবদ্ধ করিয়া তাহার নিকট হইতে ইহকাল অথবা পরকালের কোনো বিশেষ সুবিধা প্রার্থনা করি তখন তাহা সৌন্দর্যহীন মোহ, অন্ধ অজ্ঞানতা মাত্র। তখনি আমরা দেবতাকে পুত্তলিকা করিয়া দিই।

‘ইহকালের সম্পদ এবং পরকালের পুণ্য, হে জাহ্নবী, আমি তোমার নিকট চাহি না এবং চাহিলেও পাইব না। কিন্তু শৈশবকাল হইতে জীবনের কত দিন সুখোদয় ও সুধাস্তে, কৃষ্ণপঙ্কব অর্ধচন্দ্রলোকে, ঘনবর্ষার মেঘশ্রামল মধ্যাহ্নে, আমার অন্তরাত্মাকে যে এক অবর্ণনীয় অলৌকিক পুলকে পরিপূর্ণ করিয়া দিয়াছ, সেই আমার দুর্ভাজ জীবনের আনন্দসঙ্ঘ-গুলি যেন জয়জয়ান্তরে অক্ষয় হইয়া থাকে। পৃথিবী হইতে সমস্ত জীবন যে নিক্রপম সৌন্দর্য চয়ন করিতে পারিয়াছি যাইবার সময় যেন একখানি পূর্ণশতদলের মতো সেটি হাতে করিয়া লইয়া যাইতে পারি, এবং যদি আমার প্রিয়তমের সহিত সাক্ষাৎ হয় তবে তাঁহার করপল্লবে সমর্পণ করিয়া দিয়া একটি বারের মানবজন্ম কৃতার্থ করিতে পারি।’

## নরনারী

সমীর এক সমস্যা উপস্থাপিত করিলেন। তিনি বলিলেন, 'ইংরাজি সাহিত্যে গল্প অথবা পद्य কাব্যে নায়ক এবং নায়িকা উভয়েরই মাহাত্ম্য পরিষ্কৃত হইতে দেখা যায়। ডেম্‌ডিমোনার নিকট গুথেলো এবং ইয়োগো কিছুমাত্র হীনপ্রভ নহে; ক্লিয়োপাট্রা আপনার শ্রামল বক্ষিম বন্ধনজালে অ্যান্টনিকে আচ্ছন্ন করিয়া কেলিয়াছে বটে, কিন্তু তথাপি লতাশাশ-বিজড়িত ভগ্ন জয়ন্তস্তের ন্যায় অ্যান্টনির উচ্চতা সর্বসমক্ষে দৃশ্যমান রহিয়াছে। লামার্মুরের নায়িকা আপনার সত্বরণ সরল স্কুমার সৌন্দর্যে বতাই আমাদের মনোহরণ করুক না কেন, রেভ'ন্থুডের বিবাদঘনঘোর নায়কের নিকট হইতে আমাদের দৃষ্টি আকর্ষণ করিয়া লইতে পারে না। কিন্তু বাংলা সাহিত্যে দেখা যায় নায়িকারই প্রাধান্য। কুম্ভনন্দিনী এবং সূর্যমুখীর নিকট নগেন্দ্র ম্লান হইয়া আছে, রোহিণী এবং ভ্রমরের নিকট গোবিন্দলাল অদৃশ্যপ্রায়, জ্যোতির্ময়ী কপালকুণ্ডলার পার্শ্বে নবকুমার ক্ষীণতম উপগ্রহের ন্যায়। প্রাচীন বাংলা কাব্যেও দেখা। বিদ্যাসুন্দরের মধ্যে সজীব মূর্তি যদি কাহারও থাকে তবে সে কেবল বিদ্যার ও মালিনীর, সুন্দর-চরিত্রে পদার্থের লেশমাত্র নাই। কবিকঙ্কণ-চণ্ডীর স্ববৃহৎ সমভূমির মধ্যে কেবল ফুলবা এবং খুলনা একটু নড়িয়া বেড়ায়, নতুবা ব্যাধটা একটা বিরুদ্ধ বৃহৎ স্বাগুমাত্র এবং ধনপতি ও তাঁহার পুত্র কোনো কাজের নহে। বঙ্গসাহিত্যে পুরুষ মহাদেবের ন্যায় নিশ্চল ভাবে ধূলিশয়ান এবং রমণী তাহার বন্ধের উপর জাগ্রত জীবন্ত ভাবে বিরাজমান। ইহার কারণ কী।'

সমীরের এই প্রশ্নের উত্তর শুনিবার জন্য শ্রোতাবিনী অভ্যস্ত কৌতূহলী হইয়া উঠিলেন এবং দীপ্তি নিত্যন্ত অমনোযোগের ভাণ করিয়া টেবিলের উপর একটা গ্রন্থ খুলিয়া তাহার প্রতি দৃষ্টি নিবদ্ধ করিয়া রাখিলেন।

ক্ষিত্তি কহিলেন, 'তুমি বন্ধিমবাবুর যে কয়েকখানি উপন্যাসের উল্লেখ করিয়াছ সকলগুলিই মানসপ্রধান, কার্যপ্রধান নহে। মানসজগতে স্ত্রীলোকের প্রভাব অধিক, কার্যজগতে পুরুষের প্রভূত। যেখানে কেবল-মাত্র হৃদয়বৃত্তির কথা সেখানে পুরুষ স্ত্রীলোকের সহিত পারিষা উঠিবে কেন। কার্যক্ষেত্রেই তাহার চরিত্রের যথার্থ বিকাশ হয়।'

দীপ্তি আর থাকিতে পারিল না; গ্রন্থ ফেলিয়া এবং ঐদাসীশ্বরের ভাণ পরিহার করিয়া বলিয়া উঠিল, 'কেন। দুর্গেশনন্দিনীতে বিমলার চরিত্র কি কার্যেই বিকশিত হয় নাই। এমন নৈপুণ্য, এমন তৎপরতা, এমন অধ্যবসায় উক্ত উপন্যাসের কয় জন নায়ক দেখাইতে পারিয়াছে। আনন্দমঠ তো কার্যপ্রধান উপন্যাস। সত্যানন্দ জীবানন্দ ভবানন্দ প্রভৃতি সন্তানসম্প্রদায় তাহাতে কাজ করিয়াছে বটে, কিন্তু তাহা কবির বর্ণনামাত্র; যদি কাহারও চরিত্রের মধ্যে যথার্থ কার্যকারিতা পরিষ্কৃত হইয়া থাকে তাহা শাস্তির। দেবীচৌধুরানীতে কে কর্তৃত্বপদ লইয়াছে। রমণী। কিন্তু সে কি অশুঃপুত্রের কর্তৃত্ব। নহে।'

সমীর কহিলেন, 'ভাই ক্ষিত্তি, তর্কশাস্ত্রের সরল রেখার দ্বারা সমস্ত জিনিসকে পরিপাটি রূপে শ্রেণীবিভক্ত করা যায় না। শতরঙ্গ-ফলকেই ঠিক লাল কালো রঙের সমান ছক কাটিয়া ঘর আঁকিয়া দেওয়া যায়, কারণ তাহা নিজীব কার্যমূর্তির রঙ্গভূমি মাত্র; কিন্তু মহুগুচরিত্র বড়ো সিধা জিনিস নহে। তুমি যুক্তিবলে ভাবপ্রধান কর্মপ্রধান প্রভৃতি তাহার যেমনই অকাটা সীমা নির্ণয় করিয়া দেও না কেন, বিপুল সংসারের বিচিত্র কার্যক্ষেত্রে সমস্তই উলট-পালট হইয়া যায়। সমাজের লৌহকটাহের নিয়মে যদি জীবনের অগ্নি না জ্বলিত, তবে মহুগুগু শ্রেণীবিভাগ ঠিক সমান অটল ভাবে থাকিত। কিন্তু জীবনশিখা যখন প্রদীপ্ত হইয়া উঠে, তখন টগবগু করিয়া সমস্ত মানবচরিত্র ফুটিতে থাকে, তখন নব নব

## নরনারী

বিশ্বয়জনক বৈচিত্র্যের আর সীমা থাকে না। সাহিত্য সেই পরিবর্ত্যমান মানবজগতের চঞ্চল প্রতিবিম্ব। তাহাকে সমালোচনাশাস্ত্রের বিশেষণ দিয়া বাধিবার চেষ্টা মিথ্যা। হৃদয়বৃত্তিতে স্ত্রীলোকই শ্রেষ্ঠ এমন কেহ লিখিয়া পড়িয়া দিতে পারে না। ওখেলো তো মানসপ্রধান নাটক, কিন্তু তাহাতে নাটকের হৃদয়বেগের প্রবলতা কী প্রচণ্ড! কিং লিয়ারে হৃদয়ের ঝটিকা কী ভয়ংকর!

যোম সহসা অধীর হইয়া বলিয়া উঠিলেন, 'আহা, তোমরা কৃথা তর্ক করিতেছ। যদি গভীর ভাবে চিন্তা করিয়া দেখ, তবে দেখিবে কার্ধই স্ত্রীলোকের। কার্ধক্ষেত্র ব্যতীত স্ত্রীলোকের অন্তঃস্থান নাই। যথার্থ পুরুষ যোগী, উদাসীন, নির্জনবাসী। ক্যাল্ভিয়ার মরুক্ষেত্রের মধ্যে পড়িয়া পড়িয়া মেঘপাল পুরুষ যখন একাকী উর্ধ্বনেত্রে নিশীথগগনের গ্রহতারণকার গতিবিধি নির্ণয় করিত, তখন সে কী সুখ পাইত! কোন্ নারী এমন অকাজে কালক্ষেপ করিতে পারে। যে জ্ঞান কোনো কার্ধে লাগিবে না কোন্ নারী তাহার জ্ঞান জীবন ব্যয় করে। যে ধ্যান কেবলমাত্র সংসারনির্মুক্ত আত্মার বিস্তৃত আনন্দ-জনক, কোন্ রমণীর কাছে তাহার মূল্য আছে। ক্ষিত্তির কথাগুলো পুরুষ যদি যথার্থ কার্ধশীল হইত তবে মহুগ্গসমাজের এমন উন্নতি হইত না— তবে একটি নৃতন তত্ত্ব, একটি নৃতন ভাব বাহির হইত না। নির্জনের মধ্যে, অবসরের মধ্যে জ্ঞানের প্রকাশ— ভাবের আবির্ভাব। যথার্থ পুরুষ সর্বদাই সেই নিলিপ্ত নির্জনতার মধ্যে থাকে। কার্ধবীর নেপোলিয়ানও কখনোই আপনার কার্ধের মধ্যে সংলিপ্ত হইয়া থাকিতেন না; তিনি যখন যেখানেই থাকুন একটা মহানির্জনে আপন ভাবকাশের দ্বারা বেষ্টিত হইয়া থাকিতেন, তিনি সর্বদাই আপনার একটা মস্ত আইডিয়ায় দ্বারা পরিবর্তিত হইয়া তুমুল কার্ধক্ষেত্রের মাঝখানেও বিজনবাস যাপন করিতেন। ভীম তো কুরুক্ষেত্র-যুদ্ধের

## নরনারী

একজন নাযক কিন্তু সেই ভীষণ জনসংঘাতের মধ্যেও তাঁহার মতো একক প্রাণী আর কে ছিল। তিনি কি কাজ করিতেছিলেন না ধ্যান করিতে-  
ছিলেন। স্ত্রীলোকই যথার্থ কাজ করে। তাহার কাজের মাঝখানে  
কোনো ব্যবধান নাই। সে একেবারে কাজের মধ্যে লিপ্ত, জড়িত। সেই  
যথার্থ লোকালয়ে বাস করে, সংসার রক্ষা করে। স্ত্রীলোকই যথার্থ  
সম্পূর্ণরূপে সঙ্গদান করিতে পারে; তাহার যেন অব্যবহিত স্পর্শ পাওয়া  
যায়, সে স্বতন্ত্র হইয়া থাকে না।'

দীপ্তি কহিল, 'তোমার সমস্ত সৃষ্টিছাড়া কথা— কিছুই বুঝিবার জো  
নাই। মেয়েরা যে কাজ করিতে পারে না এ কথা আমি বলি না,  
তোমরা তাহাদের কাজ করিতে দাও কই।'

ব্যোম কহিলেন, 'স্ত্রীলোকেরা আপনার কর্মবন্ধনে আপনি বন্ধ হইয়া  
পড়িয়াছে। জলন্ত অঙ্গার যেমন আপনার ভস্ম আপনি সঞ্চয় করে, নারী  
তেমনি আপনার শু পাকাই কার্যাবশেষের দ্বারা আপনাকে নিহিত করিয়া  
ফেলে; সেই তাহার অস্তঃপুর, তাহার চারি দিকে কোনো অবসর নাই।  
তাহাকে যদি ভস্মমুক্ত করিয়া বহিঃসংসারের কার্যরাশির মধ্যে নিক্ষেপ  
করা যায় তবে কি কম কাণ্ড হয়! পুরুষের সাধ্য কী তেমন ক্ষতবেগে  
তেমন তুমুল ব্যাপার করিয়া তুলিতে! পুরুষের কাজ করিতে বিলম্ব হয়;  
সে এবং তাহার কার্যের মাঝখানে একটা দীর্ঘ পথ থাকে, সে পথ বিস্তর  
চিন্তার দ্বারা আকীর্ণ। রমণী যদি এক বার বহির্বিপ্লবে যোগ দেয়,  
নিমেষের মধ্যে সমস্ত ধু করিয়া উঠে। এই প্রলয়কারিণী কার্যশক্তিকে  
সংসার বাধিয়া রাখিয়াছে, এই অগ্নিতে কেবল শয়নগৃহের সজ্জাদীপ  
জ্বলিতেছে, শীতার্ঘ প্রাণীর শীত নিবারণ ও স্মৃদার্ঘ প্রাণীর অন্ন প্রস্তুত  
হইতেছে। যদি আমাদের সাহিত্যে এই সুন্দরী বহির্বিপ্লবের তেজ  
দীপ্যমান হইয়া থাকে তবে তাহা লইয়া এত তর্ক কিসের জন্ত।'

## নরনারী

আমি कहিলাম, 'আমাদের সাহিত্যে স্ত্রীলোক বে প্রাধান্য লাভ করিয়াছে তাহার প্রধান কারণ, আমাদের দেশের স্ত্রীলোক আমাদের দেশের পুরুষের অপেক্ষা অনেক শ্রেষ্ঠ ।'

শ্রোতস্বিনীর মুখ ঈষৎ রক্তিম এবং সহাস্ত হইয়া উঠিল । দীপ্তি कहিল, 'এ আবার তোমার বাড়াবাড়ি ।'

বুঝিলাম দীপ্তির ইচ্ছা আমাকে প্রতিবাদ করিয়া স্বজাতির গুণগান বেশি করিয়া গুনিয়া লইবে । আমি তাহাকে সে কথা বলিলাম, এবং कहিলাম, স্ত্রীজাতি স্ততিবাক্য গুনিতে অত্যন্ত ভালোবাসে । দীপ্তি সবলে মাথা নাড়িয়া कहিল, 'কখনোই না ।'

শ্রোতস্বিনী যুহু ভাবে कहিল, 'সে কথা সত্য । অপ্রিয় বাক্য আমাদের কাছে অত্যন্ত অধিক অপ্রিয় এবং প্রিয় বাক্য আমাদের কাছে বড়ো বেশি মধুর ।'

শ্রোতস্বিনী রমণী হইলেও সত্য কথা স্বীকার করিতে কুণ্ঠিত হয় না ।

আমি कहিলাম, 'তাহার একটু কারণ আছে । গ্রন্থকারদের মধ্যে কবি এবং গুণীদের মধ্যে গায়কগণ বিশেষরূপে স্ততিমিষ্টানুপ্রিয় । আসল কথা, মনোহরণ করা বাহাদের কাজ, প্রশংসাই তাহাদের কৃতকার্যতা-পরিমাপের একমাত্র উপায় । অল্প সমস্ত কার্যকলের নানারূপ প্রত্যক্ষ প্রমাণ আছে, স্ততিবাদলাভ ছাড়া মনোরঞ্জনের আর কোনো প্রমাণ নাই । সেই জন্য গায়ক প্রত্যেক বার সময়ের কাছে আসিয়া বাহবা প্রত্যাশা করে । সেই জন্য অনাদর গুণীমাত্রের কাছে এত অধিক অপ্রীতিকর ।'

সমীর कहিলেন, 'কেবল তাহাই নয়, নিকুংসাহ মনোহরণকার্যের একটি প্রধান অস্ত্রায় । শ্রোতার মনকে অগ্রসর দেখিলে তবেই গায়কের মন আপনার সমস্ত ক্ষমতা বিকশিত করিতে পারে । অতএব,

## নরনারী

স্বতিবাদ শুধু যে তাহার পুঙ্কায় তাহা নহে, তাহার কার্যসাধনের একটি প্রধান অঙ্গ ।’

আমি কহিলাম, ‘শ্রীলোকেরও প্রধান কাৰ্য আনন্দ দান করা । তাহার সমস্ত অস্তিত্বকে সংগীত ও কবিতার ছায় সম্পূর্ণ দৌন্দৰ্ঘময় করিয়া তুলিলে তবে তাহার জীবনের উদ্দেশ্য সাধিত হয় । সেই জন্তই শ্রীলোক স্বতিবাদে বিশেষ আনন্দ লাভ করে । কেবল অহংকার-পরিতৃষ্ণির জন্ম নহে ; তাহাতে সে আপনার জীবনের সার্থকতা অহুত্ব করে । ক্রটি-অসম্পূর্ণতা দেখাইলে একেবারে তাহাদের মর্মের মূলে গিয়া আঘাত করে । এই জন্ম লোকনিন্দা শ্রীলোকের নিকট বড়ো ভয়ানক ।’

কিষ্টি কহিলেন, ‘তুমি যাহা বলিলে দ্বিবা কবিত্ব করিয়া বলিলে, শুনিত্তে বেশ লাগিল ; কিন্তু আসল কথাটা এই যে, শ্রীলোকের কার্যের পরিসর সংকীর্ণ । বৃহৎ দেশে ও বৃহৎ কালে তাহার স্থান নাই । উপস্থিতমতো স্বামীপুত্র আত্মীয়স্বজন প্রতিবেশীদিগকে সঙ্কট ও পরিতৃষ্ণ করিতে পারিলেই তাহার কর্তব্য সাধিত হয় । যাহার জীবনের কার্যক্ষেত্র দূর দেশ ও দূর কালে বিস্তীর্ণ, যাহার কার্যের ফলাফল সকল সময় আশু প্রত্যক্ষগোচর নহে, নিকটের লোকের ও বর্তমান কালের নিন্দাস্বত্তির উপর তাহার তেমন একান্ত নির্ভর নহে ; স্বদূর আশা ও বৃহৎ কল্পনা, অনাদর উপেক্ষা ও নিন্দার মধোও তাহাকে অবিচলিত বল প্রদান করিতে পারে । লোকনিন্দা লোকস্বত্তি সৌভাগ্যগর্ভ এবং মান-অভিমাণে শ্রীলোককে যে এমন বিচলিত করিয়া তোলে তাহার প্রধান কারণ, জীবন লইয়া তাহাদের নগদ কারবার, তাহাদের সমুদায় লাভ লোকসান বর্তমানে ; হাতে হাতে যে ফল প্রাপ্ত হয় তাহাই তাহাদের একমাত্র পাওনা ; এই জন্ম তাহারা কিছু কষাকষি করিয়া আদায় করিতে চায়, এক কানা কড়ি ছাড়িতে চায় না ।’



## নরনারী

দীপ্তি বিবস্ত্র হইয়া যুরোপ ও আমেরিকার বড়ো বড়ো বিশ্বহিতৈষিণী রমণীর দৃষ্টান্ত অন্বেষণ করিতে লাগিলেন। শ্রোতাবিনী কহিলেন, 'বৃহৎ ও মহৎ সকল সময়ে এক নহে। আমরা বৃহৎ ক্ষেত্রে কার্য করি না বলিয়া আমাদের কার্যের গৌরব অল্প, এ কথা আমি কিছুতেই মনে করিতে পারি না। পেনৌ প্লাম্ব অস্থিচর্ম বৃহৎ স্থান অধিকার করে, মর্মস্থানটুকু অতি ক্ষুদ্র এবং নিভৃত। আমরা সমস্ত মানবসমাজের সেই মংকোক্ষে বিব্রাজ করি। পুরুষ-দেবভাগ্যে বৃষ মহিষ প্রভৃতি বলবান পশুবাহন আশ্রয় করিয়া ভ্রমণ করেন; স্ত্রী-দেবীগণ হৃদয়শতদলবাসিনী, তাঁহারা একটি বিকশিত ধ্রুব সৌন্দর্যের মাঝখানে পরিপূর্ণ মহিমায় সমানীন। পৃথিবীতে যদি পুনর্জন্মলাভ করি তবে আমি যেন পুনর্বার নারী হইয়া জন্মগ্রহণ করি। যেন ভিখারি না হইয়া, অন্নপূর্ণা হই। একবার ভাবিয়া দেখো, সমস্ত মানবসংসারের মধ্যে প্রতি দিবসের রোগশোক স্মৃৎশ্রীক্ৰান্তি কত বৃহৎ, প্রতি মুহূর্তে কর্মচক্রোৎক্লিপ্ত ধূলিরাশি কত স্তূপাকার হইয়া উঠিতেছে, প্রতি গৃহের রক্ষাকার্য কত অসীমপ্রীতিসাধ্য। যদি কোনো প্রসন্নমুষ্টি প্রকুলমুখী বৈধ্বয়নী লোকবৎসলা দেবী প্রতি দিবসের শিয়রে বাস করিয়া তাহার তপ্ত ললাটে শিথিল স্পর্শ দান করেন, আপনার কার্যকুশল সুন্দর হস্তের দ্বারা প্রত্যেক মুহূর্ত হইতে তাহার মলিনতা অপনয়ন করেন এবং প্রত্যেক গৃহমধ্যে প্রবেশ করিয়া অশ্রান্ত স্নেহে তাহার কল্যাণ ও শাস্তি বিধান করিতে থাকেন, তবে তাঁহার কার্যকুশল সংকীর্ণ বলিয়া তাঁহার মহিমা কে অস্বীকার করিতে পারে। যদি সেই লক্ষ্মীমূর্তির আদর্শখানি হৃদয়ের মধ্যে উজ্জ্বল করিয়া রাখি, তবে নারীজন্মের প্রতি আর অনাদর জন্মিতে পারে না।'

ইহার পর আমরা সকলেই কিছু ক্ষণ চুপ করিয়া রহিলাম। এই অকস্মাৎ নিস্তব্ধতায় শ্রোতাবিনী অভ্যস্ত লঙ্কিত হইয়া উঠিয়া আমাদের

## নরনারী

বলিলেন, 'তুমি আমাদের দেশের জ্বীলোকের কথা কী বলিতেছিলে—  
মাঝে হইতে অন্ত তর্ক আসিয়া সে কথা চাপা পড়িয়া গেল।'

আমি কহিলাম, 'আমি বলিতেছিলাম, আমাদের দেশের জ্বীলোকেরা  
আমাদের পুরুষের চেয়ে অনেক শ্রেষ্ঠ।'

ক্ষিত্তি কহিলেন, 'তাহার প্রমাণ ?'

আমি কহিলাম, 'প্রমাণ হাতে হাতে। প্রমাণ ঘরে ঘরে। প্রমাণ  
অস্তরের মধ্যে। পশ্চিমে ভ্রমণ করিবার সময় কোনো কোনো নদী দেখা  
যায় যাহার অধিকাংশে তপ্ত শুষ্ক বালুকা ধূ ধূ করিতেছে, কেবল এক  
পার্শ্ব দিয়া ক্ষটিকবৃক্ষসলিলা; স্নিগ্ধ নদীটি অতি নম্রমধুর শ্রোতে প্রবাহিত  
হইয়া যাইতেছে। সেই দৃশ্য দেখিলে আমাদের সমাজ মনে পড়ে।  
আমরা অকর্মণ্য, নিষ্ফল নিশ্চল বালুকারাশি স্তূপ্যকার হইয়া পড়িয়া  
আছি, প্রত্যেক সমীরণাসে হুহু করিয়া উড়িয়া যাইতেছি এবং যে কোনো  
কীর্তিস্তম্ভ নির্মাণ করিবার চেষ্টা করিতেছি তাহাই দুই দিনে ধসিয়া  
ধসিয়া পড়িয়া যাইতেছে। আর, আমাদের বাম পার্শ্বে আমাদের রমণীগণ  
নিম্নপথ দিয়া বিনম্র সেবিকার মতো আপনাকে সংকুচিত করিয়া স্বচ্ছ  
সুধাস্রোতে প্রবাহিত হইয়া চলিতেছে। তাহাদের এক মুহূর্ত বিরাম  
নাই। তাহাদের গতি, তাহাদের প্রীতি, তাহাদের সমস্ত জীবন এক  
ধ্রুব লক্ষ্য ধরিয়া অগ্রসর হইতেছে। আমরা লক্ষ্যহীন, ঐক্যহীন, সহস্র-  
পদতলে দলিত হইয়াও মিলিত হইতে অক্ষম। যে দিকে জলস্রোত, যে  
দিকে আমাদের নারীগণ, কেবল সেই দিকে সমস্ত শোভা এবং ছায়া এবং  
সফলতা; এবং যে দিকে আমরা সে দিকে কেবল মরুচাকচিক্য, বিপুল  
শূন্যতা এবং দৃষ্ণ দাস্তবৃত্তি। সমীর, তুমি কী বল।'

সমীর শ্রোতপিনী ও দীপ্তির প্রতি কটাক্ষপাত করিয়া হাসিয়া  
কহিলেন, 'অন্তকার সভায় নিষেদের অসারতা স্বীকার করিবার দুইটি

## নরনারী

মুক্তিমতী বাধা বর্তমান। আমি তাঁহাদের নাম করিতে চাহি না। বিশ্বসংসারের মধ্যে বাঙালি পুরুষের আদর কেবল আপন অন্তঃপুরের মধ্যে। সেখানে তিনি কেবলমাত্র প্রভু নহেন, তিনি দেবতা। আমরা বে দেবতা নহি, তুণ ও মুক্তিকার পুস্তলিকামাত্র, সে কথা আমাদের উপাসকদের নিকট প্রকাশ করিবার প্রয়োজন কী ভাই। ঐ বে আমাদের মুক্ত বিখস্ত ভক্তটি আপন হৃদয়কুঞ্জের সমুদয় বিকশিত হৃন্দর পুষ্পগুলি সোনার খালে সাজাইয়া আমাদের চরণতলে আনিয়া উপস্থিত করিয়াছে, ও কোথায় ফিরাইয়া দিব। আমরাগিকে দেবসিংহাসনে বসাইয়া ঐ বে চিরব্রতধারিণী সেবিকাটি আপন নিভৃত নিত্য প্রেমের মিনিমেঘ সঙ্ঘাতীপটি লইয়া আমাদের এই গৌরবহীন মুখের চতুর্দিকে অনন্ত অতৃপ্তি-ভরে শতসহস্র বার প্রদক্ষিণ করাইয়া আরতি করিতেছে, উহার কাছে যদি খুব উচ্চ হইয়া না বসিয়া রহিলাম, নীরবে পূজা না গ্রহণ করিলাম, তবে উহাদেরই বা কোথায় সুখ আর আনন্দেরই বা কোথায় সম্মান! যখন ছোটো ছিল, তখন মাটির পুতুল লইয়া এমনি ভাবে খেলা করিত যেন তাহার ঐশ্বর্য আছে, যখন বড়ো হইল তখন মাহুয-পুতুল লইয়া এমনি ভাবে পূজা করিতে লাগিল যেন তাহার দেবত্ব আছে। তখন যদি কেহ তাহার খেলার পুতুল ভাঙিয়া দিত তবে কি বালিকা কান্দিত না। এখন যদি কেহ ইহার পূজার পুতুল ভাঙিয়া দেয় তবে কি রমণী ব্যথিত হয় না। যেখানে মনুষ্যত্বের যথার্থ গৌরব আছে সেখানে মনুষ্যত্ব বিনা ছদ্মবেশে সম্মান আকর্ষণ করিতে পারে, যেখানে মনুষ্যত্বের অভাব সেখানে দেবত্বের আয়োজন করিতে হয়। পৃথিবীতে কোথাও বাহ্যদের প্রতিপত্তি প্রতিষ্ঠা নাই তাহারা কি সামান্য মানব-ভাবে স্ত্রীর নিকট সম্মান প্রত্যাশা করিতে পারে। কিন্তু আমরা বে এক-একটি দেবতা, সেই জন্য এমন স্তম্ভর স্তম্ভময় হৃদয়গুলি লইয়া অসংকোচে আপনার পঙ্কিল চরণের পাদপীঠ নির্মাণ করিতে পারিরাছি।'

## নরনারী

দীপ্তি করিলেন, 'যাহার বধার্থ মহুয়া আছে সে যাহার হইয়া দেবতার পূজা গ্রহণ করিতে লজ্জা অনুভব করে, এবং যদি পূজা পায় তবে আপনাকে সেই পূজার যোগ্য করিতে চেষ্টা করে। কিন্তু বাংলাদেশে দেখা যায়, পুরুষসম্প্রদায় আপন দেবত্ব লইয়া নির্লজ্জ ভাবে আশ্ফালন করে। যাহার যোগ্যতা যত অল্প তাহার আড়ম্বর তত বেশি। আজকাল স্ত্রীদিগকে পতিমাহাত্ম্য পতিপূজা শিখাইবার জন্য পুরুষগণ কায়মনোবাক্যে লাগিয়াছেন। আজকাল নৈবেদ্যের পরিমাণ কিঞ্চিৎ কমিয়া আসিতেছে বলিয়া ঠাঁহাদের আশঙ্কা জন্মিতেছে। কিন্তু পত্নীদিগকে পূজা করিতে শিখানো অপেক্ষা পতিদিগকে দেবতা হইতে শিখাইলে কাজে লাগিত। পতিদেবপূজা হ্রাস হইতেছে বলিয়া যাহারা আধুনিক স্ত্রীলোকদিগকে পরিহাস করেন, ঠাঁহাদের যদি লেশমাত্র রসবোধ থাকিত তবে সে বিক্রম ক্রিয়য়া আসিয়া ঠাঁহাদের নিজেকে বিদ্ধ করিত। হায় হায়, বাঙালির মেয়ে পূর্বজন্মে কত পুণ্যই করিয়াছিল তাই এমন দেবলোকে আসিয়া জন্মগ্রহণ করিয়াছে! কী বা দেবতার স্ত্রী! কী বা দেবতার মাহাত্ম্য!'

স্রোতধিনীর পক্ষে ক্রমে অসহ্য হইয়া আসিল। তিনি মাথা নাড়িয়া গভীর ভাবে বলিলেন, 'তোমরা উত্তরোত্তর স্বর এমনি নিখাদে চড়াইতেছ যে, আমাদের স্তবগানের মধ্যে যে মাধুর্ঘটুকু ছিল তাহা ক্রমেই চলিয়া বাইতেছে। এ কথা যদি বা সত্য হয় যে, আমরা তোমাদের স্বতন্ত্রা বাড়াই তোমরা তাহার যোগ্য নহ, তোমরাও কি আমাদের অধিকারপে বাড়াইয়া তুলিতেছ না। তোমরা যদি দেবতা না হও, আমরাও দেবী নহি। আমরা যদি উভয়েই আপোষের দেবদেবী হই, তবে আর ঝগড়া করিবার প্রয়োজন কী। তা ছাড়া, আমাদের তো সকল গুণ নাই— হৃদয়মাহাত্ম্যে যদি আমরা শ্রেষ্ঠ হই, মনোমাহাত্ম্যে তো তোমরা বড়ো।'

আমি কহিলাম, 'মধুর কণ্ঠস্বরে এই স্নিগ্ধ কথাগুলি বলিয়া তুমি বড়ো

## নরনারী

ডালো করিলে। নতুবা দীপ্তির বাকাবাণবর্ষণের পর সত্য কথা বলা দুঃসাধ্য হইয়া উঠিত। দেবী, তোমরা কেবল কবিতার মধ্যে দেবী, মন্দিরের মধ্যে আমরা দেবতা। দেবতার ভোগ ঘাহা কিছু সে আমাদের, আর তোমাদের জন্য কেবল মল্লসংহিতা হইতে দুইখানি কিংবা আড়াইখানি মাত্র মন্ত্র আছে। তোমরা আমাদের এমনি দেবতা যে, তোমরা যে সুখস্বাস্থ্যসম্পদের অধিকারী এ কথা মুখে উচ্চারণ করিলে হস্তাস্পাদ হইতে হয়। সমগ্র পৃথিবী আমাদের, অবশিষ্ট ভাগ তোমাদের; আহারের বেলা আমরা, উচ্ছিষ্টের বেলা তোমরা। প্রকৃতির শোভা, মুক্ত বায়ু, স্বাস্থ্যকর ভ্রমণ আমাদের; এবং দুর্লভ মানবজন্ম ধারণ করিয়া কেবল গৃহের কোণ, রোগের শয্যা এবং বাতায়নের প্রান্ত তোমাদের। আমরা দেবতা হইয়া সমস্ত পদসেবা পাই এবং তোমরা দেবী হইয়া সমস্ত পদপৌড়ন সহ্য কর—প্রণিধান করিয়া দেখিলে এ দুই দেবত্বের মধ্যে প্রভেদ লক্ষিত হইবে।...

‘একটা কথা মনে রাখিতে হইবে, বঙ্গদেশে পুরুষের কোনো কাজ নাই। এ দেশে গার্হস্থ্য ছাড়া আর কিছু নাই, সেই গৃহগঠন এবং গৃহ-বিচ্ছেদ স্ত্রীলোকেই করিয়া থাকে। আমাদের দেশে ভালোমন্দ সমস্ত শক্তি স্ত্রীলোকের হাতে; আমাদের রমণীরা সেই শক্তি চিরকাল চালনা করিয়া আসিয়াছে। একটি ক্ষুদ্র ছিপ্‌ছিপে তক্তকে স্ত্রীমূনোকা যেমন বৃহৎ বোঝাই-ভরা গাধা-বোটটাকে শ্রোতের অক্ষকূলে ও প্রতিকূলে টানিয়া লইয়া চলে, তেমনি আমাদের দেশীয় গৃহিণী লোকলৌকিকতা আত্মীয় কুটুম্বিতা-পরিপূর্ণ বৃহৎ সংসার এবং স্বামী-নামক একটি চলৎশক্তিরহিত অনাবশ্যক বোঝা পশ্চাতে টানিয়া লইয়া আসিয়াছে। অল্প দেশে পুরুষেরা সঙ্ঘবিশিষ্ট রাজ্যাচালনা প্রভৃতি বড়ো বড়ো পুরুষোচিত কার্যে বহু কাল ব্যাপ্ত থাকিয়া নারীদের হইতে স্বতন্ত্র একটি প্রকৃতি গঠিত

## নরনারী

করিয়া তোলে। আমাদের দেশে পুরুষেরা গৃহপালিত, মাতৃপালিত, পত্নীচালিত। কোনো বৃহৎ ভাব, বৃহৎ কার্য, বৃহৎ ক্ষেত্রের মধ্যে তাহাদের জীবনের বিকাশ হয় নাই; অথচ অধীনতার পীড়ন, দাসত্বের হীনতা, দুর্বলতার লাঞ্ছনা তাহাদিগকে নতশিরে সহ্য করিতে হইয়াছে। তাহাদিগকে পুরুষের কোনো কর্তব্য করিতে হয় নাই এবং কাপুরুষের সমস্ত অপমান বহিতে হইয়াছে। সৌভাগ্যক্রমে স্ত্রীলোককে কখনো বাহিরে গিয়া কর্তব্য খুঁজিতে হয় না, তরুণাথায় ফলপুষ্পের মতো কর্তব্য তাহার হাতে আপনি আসিয়া উপস্থিত হয়। সে যখন ভালোবাসিতে আরম্ভ করে তখন তাহার কর্তব্য আবৃত্ত হয়; তপনি তাহার চিন্তা বিবেচনা যুক্তি কার্য, তাহার সমস্ত চিন্তাবৃত্তি, সম্ভাগ হইয়া উঠে; তাহার সমস্ত চরিত্র উদ্ভিন্ন হইয়া উঠিতে থাকে। বাহিরের কোনো রাষ্ট্রবিপ্লব তাহার কার্যের ব্যাঘাত করে না, তাহার গৌরবের হ্রাস করে না, জাতীয় অধীনতার মধ্যেও তাহার তেজ রক্ষিত হয়।’

স্রোতস্থিনীর দিকে কিরিয়া কহিলাম, ‘আজ আমরা একটি নূতন শিক্ষা এবং বিদেশী ইতিহাস হইতে পুরুষকারের নূতন আদর্শ প্রাপ্ত হইয়া বাহিরের কর্মক্ষেত্রের দিকে দাবিত হইতে চেষ্টা করিতেছি। কিন্তু ভিজ্জা কাঠ জ্বলে না, ঘরিচা-ধরা চাকা চলে না; যত জ্বলে তাহার চেয়ে ধোঁয়া বেশি হয়, যত চলে তাহার চেয়ে শব্দ বেশি করে। আমরা চিরদিন অকর্মণ্য ভাবে কেবল দলাদলি কানাকানি হাসাহাসি করিয়াছি, তোমরা চিরকাল তোমাদের কাজ করিয়া আসিয়াছ। এই জ্ঞান শিক্ষা তোমরা যত সহজে যত শীঘ্র গ্রহণ করিতে পার, আপনাদের আয়ত্ত করিতে পার, তাহাকে আপনাদের জীবনের মধ্যে প্রবাহিত করিতে পার, আমরা তেমন পারি না।’

স্রোতস্থিনী অনেক ক্ষণ চুপ করিয়া রহিলেন; তার পর ধীরে ধীরে

## নরনারী

কহিলেন, 'যদি বৃত্তিতে পারিতাম আমাদের কিছু করিবার আছে এবং কী উপায়ে কী কর্তব্যসাধন করা যায়, তাহা হইলে আর কিছু না হটুক চেষ্টা করিতে পারিতাম।'

আমি কহিলাম, 'আর তো কিছু করিতে হইবে না। যেমন আছে তেমনি থাকে। লোকে দেখিয়া বৃত্তিতে পারুক, সত্য, সরলতা, শ্রী যদি মূর্তি গ্রহণ করে তবে তাহাকে কেমন দেখিতে হয়। যে গৃহে লক্ষী আছে সে গৃহে বিশৃঙ্খলতা কুশ্রীতা নাই। আজকাল আমরা যে সমস্ত অগ্রগতি করিতেছি তাহার মধ্যে লক্ষীর হস্ত নাই এই জন্য তাহার মধ্যে বড়ো বিশৃঙ্খলতা, বড়ো বাড়াবাড়ি—তোমরা শিক্ষিতা নারীরা তোমাদের হৃদয়ের সৌন্দর্য লইয়া যদি এই সমাজের মধ্যে, এই অসংযত কার্যশূণ্যের মধ্যে আসিয়া পাড়াও তবেই ইহার মধ্যে লক্ষীস্থাপনা হয়; তবে অতি সহজেই সমস্ত শোভন, পরিপাটি এবং সামঞ্জস্যবদ্ধ হইয়া আসে।'

শ্রোতস্থিনী আর কিছু না বলিয়া সঙ্কতজ্ঞ স্নেহদৃষ্টির দ্বারা আমার ললাট স্পর্শ করিয়া গৃহকাৰ্যে চলিয়া গেল।

দীপ্তি ও শ্রোতস্থিনী সভা ছাড়িয়া গেলে ক্ষিতি হাঁপ ছাড়িয়া কহিল, 'এইবার সত্য কথা বলিবার সময় পাইলাম। বাতাসটা এইবার মোহমুক্ত হইবে। তোমাদের কথাটা অত্যাঙ্কিতে বড়ো, আমি তাহা সহ্য করিরাছি; আমার কথাটা লঙ্ঘ্য যদি বড়ো হয় সেটা তোমাদের সহ্য করিতে হইবে।

'আমাদের সভাপতিমহাশয় সকল বিষয়ের সকল দিক দেখিবার সাধনা করিয়া থাকেন এইরূপ তাঁহার নিজের ধারণা। এই গুণটি যে সঙ্গুণ আমাদের তাহাতে সন্মুহ আছে। ওকে বলা যায় বুদ্ধির পেটুকতা।

## নরনারী

লোভ সঞ্চয়ন করিয়া যে মানুষ বাদশাহ দিয়া বাছিয়া খাইতে জানে সেই স্বার্থ খাইতে পারে। আহারে বাহার পক্ষপাতের সংঘম আছে সেই করে স্বাদগ্রহণ, এবং ধারণ করে সম্যকরূপে। বুদ্ধির যদি কোনো পক্ষপাত না থাকে, যদি বিষয়ের সবটাকেই গিলিয়া ফেলার কুশী অভ্যাস তাহার থাকে, তবে সে বেশি পায় কল্পনা করিয়া, আসলে কম পায়।

‘যে মানুষের বুদ্ধি সাধারণতঃ অতিরিক্ত পরিমাণে অপক্ষপাতী সে যখন বিশেষ ক্ষেত্রে পক্ষপাতী হইয়া পড়ে, তখন একেবারে আত্মবিস্মৃত হইতে থাকে, তখন তার সেই অমিতাচারে ধৈর্য রক্ষা করা কঠিন হয়। সত্যপতিমহাশয়ের একমাত্র পক্ষপাতের বিষয় নারী। সে সঘনাই তাঁহার অতিশয়োক্তি মনের স্বাস্থ্য-রক্ষার প্রতিকূল এবং সত্যবিচারের বিরোধী।

‘পুরুষের জীবনের ক্ষেত্র বৃহৎ সংসারে, সেখানে সাধারণ মানুষের ভুলচুক ক্রটি পরিমাণে বেশি হইয়াই থাকে। বৃহত্তের উপযুক্ত শক্তি সাধনাসাপেক্ষ, কেবলমাত্র সহজ বুদ্ধির জোরে সেখানে ফল পাওয়া যায় না। স্ত্রীলোকের জীবনের ক্ষেত্র ছোটো সংসারে, সেখানে সহজ বুদ্ধিই কাজ চালাইতে পারে। সহজ বুদ্ধি দৈব অভ্যাসের অল্পগামী, তাহার অশিক্ষিতপটুত্ব, তাই বলিয়াই সে সুশিক্ষিতপটুত্বের উপরে বাহাদুরি লইবে, এ তো সহ করা চলে না। ক্ষুদ্র সীমার মধ্যে যাহা সহজে স্কন্দর, তার চেয়ে বড়ো জ্ঞাতের স্কন্দর তাহাই, বৃহৎ সীমায় যুদ্ধের ক্ষতচিহ্নে যাহা চিহ্নিত, অস্কন্দরের সংঘর্ষে ও সংযোগে যাহা কঠিন, যাহা অতি-সৌষম্যে অস্তিত্বলিত অতিনির্খুঁত নয়।

‘দেশের পুরুষদের প্রতি তোমরা যে ঐকান্তিক ভাবে অবিচার করিয়াছ তাহাকে আমি দিকার দিই, তাহার অমিতভাষণেই প্রমাণ হয় তাহার অমূলকতা। পৃথিবীতে কাপুরুষ অনেক আছে, আমাদের দেশে হয়তো



## নরনারী

বা সংখ্যায় আরো বেশি। তার প্রধান কারণটার আভাস পূর্বেই দিয়াছি। বর্ধাৰ্থ পুরুষ হওয়া সহজ নয়, তাহা দুৰ্ম্মূল্য বলিয়াই দুৰ্লভ। আদৰ্শ নারীর উপকরণ-আয়োজন অনেকখানিই জোগাইয়াছে প্রকৃতি। প্রকৃতির আদুরে সন্তান নয় পুরুষ, বিশ্বের শক্তিভাণ্ডার তাহাকে লুণ্ঠ করিয়া লইতে হয়। এই জল পৃথিবীতে অনেক পুরুষ অকৃতার্থ। কিন্তু যাহারা সার্থক হইতে পারে তাহাদের তুলনা তোমার মেয়েমহলে মিলিবে কোথায়। অস্তিত আমাদের দেশে, এই অকৃতার্থতার কি একটা কারণ নয় মেয়েরাই। তাহাদের অঙ্কসংস্কার, তাহাদের আসক্তি, তাহাদের দীৰ্ঘা, তাহাদের কুপণতা! মেয়েরা সেখানেই ত্যাগ করে যেখানে তাহাদের প্রবৃত্তি ত্যাগ করায়, তাহাদের সন্তানের জন্ত, প্রিয়জনের জন্ত। পুরুষের বর্ধাৰ্থ ত্যাগের ক্ষেত্র প্রবৃত্তির বিরুদ্ধে। এ কথা মনে রাখিয়া দুই জাতের তুলনা করিযো।

‘জৈগকে মনে মনে স্ত্রীলোক পরিহাস করে; জানে সেটা মোহ, সেটা দুৰ্বলতা। একান্ত মনে আশা করি, দীপ্তি ও শ্রোতশ্রিনী তোমাদের বাড়াবাড়ি লইয়া উচ্ছ্বাসি হাসিতেছে; না যদি হাসে তবে তাহাদের পরে আমার শ্রদ্ধা থাকিবে না। তাহারা নিজের স্বভাবের নীমা কি নিজেবাও জানে না। পরকে ভোলাইবার জন্ত অহংকার মার্জনীয়, কিন্তু সেই শব্দে মনে মনে চাপা হাসি হাসা দরকার। নিজেকে ভোলাইবার জন্ত যাহারা অপরিমিত অহংকার অবিচলিত গান্ধীর্ষের সহিত আত্মসাৎ করিতে পারে তাহারা যদি স্ত্রীজাতীয় হয় তবে বলিতে হইবে, মেয়েদের হান্ততা-বোধ নাই—সেটাই হসনীয়, এমন কি শোচনীয়। স্বর্গের দেবীরা স্তবের কোনো অভিভাষণে কুণ্ঠিত হন না, আমাদের মর্ডের দেবীদেরও যদি সেই গুণটি থাকে তবে তাঁহাদের দেবী উপাধি কেবলমাত্র সেই কারণেই সার্থক।

## নরনারী

‘তার পরে একটা কথা বলিতে ইচ্ছা করে না, কিন্তু তোমাদের আলোচনার ওজন বন্ধার স্তম্ভ বলা দরকার। মেয়েদের ছোটো সংসারে সর্বত্রই অথবা প্রায় সর্বত্রই যে মেয়েরা লক্ষ্মীর আদর্শ এ কথা যদি বলি তবে লক্ষ্মীর প্রতি লাইবেল করা হইবে। তাহার কারণ, সহজ প্রবৃত্তি, বাহ্যকে ইংরেজিতে ইনস্টিংক্ট বলে, তাহার ভালো আছে, মন্দও আছে। বুদ্ধির দুর্বলতার সংযোগে এই সমস্ত অন্ধ প্রবৃত্তি কত ঘরে কত অসহ্য ক্রোধ, কত দারুণ সর্বনাশ ঘটায় সে কথা কি দীপ্তি ও শ্রোতবিনীর অসাক্ষাতেও বলা চলিবে না। দেশের বন্ধে মেয়েদের স্থান বটে, সেই বন্ধে তাহারা মৃত্যুর বে জগদল পাথর চাপাইয়া রাখিয়াছে, সেটাকে শুধু দেশকে টানিয়া তুলিতে পারিবে কি। তুমি বলিবে, সেটার কারণ অশিক্ষা। শুধু অশিক্ষা নয়, অতি মাত্রায় হৃদয়ালুতা।...’

‘তোমাদের শিল্পেরি সাংঘাতিক ভেঙ্গে উচ্চত হইয়া উঠিতেছে। আজ তোমরা অনেক কষ্ট ভাষা নিক্ষেপ করিবে জানি, কেননা মনে মনে বুঝিয়াছ, আমার কথাটা সত্য। সেই গর্ব মনে লইয়া দৌড় মরিলাম; গাড়ি ধরিতে হইবে।’

## পল্লিগ্রামে

আমি এখন বাংলাদেশের এক প্রান্তে যেখানে বাস করিতেছি এখানে কাছাকাছি কোথাও পুলিশের থানা, ম্যাজিস্ট্রেটের কাছারি নাই। রেলোয়ে স্টেশন অনেকটা দূরে। যে পৃথিবী কেনাবেচা বাসানুবাদ মামলা-মকদ্দমা এবং আত্মগরিমার বিজ্ঞাপন প্রচার করে, কোনো একটা প্রস্তরকঠিন পাকা বড়ো রাস্তার দ্বারা তাহার সহিত এই লোকালয়গুলির যোগস্থাপন হয় নাই। কেবল একটি ছোটো নদী আছে। যেন সে কেবল এই কয়খানি গ্রামেরই ঘরের ছেলেমেয়েদের নদী। অল্প কোনো বৃহৎ নদী, সুন্দর সমুদ্র, অপরিচিত গ্রামনগরের সহিত যে তাহার যাতায়াত আছে তাহা এখানকার গ্রামের লোকেরা যেন জানিতে পারে নাই, তাই তাহারা অত্যন্ত স্মৃষ্টি একটা আদরের নাম দিয়া ইহাকে নিতান্ত আত্মীয় করিয়া লইয়াছে।

এখন ভাত্রমাসে চতুর্দিক জলমগ্ন— কেবল ধাঙ্গক্ষেত্রের মাথাগুলি অল্পই জাগিয়া আছে। বহু দূরে দূরে এক-একখানি তরুবেষ্টিত গ্রাম উচ্চভূমিতে দীপের মতো দেখা যাইতেছে।

এখানকার মাহুসগুলি এমনি অম্বরক্ত ভক্তস্বভাব, এমনি সরল বিশ্বাস-পরায়ণ যে, মনে হয় আজাম ও ইভ জ্ঞানবৃক্ষের ফল খাইবার পূর্বেই ইহাদের বংশের আদিপুরুষকে জন্মদান করিয়াছিলেন। সেই জন্ত শয়তান যদি ইহাদের ঘরে আসিয়া প্রবেশ করে তাহাকেও ইহারা শিশুর মতো বিশ্বাস করে এবং মাত্র আতিথির মতো নিজের আহারের অংশ দিয়া সেবা করিয়া থাকে।

এই সমস্ত মাহুসগুলির স্নিগ্ধ জন্মযাত্রমে যখন বাস করিতেছি এমন সময়ে আমাদের পঞ্চভূত-সভার কোনো একটি সভ্য আমাকে কতকগুলি খবরের কাগজের টুকরা কাটিয়া পাঠাইয়া দিলেন। পৃথিবী যে ঘুরিতেছে,

## পল্লিগ্রামে

হিব হইয়া নাই, তাহাই স্মরণ করাইয়া দেওয়া তাঁহার উদ্দেশ্য । তিনি লগুন হইতে, প্যারিস হইতে, ঐতিহাসিক সংবাদের ঘূর্ণাবাস সংগ্রহ করিয়া ডাকসোণে এই জলনিম্ন শ্রামসুকোমল ধাতুক্ষেত্রের মধ্যে পাঠাইয়া দিয়াছেন ।

একপ্রকার ভালোই করিয়াছেন । কাগজগুলি পড়িয়া আমার অনেক কথা মনে উদয় হইল, বাহা কলিকাতায় থাকিলে আমার ভালোরূপ হৃদয়ংগম হইত না ।

আমি ভাবিতে লাগিলাম, এখানকার এই যে সমস্ত নিরক্ষর নির্বোধ চাবাকুয়ার দল— খিওরিতে আমি ইহাদিগকে অসভ্য বর্বর বলিয়া অবজ্ঞা করি, কিন্তু কাছে আসিয়া প্রকৃতপক্ষে আমি ইহাদিগকে আত্মীয়ের মতো ভালোবাসি । এবং ইহাও দেখিয়াছি আমার অন্তঃকরণ গোপনে ইহাদের প্রতি একটি শ্রদ্ধা প্রকাশ করে ।

কিন্তু লগুন-প্যারিসের সহিত তুলনা করিলে ইহারা কোথায় গিয়া পড়ে ! কোথায় সে শিল্প, কোথায় সে সাহিত্য, কোথায় সে রাজনীতি । দেশের জন্ত প্রাণ দেওয়া দূরে থাক, দেশ কাহাকে বলে তাহাও ইহারা জানে না ।

এ সমস্ত কথা সম্পূর্ণরূপে পর্যালোচনা করিয়াও আমার মনের মধ্যে একটি দৈববাণী ধ্বনিত হইতে লাগিল— তবু এই নির্বোধ সবল মানুষগুলি কেবল ভালোবাসা নহে, শ্রদ্ধার যোগ্য ।

কেন আমি ইহাদিগকে শ্রদ্ধা করি তাই ভাবিয়া দেখিতেছিলাম । দেখিলাম, ইহাদের মধ্যে যে একটি সরল বিশ্বাসের ভাব আছে তাহা অত্যন্ত বহুমূল্য । এমন কি, তাহাই মনুষ্যত্বের চিরসাধনার ধন । যদি মনের ভিতরকার কথা খুলিয়া বলিতে হয় তবে এ কথা স্বীকার করিব, আমার কাছে তাহা অপেক্ষা মনোহর আর কিছু নাই ।

## পল্লিগ্রামে

সেই সরলতাটুকু চলিয়া গেলে সভ্যতার সমস্ত সৌন্দর্যটুকু চলিয়া যায়। কারণ, স্বাস্থ্য চলিয়া যায়। সরলতাই মনুষ্যপ্রকৃতির স্বাস্থ্য।

যতটুকু আহ্বার করা যায় ততটুকু পরিপাক হইলে শরীরের স্বাস্থ্যরক্ষা হয়। মসলা দেওয়া দ্রুতপকু স্বাস্থ্য চর্ব চোয় লেহ পদার্থকে স্বাস্থ্য বলে না।

সমস্ত জ্ঞান ও বিশ্বাসকে সম্পূর্ণ পরিপাক করিয়া স্বভাবের সহিত একীভূত করিয়া লওয়ার অবস্থাকেই বলে সরলতা, তাহাই মানসিক স্বাস্থ্য। বিবিধ জ্ঞান ও বিচিত্র মতামতকে মনের স্বাস্থ্য বলে না।

এখানকার এই নির্বোধ গ্রাম্য লোকেরা যে সকল জ্ঞান ও বিশ্বাস লইয়া সংসারযাত্রা নির্বাহ করে সে সমস্তই ইহাদের প্রকৃতির সহিত এক হইয়া মিশিয়া গেছে। যেমন নিশ্বাসপ্রশ্বাস রক্তচলাচল আমাদের হাতে নাই, তেমনি এ সমস্ত মতামত রাখা না রাখা তাহাদের হাতে নাই। তাহারা যাহা কিছু জানে, যাহা কিছু বিশ্বাস করে, নিতাস্তই সহজে জানে ও সহজে বিশ্বাস করে। সেই জগৎ তাহাদের জ্ঞানের সহিত, বিশ্বাসের সহিত, কাজের সহিত, মাগুণের সহিত এক হইয়া গিয়াছে।

একটা উদাহরণ দিই। অতিথি ঘরে আসিলে ইহারা তাহাকে কিছুতেই ফিরায় না। আন্তরিক ভক্তির সহিত অক্ষুণ্ণ মনে তাহার সেবা করে। সে জন্ম কোনো ক্ষতিকে ক্ষতি, কোনো ক্রেশকে ক্রেশ বলিয়া তাহাদের মনে উদয় হয় না। আয়িও আতিথ্যকে কিয়ৎপরিমাণে ধর্ম বলিয়া জানি, কিন্তু তাহাও জানে জানি, বিশ্বাসে জানি না। অতিথি দেবিবামাত্র আমার সমস্ত চিন্তবৃত্তি তৎক্ষণাৎ তৎপর হইয়া আতিথ্যের দিকে ধাবমান হয় না। মনের মধ্যে নানারূপ তর্ক ও বিচার করিয়া থাকি। এ সম্বন্ধে কোনো বিশ্বাস আমার প্রকৃতির সহিত এক হইয়া যায় নাই।

কিন্তু স্বভাবের ভিন্ন ভিন্ন অংশের মধ্যে অবিচ্ছেদ্য ঐক্যই মনুষ্যত্বের

## পল্লিগ্রামে

চরম লক্ষ্য। নিম্নতম জীবশ্রেণীর মধ্যে দেবা বায় তাহাদের অঙ্গপ্রত্যঙ্গ ছেদন করিলেও, তাহাদিগকে দুই-চারি অংশে বিভক্ত করিলেও, কোনো ক্ষতিবৃদ্ধি হয় না। কিন্তু জীবগণ যতই উন্নতিলাভ করিয়াছে ততই তাহাদের অঙ্গপ্রত্যঙ্গের মধ্যে ঘনিষ্ঠতর ঐক্য স্থাপিত হইয়াছে।

মানবস্বভাবের মধ্যেও জ্ঞান বিশ্বাস ও কার্যের বিচ্ছিন্নতা উন্নতির নিয়মধাঙ্গগত। তিনের মধ্যে অভেদ সংযোগই চরম উন্নতি।

কিন্তু যেখানে জ্ঞান বিশ্বাস কার্যের বৈচিত্র্য নাই সেখানে এই ঐক্য অপেক্ষাকৃত স্থূলভ। ফুলের পক্ষে সুন্দর হওয়া যত সহজ, জীবশরীরের পক্ষে তত নহে। জীবদেহের বিবিধকাষোপযোগী বিচিত্র অঙ্গপ্রত্যঙ্গ-সমাবেশের মধ্যে তেমন নিখুঁত সম্পূর্ণতা বড়ো দুর্লভ। জন্তুদের অপেক্ষা মানুষের মধ্যে সম্পূর্ণতা আরো দুর্লভ। মানসিক প্রকৃতি সম্বন্ধেও এ কথা খাটে।

আমার এই ক্ষুদ্র গ্রামের চাষাদের প্রকৃতির মধ্যে যে একটি ঐক্য দেখা যায় তাহার মধ্যে বৃহৎ জটিলতা কিছুই নাই। এই ধরাপ্রান্তে ধানক্ষেত্রের মধ্যে সামান্য গুটিকতক অভাব মোচন করিয়া জীবনধারণ করিতে অধিক দর্শন বিজ্ঞান সমাজতত্ত্বের প্রয়োজন হয় না। যে গুটিকয়েক আদিম পরিবারনীতি গ্রামনীতি এবং প্রজানীতির আবশ্যক, সে কয়েকটি অতি সহজেই মানুষের জীবনের সহিত মিশিয়া অঞ্চল জীবন্ত ভাব ধারণ করিতে পারে।

তবু ক্ষুদ্র হইলেও ইহার মধ্যে যে একটি সৌন্দর্য আছে তাহা চিন্তকে আকর্ষণ না করিয়া থাকিতে পারে না, এবং এই সৌন্দর্যটুকু অশিক্ষিত ক্ষুদ্র গ্রামের মধ্য হইতে পনের ণায় উদ্ভিন্ন হইয়া উঠিয়া সমস্ত গর্বিত সভ্যসমাজকে একটি আদর্শ দেখাইতেছে। সেই জন্ত লওন-প্যারিসের তুফল সভ্যতা-কোলাহল দূর হইতে সংবাদপত্রযোগে কানে আসিয়া

## পল্লিগ্রামে

বাজিলেও আমার গ্রামটি আমার হৃদয়ের মধ্যে অল্প প্রধান স্থান অধিকার করিয়াছে।

আমার নানাচিত্তাবিক্ৰিপ্ত চিন্তের কাছে এই ছোটো পল্লীটি তানপুবার সবল হৃদের মতো একটি নিত্য আদর্শ উপস্থিত করিয়াছে। সে বলিতেছে, 'আমি মহৎ নহি, বিস্ময়জনক নহি, কিন্তু আমি ছোটোব মধ্যে সম্পূর্ণ স্তুরাং অল্প সমস্ত অভাব সত্ত্বেও আমার যে একটি মাধুর্য আছে তাহা স্বীকার করিতেই হইবে। আমি ছোটো বলিয়া তুচ্ছ কিন্তু সম্পূর্ণ বলিয়া সুন্দর এবং এই সৌন্দর্য তোমাদের জীবনের আদর্শ।'

অনেকে আমার কথায় হাস্ত সঞ্চরণ করিতে পারিবেন না। কিন্তু তবু আমার বলা উচিত, এই মুঢ় চাষীদের স্বয়মাহীন মুখের মধ্যে আমি একটি সৌন্দর্য অন্বেষণ করি বাহা রমণীর সৌন্দর্যের মতো। আমি নিজেই তাহাতে বিন্মিত হইয়াছি এবং চিন্তা করিয়াছি, এ সৌন্দর্য কিসের। আমার মনে তাহার একটা উত্তরও উদয় হইয়াছে।

বাহার প্রকৃতি কোনো একটি বিশেষ স্থায়ী ভাবকে অখলনন করিয়া থাকে, তাহার মুখে সেই ভাব ক্রমশ একটি স্থায়ী লাবণ্য অঙ্কিত করিয়া দেয়।

আমার এই গ্রাম্য লোকসকল জন্মাবধি কতকগুলি স্থির ভাবের প্রাপ্তি স্থির দৃষ্টি বদ্ধ করিয়া রাখিয়াছে, সেই কারণে সেই ভাবগুলি ইহাদের দৃষ্টিতে আপনাকে অঙ্কিত করিয়া দিবার সুদীর্ঘ অবসর পাইয়াছে। সেই জন্ত ইহাদের দৃষ্টিতে একটি সক্রমণ বৈধ, ইহাদের মুখে একটি নির্ভরশরায়ণ বৎসল ভাব, স্থিররূপে প্রকাশ পাইতেছে।

বাহারা সকল বিশ্বাসকেই প্রেম করে এবং নানা বিপরীত ভাবকে পরখ করিয়া দেখে তাহাদের মুখে একটা বুদ্ধির তীব্রতা এবং সন্ধানপরতার পটু প্রকাশ পায়, কিন্তু ভাবের গভীর নিভ সৌন্দর্য হইতে সে অনেক উচ্চ।

## পল্লিগ্রামে

আমি যে ক্ষুদ্র নদীটিতে নৌকা গইয়া আছি ইহাতে স্রোত নাই বলিলেও হয়, সেই স্রোত এই নদী কুমুদে কল্লায়ে পদ্মে শৈবালে সমাজের হইয়া আছে। সেইরূপ একটা স্থায়িত্বের অবলম্বন না পাইলে ভাবসৌন্দর্যও গভীর ভাবে বহুমূল হইয়া আপনাকে বিকশিত করিবার অবসর পায় না।

প্রাচীন যুরোপ নব্য আমেরিকার প্রধান অভাব অহুভব করে সেই ভাবের। তাহার ঐজ্জলা আছে, চাকলা আছে, কাঠিন্ত আছে, কিন্তু ভাবের গভীরতা নাই। সে বড়োই বেশিমাাত্রায় নূতন, তাহাতে ভাব জন্মাইবার সময় পায় নাই। এখনো সে সত্যতা মাহুষের সহিত মিশ্রিত হইয়া গিয়া মাহুষের হৃদয়ের দ্বারা অহুরাজিত হইয়া উঠে নাই। সত্য মিথ্যা বলিতে পারি না, এইরূপ তো শুনা যায় এবং আমেরিকার প্রকৃত সাহিত্যের বিরলতায় এইরূপ অহুমান করাও যাইতে পারে। প্রাচীন যুরোপের ছিত্রে ছিত্রে কোণে কোণে অনেক শ্রামল পুরাতন ভাব অঙ্কিত হইয়া তাহাকে বিচিত্র লাভণ্যে মণ্ডিত করিয়াছে, আমেরিকার সেই লাভণ্যটি নাই। বহু স্মৃতি জনপ্রবাদ বিশ্বাস ও সংস্কারের দ্বারা এখনো তাহাতে মানবজীবনের রঙ ধরিয়া যায় নাই।

আমার এই চাবাদের মুখে অস্তঃপ্রকৃতির সেই রঙ ধরিয়া গেছে। মারলোর সেই পুরাতন শ্রীটুকু সকলকে দেখাইবার স্রোত আমার বড়ো একটি আকাঙ্ক্ষা হইতেছে। কিন্তু সেই শ্রী এতই সুকুমার যে, কেহ যদি বলেন 'দেখিলাম না' এবং কেহ যদি হাস্ত করেন তবে তাহা নির্দেশ করিয়া দেওয়া আমার ক্ষমতার অতীত।

এই ধবরের কাগজের টুকরাগুলো পড়িতেছি আর আমার মনে হইতেছে যে, যাইবেলে লেখা আছে, যে নব্র সেই পৃথিবীর অধিকার প্রাপ্ত হইবে। আমি যে নব্রতাটুকু এখনো দেখিতেছি ইহার একটি স্বর্গীয় অধিকার আছে। পৃথিবীতে সৌন্দর্যের অপেক্ষা নব্র আর কিছু



## পল্লিগ্রামে

নাই— সে বলের দ্বারা কোনো কাজ করিতে চায় না, এক সময় পৃথিবী তাহারই হইবে। এই যে গ্রামবাসিনী স্তম্ভরী সরলতা আজ একটি নগরবাসী নবসভ্যতার পোশাকপুত্রের মন অন্তর্কিত ভাবে হরণ করিয়া লইতেছে, এক কালে সে এই সমস্ত সভ্যতার রাজধানী হইয়া বসিবে। এখনো হয়তো তার অনেক বিলম্ব আছে। কিন্তু অবশেষে সভ্যতা সরলতার সহিত যদি সম্মিলিত না হয়, তবে সে আপনার পরিপূর্ণতার আদর্শ হইতে ভ্রষ্ট হইবে।

পূর্বেই বলিয়াছি, স্থায়িত্বের উপর ভাবসৌন্দর্যের নির্ভর। পুরাতন শ্বতির বে সৌন্দর্য তাহা কেবল অপ্রাপ্যতানিবন্ধন নহে; ছন্দর বহুকাল তাহার উপর বাস করিতে পায় বলিয়া সহস্র সজীব কল্পনাপুত্র প্রসারিত করিয়া তাকে আপনার সহিত একীকৃত করিতে পারে, সেই কারণেই তাহার মাধুর্য। পুরাতন গৃহ, পুরাতন দেবমন্দিরের প্রধান সৌন্দর্যের কারণ এই যে, বহুকালের স্থায়িত্ববশতঃ তাহারা মাহুকের সহিত অত্যন্ত সংযুক্ত হইয়া গেছে, তাহারা অবিশ্রাম মানবহৃদয়ের সংস্রবে সর্বাংশে সচেতন হইয়া উঠিয়াছে, সমাজের সহিত তাহাদের সর্বপ্রকার বিচ্ছেদ দূর হইয়া তাহারা সমাজের অঙ্গ হইয়া গেছে— এই ঐক্যেই তাহাদের সৌন্দর্য। মানবসমাজে স্ত্রীলোক সর্বাপেক্ষা পুরাতন; পুরুষ নানা কাৰ্য নানা অবস্থা নানা পরিবর্তনের মধ্যে সর্বদাই চঞ্চল ভাবে প্রবাহিত হইয়া আসিতেছে; স্ত্রীলোক স্থায়ী ভাবে কেবলই জননী এবং পত্নী-রূপে বিবাজ করিতেছে, কোনো বিপ্লবেই তাহাকে বিক্লেপ করে নাই। এই জন্ত সমাজের মর্মের মধ্যে নারী এমন স্তম্ভররূপে সংহতরূপে মিশ্রিত হইয়া গেছে। কেবল তাহাই নহে, সেই জন্ত সে তাহার ভাবের সহিত, কাজের সহিত, শক্তির সহিত সবস্বক্ৰ এমন সম্পূর্ণ এক হইয়া গেছে— এই দুর্গত সর্বাঙ্গীণ ঐক্য লাভ করিবার জন্ত তাহার দীর্ঘ অবসর ছিল।

## পল্লিগ্রামে

সেইরূপ বখন দীর্ঘকালের স্থায়িত্ব আশ্রয় করিয়া তুর্ক যুক্তি জ্ঞান ক্রমশ সংস্কারে বিশ্বাসে আসিয়া পরিণত হয় তখন তাহার সৌন্দর্য ফুটিতে থাকে। তখন সে স্থির হইয়া দাঁড়ায় এবং ভিতরে যে সকল জীবনের বীজ থাকে সেইগুলি মানুষের বহু দিনের আনন্দালোকে ও অশ্রুজলবর্ষণে অকুরিত হইয়া তাহাকে আচ্ছন্ন করিয়া ফেলে।

যুরোপে সম্প্রতি যে এক নব সভ্যতার যুগ আবির্ভূত হইয়াছে, এ যুগে ক্রমাগতই নব নব জ্ঞানবিজ্ঞান মতামত স্তূপাকার হইয়া উঠিয়াছে; যন্ত্রতত্ত্ব উপকরণ-সামগ্ৰীতেও একেবারে স্থানাভাব হইয়া পড়াইয়াছে। অবিশ্রাম চাকল্যে কিছুই পুরাতন হইতে পাইতেছে না।

কিন্তু দেখিতেছি, এই সমস্ত আয়োজনের মধ্যে মানবহৃদয় কেবলই ক্রন্দন করিতেছে, যুরোপের সাহিত্য হইতে সহজ-আনন্দ সরল-শাস্তির গান একেবারে নির্বাসিত হইয়া গিয়াছে। হয় প্রমোদের মাদকতা, নয় নৈরাস্ত্রের বিলাপ, নয় বিদ্রোহের অট্টহাস্য।

তাহার কারণ, মানবহৃদয় যত ক্ষণ এই বিপুল সভ্যতাস্তূপের মধ্যে একটি স্থানর ঐক্য স্থাপন করিতে না পারিবে তত ক্ষণ কখনোই ইহার মধ্যে আরামে ঘরকন্না পাতিয়া প্রতিষ্ঠিত হইতে পারিবে না। তত ক্ষণ সে কেবল অস্থির অশান্ত হইয়া বেড়াইবে। আর সমস্তই জড়ো হইয়াছে, কেবল এখনো স্থায়ী সৌন্দর্য, এখনো নবসভ্যতার রাজলক্ষ্মী আসিয়া দাঁড়ান নাই। জ্ঞান বিশ্বাস ও কাৰ্য পরস্পরকে কেবলই পীড়ন করিতেছে — ঐক্যলাভের জন্ত নহে, জয়লাভের জন্ত পরস্পরের মধ্যে সংগ্রাম বাধিয়া গিয়াছে।

কেবল যে প্রাচীন সৃষ্টির মধ্যে সৌন্দর্য তাহা নহে, নবীন আশার মধ্যেও সৌন্দর্য, কিন্তু হুর্ভাগ্যক্রমে যুরোপের নূতন সভ্যতার মধ্যে এখনো আশার সঞ্চার হয় নাই। বৃদ্ধ যুরোপ অনেক বার অনেক আশায়

## পল্লিগ্রামে

প্রভাবিত হইয়াছে ; যে সকল উপায়ের উপর তাহার বড়ো বিশ্বাস ছিল সে সমস্ত একে একে ব্যর্থ হইতে দেখিয়াছে । ফরাসি বিপ্লবকে একটা বৃহৎ চেষ্টার বৃথা পরিণাম বলিয়া অনেকে মনে করে । এক সময় লোকে মনে করিয়াছিল, আপামর সাধারণকে ভোট দিতে দিলেই পৃথিবীর অধিকাংশ অমঙ্গল দূর হইবে—এখন সকলে ভোট দিতেছে, অথচ অধিকাংশ অমঙ্গল বিদায় লইবার জ্ঞাত্ত কোনোরূপ ব্যস্ততা দেখাইতেছে না । কখনো বা লোকে আশা করিয়াছিল, স্টেটের দ্বারা মানুষের সকল দুর্দশা মোচন হইতে পারে ; এখন আবার পঞ্জিতের আশঙ্কা করিতেছেন, স্টেটের দ্বারা দুর্দশা মোচনের চেষ্টা করিলে হিতে বিপরীত হইবারই সম্ভাবনা । কয়লায় খনি, কাপড়ের কল এবং বিজ্ঞানশাস্ত্রের উপর কাহারও কাহারও কিছু কিছু বিশ্বাস হয়, কিন্তু তাহাতেও দ্বিধা ঘোচে না ; অনেক বড়ো বড়ো লোক বলিতেছেন, কলের দ্বারা মানুষের পূর্ণতা-সাধন হয় না । আধুনিক যুরোপ বলে, আশা করিয়ে না, বিশ্বাস করিয়ে না, কেবল পরীক্ষা করো ।

নবীনা সভ্যতা যেন এক বৃদ্ধ পতিকের বিবাহ করিয়াছে ; তাহার সমৃদ্ধি আছে কিন্তু যৌবন নাই, সে আপনার সহস্র পূর্ব-অভিজ্ঞতার দ্বারা জীর্ণ । উভয়ের মধ্যে ভালোরূপ প্রণয় হইতেছে না, গৃহের মধ্যে কেবল অশান্তি ।

এই সমস্ত আলোচনা করিয়া আমি এই পল্লীর ক্ষুদ্র সম্পূর্ণতার সৌন্দর্য দ্বিগুণ আনন্দে সম্বোগ করিতেছি ।

তাই বলিয়া আমি এমন অঙ্ক নহি যে, যুরোপীয় সভ্যতার মর্দাদা বুঝি না । প্রভেদের মধ্যে ঐক্যই ঐক্যের পূর্ণ আদর্শ, বৈচিত্র্যের মধ্যে ঐক্যই সৌন্দর্যের প্রধান কারণ । সম্প্রতি যুরোপে সেই প্রভেদের যুগ পড়িয়াছে ; তাই বিচ্ছেদ, বৈষম্য । যখন ঐক্যের যুগ আসিবে তখন এই

## পল্লিগ্রামে

বৃহৎ স্তূপের মধ্যে অনেক ঝড়িয়া গিয়া, পরিপাক প্রাপ্ত হইয়া, একখানি সমগ্র সুন্দর সভাতা দাঁড়াইয়া যাইবে। ক্ষুদ্র পরিণামের মধ্যে পরিসমাপ্তি লাভ করিয়া সঙ্কষ্ট ভাবে থাকার মধ্যে একটি শাস্তি সৌন্দর্য ও নির্ভয়তা আছে সন্দেহ নাই— আর, যাহারা যমুজপ্রকৃতিকে ক্ষুদ্র ঐক্য হইতে মুক্তি দিয়া বিপুল বিস্তারের দিকে লইয়া যায় তাহারা অনেক অশাস্তি, অনেক বিঘ্নবিপদ সহ্য করে; বিপ্লবের রণক্ষেত্রের মধ্যে তাহাদিগকে অশ্রান্ত সংগ্রাম করিতে হয়; কিন্তু তাহারাই পৃথিবীর মধ্যে বীর এবং তাহারা যুদ্ধে পতিত হইলেও অক্ষয় স্বর্গ লাভ করে। এই বীর এবং সৌন্দর্যের মিলনেই যথার্থ সম্পূর্ণতা। উভয়ের বিচ্ছেদে অর্ধসভ্যতা। তথাপি আমরা সাহস করিয়া যুবোপকে অর্ধসভ্য বলি না, বলিলেও কাহারও গায়ে বাজে না। যুবোপ আমাদের কাছে অর্ধসভ্য বলে; এবং বলিলে আমাদের গায়ে বাজে, কারণ, সে আমাদের কর্ণধার হইয়া বসিয়াছে।

আমি এই পল্লীপ্রান্তে বসিয়া আমার সাদাসিধা তানপুরার চারটি তারের গুটিচারেক সুন্দর স্বরসমিশ্রণের সহিত মিলাইয়া যুবোপীয় সভাতাকে বলিতেছি 'তোমার স্বর এখনো ঠিক মিলিল না', এবং তানপুরাটিকেও বলিতে হয়, 'তোমার ঐ গুটিকয়েক স্বরের পুনঃপুনঃ ব্যংকারকেও পরিপূর্ণ সংগীত জ্ঞান করিয়া সঙ্কষ্ট হওয়া যায় না। বরঞ্চ আজিকার ঐ বিচিত্র বিশৃঙ্খল স্বরসমষ্টি কাল প্রতিভার প্রভাবে মহাসংগীতে পরিণত হইয়া উঠিতে পারে; কিন্তু হায়, তোমার ঐ কয়েকটি তারের মধ্য হইতে মহৎ মূর্তিমান সংগীত বাহির করা প্রতিভার পক্ষেও দুঃসাধ্য।'

## মনুশ্র

শ্রোতবিনী প্রাতঃকালে আমার বৃহৎ পাতাটি হাতে করিয়া আনিয়া কহিল, 'এ সব তুমি কী লিখিয়াছ। আমি যে সকল কথা কল্পিন কালে বলি নাই, তুমি আমার মুখে কেন বলাইয়াছ।'।

আমি কহিলাম, 'তাহাতে দোষ কী হইয়াছে।'।

শ্রোতবিনী কহিল, 'এমন করিয়া আমি কখনো কথা কহি না এবং কহিতে পারি না। যদি তুমি আমার মুখে এমন কথা দিতে বাহা আমি বলি বা না বলি আমার পক্ষে বলা সম্ভব, তাহা হইলে আমি এমন লঙ্কিত হইতাম না। কিন্তু এ যেন তুমি একধা না বই লিখিয়া আমার নামে চালাইতেছ।'।

আমি কহিলাম, 'তুমি আমাদের কাছে কতটা বলিয়াছ তাহা তুমি কী করিয়া বুঝিবে। তুমি যতটা বল তাহার সহিত, তোমাকে বতটা জানি, দুই মিশিয়া অনেকখানি হইয়া উঠে। তোমার সমস্ত জীবনের দ্বারা তোমার কথাগুলি ভরিয়া উঠে। তোমার সেই অব্যক্ত উহা কথাগুলি তো বাদ দিতে পারি না।'।

শ্রোতবিনী চূপ করিয়া রহিল। জানি না, বুঝিল কি না-বুঝিল। বোধ হয় বুঝিল, কিন্তু তথাপি আবার কহিলাম, 'তুমি জীবন্ত বর্তমান, প্রতি ক্ষণে নব নব ভাবে আপনাকে ব্যক্ত করিতেছ। তুমি যে আছ, তুমি যে সত্য, তুমি যে সুন্দর, এ বিশ্বাস উদ্রেক করিবার জন্ম তোমাকে কোনো চেষ্টাই করিতে হইতেছে না। কিন্তু লেখায় সেই প্রথম সত্যটুকু প্রমাণ করিবার জন্ম অনেক উপায় অবলম্বন এবং অনেক বাস্তবায়ন করিতে হয়। নতুবা প্রত্যক্ষের সহিত অপ্রত্যক্ষ সমকক্ষতা রক্ষা করিতে পারিবে কেন। তুমি যে মনে করিতেছ, আমি তোমাকে বেশি বলাইয়াছি তাহা ঠিক নহে। আমি বরং তোমাকে সংক্ষেপ করিয়া লইয়াছি; তোমার লক্ষ

## মহুয়া

লক্ষ কথা, লক্ষ লক্ষ কাজ, চিরবিচিত্র আকার-ইন্ধিতের কেবলমাত্র সাধ-সংগ্রহ করিয়া লইতে হইয়াছে। নহিলে তুমি যে কথাটি আমার কাছে বলিয়াছ, ঠিক সেই কথাটি আমি আর কাহারও কর্ণগোচর করাইতে পারিতাম না ; লোকে ঢের কম শুনিত এবং ভুল শুনিত।’

শ্রোতস্বিনী দক্ষিণপার্শ্বে ঈষৎ মুখ ফিরাইয়া একটা বহি খুলিয়া তাহার পাতা উন্টাইতে উন্টাইতে কহিল, ‘তুমি আমাকে স্নেহ কর বলিয়া আমাকে যতখানি দেখ আমি তো বাস্তবিক ততখানি নহি।’

আমি কহিলাম, ‘আমার কি এত স্নেহ আছে যে, তুমি বাস্তবিক যতখানি আমি তোমাকে ততখানি দেখিতে পাইব। একটি মাহুয়ের সমস্ত কে ইয়ত্তা করিতে পারে, ঈশ্বরের মতো কাহার স্নেহ।’

ক্ষিত্তি তো একেবারে অস্থির হইয়া উঠিল ; কহিল, ‘এ আখার তুমি কী কথা তুলিলে। শ্রোতস্বিনী তোমাকে এক ভাবে প্রশ্ন জিজ্ঞাসা করিলেন, তুমি আর এক ভাবে তাহার উত্তর দিলে।’

আমি কহিলাম, ‘জানি। কিন্তু কথাবার্তায় এমন অসংলগ্ন উত্তর-প্রত্যুত্তর হইয়া থাকে। মন এমন এক প্রকার দাহ পদার্থ যে, ঠিক বেখানে প্রশ্নফুলিঙ্গ পড়িল সেখানে কিছু না হইয়া হয়তো দশ হাত দূরে আর এক জায়গায় দগ্ধ করিয়া জ্বলিয়া উঠে। নির্বাচিত কমিটিতে বাহিরের লোকের প্রবেশ নিষেধ, কিন্তু বৃহৎ উৎসবের স্থলে যে আসে তাহাকেই ডাকিয়া বসানো যায় ; আমাদের কথোপকথন-সভা সেই উৎসবসভা, সেখানে যদি একটা অসংলগ্ন কথা অনাহুত আসিয়া উপস্থিত হয় তবে তৎক্ষণাৎ তাহাকে ‘অশ্লেন মশায় বসুন’ বলিয়া আহ্বান করিয়া হস্তমুখে তাহার পরিচয় না লইলে উৎসবের উদারতা দূর হয়।’

ক্ষিত্তি কহিল, ‘ঘাট হইয়াছে, তবে তাই করো, কী বলিতেছিলে বলো। ক-উচ্চারণমাত্র কৃষ্ণকে স্মরণ করিয়া প্রশ্নাদ কাদিয়া উঠে, তাহার

## মহুত্ব

আর বর্ণমালা শেখা হয় না। একটা প্রবন্ধ শুনিবামাত্র যদি আর একটা উক্তর ভোমার মনে ওঠে তবে তো কোনো কথাই এক পা অগ্রসর হয় না। কিন্তু প্রক্লাদকাতীয় লোককে নিজের খেয়াল অহুসারে চলিতে দেওয়াই ভালো, যাহা মনে আসে বলো।’

আমি কহিলাম, ‘আমি বলিতেছিলাম, যাহাকে আমরা ভালোবাসি কেবল তাহারই মধ্যে আমরা অনন্তের পরিচয় পাই। এমন কি, জীবের মধ্যে অনন্তকে অহুভব করারই অল্প নাম ভালোবাসা। প্রকৃতির মধ্যে অহুভব করার নাম সৌন্দর্যসন্তোগ। ইহা হইতে মনে পড়িল, সমস্ত বৈষ্ণব-ধর্মের মধ্যে এই গভীর তত্ত্বটি নিহিত রহিয়াছে।’

ক্ষিতি মনে মনে ভাবিল, কী সর্বনাশ! আবার তত্ত্বকথা কোথা হইতে আসিয়া পড়িল। শ্রোতবিনী এবং দীপ্তিও যে তত্ত্বকথা শুনিবার জন্ম অতিশয় লালান্নিত তাহা নহে; কিন্তু একটা কথা যখন মনের অঙ্ককারের ভিতর হইতে হঠাৎ লাকাইয়া ওঠে, তখন তাহার পশ্চাৎ পশ্চাৎ শেষ পর্যন্ত ধাবিত হওয়া ভাব-শিকারীর একটা চিরাভ্যস্ত কাজ। নিজের কথা নিজে আয়ত্ত করিবার জন্ম বক্রিয়া যাই; লোকে মনে করে, আমি অল্পকে তত্ত্বোপদেশ দিতে বসিয়াছি।

আমি কহিলাম, ‘বৈষ্ণবধর্ম পৃথিবীর সমস্ত প্রেম-সম্পর্কের মধ্যে ঈশ্বরকে অহুভব করিতে চেষ্টা করিয়াছে। যখন দেখিয়াছে মা আপনার সন্তানের মধ্যে আনন্দের আর অবধি পায় না, সমস্ত হৃদয়মানি মুহূর্তে মুহূর্তে ভাঁজে ভাঁজে খুলিয়া ঐ ক্ষুদ্র মানবাহুয়টিকে সম্পূর্ণ বেষ্টন করিয়া শেষ করিতে পারে না, তখন আপনার সন্তানের মধ্যে আপনার ঈশ্বরকে উপাসনা করিয়াছে। যখন দেখিয়াছে প্রভুর জন্ম দাস আপনার প্রাণ দেয়, বন্ধুর জন্ম বন্ধু আপনার স্বার্থ বিসর্জন করে, প্রিয়তম এবং প্রিয়তমা পরস্পরের নিকটে আপনার সমস্ত আত্মাকে সমর্পণ করিবার জন্ম ব্যাকুল

## মহুসু

হইয়া উঠে, তখন এই সমস্ত পরমপ্রেমের মধ্যে একটা সীমাতীত লোকাতীত ঐশ্বর্য অনুভব করিয়াছে ।’

ক্ষিত্তি কহিল, ‘সীমার মধ্যে অসীম, প্রেমের মধ্যে অনন্ত, এ সব কথা বতই বেশি শুনি ততই বেশি দুর্বোধ হইয়া পড়ে । প্রথম প্রথম মনে হইত যেন কিছু কিছু বুঝিতে পারিতেছি বা, এখন দেখিতেছি অনন্ত অসীম প্রভৃতি শব্দগুলো স্তূপাকার হইয়া বুঝিবার পথ বন্ধ করিয়া দাঁড়াইয়াছে ।’

আমি কহিলাম, ‘ভাষা ভূমির মতো । তাহাতে একই শব্দ ক্রমাগত বপন করিলে তাহার উৎপাদিকা শক্তি নষ্ট হইয়া যায় । অনন্ত এবং অসীম শব্দদুটা আককাল সর্বদা-ব্যবহারে জীর্ণ হইয়া পড়িয়াছে, এই জন্য বথার্থ একটা কথা বলিবার না থাকিলে ও দুটা শব্দ ব্যবহার করা উচিত হয় না । মাতৃভাষায় প্রতি একটু রয়ামায়া করা কর্তব্য ।’

ক্ষিত্তি কহিল, ‘ভাষার প্রতি তোমার তো যথেষ্ট সন্দেহ আচরণ দেখা যাইতেছে না ।’

সমীর এতু কণ আমার খাতাটি পড়িতেছিল ; শেষ করিয়া কহিল, ‘এ কী করিয়াছ । তোমার ডায়ারির এই লোকগুলো কি মাহুস না বথার্থই ভূত । ইহারা দেখিতেছি কেবল বড়ো বড়ো ভালো ভালো কথাই বলে, কিন্তু ইহাদের আকার আয়তন কোথায় গেল ।’

আমি বিবধমুখে কহিলাম, ‘কেন বলো দেখি ।’

সমীর কহিল, ‘তুমি মনে করিয়াছ, আত্মের অপেক্ষা আমসত্ত্ব ভালো, তাহাতে সমস্ত আঁঠি আঁশ আবরণ এবং স্নায়ী অংশ পরিহার করা যায়—কিন্তু তাহার সেই লোভন গন্ধ, সেই শোভন আকার কোথায় । তুমি কেবল আমার সারটুকু লোককে দিবে, আমার মাহুসটুকু কোথায় গেল । আমার বেবাক বাজে কথাগুলো তুমি বাজেয়াপ্ত করিয়া যে একটি নিরেট মূর্তি দাঁড় করাইয়াছ তাহাতে দস্তফুট করা হুঃসাধ্য । আমি কেবল দুই-



## মহুশু

চারিটি চিন্তাশীল লোকের কাছে বাহবা পাইতে চাহি না, আমি সাধারণ লোকের মধ্যে ঝাঁচিয়া থাকিতে চাহি ।’

আমি কহিলাম, ‘সে জল্প কী করিতে হইবে ।’

সমীর কহিল, ‘সে আমি কী জানি । আমি কেবল আপত্তি জানাইয়া রাখিলাম । আমার যেমন সার আছে তেমনি আমার স্বাদ আছে ; সারাংশ মাহুষের পক্ষে আবশ্যিক হইতে পারে, কিন্তু স্বাদ মাহুষের নিকট প্রিয় । আমাকে উপলক্ষ্য করিয়া মাহুষ কতকগুলো মত কিম্বা তর্ক আহরণ করিবে, এমন ইচ্ছা করি না ; আমি চাই, মাহুষ আমাকে আপনার লোক বলিয়া চিনিয়া লইবে । এই ভ্রমসংকুল সাধের মানবজন্ম ত্যাগ করিয়া একটা মাসিক পত্রের নির্ভুল প্রবন্ধ-আকারে জন্মগ্রহণ করিতে আমার প্রবৃত্তি হয় না । আমি দার্শনিক তত্ত্ব নই, আমি ছাপার বহি নই, আমি তর্কের স্বযুক্তি অথবা কুযুক্তি নই ; আমার বন্ধুরা, আমার আত্মীয়েরা আমাকে সর্বদা যাহা বলিয়া জানেন আমি তাহাই ।’

ব্যোম এত কণ একটা চৌকিতে ঠেপান দিয়া আর একটা চৌকির উপর পা-দুটা তুলিয়া অটল প্রশান্ত ভাবে বসিয়াছিল । সে হঠাৎ বলিল, ‘তর্ক বল, তত্ত্ব বল, সিদ্ধান্ত এবং উপসংহারেই তাহাদের চরম গতি, সমাপ্তিতেই তাহাদের প্রধান গৌরব । কিন্তু মাহুষ স্বতন্ত্রজাতীয় পদার্থ, অমরতায় অসমাপ্তিই তাহার সর্বপ্রধান যথার্থ্য । বিজ্ঞানমহীন গতিই তাহার প্রধান লক্ষণ । অমরতাকে কে সংক্ষেপ করিবে, গতির সারাংশ কে দিতে পারে । ভালো ভালো পাকা কথাগুলি যদি অতি অনায়াস-ভাবে মাহুষের মুখে বসাইয়া দাও তবে ভ্রম হয়, তাহার মনের খেদ একটা গতিবৃদ্ধি নাই, তাহার বস্তু নূ্য হইবার শেষ হইয়া গেছে । চেষ্টা ভ্রম অসম্পূর্ণতা পুনরুক্তি যদিও আপাতত দারিদ্র্যের মতো দেখিতে হয়, কিন্তু মাহুষের প্রধান ঐশ্বর্য তাহার স্বাধাই প্রমাণ হয় । তাহার স্বাধা চিন্তার একটা গতি, একটা

## মহুশ্য

জীবন নির্দেশ করিয়া দেয়। মাহুশ্যের কথাবার্তা ছবিজের মধ্যে কাঁচা রঙটুকু, অসমাপ্তির কোমলতা-দুর্বলতাটুকু না রাখিয়া দিলে তাহাকে একেবারে সাদ্ধ করিয়া ছোটো করিয়া ফেলা হয়। তাহার অনন্ত পর্বের পালা একেবারে স্থচীপজেই সারিয়া দেওয়া হয়।'

সমীর কহিল, 'মাহুশ্যের ব্যক্ত করিবার ক্ষমতা অতিশয় অল্প; এই স্তম্ভ প্রকাশের সঙ্গে নির্দেশ, ভাবের সঙ্গে ভঙ্গী, ভাবের সহিত ভাবনা বোগ করিয়া দিতে হয়— কেবল রথ নহে, রথের মধ্যে তাহার গতি সঞ্চারিত করিয়া দিতে হয়। যদি একটা মাহুশ্যকে উপস্থিত কর তাহাকে খাড়া দাঁড় করাইয়া কস্তকগুলি কলে-ছাঁটা কথা কহাইয়া গেলেই হইবে না; তাহাকে চালাইতে হইবে, তাহাকে স্থানপরিবর্তন করাইতে হইবে, তাহার অভ্যন্ত বৃহৎ বুঝাইবার স্তম্ভ তাহাকে অসমাপ্ত ভাবেই দেখাইতে হইবে।'

আমি কহিলাম, 'সেইটাই তো কঠিন। কথা শেষ করিয়া বুঝাইতে হইবে এখনো শেষ হয় নাই, কথার মধ্যে সেই উজ্জ্বল ভঙ্গিটি দেওয়া বিষম ব্যাপার।'

স্নোভস্বিনী কহিল, 'এই স্তম্ভই সাহিত্যে বহুকাল ধরিয়া একটা তর্ক চলিয়া আসিতেছে যে, বলিবার বিষয়টা বেশি না বলিবার ভঙ্গিটা বেশি। আমি এ কথাটা লইয়া অনেক বার ভাবিয়াছি, ভালো বুঝিতে পারি না। আমার মনে হয়, তর্কের খেয়াল অহুসারে যখন যেটাকে প্রাধান্য দেওয়া যায়, তখন সেইটাই প্রধান হইয়া উঠে।'

ব্যোম মাথাটা কড়িকাঠের দিকে তুলিয়া বলিতে লাগিল, 'সাহিত্যে বিষয়টা শ্রেষ্ঠ না ভঙ্গিটা শ্রেষ্ঠ, ইহা বিচার করিতে হইলে আমি দেখি কোনটা অধিক রহস্যময়। বিষয়টা দেহ, ভঙ্গিটা জীবন। দেহটা বর্তমানেই সমাপ্ত; জীবনটা একটা চঞ্চল অসমাপ্তি তাহার সঙ্গে লাগিয়া আছে,

## মহুশ্ব

তাহাকে বৃহৎ ভবিষ্যতের দিকে বহন করিয়া লইয়া চলিয়াছে, সে বতখানি দৃশ্যমান তাহা অতিক্রম করিয়াও তাহার সহিত অনেকেখানি আশাপূর্ণ নব নব সম্ভাবনা জুড়িয়া বাধিয়াছে। বতটুকু বিষয়রূপে প্রকাশ করিলে ততটুকু জড় দেহ মাত্র, ততটুকু সীমাবদ্ধ; বতটুকু ভঙ্গির দ্বারা তাহার মধ্যে সঞ্চার করিয়া দিলে তাহাই জীবন— তাহাতেই তাহার বৃদ্ধিশক্তি, তাহার চলৎশক্তি সূচনা করিয়া দেয়।'

সমীর কহিল, 'সাহিত্যের বিষয়মাত্রই অতি পুরাতন, আকার গ্রহণ করিয়া সে নূতন হইয়া উঠে।'

শ্রোতবিনী কহিল, 'আমার মনে হয়, মানুষের পক্ষেও ঐ একই কথা। এক-এক জন মানুষ এমন একটি মনের আকৃতি লইয়া প্রকাশ পায় যে, তাহার দিকে চাহিয়া আমরা পুরাতন মহুশ্বের যেন একটা নূতন বিস্তার আবিষ্কার করি।'

দীপ্তি কহিল, 'মনের এবং চরিত্রের সেই আকৃতিটাই আমাদের স্টাইল। সেইটের দ্বারাই আমরা পরস্পরের নিকট প্রচলিত পরিচিত পরীক্ষিত হইতেছি। আমি এক-এক বার ভাবি আমার স্টাইলটা কী রকমের। সমালোচকেরা বাহাকে প্রাঞ্জল বলে তাহা নহে—'

সমীর কহিল, 'কিন্তু ওজস্বী বটে। তুমি যে আকৃতির কথা কহিলে, যেটা বিশেষরূপে আমাদের আপনার, আমিও তাহারই কথা বলিতে-ছিলাম। চিন্তার সঙ্গে সঙ্গে চেহারাখানা বাহাতে বজায় থাকে আমি সেই অহুরোধ করিতেছিলাম।'

দীপ্তি ঈষৎ হাসিয়া কহিল, 'কিন্তু চেহারা সকলের সমান নহে, অতএব অহুরোধ করিবার পূর্বে বিশেষ বিবেচনা করা আবশ্যিক। কোনো চেহারা বা প্রকাশ করে, কোনো চেহারা বা গোপন করে। হীরকের জ্যোতি হীরকের মধ্যে স্বতঃই প্রকাশমান, তাহার আলো বাহির করিবার জন্ত

## মহুশ

তাহার চেহারা ভাঙিয়া ফেলিতে হয় না। কিন্তু তৃণকে বন্ধ করিয়া ফেলিলে তবেই তাহার আলোকটুকু বাহির হয়। আমাদের মতো ক্ষুদ্র প্রাণীর মুখে এ বিলাপ শোভা পায় না যে, সাহিত্যে আমাদের চেহারা বজায় থাকিতেছে না। কেহ কেহ আছে কেবল বাহার অস্তিত্ব, বাহার প্রকৃতি, বাহার সমগ্র সমষ্টি আমাদের কাছে একটি নূতন শিক্ষা— নূতন আনন্দ। সে যেমনটি তাহাকে তেমনি অবিকল রক্ষা করিতে পারিলেই যথেষ্ট। কেহ বা আছে বাহাকে ছাড়াইয়া ফেলিয়া ভিতর হইতে শাঁস বাহির করিতে হয়। শাঁসটুকু যদি বাহির হয় তবে সেই জন্তই কৃতজ্ঞ হওয়া উচিত; কারণ, তাহাই বা কয় জন লোকের আছে এবং কয় জন বাহির করিয়া দিতে পারে।’

সমীর হাস্তমুখে কহিল, ‘মাণ করিবেন দীপ্তি, আমি যে তৃণ এমন দীনতা আমি কখনো স্বপ্নেও অল্পভব করি না। বরঞ্চ অনেক সময় ভিতর দিকে চাহিলে আপনাকে খনির হীরক বলিয়া অনুমান হয়। এখন কেবল চিনিয়া লইতে পারে এমন একটা জহরির প্রত্যাশায় বসিয়া আছি। ক্রমে যত দিন যাইতেছে তত আমার বিশ্বাস হইতেছে, পৃথিবীতে জহরের তত অভাব নাই যত জহরির। তরুণ বয়সে সংসারে মাহুশ চোখে পড়িত না; মনে হইত, যথার্থ মাহুশগুলি উপস্থাস নাটক এবং মহাকাব্যেই আশ্রয় লইয়াছে, সংসারে কেবল একটিমাত্র অবশিষ্ট আছে। এখন দেখিতে পাই লোকালয়ে মাহুশ ঢের আছে, কিন্তু ‘ভোলা মন, ও ভোলা মন, মাহুশ কেন চিনিলি না’। ভোলা মন, এই সংসারের মাঝখানে এক বার প্রবেশ করিয়া দেখ, এই মানবহৃদয়ের ভিড়ের মধ্যে। সভাস্থলে বাহারী কথা কহিতে পারে না সেখানে তাহারী কথা কহিবে; লোকসমাজে বাহারী এক প্রান্তে উপেক্ষিত হয় সেখানে তাহাদের এক নূতন পৌরব প্রকাশিত হইবে; পৃথিবীতে

## মহুশ্ব

বাহাদিগকে অনাবশ্যক বোধ হয় সেখানে দেখিব তাহাদেরই সরল প্রেম, অবিশ্রাম সেবা, আত্মবিস্মৃত আত্মবিসর্জনের উপরে পৃথিবী প্রতিষ্ঠিত হইয়া রহিয়াছে। ভীষ্ম দ্রোণ ভীমার্জুন মহাকাব্যের নায়ক; কিন্তু আমাদের ক্ষুদ্র ক্ষুদ্র কুরুক্ষেত্রের মধ্যে তাঁহাদের আত্মীয়-স্বজাতি আছে, সেই আত্মীয়তা কোন্ নববৈপায়ন আবিষ্কার করিবে এবং প্রকাশ করিবে।

আমি কহিলাম, 'না করিলে কী এমন আসে যায়। মাহুশ্ব পরস্পরকে না যদি চিনিবে তবে পরস্পরকে এত ভালোবাসে কী করিয়া। একটি যুঝক তাহার জন্মস্থান ও আত্মীয়বর্গ হইতে বহু দূরে দু-দশ টাকা বেতনে ঠিকা মুছরিগিরি করিত। আমি তাহার প্রভু ছিলাম, কিন্তু প্রায় তাহার অস্তিত্বও অবগত ছিলাম না— সে এত সামান্ত লোক ছিল। এক দিন রাত্রে সহসা তাহার ওলাউঠা হইল। আমার শয়নগৃহ হইতে শুনিতে পাইলাম সে 'পিসিয়া' 'পিসিয়া' করিয়া কাতর স্বরে কাঁদিতেছে। তখন সহসা তাহার গৌরবহীন ক্ষুদ্র জীবনটি আমার নিকট কতখানি বৃহৎ হইয়া দেখা দিল। সেই যে একটি অজ্ঞাত অখ্যাত মূর্খ নির্বোধ লোক বসিয়া বসিয়া, ঈষৎ গ্রীবা হেলাইয়া, কলম খাড়া করিয়া ধরিয়া, এক মনে নকল করিয়া বাইত, তাহাকে তাহার পিসিয়া আপন নিঃসন্তান বৈধব্যের সমস্ত সঞ্চিত স্নেহরাশি দিয়া মাহুশ্ব করিয়া-ছেন। সন্ধ্যাবেলায় শ্রান্তদেহে শূন্য বাসায় ফিরিয়া যখন সে স্বহস্তে উনান ধরাইয়া পাক চড়াইত, বত কণ অন্ন টগুবণ্ করিয়া না ছুটিয়া উঠিত তত কণ কম্পিত অগ্নিশিখার দিকে একদৃষ্টে চাহিয়া সে কি সেই দূরকুটিরবাসিনী স্নেহশালিনী কল্যাণময়ী পিসিয়ার কথা ভাবিত না। এক দিন যে তাহার নকলে ভুল হইল, ঠিকে মিল হইল না, তাহার উচ্চতন কর্মচারীর নিকট সে লাহিত হইল, সে দিন কি সকালের

## মহুশ্ব

চিঠিতে তাহার পিসিমার পীড়ার সংবাদ পায় নাই। এই নগণ্য লোকটার প্রতি দিনের মঙ্গলবার্তার জন্ত একটি স্নেহপরিপূর্ণ পত্রিক্ত হৃদয়ে কি সামান্য উৎকর্ষা ছিল! এই দরিদ্র যুবকের প্রবাসবাসের সহিত কি কম করুণা কাতরতা উদ্বেগ জড়িত হইয়া ছিল! সহসা সেই রাত্রে এই নির্বাণপ্রায় ক্ষুদ্র প্রাণশিখা এক অমূল্য মহিমায় আমার নিকটে দীপ্যমান হইয়া উঠিল। বৃষ্টিতে পারিলাম, এই তুচ্ছ লোকটিকে যদি কোনো মতে বাঁচাইতে পারি তবে এক বৃহৎ কাজ করা হয়। সমস্ত রাত্রি জাগিয়া তাহার সেবাসুশ্রবা করিলাম, কিন্তু পিসিমার ধনকে পিসিমার নিকট ফিরাইয়া দিতে পারিলাম না—আমার সেই ঠিকা মুহুরির মৃত্যু হইল। ভীষ্ম জ্ঞাণ ভীষ্মার্জুন খুব মহৎ, তথাপি এই লোকটিরও মূল্য অল্প নহে। তাহার মূল্য কোনো কবি অহুমান করে নাই, কোনো পাঠক স্বীকার করে নাই; তাই বলিয়া সে মূল্য পৃথিবীতে অনাবিকৃত ছিল না, একটি জীবন আপনাকে তাহার জন্ত একান্ত উৎসর্গ করিয়াছিল—কিন্তু খোরাক-পোশাক-সমেত লোকটার বেতন ছিল আট টাকা, তাহাও বারো মাস নহে। মহুশ্ব আপনার জ্যোতিতে আপনি প্রকাশিত হইয়া উঠে, আর আমাদের মতো দীপ্তিহীন ছোটো ছোটো লোকদিগকে বাহিরের প্রেমের আলোকে প্রকাশ করিতে হয়; পিসিমার ভালোবাসা দিয়া দেখিলে আমরা সহসা দীপ্যমান হইয়া উঠি। যেখানে অন্ধকারে কাহাকেও দেখা বাইতেছিল না সেখানে প্রেমের আলোক ফেলিলে সহসা দেখা যায়, মাহুশ্বের পরিপূর্ণ।’

শ্রোতাবিনী দয়ান্বিত মুখে কহিল, ‘তোমার ঐ বিদেশী মুহুরির কথা তোমার কাছে পূর্বে শুনিয়াছি। জানি না, উহার কথা শুনিয়া কেন আমাদের হিন্দুস্থানি বেহারি নিহরকে মনে পড়ে। সম্প্রতি দুটি শিশুসন্তান রাখিয়া তাহার স্ত্রী মরিয়া গিয়াছে। এখন সে কাজকর্ম করে,

## মহুশ্ব

দুপুর বেলা বসিরা পাখা টানে— কিন্তু এমন শুক শীর্ণ শুষ্ক লম্বীছাড়ার মতো হইয়া গেছে! তাহাকে যখন দেখি কষ্ট হয়। কিন্তু সে কষ্ট যেন ইহার একলার জন্ত নহে; আমি ঠিক বুঝাইতে পারি না, কিন্তু মনে হয় যেন সমস্ত মানবের জন্ত একটা বেদনা অল্পভূত হইতে থাকে।'

আমি কহিলাম, 'তাহার কারণ, উহার যে ব্যথা সমস্ত মানবের সেই ব্যথা। সমস্ত মানুষই ভালোবাসে এবং বিরহ বিচ্ছেদ মৃত্যুর দ্বারা পীড়িত ও ভীত। তোমার ঐ পাখাওয়াল ভৃত্যের আনন্দহারা বিষয় মুখে সমস্ত পৃথিবীবাসী মানুষের বিষাদ অঙ্কিত হইয়া রহিয়াছে।'

শ্রোতস্বিনী কহিল, 'কেবল তাহাই নয়। মনে হয়, পৃথিবীতে যত দুঃখ তত দয়া কোথায় আছে। কত দুঃখ আছে যেখানে মানুষের সাঙ্ঘনা কোনো কালে প্রবেশও করে না, অথচ কত আয়গা আছে যেখানে ভালোবাসার অনাবশ্যক অতিবৃষ্টি হইয়া যায়। যখন দেখি আমার ঐ বেহারা ধৈর্যসহকারে মুকভাবে পাখা টানিয়া ষাইতেছে, ছেলেদুটো উঠানে গড়াইতেছে, পড়িয়া গিয়া চীৎকারপূর্বক কাঁদিয়া উঠিতেছে, বাপ মুখ কিরাইয়া কারণ জানিবার চেষ্টা করিতেছে, পাখা ছাড়িয়া উঠিয়া ষাইতে পারিতেছে না— জীবনে আনন্দ অল্প অথচ পেটের জ্বালা কম নহে, 'জীবনে যত বড়ো দুর্ঘটনাই ঘটুক দুই মুষ্টি অন্নের জন্ত নিয়মিত কাজ চালাইতেই হইবে, কোনো ক্রটি হইলে কেহ মাপ করিবে না— যখন ভাবিয়া দেখি এমন অসংখ্য লোক আছে যাহাদের দুঃখকষ্ট, যাহাদের মহুশ্ব আমাদের কাছে যেন অনাবিকৃত— যাহাদিগকে আমরা কেবল ব্যবহারে লাগাই এবং বেতন দিই, গ্ৰেহ দিই না, সাঙ্ঘনা দিই না, প্রজ্ঞা দিই না— তখন বাস্তবিকই মনে হয়, পৃথিবীর অনেকখানি যেন নিবিড় অন্ধকারে আবৃত, আমাদের দৃষ্টির একেবারে অগোচর। কিন্তু সেই অজ্ঞাতনামা দীপ্তিহীন দেশের লোকেরাও ভালোবাসে এবং ভালোবাসার

## মহুশ্য

যোগ্য। আমার মনে হয়, বাহাদের মহিমা নাই, বাহারা একটা অস্বচ্ছ আবেশের মধ্যে বদ্ধ হইয়া আপনাকে ভালোরূপে ব্যক্ত করিতে পারে না, এমন কি, নিজেকেও ভালোরূপে চেনে না, মুকমুদু ভাবে সুখ দুঃখ বেদনা সহ করে, তাহাদিগকে মানবরূপে প্রকাশ করা, তাহাদিগকে আমাদের আত্মীয়রূপে পরিচিত করাইয়া দেওয়া, তাহাদের উপরে কাব্যের আলোক নিক্ষেপ করা আমাদের এখনকার কবিদের কর্তব্য।

ক্ষিত্তি কহিল, 'পূর্বকালে এক সময়ে সকল বিষয়ে প্রবলতার আদর কিছু অধিক ছিল। এখন মহুশ্যসমাজ অনেকটা অসহায় অবস্থিত ছিল, যে প্রতিভাশালী, যে ক্ষমতাশালী, সেই এখনকার সমস্ত স্থান অধিকার করিয়া লইত। এখন সমস্ততার স্বশাসনে স্বশৃঙ্খলায় বিশ্ববিপদ দূর হইয়া প্রবলতার অত্যধিক মর্যাদা হ্রাস হইয়া গিয়াছে। এখন অকৃত্তী অক্ষমেরাও সংসারের খুব একটা বৃহৎ অংশের শত্রিক হইয়া পাড়াইয়াছে। এখনকার কাব্য-উপন্যাসও ভীষ্মদ্রোণকে ছাড়িয়া এই সমস্ত মুক জাতির ভাষা, এই সমস্ত ভ্রষ্টাচ্ছন্ন অন্ধারের আলোক প্রকাশ করিতে প্রযুক্ত হইয়াছে।'

সমীর কহিল, 'নবোদিত সাহিত্যসূর্যের আলোক প্রথমে অত্যন্ত পর্বতশিখরের উপরেই পতিত হইয়াছিল, এখন ক্রমে নিম্নবর্তী উপত্যকার মধ্যে প্রসারিত হইয়া ক্ষুদ্র দরিদ্র কুটিরগুলিকেও প্রকাশমান করিয়া তুলিতেছে।'



## মন

এই যে মধ্যাহ্নকালে নদীর ধারে পাড়ার্গায়ের একটি একতলা ঘরে বসিয়া আছি ; টিক্‌টিকি ঘরের কোণে টিক্‌টিক্‌ করিতেছে ; দেয়ালে পাখা টানিবার ছিঁদ্রের মধ্যে একজোড়া চড়ুই পাখি বাসা তৈরি করিবার অভিপ্রায়ে বাহির হইতে কুটা সংগ্রহ করিয়া কিচ্‌মিচ্‌ শব্দে মহাব্যস্ত ভাবে ক্রমাগত বাতাসাত করিতেছে ; নদীর মধ্যে নৌকা ভাসিয়া চলিয়াছে, উচ্চতটের অস্তুরালে নীলাকাশে তাহাদের মাস্তুল এবং স্ফীত পালের কিয়দংশ দেখা যাইতেছে ; বাতাসটি স্নিগ্ধ, আকাশটি পরিষ্কার, পরপারের অতিদূর তীরবেধা হইতে আর আমার বারান্দার সম্মুখবর্তী বেড়া-দেওয়া ছোটো বাগানটি পর্যন্ত উজ্জ্বল রৌদ্রে একখণ্ড ছবির মতো দেখাইতেছে — এই তো বেশ আছি। মায়ের কোলের মধ্যে সম্মান যেমন একটি উত্তাপ, একটি আরাম, একটি স্নেহ পায়, তেমনি এই পুরাতন প্রকৃতির কোল ঝঁষিয়া বসিয়া একটি জীবনপূর্ণ আনন্দপূর্ণ মুহূ উত্তাপ চতুর্দিক হইতে আমার সর্বাক্ষে প্রবেশ করিতেছে। তবে এই ভাবে থাকিয়া গেলে ক্ষতি কী। কাগজ কলম লইয়া বসিবার জন্য কে তোমাকে খোঁচাইতেছিল। কোন বিষয়ে তোমার কী মত, কিসে তোমার সম্মতি বা অসম্মতি, সে কথা লইয়া হঠাৎ ধুমধাম করিয়া কোমর বাঁধিয়া বসিবার কী দরকার ছিল। ঐ দেখো, মাঠের মাঝখানে, কোথাও কিছু নাই, একটা ঘূর্ণ-বাতাস খানিকটা ধূলা এবং শুকনো পাতার গুড়না উড়াইয়া কেমন চমৎকার ভাবে ঘুরিয়া নাচিয়া গেল। পদাঙ্গুলিমাত্রের উপর ভর করিয়া দীর্ঘ সরল হইয়া কেমন ভকিটি করিয়া মুহূর্তকাল দাঁড়াইল, তাহার পর হস্‌হাস্‌ করিয়া সমস্ত উড়াইয়া ছড়াইয়া দিয়া কোথায় চলিয়া গেল তাহার ঠিকানা নাই। সম্মল তো ভারি! গোটাকতক খড়কুটা ধূলাবালি স্থবিধামতো বাহা হাতের কাছে আসে তাহাই লইয়া বেশ একটু ভাবভঙ্গি

## মন

করিয়া কেমন একটি খেলা খেলিয়া লইল ! এমনি করিয়া জনহী-  
মধ্যাহ্নে সমস্ত মাঠময় নাচিয়া বেড়ায় । না আছে তাহার কোনো উদ্দেশ্য  
না আছে তাহার কেহ দর্শক— না আছে তাহার মত, না আছে তাহার  
তত্ত্ব, না আছে সমাজ এবং ইতিহাস সম্বন্ধে অতি সমীচীন উপদেশ—  
পৃথিবীতে বাহা কিছু সর্বাপেক্ষা অনাবশ্যক, সেই সমস্ত বিবৃত পরিভাষ্য  
পদার্থগুলির মধ্যে একটি উত্তম ফুৎকার দিয়া তাহাদিগকে মুহূর্তকালের  
জগৎ জীবিত জাগ্রত হৃন্দর করিয়া তোলে ।

অমনি যদি অভ্যস্ত সহজে এক নিশ্বাসে কতকগুলো বাহা-তাহা খাড়া  
করিয়া, হৃন্দর করিয়া ঘুরাইয়া উড়াইয়া, লাটিম খেলাইয়া চলিয়া বাইতে  
পারিতাম ! অমনি অবলীলাক্রমে সৃঙ্খন করিতাম, অমনি ফুঁ দিয়া  
ভাঙিয়া ফেলিতাম । চিন্তা নাই, চেষ্টা নাই, লক্ষ্য নাই ; শুধু একটা  
নৃত্যের আনন্দ, শুধু একটা সৌন্দর্যের আবেগ, শুধু একটা জীবনের ঘূর্ণা !  
অব্যবহিত প্রান্তর, অনাবৃত আকাশ, পবিব্যাপ্ত স্বর্ধালোক— তাহারই  
যাকখানে মুঠা মুঠা ধূলি লইয়া ইঞ্জরুজাল নির্মাণ করা, সে কেবল বেপা  
হৃদয়ের উদার উল্লাসে ।

এ হইলে তো বুঝা যায় । কিন্তু বসিয়া বসিয়া পাথরের উপর পাথর  
চাপাইয়া গলদঘর্ম হইয়া কতকগুলো নিশ্চল মত্তামত উচ্চ করিয়া তোলা !  
তাহার মধ্যে না আছে গতি, না আছে শ্রীতি, না আছে শ্রাণ । কেবল  
একটা কঠিন কীর্তি । তাহাকে কেহ বা হাঁ করিয়া দেখে, কেহ বা পা  
দিয়া ঠেলে— যোগ্যতা যেমনি থাক ।

কিন্তু ইচ্ছা করিলেও এ কাজে কাস্ত হইতে পারি কই । সভ্যতার  
খাতিরে মানুষ মন-নামক আপনার এক অংশকে অপরিমিত প্রশ্রম দিয়া  
অভ্যস্ত বাড়াইয়া তুলিয়াছে ; এখন তুমি যদি তাহাকে ছাড়িতে চাও, সে  
তোমাকে ছাড়ে না ।

লিখিতে লিখিতে আমি বাহিরে চাহিয়া দেখিতেছি, ঐ একটি লোক  
 যৌৱনিবারণের জন্ত মাথায় একটি চাদর চাপাইয়া দক্ষিণহস্তে শাল-  
 পাতের ঠোঙায় খানিকটা দহি লইয়া বন্ধনশালা অভিমুখে চলিয়াছে।  
 ওটি আমার ভৃত্য, নাম নারায়ণসিং। দিব্য হুটপুটে, নিশ্চিন্ত, প্রফুল্লচিত্ত,  
 উপযুক্তসারপ্রাপ্ত পৰ্বাপ্তপন্নবপূৰ্ণ মন্থণ চিকণ কাঠাল গাছটির মতো।  
 এইরূপ মাঝে এই বহিঃপ্রকৃতির সহিত ঠিক মিশ খায়। প্রকৃতি এবং  
 ইহার মাঝখানে বড়ো একটা বিচ্ছেদচিহ্ন নাই। এই জীবধাত্রী শস্ত-  
 শালিনী বৃহৎ বহুৱার অঙ্গসংলগ্ন হইয়া এ লোকটি বেশ সহজে বাস  
 করিতেছে, ইহার নিঃশব্দে মধ্যে নিঃশব্দে তিলমাত্র বিরোধ-বিলম্বাদ নাই।  
 ঐ গাছটি যেমন শিকড় হইতে পল্লবাপ্ত পৰ্বন্ত কেবল একটি আতা গাছ  
 হইয়া উঠিয়াছে, তাহার আর কিছুই জন্ত কোনো মাথাব্যথা নাই,  
 আমার হুটপুটে নারায়ণসিংটি তেমনি আত্মোপান্ত কেবলমাত্র একখানি  
 আন্ত নারায়ণসিং।

কোনো কোতুকশ্রিয় শিল্প-দেবতা যদি ছুটামি করিয়া ঐ আতা  
 গাছটির মাঝখানে কেবল একটি ফোঁটা মন কেলিয়া দেয়! তবে ঐ নরস  
 জামল দাক্তজীবনের মধ্যে কী এক বিষয় উপলব্ধ বাধিয়া যায়। তবে  
 চিন্তায় উহার চিকন সবুজ পাতাগুলি ভূৰ্জপত্রের মতো পাতুবর্ণ হইয়া যায়,  
 এবং গুড়ি হইতে প্রশাখা পৰ্বন্ত বৃহৎ ললাটের মতো কুঞ্চিত হইয়া  
 আসে। তখন বলন্তকালে আর কি অমন দুই-চারি দিনের মধ্যে সর্বাঙ্ক  
 কটি পাতায় পুলকিত হইয়া উঠে। ঐ গুটি-ঝাঁকা গোল গোল গুচ্ছ গুচ্ছ  
 ফলে প্রত্যেক শাখা জরিয়া যায়? তখন সমস্ত দিন এক পায়ের উপর  
 দাঁড়াইয়া দাঁড়াইয়া ভাবিতে থাকে, 'আমার কেবল কতকগুলো পাতা হইল  
 কেন, পাখা হইল না কেন। প্রাণপণে সিধা হইয়া এত উঁচু হইয়া  
 দাঁড়াইয়া আছি, তবু কেন বথেষ্ট পরিমাণে দেখিতে পাইতেছি না। ঐ

দিশ্বেশের পরপারে কী আছে। ঐ আকাশের তারাগুলি যে গাছের শাখায় ফুটিয়া আছে, সে গাছ কেমন করিয়া নাগাল পাইব। আমি কোথা হইতে আসিলাম, কোথায় বাইব, এ কথা বত কণ না স্থির হইবে তত কণ আমি পাতা ঝরাইয়া, ডাল শুকাইয়া, কাঠ হইয়া, দাঁড়াইয়া ধ্যান করিতে থাকিব। আমি আছি অথবা আমি নাই, অথবা আমি আছিও বটে নাইও বটে, এ প্রশ্নের বত কণ মীমাংসা না হয় তত কণ আমার জীবনে কোনো সুখ নাই। দীর্ঘ বর্ষার পর যে দিন প্রাতঃকালে প্রথম সূর্য ওঠে সে দিন আমার মন্ডার মধ্যে যে একটি পুলক-সংকার হয় সেটা আমি ঠিক কেমন করিয়া প্রকাশ করিব, এক দীতান্তে ফাস্কনের মাঝামাঝি যে দিন হঠাৎ সায়ংকালে একটা দক্ষিণের বাতাস উঠে সে দিন ইচ্ছা করে— কী ইচ্ছা করে কে আমাকে বুঝাইয়া দিবে।’

এই সমস্ত কাণ্ড! গেল বেচারার ফুল ফোটানো, রসশস্ত্রপূর্ণ আতাকল পাকানো। বাহা আছে তাহা অপেক্ষা বেশি হইবার চেষ্টা করিয়া, যে বকম আছে আর এক বকম হইবার ইচ্ছা করিয়া, না হয় এ দিক, না হয় ও দিক। অবশেষে এক দিন হঠাৎ অন্তর্বেদনার গুঁড়ি হইতে অগ্রশাখা পর্যন্ত বিদীর্ণ হইয়া বাহির হয় একটা সাময়িক পত্রের প্রবন্ধ, একটা সমালোচনা, আরণ্য সমাজ সম্বন্ধে একটা অসাময়িক তথ্যপত্র। তাহার মধ্যে না থাকে সেই পল্লবমর্মর, না থাকে সেই ছায়া, না থাকে সর্বাঙ্গব্যাপ্ত সরস সম্পূর্ণতা।

যদি কোনো প্রবল শয়তান সন্ন্যাসের মতো লুকাইয়া মাটির নীচে প্রবেশ করিয়া, শতলক্ষ আঁকাবাঁকা শিকড়ের ভিত্তর দিয়া পৃথিবীর সমস্ত তরলতা তৃণশুল্কের মধ্যে মনঃসংকার করিয়া দেয়, তাহা হইলে পৃথিবীতে কোথায় কুড়াইবার স্থান থাকে। ভাগ্যে বাগানে আসিয়া পাখির গানের মধ্যে কোনো অর্ধ পাণ্ডুর বায় না এবং অক্ষরহীন সবুজ পত্রের পরিবর্তে

শাখায় শাখায় শুক বেতবর্ণ মাসিক-পত্র সংবাদপত্র এবং বিজ্ঞাপন  
ঝুলিতে দেখা যায় না।

ভাগ্যে গাছেদের মধ্যে চিন্তাশীলতা নাই! ভাগ্যে ধুতুরা গাছ কামিনী  
গাছকে সমালোচনা করিয়া বলে না 'তোমার ফুলের মধ্যে কোমলতা  
আছে কিন্তু ওজস্বিতা নাই', এবং কুলফুল কাঠালকে বলে না 'তুমি  
আপনাকে বড়ো মনে কর কিন্তু আমি তোমা অপেক্ষা কুম্বাগুকে ঢের  
উচ্চ আসন দিই'। কদলী বলে না 'আমি সর্বাপেক্ষা অল্প মূল্যে সর্বাপেক্ষা  
বৃহৎ পত্র প্রচার করি', এবং কচু তাহার প্রতিযোগিতা করিয়া তদপেক্ষা  
স্বল্পত মূল্যে তদপেক্ষা বৃহৎ পত্রের আয়োজন করে না।

তর্কতাড়িত চিন্তাতাপিত বস্তুতাত্মাঙ্ক মাহুষ উদার উন্মুক্ত আকাশের  
চিন্তারোধাহীন জ্যোতির্বিষ প্রশস্ত ললাট দেখিয়া, অরণ্যের ভাবাহীন মর্মর  
ও তরঙ্গের অর্থহীন কলধ্বনি শুনিয়া, এই মনোবিহীন অগাধ প্রশান্ত  
প্রকৃতির মধ্যে অবগাহন করিয়া, তবে কতকটা স্নিগ্ধ ও সংযত হইয়া  
আছে। ঐ একটুখানি মনঃফুলিঙ্গের দাহ-নিবৃত্তি করিবার জন্ত এই  
অনন্তপ্রসারিত অমনঃসমুদ্রের প্রশান্ত নীলাশুরাশির আবশ্যক হইয়া  
পড়িয়াছে।

আসল কথা পূর্বেই বলিয়াছি, আমাদের ভিতরকার সমস্ত সামঞ্জস্য  
নষ্ট করিয়া আমাদের মনটা অত্যন্ত বৃহৎ হইয়া পড়িয়াছে। তাহাকে  
কোথাও আর কুলাইয়া উঠিতেছে না। খাইবার পরিবার, জীবনধারণ  
করিবার, স্নেহে স্বচ্ছন্দে থাকিবার পক্ষে যতখানি আবশ্যক, মনটা তাহার  
অপেক্ষা ঢের বেশি বড়ো হইয়া পড়িয়াছে। এই জন্ত, প্রয়োজনীয় সমস্ত  
কাজ সারিয়া ফেলিয়াও চতুর্দিকে অনেকখানি মন বাকি থাকে। কাজেই  
সে বসিয়া বসিয়া ভায়ারি লেখে, তর্ক করে, সংবাদপত্রের সংবাদদাতা  
হয়, বাহাকে সহজে বোঝা যায় তাহাকে কঠিন করিয়া তুলে, বাহাকে

## মন

এক ভাবে বোঝা উচিত তাকে আর এক ভাবে দাঁড় করায়, বাহা কোনো কালে কিছুতেই বোঝা যায় না অল্প সমস্ত ফেলিয়া তাহা লইয়াই লাগিয়া থাকে, এমন কি, এ সকল অপেক্ষাও অনেক গুরুতর গহিত কার্য করে।

কিন্তু আমার ঐ অনতিসম্ভা নারায়ণসিংহের মনটি উহার শরীরের মাঝে উহার আবস্তকের গায়ে গায়ে ঠিক ফিট করিয়া লাগিয়া আছে। উহার মনটি উহার জীবনকে শীতাতপ অশ্রু অশ্রু এবং লজ্জা হইতে রক্ষা করে কিন্তু যখন-তখন উনপঞ্চাশ বায়ুবেগে চতুর্দিকে উজ্জ্বল উজ্জ্বল করে না। এক-আধটা বোভামের ছিদ্র দিয়া বাহিরের চোরা হাওয়া উহার মানস-আবরণের ভিতরে প্রবেশ করিয়া তাকে যে কখনো একটু-আধটু ক্ষীণ করিয়া তোলে না তাহা বলিতে পারি না, কিন্তু ততটুকু মনশ্চাঞ্চলা তাহার জীবনের স্বাস্থ্যের পক্ষেই বিশেষ আবশ্যিক।

## অথগুতা

দীপ্তি কহিল, 'সত্য কথা বলিতেছি, আমার তো মনে হয়, আজকাল প্রকৃতির স্তব লইয়া তোমরা সকলে কিছু বাড়াবাড়ি আরম্ভ করিয়াছে।'

আমি কহিলাম, 'দেবী, আর কাহারও স্তব বৃদ্ধি তোমাদের গায়ে সহে না?'

দীপ্তি কহিল, 'যখন স্তব ছাড়া আর বেশি কিছু পাওয়া যায় না তখন গুটার অপব্যয় দেখিতে পারি না।'

সমীর অত্যন্ত বিনম্রমনোহর হাস্তে গ্রীবা আনমিত করিয়া কহিল, 'উপবতী, প্রকৃতির স্তব এবং তোমাদের স্তবে বড়ো একটা প্রভেদ নাই। ইহা বোধ হয় লক্ষ্য করিয়া দেখিয়া থাকিবে, বাহারা প্রকৃতির স্তবগান রচনা করিয়া থাকে তাহারা তোমাদেরই মন্দিরের প্রধান পূজারি।'

দীপ্তি অভিমানভরে কহিল, 'অর্থাৎ বাহারা জড়ের উপাসনা করে তাহারাই আমাদের ভক্ত।'

সমীর কহিল, 'এত বড়ো ভুলটা বৃথিলে, কাজেই একটা সুদীর্ঘ কৈফিয়ত দিতে হয়। আমাদের ভূতসত্তার বর্তমান সভাপতি শ্রদ্ধাঙ্গদ গ্রীযুক্ত ভূতনাথবাবু তাঁর ডায়ারিতে মন-নামক একটা ছরস্তু পদার্থের উপস্থবের কথা বর্ণনা করিয়া যে একটি প্রবন্ধ লিখিয়াছেন, সে তোমরা সকলেই পাঠ করিয়াছ। আমি তাহার নীচেই গুটিকতক কথা লিখিয়া রাখিয়াছি, যদি সভাগণ অনুমতি করেন তবে পাঠ করি— আমার মনের ভাবটা তাহাতে পরিষ্কার হইবে।'

ক্ষিতি করজোড়ে কহিল, 'দেখো ভাই সমীরণ, লেখক এবং পাঠকে যে সম্পর্ক সেইটেই স্বাভাবিক সম্পর্ক— তুমি ইচ্ছা করিয়া লিখিলে, আমি ইচ্ছা করিয়া পড়িলাম, কোনো পক্ষে কিছু বলিবার রহিল না। যেন ধানের সহিত তরবারি মিলিয়া গেল। কিন্তু তরবারি যদি অনিচ্ছুক

## অধঃপতন

অস্থিচর্মের মধ্যে সেই প্রকার স্তম্ভীয় আত্মীয়তা স্থাপনে প্রবৃত্ত হয়, তবে সেটা তেমন বেশ স্বাভাবিক এবং মনোহর-রূপে সম্পন্ন হয় না। লেখক এবং প্রোডার সম্পর্কটাও সেইরূপ অস্বাভাবিক, অসঙ্গত। হে চতুরানন, পাণের যেমন শাস্তিই বিধান কর যেন আর জন্মে ডাক্তারের ঘোড়া, মাতালের স্ত্রী এবং প্রবন্ধলেখকের বন্ধু হইয়া জগৎগ্রহণ না করি।’

ব্যোম একটা পরিহাস করিতে চেষ্টা করিল; কহিল, ‘একে তো বন্ধু অর্থেই বন্ধন, তাহার উপরে প্রবন্ধ-বন্ধন হইলে ঈশ্বরের উপরে ঈশাস হয়— গণ্ডেশোপরি বিস্ফোটকম্।’

দীপ্তি কহিল, ‘হাসিবার অল্প দুইটি বৎসর সময় প্রার্থনা করি; ইতিমধ্যে পাপিনি অমরকোষ এবং ধাতুপাঠ আয়ত্ত করিরা লইতে হইবে।’

সুনিয়া ব্যোম অভ্যস্ত কৌতুকলাভ করিল। হাসিতে হাসিতে কহিল, ‘বড়ো চমৎকার বলিরাছ। আমরা একটা গল্প মনে পড়িতেছে—’

স্রোতস্বিনী কহিল, ‘তোমরা সমীরের লেখাটা আজ আর স্মরণে দিবে না দেখিতেছি। সমীর, তুমি পড়ো, উহাদের কথায় কর্ণপাত করিয়ে না।’

স্রোতস্বিনীর আদেশের বিরুদ্ধে কেহ আর আপত্তি করিল না। এমন কি, স্বয়ং ক্ষিত্তি শেলকের উপর হইতে ডায়ারির খাতাটি পাড়িয়া আনিল এবং নিতান্ত নিরীহ নিরুপায়ের মতো সংযত হইয়া বসিয়া রহিল।

সমীর পড়িতে লাগিল, ‘মাচুষকে বাধ্য হইয়া পদে পদে মনের সাহায্য লইতে হয়, এই অল্প ভিতরে ভিতরে আমরা সেটাকে দেখিতে পারি না। মন আমাদের অনেক উপকার করে কিন্তু তাহার স্বভাব এমনই যে, আমাদের সঙ্গে কিছুতেই সে সম্পূর্ণ মিলিরা মিলিরা থাকিতে পারে না। সর্বদা খিটখিট করে, পরামর্শ দেয়, উপদেশ দিতে আসে,



## অখণ্ডতা

সকল কাজেই হস্তক্ষেপ করে। সে যেন এক জন বাহিনের লোক ঘরের হইয়া পড়িয়াছে— তাহাকে ত্যাগ করাও কঠিন, তাহাকে ভালোবাসাও দুঃসাধ্য।

‘সে যেন অনেকটা বাঙালির দেশে ইংরাজের গবর্নমেন্টের মতো। আমাদের সবল দিশি রকমের ভাব, আর তাহার জটিল বিদেশী রকমের আইন। উপকার করে, কিন্তু আত্মীয় মনে করে না। সেও আমাদের বৃদ্ধিতে পারে না, আমরাও তাহাকে বৃদ্ধিতে পারি না। আমাদের যে সকল স্বাভাবিক সহজ ক্ষমতা ছিল তাহার শিক্ষায় সেগুলি নষ্ট হইয়া গেছে, এখন উঠিতে বসিতে তাহার সাহায্য ব্যতীত আর চলে না।

‘ইংরাজের সহিত আমাদের মনের আরো কতকগুলি মিল আছে। এত কাল সে আমাদের মধ্যে বাস করিতেছে তবু সে বাসিন্দা হইল না, তবু সে সর্বদা উজু-উজু করে। যেন কোনো সুযোগে একটা ফর্লো পাইলেই, মহাসমুদ্রপারে তাহার জন্মভূমিতে পাড়ি দিতে পারিলেই বাচে। সব চেয়ে আশ্চর্য সাদৃশ্য এই যে, তুমি বতই তাহার কাছে নরম হইবে, বতই ‘যো ছুজুর খোদাবন্দ’ বলিয়া হাত জোড় করিবে ততই তাহার প্রতাপ বাড়িয়া উঠিবে; আর তুমি যদি ফসু করিয়া হাতের আস্তিন গুটাইয়া ঘুঘি উচাইতে পার, খুস্টান শাস্ত্রের অহুশাসন অগ্রাহ করিয়া চড়টির পরিবর্তে চাপড়টি প্রয়োগ করিতে পার, তবে সে জল হইয়া যাইবে।

‘মনের উপর আমাদের বিেষ এতই সুগভীর যে, যে কাজে তাহার হাত কম দেখা যায় তাহাকেই আমরা সব চেয়ে অধিক প্রশংসা করি। নীতিগ্রন্থে হঠকানিতায় নিন্দা আছে বটে, কিন্তু প্রকৃতপক্ষে তাহার প্রতি আমাদের আন্তরিক অহুশাগ দেখিতে পাই। যে ব্যক্তি অভ্যস্ত বিবেচনাপূর্বক অগ্রপশ্চাৎ ভাবিয়া অভিসমুর্ক ভাবে কাজ করে, তাহাকে

## অধঃপতন

আমরা ভালোবাসি না ; কিন্তু যে ব্যক্তি সর্বদা নিশ্চিত, অজ্ঞানবদনে বেকাস কথা বলিয়া বসে এবং অবলীলাক্রমে বেঘাড়া কাজ করিয়া ফেলে, লোকে তাহাকে ভালোবাসে। যে ব্যক্তি ভবিষ্যতের হিসাব করিয়া বড়ো সাবধানে অর্থসঞ্চয় করে, লোকে ঋণের আশঙ্ক হইলে তাহার নিকট গমন করে এবং তাহাকে মনে মনে অপরাধী করে ; আর, যে নিবোধ নিজের ও পরিবারের ভবিষ্যৎ শুভাশুভ গণনামাত্র না করিয়া বাহা পায় তৎক্ষণাৎ মুক্তহস্তে ব্যয় করিয়া বসে, লোকে অগ্রসর হইয়া তাহাকে ঋণদান করে এবং সকল সময় পরিশোধের প্রত্যাশা রাখে না। অনেক সময় অবিবেচনা অর্থাৎ মনোবিহীনতাকেই আমরা উদারতা বলি এবং যে মনস্বী হিতাহিতজ্ঞানের অহুদেহ-ক্রমে যুক্তির লগ্নন হাতে লইয়া অত্যন্ত কঠিন সংকল্পের সহিত নিয়মের চুল-চেয়া পথ ধরিয়া চলে, তাহাকে লোকে হিসাবী, বিষয়ী, সংকীর্ণমনা প্রভৃতি অপবাদসূচক কথা বলিয়া থাকে।

‘মনটা যে আছে এইটুকু যে ভুলাইতে পারে তাহাকেই বলি মনোহর। মনের বোঝাটা যে অবস্থায় অচুড়ব করি না সেই অবস্থাটাকে বলি আনন্দ। নেশা করিয়া বরং পশুর মতো হইয়া যাই, নিজের সর্বনাশ করি, সেও স্বীকার, তবু কিছু ক্ষণের জগ্ন খানার মধ্যে পড়িয়াও সে উজ্জাস শব্দগণ করিতে পারি না। মন যদি যথার্থ আমাদের আত্মীয় হইত এবং আত্মীয়ের মতো ব্যবহার করিত তবে কি এমন উপকারী লোকটার প্রতি এতটা দূর অকৃতজ্ঞতার উদয় হইত।

‘বুদ্ধির অপেক্ষা প্রতিভাকে আমরা উচ্চাসন কেন দিই। বুদ্ধি প্রতিদিন প্রতি মুহূর্তে আমাদের সহস্র কাজ করিয়া দিতেছে, সে না হইলে আমাদের জীবন রক্ষা করা দুঃসাধ্য হইত ; আর প্রতিভা কালেভাঙ্গ্রে আমাদের কাজে আসে এবং অনেক সময় অকাজেও আসে। কিন্তু

## অখণ্ডতা

বুদ্ধিটা হইল মনের, তাহাকে পদক্ষেপ গণনা করিয়া চলিতে হয় ; আর প্রতিভা মনের নিরমাবলী রক্ষা না করিয়া হাওয়ার মতো আসে, কাহারও আত্মানও মানে না, নিবেধও অগ্রাহ করে ।

‘প্রকৃতির মধ্যে সেই মন নাই, এই স্তম্ভ প্রকৃতি আমাদের কাছে এমন মনোহর । প্রকৃতিতে একটার স্তিতরে আর একটা নাই । আর্-সোলার স্কন্ধে কাঁচপোকা বসিয়া তাহাকে শুধিয়া খাইতেছে না । যুক্তিকা হইতে আর ঐ জ্যোতিঃসিক্ত আকাশ পর্যন্ত তাহার এই প্রকাণ্ড ঘরকন্নার মধ্যে একটা ভিন্নদেশী পরের ছেলে প্রবেশ লাভ করিয়া দৌরাশ্ব্য করিতেছে না ।

‘সে একাকী, অখণ্ডসম্পূর্ণ, নিশ্চিন্ত, নিরুদ্বেগ । তাহার অসীম নীল ললাটে বুদ্ধির রেখামাত্র নাই, কেবল প্রতিভার জ্যোতি চিরদীপ্যমান । যেমন অনায়াসে একটি সর্বাঙ্গসুন্দরী পুষ্পমঞ্জরী বিকশিত হইয়া উঠিতেছে, তেমনি অবহেলে একটা হৃদাস্ত ঝড় আসিয়া সুখস্বপ্নের মতো সমস্ত ভাঙিয়া দিয়া চলিয়া যাইতেছে । সকলই যেন ইচ্ছায় হইতেছে, চেষ্টায় হইতেছে না । সে ইচ্ছা কখনো আদর করে, কখনো আঘাত করে ; কখনো প্রেমসী অপসরীর মতো গান করে, কখনো ক্ষুধিত রাক্ষসীর দ্বায় গর্জন করে ।

‘চিন্তাপীড়িত সংস্কারপন্ন মাহুষের কাছে এই বিধাশূন্য অব্যবহিত ইচ্ছাশক্তি বড়ো একটা প্রচণ্ড আকর্ষণ আছে । রাজতন্ত্রি প্রভুতন্ত্রি তাহার একটা নিদর্শন । যে রাজা ইচ্ছা করিলেই প্রাণ দিতে এবং প্রাণ লইতে পারে তাহার স্তম্ভ যত লোক ইচ্ছা করিয়া প্রাণ দিয়াছে, বর্তমান যুগের নিয়মপাশবন্ধ রাজার [স্তম্ভ এত লোক বেচ্ছাপূর্বক আত্মবিসর্জনে উন্মত্ত হয় না ।

‘বাহারী মহুগ্ৰজাতির নেতা হইয়া জন্মিযাছে তাহাদের মন দেখা যায় না । তাহারা কেন, কী ভাবিয়া, কী যুক্তি অনুসারে কী কাজ করিতেছে

## অধঃপতন

তৎক্ষণাৎ তাহা কিছুই বুঝা যায় না ; এবং মাহুদ নিজের সংশয়তিমিষাচ্ছন্ন ক্ষুদ্র গহ্বর হইতে বাহির হইয়া পতনের মতো কাঁকে কাঁকে তাহাদের বদন্তশিখার মধ্যে আত্মঘাতী হইয়া ঝাঁপ দেয় ।

‘রমণীও প্রকৃতির মতো । মন আসিয়া তাহাকে মাঝখান হইতে ছুই ভাগ করিয়া দেয় নাই । সে পুষ্পের মতো আগাগোড়া একখানি । এই জন্ত তাহার গতিবিধি আচার-ব্যবহার এমন সহজসম্পূর্ণ । এই জন্ত বিধান্দোলিত পুরুষের পক্ষে রমণী ‘মরণং ধ্রুবং’ ।

‘প্রকৃতির স্তায় রমণীরও কেবল ইচ্ছাশক্তি, তাহার মধ্যে যুক্তিতর্ক বিচার-আলোচনা কেন কী-বৃত্তান্ত নাই । কখনো সে চারি হস্তে অন্ন বিতরণ করে, কখনো সে প্রলয়মূর্তিতে সংহার করিতে উদ্বৃত্ত হয় । ভক্তেরা কব-জোড়ে বলে, ‘তুমি মহামায়া, তুমি ইচ্ছাময়ী, তুমি প্রকৃতি, তুমি শক্তি ।’

সমীর হাঁপ ছাড়িবার জন্ত একটু খামিবামাত্র ক্ষিতি গম্ভীর মুখ করিয়া কহিল, ‘বাঃ ! চমৎকার ! কিন্তু তোমার গা ছুঁইয়া বলিতেছি, এক বর্ষ যদি বুঝিয়া থাকি । বোধ করি তুমি যাহাকে মন ও বুদ্ধি বলিতেছ প্রকৃতির মতো আমার মধ্যেও সে জিনিসটার অভাব আছে, কিন্তু তৎপরিবর্তে প্রতিভার জ্বলও কাহারও নিকট হইতে প্রশংসা পাই নাই এবং আকর্ষণশক্তিও বে অধিক আছে, তাহার কোনো প্রত্যক্ষ প্রমাণ পাওয়া যায় না ।’

দীপ্তি সমীরকে কহিল, ‘তুমি বে মুসলমানের মতো কথা কহিলে, তাহাদের লাঞ্জেই তো বলে মেয়েদের আত্মা নাই ।’

শ্রোতস্বিনী চিন্তাধিত ভাবে কহিল, ‘মন এবং বুদ্ধি শব্দটা যদি তুমি একই অর্থে ব্যবহার কর আর যদি বল, আমরা তাহা হইতে বঞ্চিত, তবে তোমার সহিত আমার মতের মিল হইল না ।’

## অখণ্ডতা

সমীর কহিল, 'আমি যে কথাটা বলিয়াছি তাহা বীতিমতো তর্কের  
যোগ্য নহে। প্রথম বর্ষায় পদ্মা যে চয়টা গড়িয়া দিয়া গেল তাহা বালি,  
তাহার উপরে লাঙল লইয়া পড়িয়া তাহাকে ছিন্নবিচ্ছিন্ন করিলে কোনো  
ফল পাওয়া যায় না। ক্রমে ক্রমে দুই-তিন বর্ষায় স্তরে স্তরে যখন তাহার  
উপর মাটি পড়িবে তখন সে কর্ণণ সহিবে। আমিও তেমনি চলিতে  
চলিতে শ্রোতোবেগে একটা কথাকে কেবল প্রথম দাঁড় করাইলাম মাত্র।  
হয়তো দ্বিতীয় শ্রোতে একেবারে ভাঙিতেও পারে, অথবা পলি পড়িয়া  
উর্বরা হইতেও আটক নাই। যাহা হউক, আসামির সমস্ত কথাটা গুনিয়া  
তার পর বিচার করা হউক।—

'মানুষের অস্তঃকরণের দুই অংশ আছে। একটা অচেতন বৃহৎ গুপ্ত  
এবং নিশ্চেষ্ট, আর একটা সচেতন সক্রিয় চঞ্চল পরিবর্তনশীল। যেমন  
মহাদেশ এবং সমুদ্র। সমুদ্র চঞ্চল ভাবে বাহা কিছু সঞ্চয় করিতেছে, তাগ  
করিতেছে, গোপন তলদেশে তাহাই দৃঢ় নিশ্চল আকারে উত্তরোত্তর রাশী-  
কৃত হইয়া উঠিতেছে। সেইরূপ আমাদের চেতনা প্রতিদিন বাহা কিছু  
আনিতেছে ফেলিতেছে, সেই সমস্ত ক্রমে সংস্কার স্মৃতি অভ্যাস-আকারে  
একটি বৃহৎ গোপন আধারে অচেতন ভাবে সঞ্চিত হইয়া উঠিতেছে।  
তাহাই আমাদের জীবনের ও চরিত্রের স্থায়ী ভিত্তি। সম্পূর্ণ তলাইয়া  
তাহার সমস্ত স্তরপর্ধ্য কেহ আবিষ্কার করিতে পারে না। উপর হইতে  
যতটা দৃশ্যমান হইয়া উঠে, অথবা আকস্মিক ভূমিকম্পবেগে যে নিগূঢ় অংশ  
উর্ধ্বে উৎক্লিষ্ট হয় তাহাই আমরা দেখিতে পাই।

'এই মহাদেশেই শস্য পুষ্প ফল সৌন্দর্য ও জীবন অতি সহজে উদ্ভিন্ন  
হইয়া উঠে। ইহা দৃশ্যতঃ স্থির ও নিষ্ক্রিয়; কিন্তু ইহার ভিতরে একটি  
অন্যায়সমনৈপুণ্য, একটি গোপন জীবনীশক্তি নিগূঢ় ভাবে কাজ করিতেছে।  
সমুদ্র কেবল ফুলিতেছে এবং ছুলিতেছে, বাণিজ্যতরী ভাসাইতেছে এবং

## অখণ্ডতা

ডুবাইতেছে, অনেক আহরণ এবং সংহরণ করিতেছে, তাহার বলের সীমা নাই, কিন্তু তাহার মধ্যে জীবনীশক্তি ও ধারণীশক্তি নাই, সে কিছুই জন্ম দিতে ও পালন করিতে পারে না।

‘রূপকে যদি কাহারও আপত্তি না থাকে তবে আমি বলি, আমাদের এই চঞ্চল বহিরংশ পুরুষ, এবং এই বৃহৎ গোপন অচেতন অন্তরংশ নারী।

‘এই স্থিতি এবং গতি, সমাজে স্ত্রী ও পুরুষের মধ্যে ভাগ হইয়া গিয়াছে। সমাজের সমস্ত আহরণ উপার্জন জ্ঞান ও শিক্ষা স্ত্রীলোকের মধ্যে গিয়া নিশ্চল স্থিতি লাভ করিতেছে। এই জন্ম তাহার এমন সহজ বুদ্ধি, সহজ শোভা, অশিক্ষিতপটুতা। মনুষ্যসমাজে স্ত্রীলোক বহুকালের রচিত; এই জন্ম তাহার সংস্কারগুলি এমন দৃঢ় ও পুরাতন, তাহার সকল কর্তব্য এমন চিরাভ্যস্ত সহজসাধ্যের মতো হইয়া চলিতেছে। পুরুষ উপস্থিত আবশ্যকের সন্ধানে সময়শ্রোতে অক্ষুণ্ণ পরিবর্তিত হইয়া চলিতেছে; কিন্তু সেই সমুদয় চঞ্চল প্রাচীন পরিবর্তনের ইতিহাস স্ত্রীলোকের মধ্যে স্থিরে স্থিরে নিত্য ভাবে সঞ্চিত হইতেছে।

‘পুরুষ আংশিক, বিচ্ছিন্ন, সামঞ্জস্যবিহীন। আর স্ত্রীলোক এমন একটি সংগীত যাহা সময়ে আসিয়া স্বন্দর সুগোল ভাবে সম্পূর্ণ হইতেছে; তাহাতে উক্তরোক্তর যতই পদ সংযোগ ও নব নব তান যোজনা কর না কেন, সেই সমষ্টি আসিয়া সমস্তটিকে একটি সুগোল সম্পূর্ণ গণ্ডি দিয়া ঘিরিয়া লয়। মাঝখানে একটি স্থির কেন্দ্র অবলম্বন করিয়া আবর্ত আপনার পরিধি বিস্তার করে, সেই জন্ম হাতের কাছে যাহা আছে তাহা সে এমন সুনিপুণ স্বন্দর ভাবে টানিয়া আপনার করিয়া লইতে পারে।

‘এই যে কেন্দ্রটি ইহা বুদ্ধি নহে, ইহা একটি সহজ আকর্ষণশক্তি। ইহা একটি ঐক্যবিন্দু। মনঃপদার্থটি যেখানে আসিয়া উকি মারেন সেখানে এই স্বন্দর ঐক্য শতধা বিকিণ্ড হইয়া যায়।’

## অখণ্ডতা

ব্যোম অধীরের মতো হইয়া হঠাৎ আবৃত্ত করিয়া দিল, 'তুমি বাহাকে  
ক্রীড়া বলিতেছ আমি তাহাকে আত্মা বলি ; তাহার ধর্মই এই, সে পাঁচটা  
বস্তকে আপনার চারি দিকে টানিয়া আনিয়া একটা গঠন দিয়া গড়িয়া  
তোলে । আর বাহাকে মন বলিতেছ সে পাঁচটা বস্তর প্রতি আকৃষ্ট হইয়া  
আপনাকে এবং তাহাদিগকে ভাঙিয়া ভাঙিয়া ফেলে । সেই জন্ত আত্ম-  
যোগের প্রধান সোপান হইতেছে মনটাকে অবরুদ্ধ করা ।

'ইংরাজের সহিত সমীর মনের যে তুলনা করিয়াছেন এখানেও  
খাটে । ইংরাজ সকল জিনিসকেই অগ্রসর হইয়া তাড়াহইয়া খেদাইয়া  
ধরে । তাহার 'আশাবিৎ কো গতঃ', শুনিয়াছি সূর্যদেবও নহেন-- তিনি  
তাহার রাজ্যে উদয় হইয়া এ পর্যন্ত অস্ত হইতে পারিলেন না । আর  
আমরা আত্মার স্রায় কেন্দ্রগত হইয়া আছি ; কিছু হরণ করিতে চাহি না,  
চতুর্দিকে বাহা আছে তাহাকে ঘনিষ্ঠ ভাবে আকৃষ্ট করিয়া গঠন করিয়া  
তুলিতে চাই । এই জন্ত আমাদের সমাজের মধ্যে, গৃহের মধ্যে, ব্যক্তিগত  
জীবনযাত্রার মধ্যে, এমন একটা রচনার নিবিড়তা দেখিতে পাওয়া যায় ।  
আহরণ করে মন, আর সৃজন করে আত্মা ।

'যোগের সকল তথ্য জানি না ; কিন্তু শুনা যায়, যোগবলে বোঙ্গিয়া সৃষ্টি  
করিতে পারিতেন । প্রতিভার সৃষ্টিও সেইরূপ । কবিরা সহজ ক্ষমতা-বলে  
মনটাকে নিরস্ত করিয়া দিয়া অর্ধ-অচেতন ভাবে যেন একটা আত্মার  
আকর্ষণে ভাব বস দৃষ্ট বর্ণ ধ্বনি কেমন করিয়া সঞ্চিত করিয়া, পুঞ্জিত  
করিয়া, জীবনে স্ফুটনে মণ্ডিত করিয়া খাড়া করিয়া তুলেন ।

'বড়ো বড়ো লোকেরা যে বড়ো বড়ো কাজ করেন, সেও এই ভাবে ।  
বেথানকার যেটি সে যেন একটি দৈবশক্তি-প্রভাবে আকৃষ্ট হইয়া রেখায়  
রেখায় বর্ষে বর্ষে মিলিয়া যায়, একটি হ্রস্বস্পন্দ হ্রস্বস্পন্দে কাঁড়াইয়া  
যায় । প্রকৃতির সর্বকনিষ্ঠজাত মন-নামক ছয়শত বালকটি যে একেবারে

## অখণ্ডতা

তিরিক্ত বহিষ্কৃত হয় তাহা নহে, কিন্তু সে তরপেকা উচ্চতর মহত্তর প্রতিভার অঘোষ মায়াময়বলে মুগ্ধের মতো কাজ করিয়া যায় ; মনে হয়, সমস্তই যেন জাহুতে হইতেছে ; যেন সমস্ত ঘটনা, যেন বাহ্য অবস্থাগুলিও, যোগবলে যথেষ্টমতো বধাস্থানে বিস্তৃত হইয়া বাইতেছে— গারিবাল্টি এমনি করিয়া ভাঙাচোরা ইটালিকে নৃতন করিয়া প্রতিষ্ঠা করেন— ওয়াশিংটন অরণ্যপর্বতবিক্ষিপ্ত আমেরিকাকে আপনাব চারি দিকে টানিয়া আনিয়া একটি সাম্রাজ্যরূপে গড়িয়া দিয়া যান ।

‘এই সমস্ত কার্য এক-একটি যোগসাধন ।

‘কবি যেমন কাব্য গঠন করেন, তানসেন যেমন তান লয় ছন্দে এক-একটি গান সৃষ্টি করিতেন, রমণী তেমনি আপনাব জীবনটি রচনা করিয়া তোলে । তেমনি অচেতন ভাবে, তেমনি মায়াময়বলে । পিতাপুত্র ভ্রাতাভগ্নী অতিথি-অভ্যাগতকে স্বন্দর বন্ধনে বাধিয়া সে আপনাব চারি দিকে গঠিত সজ্জিত করিয়া তোলে ; বিচিত্র উপাদান লইয়া বড়ো স্থনিপুণ হস্তে একখানি গৃহ নির্মাণ করে ; কেবল গৃহ কেন, রমণী যেখানে যায় আপনাব চারি দিককে একটি সৌন্দর্যসংঘমে বাধিয়া আনে । নিজের চলাফেরা বেশভূষা কথাবার্তা আকার-ইচ্ছিতকে একটি অনির্বচনীয় গঠন দান করে । তাহাকে বলে শ্রী । ইহা তো বুদ্ধির কাজ নহে, অনির্দেশ প্রভিভার কাজ ; মনের শক্তি নহে, আত্মার অভ্রাস্ত নিগূঢ় শক্তি । এই যে ঠিক সুরটি ঠিক জায়গায় গিয়া লাগে, ঠিক কথাটি ঠিক জায়গায় আসিয়া বসে, ঠিক কাজটি ঠিক সময়ে নিম্পন্ন হয়, ইহা একটি মহাবহুসময় নিখিল-জগৎকেস্রভূমি হইতে আভাবিক স্ফটিকধারার ন্যায় উচ্ছ্বসিত উৎস । সেই কেস্রভূমিটিকে অচেতন না বলিয়া অতিচেতন নাম দেওয়া উচিত ।

‘প্রকৃতিতে বাহা সৌন্দর্য, মহৎ ও শুণী লোকে তাহাই প্রতিভা, এবং নারীতে তাহাই শ্রী, তাহাই নারীত্ব । ইহা কেবল পাত্রভেদে ভিন্ন বিকাশ ।’



## অখণ্ডতা

অতঃপর ব্যোম সমীরের মুখের দিকে চাহিয়া কহিল, 'তার পরে ? তোমার লেখাটা শেষ করিয়া ফেলো ।'

সমীর কহিল, 'আর আবশ্যক কী। আমি বাহা আরম্ভ করিয়াছি তুমি তো তাহার এক প্রকার উপসংহার করিয়া দিয়াছ ।'

ক্ষিতি কহিল, 'কবিবাজ মহাশয় শুরু করিয়াছিলেন, ভাস্কর মহাশয় সাক্ষ করিয়া গেলেন, এখন আমরা চরি হরি বলিয়া বিদায় হই । মন কী, বুদ্ধি কী, আত্মা কী, সৌন্দর্য কী এবং প্রতিভাই বা কাহাকে বলে, এ সকল তবু কস্মিন্ কালে বুঝি নাই কিন্তু বুঝিবার আশা ছিল ; আজ সেটুকুও জলাঞ্জলি দিয়া গেলাম ।'

পশমের গুটিতে জটা পাকাইয়া গেলে যেমন নতমুখে সতর্ক অঙ্গুলিতে ধীরে ধীরে খুলিতে হয়, স্রোতশিনী চূপ করিয়া বসিয়া যেন তেমনি ভাবে মনে মনে কথাগুলিকে বহু বক্তে ছাড়াইতে লাগিল ।

দীপ্তিও মৌনভাবে ছিল ; সমীর তাহাকে জিজ্ঞাসা করিল, 'কী ভাবিতেছ ।'

দীপ্তি কহিল, 'বাঙালির মেয়েদের প্রতিভাবলে বাঙালির ছেলেদের মতো এমন অপকল্প সৃষ্টি কী করিয়া হইল তাই ভাবিতেছি ।'

আমি কহিলাম, 'মাটির গুণে সকল সময়ে শিব গড়িতে কৃতকার্ধ হওয়া যায় না ।'

## গল্প ও পद्य

আমি বলিতেছিলাম, 'বাণির শব্দে, পূর্ণিমার জ্যোৎস্নায়, কবিরী বলেন, হৃদয়ের মধ্যে স্মৃতি জাগিয়া উঠে। কিন্তু কিসের স্মৃতি তাহার কোনো ঠিকানা নাই। বাহার কোনো নির্দিষ্ট আকার নাই তাহাকে, এত দেশ থাকিতে স্মৃতিই বা কেন বলিব, বিন্মৃতিই বা না বলিব কেন, তাহার কোনো কারণ পাওয়া যায় না। কিন্তু 'বিন্মৃতি জাগিয়া ওঠে' এমন একটা কথা ব্যবহার করিলে স্মৃতিতে বড়ো অসংগত বোধ হয়। অথচ কথটা নিতান্ত অমূলক নহে। অতীত জীবনের যে সকল শতসহস্র স্মৃতি স্বাতন্ত্র্য পরিহার করিয়া একাকার হইয়াছে, বাহাদের প্রত্যেককে পৃথক করিয়া চিনিবার জো নাই, আমাদের হৃদয়ের চেতন মহাদেশের চতুর্দিক বেষ্টিত করিয়া বাহারা বিন্মৃতিমহাসাগর-রূপে নিস্তব্ধ হইয়া শয়ান আছে, তাহারা কোনো কোনো সময়ে চন্দ্রোদয়ে অথবা দক্ষিণের বায়ু-বেগে একসঙ্গে চঞ্চল ও তরঙ্গিত হইয়া উঠে; তখন আমাদের চেতন হৃদয় সেই বিন্মৃতিতরঙ্গের আঘাত-অভিঘাত অনুভব করিতে থাকে, তাহাদের রহস্য-পূর্ণ অগাধ অস্তিত্ব উপলব্ধ হয়, সেই মহাবিন্মৃত অতিবিস্তৃত বিপুলতার একতান ক্রন্দনধ্বনি স্মৃতিতে পাওয়া যায়।'

শ্রীযুক্ত কিস্তি আমার এই আকস্মিক ভাবোচ্চাসে হাস্ত সন্দরণ করিতে না পারিয়া কহিলেন, 'ভ্রাতঃ, করিতেছ কী! এই বেলা সময় থাকিতে ক্ষান্ত হও। কবিতা হলে স্মৃতিতেই ভালো লাগে, তাহাও সকল সময়ে নহে। কিন্তু সবল গন্ধের মধ্যে যদি তোমরা পাঁচ জনে পড়িয়া কবিতা মিশাইতে থাক, তবে তাহা প্রতি দিনের ব্যবহারের পক্ষে অবোধ্য হইয়া উঠে। বরং দুধে জল মিশাইলে চলে, কিন্তু জলে দুধ মিশাইলে তাহাতে প্রাত্যহিক পান পান চলে না। কবিতার মধ্যে কিয়ৎপরিমাণে গন্ধ মিশ্রিত করিলে আমাদের মতো গন্ধজীবী লোকের পরিপাকের পক্ষে

## গল্প ও পত্র

সহজ হয়, কিন্তু গল্পের মধ্যে কবিত্ব একেবারে অচল।’

বাস! মনের কথা আর নহে। আমার শরৎপ্রভাতের নবীন ভাষাঙ্কুরটি প্রিয়বন্ধু ক্ষিত্তি তাঁহার তীক্ষ্ণ নিড়ানির একটি খোঁচায় একেবারে সমূলে উৎপাটিত করিয়া দিলেন। একটা তর্কের কথায় সহসা বিকল মত শুনিলে মানুষ তেমন অসহায় হইয়া পড়ে না, কিন্তু ভাবের কথায় কেহ মাঝখানে ব্যাঘাত করিলে বড়োই দুর্বল হইয়া পড়িতে হয়। কারণ, ভাবের কথায় শ্রোতার সহানুভূতির প্রতিই একমাত্র নির্ভর। শ্রোতা যদি বলিয়া উঠে ‘কী পাগলামি করিতেছ’, তবে কোনো যুক্তিশাস্ত্রে তাহার কোনো উত্তর খুঁজিয়া পাওয়া যায় না।

এই জগৎ ভাবের কথা পাড়িতে হইলে প্রাচীন গুণীরা শ্রোতাদের হাতে পায়ে ধরিয়া কাজ আরম্ভ করিতেন। বলিতেন, সুধীগণ মরালের মতো নীর পরিত্যাগ করিয়া ক্ষীর গ্রহণ করেন। নিজের অক্ষমতা স্বীকার করিয়া সভাস্থ লোকের গুণগ্রাহিতার প্রতি একান্ত নির্ভর প্রকাশ করিতেন। কখনো বা ভবভূতির স্তায় সুমহৎ দস্যুর দ্বারা আরম্ভ হইতেই সকলকে অভিভূত করিয়া রাখিবার চেষ্টা করিতেন। এবং এত করিয়াও ঘরে ফিরিয়া আপনাকে শিকার দিয়া বলিতেন, যে দেশে কাচ এবং মানিকের এক দর সে দেশকে নমস্কার। দেবতার কাছে প্রার্থনা করিতেন, ‘হে চতুর্ভুজ, পাপের ফল আর যেমনই দাঁড় সস্থ করিতে প্রস্তুত আছি কিন্তু অরসিকের কাছে রসের কথা বলা এ কপালে লিখিয়ো না, লিখিয়ো না, লিখিয়ো না।’

বাস্তবিক, এমন শাস্তি আর নাই। জগতে অরসিক না থাকুক, এত বড়ো প্রার্থনা দেবতার কাছে করা যায় না, কারণ তাহা হইলে জগতের জনসংখ্যা অত্যন্ত হ্রাস হইয়া যায়। অরসিকের দ্বারাই পৃথিবীর অধিকাংশ কাৰ্য সম্পন্ন হয়, তাঁহারা জনসমাজের পক্ষে অত্যন্ত

## গল্প ও পঞ্চ

প্রয়োজনীয়; তাঁহারা না থাকিলে সভা বন্ধ, কমিটি অচল, সংবাদপত্র নীরব, সমালোচনার কোটা একেবারে শূন্য— এ জল্প, তাঁহাদের প্রতি আমার যথেষ্ট সম্মান আছে। কিন্তু ঘানিঘরে সর্বপ ফেলিলে অজস্রধারে তৈল বাহির হয় বলিয়া তাহার মধ্যে ফুল ফেলিয়া কেহ মধুর প্রত্যাশা করিতে পারে না— অতএব হে চতুর্মুখ, ঘানিকে চিরাদিন সংসারে রক্ষা করিয়ো, কিন্তু তাহার মধ্যে ফুল ফেলিয়ো না এবং শুণীভনের হ্রস্বপিণ্ড নিক্ষেপ করিয়ো না।

শ্রীমতী শ্রোতস্থিনীর কোমল হৃদয় সর্বদাই আর্তের পক্ষে। তিনি আমার দুঃবস্থায় কিঞ্চিৎ কাতর হইয়া কহিলেন, 'কেন, গল্পে পক্ষে এতটুকি বিচ্ছেদ।'

আমি কহিলাম, 'পঞ্চ অস্তঃপুর, গল্প বহির্ভবন। উভয়ের ভিন্ন স্থান নির্দিষ্ট আছে। অবলা বাহিরে বিচরণ করিলে তাহার বিপদ ঘটবেই এমন কোনো কথা নাই। কিন্তু যদি কোনো রুঢ়স্বভাব ব্যক্তি তাহাকে অপমান করে, তবে ক্রন্দন ছাড়া তাহার আর কোনো অস্ত্র নাই। এই জল্প অস্তঃপুর তাহার পক্ষে নিরাপদ দুর্গ। পঞ্চ কবিতার সেই অস্তঃপুর। ছন্দের প্রাচীরের মধ্যে সহসা কেহ তাহাকে আক্রমণ করে না। প্রত্যহের এবং প্রত্যেকের ভাষা হইতে স্বতন্ত্র করিয়া সে আপনাদের জল্প একটি দুর্ভ্রু অথচ স্থন্দর সীমা রচনা করিয়া রাখিয়াছে। আমার হৃদয়ের ভাবটিকে যদি সেই সীমার মধ্যে প্রতিষ্ঠিত করিতে পারিতাম, তবে ক্ষিতি কেন, কোনো ক্ষিতিপতির সাধ্য ছিল না তাহাকে সহসা আসিয়া পরিহাস করিয়া যায়।'

ব্যোম গুড়গুড়ির নল মুখ হইতে নামাইয়া নিম্নীলিতনেত্রে কহিলেন, 'আমি ঐক্যবাদী। একা গল্পের দ্বারাই আমাদের সকল আবশ্যক সুসম্পন্ন হইতে পারিত, মাঝে হইতে পঞ্চ আসিয়া মাছবের মনোরাশ্যে

একটা অনাবশ্যক বিচ্ছেদ আনয়ন করিয়াছে ; কবি-নামক একটা স্বতন্ত্র জাতির সৃষ্টি করিয়াছে। সম্প্রদায়বিশেষের হস্তে বধন সাধারণের সম্পত্তি অর্পিত হয়, তখন তাহার স্বার্থ হয় বাহ্যতে সেটা অস্ত্রের অন্যতর হইয়া উঠে। কবিরাও ভাবের চতুর্দিকে কঠিন বাধা নির্মাণ করিয়া কবিত্ব-নামক একটা কৃত্রিম পদার্থ গড়িয়া তুলিয়াছে। কৌশলবিমুগ্ধ জনসাধারণ বিশ্বয় বাধিবার স্থান পায় না। এমনি তাহাদের অভ্যাস বিকৃত হইয়া গিয়াছে যে, ছন্দ ও মিল আদিয়া ক্রমাগত হাতুড়ি না পিটাইলে তাহাদের হৃদয়ের চৈতন্য হয় না, স্বাভাবিক সরল ভাষা ত্যাগ করিয়া ভাবকে পাঁচরঙা ছদ্মবেশ ধারণ করিতে হয়। ভাবের পক্ষে এমন হীনতা আর কিছুই হইতে পারে না। পঞ্চটা না কি আধুনিক সৃষ্টি, সেই স্রষ্টা সে হঠাৎ-নবাবের মতো সর্বদাই পেখম তুলিয়া নাচিয়া নাচিয়া বেড়ায়— আমি তাহাকে ছু চক্ষে দেখিতে পারিণা।’

এই বলিয়া ব্যোম পুনর্বার গুড়গুড়ি মুখে দিয়া টানিতে লাগিলেন।

শ্রীমতী দীপ্তি ব্যোমের প্রতি অবজ্ঞাকটাক্ষপাত করিয়া কহিলেন, ‘বিজ্ঞানে প্রাকৃতিক নির্বাচন বলিয়া একটা তত্ত্ব বাহির হইয়াছে। সেই প্রাকৃতিক নির্বাচনের নিয়ম কেবল জন্তুদের মধ্যে নহে, মানুষের রচনার মধ্যেও খাটে। সেই প্রাকৃতিক নির্বাচনের প্রভাবেই যমুদীর কলাপের আবশ্যক হয় নাই, যমুদের পেখম ক্রমে প্রসারিত হইয়াছে। কবিতার পেখমও সেই প্রাকৃতিক নির্বাচনের ফল, কবিদিগের ষড়যন্ত্র নহে। অসভ্য হইতে সভ্য এমন কোন্ দেশ আছে যেখানে কবিত্ব স্বভাবতঃই ছন্দের মধ্যে বিকশিত হইয়া উঠে নাই।’

শ্রীমুক্ত সমীর এত স্পষ্ট মুহূর্ত্তমুখে চূপ করিয়া বসিয়া গুনিতেছিলেন। দীপ্তি বধন আমাদের আলোচনার যোগ দিলেন, তখন তাঁহার মাথায় একটা ভাবের উদয় হইল। তিনি একটা সৃষ্টিছাড়া কথা অবতারণা

## গল্প ও পদ্ম

করিলেন। তিনি বলিলেন, 'কৃত্রিমতাই যন্ত্রের সর্বপ্রধান গৌরব। মানুষ ছাড়া আর কাহারও কৃত্রিম হইবার অধিকার নাই। গাছকে আপনায় পল্লব প্রস্তুত করিতে হয় না, আকাশকে আপনায় নীলিমা নির্মাণ করিতে হয় না, ময়ূরের পুচ্ছ প্রকৃতি স্বহস্তে চিত্রিত করিয়া দেন। কেবল মানুষকেই বিধাতা আপনায় স্বজনকার্যের আ্যাপ্রেক্ষিত করিয়া দিয়াছেন, তাহার প্রতি ছোটোখাটো সৃষ্টির ভার দিয়াছেন। সেই কার্যে যে বস্তু দক্ষতা দেখাইয়াছে সে তত আদর পাইয়াছে। পদ্ম গল্প অপেক্ষা অধিক কৃত্রিম বটে; তাহাতে মানুষের সৃষ্টি বেশি আছে; তাহাতে বেশি রঙ ফলাইতে হইয়াছে, বেশি বস্তু করিতে হইয়াছে। আমাদের মনের মধ্যে যে বিশ্বকর্মা আছেন, যিনি আমাদের অন্তরের নিভৃত স্বজনকে বসিয়া নানা গঠন, নানা বিঘ্নাস, নানা প্রয়াস, নানা প্রকাশ -চেষ্টায় সর্বদা নিযুক্ত আছেন, পশ্চে তাঁহারই নিপুণ হস্তের কারুকার্য অধিক আছে। সেই তাঁহার প্রধান গৌরব। অকৃত্রিম ভাষা জলকল্লোলের, অকৃত্রিম ভাষা পল্লবমর্মবের, কিন্তু মন যেখানে আছে সেখানে বহুবহুরচিত কৃত্রিম ভাষা।'

শ্রোতস্থিনী অবহিত ছাত্রীর মতো সমীরের সহস্র কথা শুনিলেন। তাঁহার স্মল্লব নদ্র মুখের উপর একটা বেন নৃতন আলোক আসিয়া পড়িল। অল্প দিন নিজের একটা মত বলিতে যেরূপ ইতস্তত করিতেন, আজ সেরূপ না করিয়া একেবারে আরম্ভ করিলেন, 'সমীরের কথায় আমার মনে একটা ভাবের উদয় হইয়াছে, আমি ঠিক পরিষ্কার করিয়া বলিতে পারিব কি না জানি না। সৃষ্টির যে অংশের সহিত আমাদের হৃদয়ের যোগ— অর্থাৎ, সৃষ্টির যে অংশ শুদ্ধমাত্র আমাদের মনে জ্ঞান সঞ্চায় করে না, হৃদয়ে ভাব সঞ্চায় করে, যেমন ফুলের সৌন্দর্য, পর্বতের মহত্ব— সেই অংশে কতই নৈপুণ্য খেলাইতে হইয়াছে, কতই রঙ ফলাইতে, কত

## গল্প ও পঞ্চ

আয়োজন করিতে হইয়াছে। ফুলের প্রত্যেক পাপড়িকে কত বড় সুগোল সুডোল করিতে হইয়াছে, তাহাকে বৃন্তের উপর কেমন সুন্দর বন্ধিম ভঙ্গিতে দাঁড় করাইতে হইয়াছে, পর্বতের মাথায় চিরতুষারমুহূট পরাইয়া তাহাকে নীলাকাশের মধ্যে কেমন মহিমার সহিত আসীন করা হইয়াছে, পশ্চিমসমুদ্রতীরের সূর্যাস্তপটের উপর কত রঙের কত তুলি পড়িয়াছে। ভূতল হইতে নভুল পর্যন্ত কত সাজসজ্জা, কত রঙচঙ, কত ভাবভঙ্গী, তবে আমাদের এই ক্ষুদ্র মানুষের মন ভুলিয়াছে। ঈশ্বর তাঁহার রচনায় যেখানে প্রেম সৌন্দর্য মহাব প্রকাশ করিয়াছেন সেখানে তাঁহাকেও গুণপনা দেখাইতে হইয়াছে। সেখানে তাঁহাকেও ধ্বনি এবং ছন্দ, বর্ণ এবং গন্ধ বহু বড় বড় বিস্তার করিতে হইয়াছে। অরণ্যের মধ্যে যে ফুল ফুটাইয়াছেন তাহাতে কত পাপড়ির অহুপ্রাস ব্যবহার করিয়াছেন, এবং আকাশপটে একটিমাত্র জ্যোতিঃপাত করিতে তাঁহাকে যে কেমন সুনির্দিষ্ট সুরসংঘত ছন্দ রচনা করিতে হইয়াছে, বিজ্ঞান তাহার পদ ও অক্ষর গণনা করিতেছে। ভাব প্রকাশ করিতে মানুষকেও নানা নৈপুণ্য অবলম্বন করিতে হয়। শব্দের মধ্যে সংগীত আনিতে হয়, ছন্দ আনিতে হয়, সৌন্দর্য আনিতে হয়, তবে মনের কথা মনের মধ্যে গিয়া প্রবেশ করে। ইহাকে যদি কৃত্রিমতা বলে, তবে সমস্ত বিশ্বরচনা কৃত্রিম।'

এই বলিয়া শ্রোতৃস্বিনী আমার মুখের দিকে চাহিয়া যেন সাহায্য প্রার্থনা করিল; তাহার চোখের ভাবটা এই, 'আমি কী কতকগুলো বকিয়া গেলাম তাহার ঠিক নাই, তুমি ঐটেকে আর একটু পরিষ্কার করিয়া বলো না।'

এমন সময় যোম হঠাৎ বলিয়া উঠিল, 'সমস্ত বিশ্বরচনা যে কৃত্রিম এমন মতও আছে। শ্রোতৃস্বিনী যেটাকে ভাবের প্রকাশ বলিয়া বর্ণনা করিতেছেন, অর্থাৎ দৃশ্য শব্দ গন্ধ ইত্যাদি, সেটা যে মায়ামাত্র, অর্থাৎ

আমাদের মনের কৃত্রিম রচনা, এ কথা অগ্রমাণ করা বড়ো কঠিন।’

কিন্তু মহা বিরক্ত হইয়া উঠিয়া কহিলেন, ‘তোমরা সকলে মিলিয়া খান ডানিতে শিবের গান তুলিয়াছ। কথাটা ছিল এই, ভাবপ্রকাশের জগৎ পণ্ডের কোনো আবশ্যক আছে কি না। তোমরা তাহা হইতে একেবারে সমুদ্র পার হইয়া সৃষ্টিকর্তৃ লঘতত্ত্ব মায়াবাদ প্রভৃতি চোরা-বালির মধ্যে গিয়া উত্তীর্ণ হইয়াছ। আমার বিশ্বাস, ভাবপ্রকাশের জগৎ ছন্দের সৃষ্টি হয় নাই। ছোটো ছেলেরা যেমন ছড়া ভালোবাসে তাহার ভাবমাধুরের জগৎ নহে, কেবল তাহার ছন্দোবদ্ধ ধ্বনির জগৎ, তেমনি অসভ্য অবস্থায় অর্ধহীন কথার সংকারমাত্রই কানে ভালো লাগিত। এই জগৎ অর্ধহীন ছড়াই মাহুঘের সর্বপ্রথম কবিত্ব। মাহুঘের এবং জ্ঞানতির বয়স ক্রমে যত বাড়িতে থাকে ততই ছন্দের সঙ্গে অর্থ সংযোগ না করিলে তাহার সম্পূর্ণ তৃপ্তি হয় না। কিন্তু বয়ঃপ্রাপ্ত হইলেও অনেক সময়ে মাহুঘের মধ্যে দুই-একটা গোপন ছায়াময় স্থানে বালক-অংশ থাকিয়া যায়; ধ্বনিপ্রিয়তা ছন্দপ্রিয়তা সেই গুপ্ত বালকের স্বভাব। আমাদের বয়ঃপ্রাপ্ত অংশ অর্থ চাহে, ভাব চাহে; আমাদের অপরিণত অংশ ধ্বনি চাহে, ছন্দ চাহে।’

দীপ্তি গ্রীবা বক্র করিয়া কহিলেন, ‘ভাগ্যে আমাদের সমস্ত অংশ বয়ঃপ্রাপ্ত হইয়া গঠে না। মাহুঘের নাবালক-অংশটিকে আমি অন্তরের সহিত ধন্যবাদ দিই, তাহারই কল্যাণে জগতে বা কিছু মিষ্টত্ব আছে।’

সমীর কহিলেন, ‘যে ব্যক্তি একেবারে পুরোপুরি পাকিয়া গিয়াছে সেই জগতের জ্যাঠা ছেলে। কোনো রকমের খেলা, কোনো রকমের ছেলেমাহুঘি তাহার পছন্দসই নহে। আমাদের আধুনিক হিন্দুজাতটা পৃথিবীর মধ্যে সব চেয়ে জ্যাঠা জাত, অত্যন্ত বেশি মাত্রায় পাকিয়া করিয়া থাকে, অথচ নানান বিষয়ে কাঁচা। জ্যাঠা ছেলের এবং জ্যাঠা



## গল্প ও পত্ৰ

জাতির উন্নতি হওয়া বড়ো চুক্কাহ ; কারণ, তাহার মনের মধ্যে নব্রতা নাই । আমার এ কথাটা প্রাইভেট । কোথাও যেন প্রকাশ না হয় । আশ্চর্যকাল লোকের মেজাজ ভালো নয় ।’

আমি কহিলাম, ‘যখন কলের স্ফাঁতা চালাইয়া শহরের রাস্তা মেদামত হয় তখন কাঠকলকে লেখা থাকে, কল চলিতেছে ! সাবধান ! আমি ক্ষিতিকে পূর্বে হইতে সাবধান করিয়া দিতেছি, আমি কল চালাইব । বাষ্পধানকে তিনি সর্বাপেক্ষা ভয় করেন, কিন্তু সেই কলনাবাষ্প-ধোগে গতিবিধিই আমার সহজসাধা বোধ হয় । গল্পপত্ৰের প্রসঙ্গে আমি আর একবার শিবের গান গাহিব । ইচ্ছা হয় শোনো :—

‘গতির মধ্যে খুব একটা পরিমাণ-করা নিয়ম আছে । পেতুলম নিয়মিত তালে ছুলিয়া থাকে । চলিবার সময় মাহুকের পা মাত্রা রক্ষা করিয়া উঠে পড়ে ; এবং সেই সঙ্গে তাহার সমস্ত অঙ্গপ্রত্যঙ্গ সমান তালে ফেলিয়া গতির সামঞ্জস্য বিধান করিতে থাকে । সমুদ্রতরঙ্গের মধ্যে একটা প্রকাণ্ড লয় আছে । এবং পৃথিবী এক মহাছন্দে সূর্যকে প্রদক্ষিণ করে—’

ব্যোমচন্দ্র অকস্মাৎ আমাকে কথার মাঝখানে থামাইয়া বলিতে আরম্ভ করিলেন, ‘স্থিতিই স্বার্থ স্বাধীন, সে আপনার অটল গাঙ্গীর্যে বিরাজ করে, কিন্তু গতিকে প্রতি পদে আপনাকে নিয়মে বাধিয়া চলিতে হয় । অথচ সাধারণের মধ্যে একটা ভ্রান্ত সংস্কার আছে যে, গতিই স্বাধীনতার স্বার্থ স্বরূপ এবং স্থিতিই বন্ধন । তাহার কারণ, ইচ্ছাই মনের একমাত্র গতি এবং ইচ্ছা অল্পদূরে চলাকেই মূঢ় লোকে স্বাধীনতা বলে । কিন্তু আমাদের পণ্ডিতেরা জানিতেন, ইচ্ছাই আমাদের সকল গতির কারণ, সকল বন্ধনের মূল ; এই ভ্রান্ত মূক্তি অর্থাৎ চরম স্থিতি লাভ করিতে হইলে ঐ ইচ্ছাটাকে গোড়া বেঁধিয়া কাটিয়া ফেলিতে তাঁহারা বিধান

দেন। দেহমনের সর্বপ্রকার গতিরোধ করাই যোগসাধন।'

সমীর ব্যোমের পৃষ্ঠে হাত দিয়া সহস্রে কহিলেন, 'একটা মাহুৎসবখন একটা প্রশঙ্গ উত্থাপন করিচ্ছাচ্ছে, তখন মাঝখানে তাহার গতিরোধ করার নাম গোলযোগ-সাধন।'

আমি কহিলাম, 'বৈজ্ঞানিক ক্ষিত্তির নিকট অবিদিত নাই যে, গতির সহিত গতির, এক কল্পনের সহিত অল্প কল্পনের ডায়ি একটা কুটুখিতা আছে। স্য সুরের তার বাজিয়া উঠিলে মা সুরের তার কাপিয়া উঠে। আলোকতরঙ্গ উত্থাপনতরঙ্গ ধ্বনিতরঙ্গ স্নায়ুতরঙ্গ প্রভৃতি সকল প্রকার তরঙ্গের মধ্যে এইরূপ একটা আত্মীয়তার বন্ধন আছে। আমাদের চেতনাও একটা তরঙ্গিত কল্পিত অবস্থা। এই জন্ত বিশ্ব-সংসারের বিচিত্র কল্পনের সহিত তাহার যোগ আছে। ধ্বনি আসিয়া তাহার স্নায়ুদোলায় দোল দিয়া যায়, আলোকরশ্মি আসিয়া তাহার স্নায়ুতন্ত্রীতে অলৌকিক অঙ্গুলি আঘাত করে। তাহার চিরকল্পিত স্নায়ুজাল তাহাকে জগতের সমুদায় স্পন্দনের ছন্দে নানা সূত্রে বাধিয়া জাগ্রত করিয়া রাখিচ্ছাচ্ছে।

'হৃদয়ের বৃত্তি, ইংরাজিতে যাহাকে ইমোশন বলে, তাহা আমাদের হৃদয়ের আবেগ, অর্থাৎ গতি; তাহার সহিতও অল্পাঙ্গ বিশ্বকল্পনের একটা মহা ঐক্য আছে। আলোকের সহিত, বর্ণের সহিত, ধ্বনির সহিত তাহার একটা স্পন্দনের যোগ, একটা সুরের মিল আছে।

'এই জন্ত সংগীত এমন অব্যবহিত ভাবে আমাদের হৃদয়কে স্পর্শ করিতে পারে, উভয়ের মধ্যে মিলন হইতে অধিক বিলম্ব হয় না। ঝড়ে এবং সমুদ্রে যেমন মাতামাতি হয়, গানে এবং প্রাণে তেমনি একটি নিবিড় সংঘর্ষ হইতে থাকে।

'কারণ, সংগীত আপনার কল্পন সকার করিয়া আমাদের সমস্ত

## গল্প ও গল্প

অন্তরকে চকল করিয়া তোলে। একটা অনির্দেশ্য আবেগে আমাদের প্রাণকে পূর্ণ করিয়া দেয়। মন উদাস হইয়া যায়। অনেক কবি এই অপরূপ ভাবে অনন্তের জন্ত আকাজক্ষা বলিয়া নাম দিয়া থাকেন। আমিও কখনো কখনো এমনতরো ভাব অহুভব করিয়াছি এবং এমনতরো ভাষাও প্রয়োগ করিয়া থাকিব। কেবল সংগীত কেন, সন্ধ্যাকাশের সূর্যাস্তচ্ছটাও কত বার আমার অন্তরের মধ্যে অনন্ত বিশ্বজগতের হ্রস্পন্দন সঞ্চারিত করিয়া দিয়াছে— যে একটি অনির্বচনীয় বৃহৎ সংগীত ধ্বনিত করিয়াছে তাহার সহিত আমার প্রতি দিনের সুখদুঃখের কোনো যোগ নাই, তাহা বিশ্বেশ্বরের মন্দির প্রদক্ষিণ করিতে করিতে নিখিল চরাচরের সামগান। কেবল সংগীত এবং সূর্যাস্ত কেন, যখন কোনো প্রেম আমাদের সমস্ত অস্তিত্বকে বিচলিত করিয়া তোলে তখন তাহাও আমাদের সংসারের ক্ষুদ্র বন্ধন হইতে বিচ্ছিন্ন করিয়া অনন্তের সহিত যুক্ত করিয়া দেয়। তাহা একটা বৃহৎ উপাসনার আকার ধারণ করে, দেশকালের শিলামুখ বিদীর্ণ করিয়া উৎসের মতো অনন্তের দিকে উৎসারিত হইতে থাকে।

‘এইরূপে প্রবল স্পন্দনে আমাদের গিকে বিশ্বস্পন্দনের সহিত যুক্ত করিয়া দেয়। বৃহৎ সৈন্ত যেমন পরস্পরের নিকট হইতে ভাবের উন্নততা আকর্ষণ করিয়া লইয়া একপ্রাণ হইয়া উঠে, তেমনি বিশ্বের কল্পন সৌন্দর্য্যযোগে যখন আমাদের হৃদয়ের মধ্যে সঞ্চারিত হয় তখন আমরা সমস্ত জগতের সহিত এক তালে পা ফেলিতে থাকি, নিখিলের প্রত্যেক কল্পমান পরমাণুর সহিত এক দলে মিশিয়া অনিবার্য আবেগে অনন্তের দিকে ধাবিত হই।

‘এই ভাবে কবিরা কত ভাষায় কত উপায়ে প্রকাশ করিতে চেষ্টা করিয়াছেন এবং কত লোকে তাহা কিছুই বুঝিতে পারে নাই— মনে করিয়াছে উহা কবিদের কাব্যকুয়াশা মাত্র।

## গল্প ও পদ্য

‘কারণ, ভাষার স্তো হৃদয়ের সহিত প্রত্যক্ষ যোগ নাই, তাহাকে মস্তিষ্ক ভেদ করিয়া অন্তরে প্রবেশ করিতে হয়। সে দৃতমাত্র, হৃদয়ের ধাস-মহলে তাহার অধিকার নাই, আম-দরবারে আশিয়া সে আপনাব বার্তা জানাইয়া যায় মাত্র। তাহাকে বৃষ্টিতে, অৰ্থ করিতে অনেকটা সময় যায়। কিন্তু সংগীত একেবারে এক ইচ্ছিতেই হৃদয়কে আলিঙ্গন করিয়া ধরে।

‘এই ক্ষুদ্র কবিতা ভাষার সঙ্গে সঙ্গে একটা সংগীত নিযুক্ত করিয়া দেন। সে আপন মায়াস্পর্শে হৃদয়ের দ্বার মুক্ত করিয়া দেয়। ছন্দে এবং ধ্বনিতে যখন হৃদয় স্বতঃই বিচলিত হইয়া উঠে, তখন ভাষার কাণ্ড অনেক সহজ হইয়া আসে। দূরে যখন বাঁশি বাজিতেছে, পুষ্পকানন যখন চোখের সম্মুখে বিকশিত হইয়া উঠিয়াছে, তখন প্রেমের কথার অৰ্থ কত সহজে বোঝা যায়। সৌন্দর্য যেমন মুহূর্তের মধ্যে হৃদয়ের সহিত ভাবের পরিচয় সাধন করিতে পারে এমন আর কেহ নয়।

‘স্বর এবং তাল, ছন্দ এবং ধ্বনি, সংগীতের দুই অংশ। গৌরবা ‘জ্যোতিষ্কমণ্ডলীর সংগীত’ বলিয়া একটা কথা বলিয়া গিয়াছেন, শেক্সপিয়রেরও তাহার উল্লেখ আছে। তাহার কারণ পূর্বেই বলিয়াছি যে, একটা গতির সঙ্গে আর একটা গতির বড়ো নিকট সম্বন্ধ। অনন্ত আকাশ জুড়িয়া চন্দ্রসূর্য গ্রহতারা তালে তালে নৃত্য করিয়া চলিয়াছে। তাহার বিশ্বব্যাপী মহাসংগীতটি যেন কানে শোনা যায় না, চোখে দেখা যায়। ছন্দ সংগীতের একটা রূপ। কবিতায় সেই ছন্দ এবং ধ্বনি দুই মিলিয়া ভাবকে কম্পাদিত এবং জীবন্ত করিয়া তোলে, বাহিরের ভাষাকেও হৃদয়ের ধন করিয়া দেয়। যদি কৃত্রিম কিছু হয় তো ভাষাই কৃত্রিম, সৌন্দর্য কৃত্রিম নহে। ভাষা মাহুষের, সৌন্দর্য সমস্ত জগতের এবং জগতের সৃষ্টিকর্তার।’

## গল্প ও পত্ৰ

শ্রীমতী শ্রোতধিনী খাননোজ্জলমুখে কহিলেন, 'নাট্যাভিনয়ে আমাদের হৃদয় বিচলিত করিবার অনেকগুলি উপকরণ একত্রে বর্তমান থাকে। সংগীত, আলোক, দৃশ্যপট, সুন্দর সাজসজ্জা, সকলে মিলিয়া নানা দিক হইতে আমাদের চিত্তকে আঘাত করিয়া চঞ্চল করে, তাহার মধ্যে একটা অবিজ্ঞান ভাষশ্রোত নানা মূর্তি ধারণ করিয়া, নানা কার্ধ-রূপে প্রবাহিত হইয়া চলে— আমাদের মনটা নাট্যপ্রবাহের মধ্যে একেবারে নিরুপায় হইয়া আত্মবিসর্জন করে এবং ক্ষত বেগে ভাসিয়া চলিয়া যায়। অভিনয়মূলে দেখা যায়, ভিন্ন ভিন্ন আর্টের মধ্যে কতটা সহযোগিতা আছে, সেখানে সংগীত সাহিত্য চিত্রবিজ্ঞা এবং নাট্যকলা এক উদ্দেশ্য সাধনের জন্ত সম্মিলিত হয়— বোধ হয় এমন আর কোথাও দেখা যায় না।'

## কাব্যের তাৎপর্য

শ্রোতবিনী আমাকে কহিলেন, 'কচ-দেববানী-সংবাদ সঞ্চয়ে তুমি যে কবিতা লিখিয়াছ তাহা তোমার মুখে শুনিতে ইচ্ছা করি।'

শুনিয়া আমি মনে মনে কিঞ্চিৎ গর্ব অহুভব কবিতাম ; কিন্তু দর্পহারী মধুসূদন তখন সজাগ ছিলেন, তাই দীপ্তি অধীর হইয়া বলিয়া উঠিলেন, 'তুমি দ্বাগ করিয়ো না, সে কবিতাটার কোনো তাৎপর্য কিহা উদ্দেশ্য আমি তো কিছুই বুঝিতে পারিলাম না। ও লেখাটা ভালো হয় নাই।'

আমি চূপ কবিয়া রহিলাম ; মনে মনে কহিলাম, আর একটু বিনয়ের সাহিত মত প্রকাশ করিলে সংসারের বিশেষ ক্ষতি অথবা সত্যের বিশেষ অপলাপ হইত না ; কারণ, লেখার দোষ থাকাতো যেমন আশ্চর্য নহে তেমনি পাঠকের কাব্যবোধশক্তির ধ্বংসাতো নিতান্তই অসম্ভব বলিতে পারি না। মুখে বলিলাম, 'যদিও নিজের রচনা সঞ্চয়ে লেখকের মনে অনেক সময়ে অসন্দিগ্ধ মত থাকে তথাপি তাহা যে ভ্রান্ত হইতে পারে ইতিহাসে এমন অনেক প্রমাণ আছে। অপর পক্ষে, সমালোচক-সম্প্রদায়ও যে সম্পূর্ণ অভ্রান্ত নহে ইতিহাসে সে প্রমাণেরও কিছুমাত্র অসম্ভাব নাই। অতএব কেবল এইটুকু নিঃসংশয়ে বলা যাইতে পারে যে, আমার এ লেখা ঠিক তোমার মনের মতো হয় নাই ; সে নিশ্চয় আমার দুর্ভাগ্য, হয়তো তোমার দুর্ভাগ্যও হইতে পারে।'

দীপ্তি গম্ভীরমুখে অত্যন্ত সংক্ষেপে কহিলেন, 'তা হইবে।'

বলিয়া একথানা বইষ্টানিয়া লইয়া পড়িতে লাগিলেন।

ইহার পরে শ্রোতবিনী আমাকে সেই কবিতা পড়িবার জন্ত আর দ্বিতীয়বার অহুরোধ করিলেন না।

ব্যোম জানালার বাহিরের দিকে দৃষ্টিক্ষেপ করিয়া যেন জ্বলন্ত আকাশতলবর্তী কোনো এক কাল্পনিক পুরুষকে সোধোদন কবিয়া কহিল,

## কাব্যের তাৎপর্য

‘যদি তাৎপর্যের কথা বল, তোমার এবারকার কবিতার আমি একটা তাৎপর্য গ্রহণ করিগাছি।’

ক্ষিত্তি কহিল, ‘আগে বিষয়টা কী বলো দেখি। কবিতাটা পড়া হয় নাই সে কথাটা কবিতার ভয়ে এত কণ গোপন করিগাছিলাম, এখন ফাঁস করিতে হইল।’

ব্যোম কহিল, ‘শুক্ৰাচার্যের নিকট হইতে সঞ্জীবনী বিজ্ঞা শিখিবার নিমিত্ত বৃহস্পতির পুত্র কচকে দেবতার দৈত্যগুরুর আশ্রমে প্রেরণ করেন। সেখানে কচ সহস্রবর্ষ নৃত্য গীত বাজ ঘা বা শুক্ৰজননা দেবযানীর মনোমগ্নন করিয়া সঞ্জীবনী বিজ্ঞা লাভ করিলেন। অবশেষে যখন বিদায়ের সময় উপস্থিত হইল তখন দেবযানী তাঁহাকে প্রেম জানাইয়া আশ্রম ত্যাগ করিয়া বাইতে নিষেধ করিলেন। দেবযানীর প্রতি অন্তরের আসক্তি সত্ত্বেও কচ নিষেধ না মানিয়া দেবলোকে গমন করিলেন। গল্পটুকু এই। মহাভারতের সহিত একটুখানি অনৈক্য আছে, কিন্তু সে সামান্য।’

ক্ষিত্তি কিঞ্চিৎ কাতরমুখে কহিল, ‘গল্পটি বারো হাত কাঁকুড়ের অপেক্ষা বড়ো হইবে না, কিন্তু আশঙ্কা করিতেছি ইহা হইতে তেরো হাত পরিমাণের তাৎপর্য বাহির হইয়া পড়িবে।’

ব্যোম ক্ষিত্তির কথায় কর্ণপাত না করিয়া বলিয়া গেল, ‘কথাটা মেহ এবং আত্মা লইয়া।’

শুনিয়া সকলেই সশঙ্কিত হইয়া উঠিল।

ক্ষিত্তি কহিল, ‘আমি এই বেলা আমার গৌহ এবং আত্মা লইয়া মানে মানে বিদায় হইলাম।’

সমীর দুই হাতে তাহার জামা ধরিয়া, টানিয়া বসাইয়া কহিল, ‘সংকটের সময় আমাদিগকে একলা ফেলিয়া যাও কোথায়!’

ব্যোম কহিল, ‘জীব স্বর্ণ হইতে এই সংসারাত্মমে আসিয়াছে। সে

## কাব্যের তাৎপর্য

এখানকার স্বখরুঃখ বিপরসম্পদ হইতে শিক্ষা লাভ করে। বহু দিন ছাত্র-অনুস্থায় থাকে তত দিন তাহাকে এই আশ্রমকল্পা দেহটার মন জোগাইয়া চলিতে হয়। মন জোগাইবার অপূর্ব বিজ্ঞা সে জানে। দেহের ইন্দ্রিয়বীপায় সে এমন স্বর্গীয় সংগীত বাজাইতে থাকে যে, ধরাতলে সৌন্দর্যের নন্দনময়টিকা বিস্তারিত হইয়া যায় এবং সমুদয় শব্দ গন্ধ স্পর্শ আপন জড়শক্তির যন্ত্রনিয়ম পরিহারপূর্বক অপরূপ স্বর্গীয় নৃত্যে স্পন্দিত হইতে থাকে।'

বলিতে বলিতে অপ্রাবিষ্ট শূন্যদৃষ্টি ব্যোম উৎফুল্ল হইয়া উঠিল; চৌকিতে সরল হইয়া উঠিয়া বসিয়া কহিল, 'যদি এমন ভাবে দেখ, তবে প্রত্যেক মানুষের মধ্যে একটা অনন্তকালীন প্রেমাভিনয় দেখিতে পাইবে। জীব তাহার মূঢ় অবোধ নির্ভরপরায়ণা সন্নিহীটিকে কেমন করিয়া পাগল করিতেছে দেখো। দেহের প্রত্যেক পরমাণুর মধ্যে এমন একটি আকাজক্ষার সঞ্চার করিয়া দিতেছে, দেহধর্মের দ্বারা যে আকাজক্ষার পরিতৃপ্তি নাই। তাহার চক্ষে যে সৌন্দর্য আনিয়া দিতেছে দৃষ্টিশক্তির দ্বারা তাহার সীমা পাওয়া যায় না; তাই সে বলিতেছে, 'জনম অবধি হয় রূপ নেহারহু, নয়ন না তিরপিত ভেল।' তাহার কর্ণে যে সংগীত আনিয়া দিতেছে শ্রবণশক্তির দ্বারা তাহা আয়ত্ত হইতে পারে না; তাই সে ব্যাকুল হইয়া বলিতেছে, 'সোই মধুর বোল শ্রবণহি ভননু, ক্রুতিপথে পরশ না গেল।' আবার এই প্রাণপ্রদীপ্ত মূঢ় সন্নিহীটিও লতার চ্যায় সহস্র শাখাপ্রশাখা বিস্তার করিয়া প্রেমপ্রতপ্ত সুকোমল আলিঙ্গনপাশে জীবকে আচ্ছন্ন প্রচ্ছন্ন করিয়া ধরে, অল্পে অল্পে তাহাকে মুগ্ধ করিয়া আনে; অশ্রান্ত যত্নে ছায়ার মতো সন্ধে থাকিয়া বিবিধ উপচারে তাহার সেবা করে; প্রবাসকে বাহাতে প্রবাস জ্ঞান না হয়, বাহাতে আতিথ্যের ক্রটি না হইতে পারে, সে অন্ত সর্বদাই সে তাহার চক্ষু কর্ণ হস্ত পদকে সতর্ক করিয়া রাখে।



## কাব্যের জাৎপর্ষ

এত ভালোবাসার পরে তবু এক দিন জীব এই চিরাত্মগতা অনন্তাসক্তা দেহলতাকে ধূলিশায়িনী করিয়া দিয়া চলিয়া যায়। বলে, 'প্রিয়ে, তোমাকে আমি আত্মনির্বিশেষে ভালোবাসি, তবু আমি কেবল একটি দীর্ঘনিশ্বাস মাত্র ফেলিয়া তোমাকে ত্যাগ করিয়া বাইব।' কাহা তখন তাহার চরণ জড়াইয়া বলে, 'বন্ধু, অবশেষে আজ যদি আমাকে ধূলিতলে ধূলিমুষ্টির মতো ফেলিয়া দিয়া চলিয়া বাইবে, তবে এত দিন তোমার প্রেমে কেন আমাকে এমন মহিমাশালিনী করিয়া তুলিয়াছিলে। হায়, আমি তোমার যোগ্য নই, কিন্তু তুমি কেন আমার এই প্রাণপ্রদীপদীপ্ত নিভৃত সোনার মন্দিরে একলা রহস্যাকার নিশীথে অনন্ত সমুদ্র পার হইয়া অভিসারে আসিয়াছিলে। আমার কোন্ গুণে তোমাকে মুগ্ধ করিয়াছিলাম।' এই করুণ প্রশ্নের কোনো উত্তর না দিয়া এই বিদেশী কোথায় চলিয়া যায় তাহা কেহ জানে না। সেই আজন্মমিলনবন্ধনের অবশান, সেই মাথুব যাত্রার বিদায়ের দিন, সেই কাহার সহিত কায়াধিরাজের শেষ সম্ভাষণ— তাহার মতো এমন শোচনীয় বিরহ-দৃশ্য কোন্ প্রেমকাব্যে বর্ণিত আছে।'

ক্ষিতির মুখভাব হইতে একটা আসন্ন পরিহাসের আশঙ্কা করিয়া ব্যোম কহিল, 'তোমরা ইহাকে প্রেম বলিয়া মনে কর না, মনে করিতেছ আমি কেবল রূপক অবলম্বনে কথা কহিতেছি। তাহা নহে। জগতে ইহাই সর্বপ্রথম প্রেম এবং জীবনের সর্বপ্রথম প্রেম সর্বাঙ্গেকা যেমন প্রবল হইয়া থাকে জগতের সর্বপ্রথম প্রেমও সেইরূপ সরল অথচ সেইরূপ প্রবল। এই আদিপ্রেম, এই দেহের ভালোবাসা যখন সংসারে দেখা দিয়াছিল তখনো পৃথিবীতে জলে স্থলে বিভাগ হয় নাই— সে দিন কোনো কবি উপস্থিত ছিল না, কোনো ঐতিহাসিক জয়গ্রহণ করে নাই— কিন্তু সেই দিন এই জলময় পঙ্কময় অপরিণত ধরাতলে প্রথম ঘোষিত হইল যে, এ জগৎ বস্তুজগৎমাত্র নহে, প্রেম-নামক এক অনির্বচনীয়

## কাব্যের তাৎপর্য

আনন্দময় বেদনাময় ইচ্ছাশক্তি পদের মধ্য হইতে পঙ্কজবন জাগ্রত করিয়া তুলিতেছেন এবং সেই পঙ্কজবনের উপরে আজ ডক্তের চক্ষে সৌন্দর্যরূপা লক্ষী এবং ভাবরূপা সরস্বতীর অধিষ্ঠান হইয়াছে ।’

ক্ষিতি কহিল, ‘আমাদের প্রত্যেকের ভিতরে যে এমন একটা বৃহৎ কাব্যকাণ্ড চলিতেছে শুনিয়া পুলকিত হইলাম । কিন্তু সরলা কাহ্নাটির প্রতি চঞ্চলমুখের আত্মাচার ব্যবহার সন্তোষজনক নহে, ইহা স্বীকার করিতেই হইবে । আমি একান্তমনে আশা করি, যেন আমার জীবাত্মা এরূপ চপলতা প্রকাশ না করিয়া অস্তুত কিছু দীর্ঘকাল দেহ-দেহবানীর আশ্রমে স্থায়ী ভাবে বাস করে । তোমরাও সেই আশীর্বাদ করো ।’

সমীর কহিল, ‘জ্ঞাতঃ ব্যোম, তোমার মুখে তো কখনো শাস্ত্রবিকৃত কথা শুনি নাই । তুমি কেন আজ এমন পুষ্টানের মতো কথা কহিলে । জীবাত্মা স্বর্গ হইতে সংসারশ্রমে প্রেরিত হইয়া দেহের সঙ্গ লাভ করিয়া সুখদুঃখের মধ্য দিয়া পরিণতি প্রাপ্ত হইতেছে, এ সকল মত তো তোমার পূর্বমতের সহিত মিলিতেছে না ।’

ব্যোম কহিল, ‘এ সকল কথায় মতের মিল করিবার চেষ্টা করিঘো না । এ সকল গোড়াকার কথা লইয়া আমি কোনো মতের সহিতই বিবাদ করি না । জীবনযাত্রার ব্যবসায় প্রত্যেক জাতিই নিজরাজ্য-প্রচলিত মুদ্রা লইয়া মূলধন সংগ্রহ করে ; কথাটা এই, দেখিতে হইবে ব্যাবসা চলে কি না । জীব সুখদুঃখ-বিপদসম্পদের মধ্যে শিক্ষালাভ করিবার জন্য সংসারশিক্ষাশালায় প্রেরিত হইয়াছে এই মতটিকে মূলধন করিয়া লইয়া জীবনযাত্রা সূচারুরূপে চলে, অতএব আমার মতে এ মুদ্রাটি মেকি নহে । আবার যখন প্রসঙ্গক্রমে অবসর উপস্থিত হইবে তখন দেখাইয়া দিব যে, আমি যে ব্যাকনোটটি লইয়া জীবনবাণিজ্যে প্রবৃত্ত হইয়াছি, বিশ্ববিদ্যাত্মক ব্যাঙ্কে সে নোটও গ্রাহ্য হইয়া থাকে ।’

## কাব্যের তাৎপর্য

ক্ষিত্তি করুণস্বরে কহিল, 'দোহাই ভাই, তোমার মুখে প্রেমের কথাই যথেষ্ট কঠিন বোধ হয়— অতঃপর বাণিজ্যের কথা যদি অবতারণ কর তবে আমাকেও এখান হইতে অবতারণ করিতে হইবে ; আমি অত্যন্ত দুর্বল বোধ করিতেছি। যদি অবসর পাই তবে আমিও একটা তাৎপর্য শুনাইতে পারি।'

ব্যোম চৌকিতে ঠেসান দিয়া বলিয়া জাননার উপর দুই পা তুলিয়া দিল। ক্ষিত্তি কহিল, 'আমি দেখিতেছি এভোলুশন বিয়োরি অর্থাৎ অভিব্যক্তিবাদের মোট কথাটা এই কবিতার মধ্যে রহিয়া গিয়াছে। সঞ্জীবনী বিজ্ঞাটার অর্থ বাঁচিয়া থাকিবার বিজ্ঞা। সংসারে স্পষ্টই দেখা যাইতেছে একটা লোক সেই বিজ্ঞাটা অহরহ অভ্যাস করিতেছে, সহস্র বৎসর কেন, লক্ষসহস্র বৎসর ধরিয়া। কিন্তু বাহাকে অবলম্বন করিয়া সে সেই বিজ্ঞা অভ্যাস করিতেছে সেই প্রাণীবংশের প্রতি তাহার কেবল কণিক প্রেম দেখা যায়। বেই একটা পরিচ্ছেদ সমাপ্ত হইয়া যায় অমনি নিষ্ঠুর প্রেমিক, চঞ্চল অতিথি, তাহাকে অকাতরে ধ্বংসের মুখে ফেলিয়া দিয়া চলিয়া যায়। পৃথিবীর স্তরে স্তরে এই নির্দয় বিদায়ের বিলাপগান প্রস্তরপটে অঙ্কিত রহিয়াছে।'

দীপ্তি ক্ষিত্তির কথা শেষ হইতে না হইতেই বিরক্ত হইয়া কহিল, 'তোমরা এমন করিয়া যদি তাৎপর্য বাহির করিতে থাক তাহা হইলে তাৎপর্যের সীমা থাকে না। কাঠকে দড় করিয়া দিয়া অগ্নির বিদায়-গ্রহণ, গুটি কাটিয়া ফেলিয়া প্রজ্ঞাপতির পলয়ন, ফুলকে বিশীর্ণ করিয়া ফলের বহিরাগমন, বীজকে বিদীর্ণ করিয়া অঙ্কুরের উৎপন্ন, এমন রাশি রাশি তাৎপর্য স্তূপাকার করা যাইতে পারে।'

ব্যোম গম্ভীর ভাবে কহিতে লাগিল, 'ঠিক বটে। ওগুলি তাৎপর্য নহে, দৃষ্টান্ত মাত্র। উহাদের ভিতরকার আসল কথাটা এই, সংসারে

## কাব্যের তাৎপর্য

আমরা অন্তত দুই পা ব্যবহার না করিয়া চলিতে পারি না। বাম পদ বধন পশ্চাতে আবদ্ধ থাকে দক্ষিণ পদ সম্মুখে অগ্রসর হইয়া যায়, আবার দক্ষিণ পদ সম্মুখে আবদ্ধ হইলে পর বাম পদ আপন বন্ধন ছেদন করিয়া অগ্রে ধাবিত হয়। আমরা এক বার করিয়া আপনাকে বাঁধি, আবার পরক্ষণেই সেই বন্ধন ছেদন করি। আমাদেরিগকে ভালোবাসিতেও হইবে এবং সে ভালোবাসা কাটিতেও হইবে— সংসারের এই মহত্তম দুঃখ, এবং এই মহৎ দুঃখের মধ্য দিয়াই আমরািগকে অগ্রসর হইতে হয়। সমাজ সহজেও এ কথা খাটে। নূতন নিয়ম বধন কালক্রমে প্রাচীন প্রথা-রূপে আমরািগকে এক স্থানে আবদ্ধ করে তখন সমাজবিপ্লব আসিয়া তাহাকে উৎপাটন-পূর্বক আমরািগকে মুক্তি দান করে। যে পা ফেলি সে পা পরক্ষণে তুলিয়া লইতে হয়, নতুবা চলা হয় না— অতএব অগ্রসর হওয়ার মধ্যে পদে পদে বিচ্ছেদবেদনা— ইহা বিধাতার বিধান।’

সমীর কহিল, ‘গল্পটার সর্বশেষে যে একটি অভিশাপ আছে তোমরা কেহ সেটার উল্লেখ কর না। কচ যখন বিদ্যালয় করিয়া দেবধানীর প্রেমবন্ধন বিচ্ছিন্ন করিয়া যাত্রা করেন তখন দেবধানী তাঁহাকে অভিশাপ দিলেন যে, তুমি যে বিদ্যা শিক্ষা করিলে সে বিদ্যা অন্তকে শিক্ষা দিতে পারিবে, কিন্তু নিজে ব্যবহার করিতে পারিবে না; আমি সেই অভিশাপ-সম্মত একটা তাৎপর্য বাহির করিয়াছি, যদি দৈর্ঘ্য থাকে তো বলি।’

ক্ষিত্তি কহিল, ‘দৈর্ঘ্য থাকিবে কি না পূর্বে হইতে বলিতে পারি না। প্রতিজ্ঞা করিয়া বসিয়া শেষে প্রতিজ্ঞা রক্ষা না হইতেও পারে। তুমি তো আবস্ত করিয়া দাও, শেষে যদি অবস্থা বুঝিয়া তোমার দয়ার সঞ্চার হয় ধামিমা গেলেই হইবে।’

সমীর কহিল, ‘ভালো করিয়া জীবন ধারণ করিবার বিদ্যাকে সঞ্জীবনী বিদ্যা বলা যাক। মনে করা যাক কোনো কবি সেই বিদ্যা নিজে শিখিয়া

## কাব্যের তাৎপর্য

অল্পকে দান করিবার জন্ত জগতে আসিয়াছে। সে তাহার সহজ স্বর্ণীয় 'কমতায় সংসারকে বিমুক্ত করিয়া সংসারের কাছ হইতে সেই বিद्या উদ্ধার করিয়া লইল। সে যে সংসারকে ভালোবাসিল না তাহা নহে, কিন্তু সংসার যখন তাহাকে বলিল 'তুমি আমার বন্ধনে ধরা দাও' সে কহিল, 'ধরা যদি দিই, তোমার আশ্রয়ের মধ্যে যদি আকুষ্ট হই, তাহা হইলে এ সঞ্জীবনী বিद्या আমি শিখাইতে পারিব না; সংসারে সকলের মধ্যে থাকিয়াও আপনাকে বিচ্ছিন্ন রাখিতে হইবে।' তখন সংসার তাহাকে অভিশাপ দিল, 'তুমি যে বিद्या আমার নিকট হইতে প্রাপ্ত হইয়াছ সে বিद्या অল্পকে দান করিতে পারিবে কিন্তু নিজে ব্যবহার করিতে পারিবে না।' সংসারের এই অভিশাপ থাকাতে প্রায়ই দেখিতে পাওয়া যায় যে, গুরুর শিক্ষা ছাত্রের কাছে লাগিতেছে, কিন্তু সংসারজ্ঞান নিজের জীবনে ব্যবহার করিতে তিনি বালকের ন্যায় অপটু। তাহার কারণ, নিলিপ্ত ভাবে বাহির হইতে বিद्या শিখিলে বিद्याটা ভালো করিয়া পাওয়া খাইতে পারে, কিন্তু সর্বদা কাজের মধ্যে লিপ্ত হইয়া না থাকিলে তাহার প্রয়োগ শিক্ষা হয় না। সেই জন্ত পুরাকালে ব্রাহ্মণ ছিলেন মন্ত্রী, কিন্তু ক্ষত্রিয় রাজা তাঁহার মন্ত্রণা কাজে প্রয়োগ করিতেন; ব্রাহ্মণকে রাজ্যসনে বসাইয়া দিলে ব্রাহ্মণও অগাধ জলে পড়িত এবং রাজ্যকেও অকূল পাথারে ভাসাইয়া দিত।

‘তোমরা যে সকল কথা তুলিয়াছিলে সেগুলো বড়ো বেশি সাধারণ কথা। মনে করো যদি বলা যায়, রামায়ণের তাৎপর্য এই যে রাজ্যের গৃহে জন্মিয়াও অনেকে হুঃখ ভোগ করিয়া থাকে, অথবা শকুন্তলার তাৎপর্য এই যে উপযুক্ত অবসরে স্ত্রীপুরুষের চিন্তে পরস্পরের প্রতি প্রেমের সঞ্চারণ হওয়া অসম্ভব নহে— তবে সেটাকে একটা নূতন শিক্ষা বা বিশেষ বার্তা বলা যায় না।’

## কাব্যের জাংপৰ্শ

স্রোতধিনী কিঞ্চিৎ ইতস্তত কবিয়া কহিল, 'আমার ভো মনে হয় সেই সকল সাধারণ কথাই কবিতার কথা। রাজগৃহে জয়গ্ৰহণ কবিয়াও সর্বপ্রকার সুখের সম্ভাবনা সত্ত্বেও আমৃত্যুকাল অসীম দুঃখ রাম ও সীতাকে সংকট হইতে সংকটান্তরে ব্যাধের স্তায় অহুসরণ কবিয়া কিরিয়াছে— সংসারের এই অত্যন্ত সম্ভবপর, মানবানুষ্ঠেব এই অত্যন্ত পুরাতন দুঃখকাহিনীতেই পাঠকের চিত্ত আকৃষ্ট এবং আর্দ্র হইয়াছে। শকুন্তলার প্রেমদৃশ্যের মধ্যে বাস্তবিকই কোনো নূতন শিক্ষা বা বিশেষ বার্তা নাই, কেবল এই নিরতিশয় প্রাচীন এবং সাধারণ কথাটি আছে যে, শুভ অথবা অশুভ অবসরে প্রেম অলঙ্কিতে অনিবার্ধ বেগে আসিয়া দৃঢ়বন্ধনে স্ত্রী-পুরুষের হৃদয় এক কবিয়া দেয়। এই অত্যন্ত সাধারণ কথা থাকতেই সর্বসাধারণে উহার বসভোগ কবিয়া আসিতেছে। কেহ কেহ বলিতে পারেন, স্রোতধিনীর বসুধরূপের বিশেষ অর্থ এই যে, মৃত্যু এই জীবজন্তু-তরুলতা-তৃণাচ্ছাদিত বসুমতীর বস্তু আকর্ষণ কবিত্তেছে কিন্তু বিধাতার আশীর্ষাদে কোনো কালে তাহার বসনাঞ্চলের অন্ত হইতেছে না, চিরদিনই সে প্রাণময় সৌন্দৰ্যময় নবনগ্নে ভূষিত থাকিতেছে। কিন্তু সভাপর্বে যেখানে আমাদের হৃৎপিণ্ডের রক্ত তরঙ্গিত হইয়া উঠিয়াছিল এবং অবশেষে সংকটাপন্ন ভক্তের প্রতি দেবতার রূপায় দুই চক্ষু অশ্রুজলে প্লাবিত হইয়াছিল, সে কি এই নূতন এবং বিশেষ অর্থ গ্রহণ কবিয়া। না, অত্যাচারপীড়িত রমণীর লজ্জা ও সেই লজ্জা-নিবারণ -নামক অত্যন্ত সাধারণ স্বাভাবিক এবং পুরাতন কথায় ? কচ-মেঘনানী-সংবাদেও মানব-হৃদয়ের এক অতি চিরন্তন এবং সাধারণ বিষাদকাহিনী বিবৃত আছে, সেটাকে যাহারা অকিঞ্চিৎকর জ্ঞান করেন এবং বিশেষ তত্ত্বকেই প্রাধিক্ত দেন তাঁহারা কাব্যরসের অধিকারী নহেন।'

সমীর হাসিয়া আমাকে সম্বোধন কবিয়া কহিলেন, 'শ্রীমতী

## কাব্যের তাৎপর্য

শ্রোতবিনী আমাদিগকে কাব্যরসের অধিকারসীমা হইতে একেবারে নির্বাসিত করিয়া দিলেন। এক্ষণে স্বয়ং কবি কী বিচার করেন এক বার শুনা যাক।'

শ্রোতবিনী অন্ত্যস্ত লঙ্কিত ও অহতপ্ত হইয়া ব্যবহার এই অপবাদেয় প্রতিবাদ করিলেন।

আমি কহিলাম, 'এই পৰ্ব্বস্ত বলিতে পারি, যখন কবিতাটা লিখিতে বসিয়াছিলাম তখন কোনো অর্থই মাথায় ছিল না; তোমাদের কল্যাণে এখন দেখিতেছি লেখাটা বড়ো নিরর্থক হয় নাই— অর্থ অভিধানে কুলাইয়া উঠিতেছে না। কাব্যের একটা গুণ এই যে, কবির সৃজনশক্তি পাঠকের সৃজনশক্তি উদ্বেক করিয়া দেয়; তখন স্ব স্ব প্রকৃতি অনুসারে কেহ বা সৌন্দর্য, কেহ বা নীতি, কেহ বা তত্ত্ব সৃজন করিতে থাকেন। এ যেন আতশবাজিতে আগুন ধরাইয়া দেওয়া— কাবা সেই অগ্নিশিখা, পাঠকদের মন ভিন্ন ভিন্ন প্রকারের আতশবাজি। আগুন ধরিবামাত্র কেহ বা হাউইয়ের মতো একেবারে আকাশে উড়িয়া যায়, কেহ বা তুবড়ির মতো উচ্ছ্বসিত হইয়া উঠে, কেহ বা বোমার মতো আগুয়াজ করিতে থাকে। তথাপি মোটের উপর শ্রীমতী শ্রোতবিনীর সহিত আমার মতবিবোধ দেখিতেছি না। অনেকে বলেন, ঝাঁঠিই ফলের প্রধান অংশ এবং বৈজ্ঞানিক যুক্তির দ্বারা তাহার প্রমাণ করাও যায়। কিন্তু তথাপি অনেক রসজ্ঞ ব্যক্তি ফলের শস্ত্রটি খাইয়া তাহার ঝাঁঠি ফেলিয়া দেন। তেমনি কোনো কাব্যের মধ্যে যদি বা কোনো বিশেষ শিক্ষা থাকে তথাপি কাব্যরসজ্ঞ ব্যক্তি তাহার রসপূর্ণ কাব্যাংশটুকু লইয়া শিক্ষাংশটুকু ফেলিয়া দিলে কেহ তাঁহাকে দোষ দিতে পারে না। কিন্তু যাহারা আগ্রহসহকারে কেবল ঐ শিক্ষাংশটুকুই বাহির করিতে চাহেন, আশীর্বাদ কবি, তাঁহারাও সফল হউন এবং সুখে থাকুন। আনন্দ কাহাকেও বলপূর্বক দেওয়া

## কাব্যের তাৎপর্য

যায় না। কুহুম্বল হইতে কেহ বা তাহার রঙ বাহির করে, কেহ বা তৈলের মত তাহার বীজ বাহির করে, কেহ বা মূৰ্ছনেজে তাহার শোভা দেখে। কাব্য হইতে কেহ বা ইতিহাস আকর্ষণ করেন, কেহ বা দর্শন উৎপাটন করেন, কেহ বা নীতি, কেহ বা বিষয়জ্ঞান উদ্ঘাটন করিয়া থাকেন, আবার কেহ বা কাব্য হইতে কাব্য ছাড়া আর কিছুই বাহির করিতে পারেন না— যিনি বাহা পাইলেন তাহাই লইয়া সম্বলিত্তে ঘরে ফিরিতে পারেন, কাহারও সহিত বিরোধের আবশ্যক দেখি না, বিরোধে ফলও নাই।’



## প্রাঞ্জলতা

শ্রোতস্থিনী কোনো এক বিখ্যাত ইংরাজ কবির উল্লেখ করিয়া বলিলেন, 'কে জানে, তাঁহার রচনা আমার কাছে ভালো লাগে না।'

দীপ্তি আরো প্রবলতর ভাবে শ্রোতস্থিনীর মত সমর্থন করিলেন।

সমীর কখনো পারতপক্ষে মেয়েদের কোনো কথাই স্পষ্ট প্রতিবাদ করে না। তাই সে একটু হাসিয়া ইতস্তত করিয়া কহিল, 'কিন্তু অনেক বড়ো বড়ো সমালোচক তাঁহাকে খুব উচ্চ আসন দিয়া থাকেন।'

দীপ্তি কহিলেন, 'আগুন যে পোড়ায় তাহা ভালো করিয়া বুঝিবার জ্ঞান কোনো সমালোচকের সাহায্য আবশ্যক করে না, তাহা নিজের বাম হস্তের কড়ে আঙুলের ডগার দ্বারাও বোঝা যায়— ভালো কবিতার ভালোয় যদি তেমনি অবহেলে না বুঝিতে পারি তবে আমি তাহার সমালোচনা পড়া আবশ্যক বোধ করি না।'

আগুনের যে পোড়াইবার ক্ষমতা আছে সমীর তাহা জানিত, এই জ্ঞান সে চূপ করিয়া রহিল; কিন্তু ব্যোম বেচারার সে সকল বিষয়ে কোনোরূপ কাণ্ডজ্ঞান ছিল না, এই জ্ঞান সে উচ্চস্বরে আপন স্বগত-উক্তি আরম্ভ করিয়া দিল।

সে বলিল, 'মানুষের মন মানুষকে ছাড়াইয়া চলে, অনেক সময়ে তাহাকে নাগাল পাওয়া যায় না—'

কিন্তু তাহাকে বাধা দিয়া কহিল, 'ত্রেতাযুগে হনুমানের শতধোজন লাকুল শ্রীমান হনুমানজিউকে ছাড়াইয়া বহু দূরে গিয়া পৌছিত; লাকুলের ডগাটুকুতে যদি উকুন বসিত তবে তাহা চুলকাইয়া আসিবার জ্ঞান ঘোড়ার ডাক বসাইতে হইত। মানুষের মন হনুমানের লাকুলের অপেক্ষাও স্বদীর্ঘ, সেই জ্ঞান এক-এক সময়ে মন যেখানে গিয়া পৌছায়, সমালোচকের ঘোড়ার ডাক ব্যতীত সেখানে হাত পৌছে না। লেজের সঙ্গে মনের

## প্রাঞ্জলতা

প্রত্যেক এই বে, মনটা আগে আগে চলে এবং লেজটা পশ্চাতে পড়িয়া থাকে  
— এই জন্তই জগতে লেজের এত লাহুনা এবং মনের এত মাহান্দা ।’

ক্ষিত্তির কথা শেষ হইলে বোম পুনশ্চ আবৃত্ত করিল, ‘বিজ্ঞানের  
উদ্দেশ্য জানা, এবং দর্শনের উদ্দেশ্য বোঝা । কিন্তু কাণটি এমনি হইয়া  
দাঁড়াইয়াছে যে, বিজ্ঞানটি জানা এবং দর্শনটি বোঝাই অল্প সকল জানা  
এবং অল্প সকল বোঝার অপেক্ষা শক্ত হইয়া উঠিয়াছে ; ইহার জন্ত কত  
ইস্কুল, কত কেতাব, কত আয়োজন আবশ্যক হইয়াছে । সাহিত্যের  
উদ্দেশ্য আনন্দ দান করা, কিন্তু সেই আনন্দটি গ্রহণ করাও নিতান্ত সহজ  
নহে— তাহার জন্তও বিবিধ প্রকার শিক্ষা এবং সাহায্যের প্রয়োজন ।  
সেই জন্তই বলিতেছিলাম, দেখিতে দেখিতে মন এতটা অগ্রসর হইয়া  
যায় যে, তাহার নাগাল পাইবার জন্ত সিঁড়ি লাগাইতে হয় । যদি কেহ  
অভিমান করিয়া বলেন, বাহা বিনা শিক্ষায় না জানা যায় তাহা বিজ্ঞান  
নহে, বাহা বিনা চেষ্টায় না বোঝা যায় তাহা দর্শন নহে, এবং বাহা বিনা  
সাধনায় আনন্দ দান না করে তাহা সাহিত্য নহে, তবে কেবল ধনার  
বচন, প্রবাদবাক্য এবং পাঁচালি অবলম্বন করিয়া তাঁহাকে অনেক পশ্চাতে  
পড়িয়া থাকিতে হইবে ।’

সমীর কহিল, ‘মানুষের হাতে সব জিনিসই ক্রমশ কঠিন হইয়া  
উঠে । অসভ্যের বেমন-তেমন চীৎকার করিয়াই উত্তেজনা অহুভব করে ।  
অথচ আমাদের এমনি গ্রহ যে, বিশেষ অভ্যাসসাধ্য শিক্ষাসাধ্য সংগীত  
ব্যতীত আমাদের সুখ নাই । আরো গ্রহ এই যে, ভালো গান করাও  
বেমন শিক্ষাসাধ্য ভালো গান হইতে সুখ অহুভব করাও তেমনি শিক্ষা-  
সাধ্য । তাহার ফল হয় এই যে, এক সময়ে বাহা সাধারণের ছিল ক্রমেই  
তাহা সাধকের হইয়া আসে । চীৎকার সকলেই করিতে পারে, এবং  
চীৎকার করিয়া অসভ্যসাধারণে সকলেই উত্তেজনা অহুভব করে,

## প্রাঞ্জলতা

কিন্তু গান সকলে করিতে পারে না এবং গানে সকলে সুখও পায় না। কাজেই সমাজ বতই অগ্রসর হয় ততই অধিকারী এবং অনধিকারী, রসিক এবং অরসিক, এই দুই সম্প্রদায়ের সৃষ্টি হইতে থাকে।’

কিন্তু কহিল, ‘মানুষ বেচারাকে এমনি করিয়া গড়া হইয়াছে যে, সে বতই সহজ উপায় অবলম্বন করিতে যায় ততই দুর্ভাগ্যের মধ্যে জড়ীভূত হইয়া পড়ে। সে সহজে কাজ করিবার জন্য কল তৈরি করে কিন্তু কল জিনিসটা নিজে এক বিষম দুর্ভাগ্য ব্যাপার। সে সহজে সমস্ত প্রাকৃত জ্ঞানকে বিধিবদ্ধ করিবার জন্য বিজ্ঞান সৃষ্টি করে, কিন্তু সেই বিজ্ঞানটাই আহত করা কঠিন কাজ; সুবিচার করিবার সহজ প্রণালী বাহির করিতে গিয়া আইন বাহির হইল, শেষকালে আইনটা ভালো করিয়া বুঝিতেই দীর্ঘজীবী লোকের বারো আনা জীবন দান করা আবশ্যিক হইয়া পড়ে; সহজে আদান-প্রদান চালাইবার জন্য টাকার সৃষ্টি হইল, শেষকালে টাকার সমস্তা এমনি একটা সমস্তা হইয়া উঠিয়াছে যে মীমাংসা করে কাহার সাধ্য। সমস্ত সহজ করিতে হইবে, এই চেষ্টায় মানুষের জানাশোনা খাওয়া-দাওয়া আমোদপ্রমোদ সমস্তই অসম্ভব শক্ত হইয়া উঠিয়াছে।’

স্রোতধিনী কহিলেন, ‘সেই হিসাবে কবিতাও শক্ত হইয়া উঠিয়াছে। এখন মানুষ খুব স্পষ্টতঃ দুই ভাগ হইয়া গিয়াছে। এখন অল্প লোক ধনী এবং অনেক নির্ধন, অল্প লোক গুণী এবং অনেক নিরুগুণ। এখন কবিতাও সর্বসাধারণের নহে, তাহা বিশেষ লোকের। সকলই বুঝিলাম। কিন্তু কথাটা এই যে, আমরা যে বিশেষ কবিতার প্রসঙ্গে এই কথাটা তুলিয়াছি সে কবিতাটা কোনো অংশেই শক্ত নহে; তাহার মধ্যে এমন কিছুই নাই বাহা আমাদের মতো লোকও বুঝিতে না পারে— তাহা নিতান্তই সরল। অতএব তাহা যদি ভালো না লাগে, তবে সে আমাদের বুঝিবার দোষে নহে।’

## প্রাঞ্জলতা

ক্ষিতি এবং সমীর ইহার পরে আর কোনো কথা বলিতে ইচ্ছা করিল না। কিন্তু ঘোম অগ্নান মুখে বলিতে লাগিল, 'বাহা সবল তাহাই বে সহজ এমন কোনো কথা নাই। অনেক সময় তাহাই অত্যন্ত কঠিন : কারণ, সে নিজেকে বুঝাইবার জন্য কোনো প্রকার বাজে উপায় অবলম্বন করে না, সে চুপ করিয়া পাড়াইয়া থাকে, তাহাকে না বুঝিয়া চলিয়া গেলে সে কোনোরূপ কৌশল করিয়া ফিরিয়া ডাকে না। প্রাঞ্জলতার প্রধান গুণ এই যে, সে একেবারে অব্যবহিত ভাবে মনের সহিত সম্বন্ধ স্থাপন করে, তাহার কোনো মধ্যস্থ নাই। কিন্তু যে সকল মন মধ্যস্থের সাহায্য ব্যতীত কিছু গ্রহণ করিতে পারে না, বাহাদিগকে ভুলাইয়া আকর্ষণ করিতে হয়, প্রাঞ্জলতা তাহাদের নিকট বড়োই দুর্বোধ। কুম্বনগরের কারিগরের রচিত ভিন্টি তাহার সমস্ত রঙচঙ মশক এবং অক্সিজেন দ্বারা আমাদের ইন্দ্রিয় এবং অভ্যাসের সাহায্যে চট করিয়া আমাদের মনের মধ্যে প্রবেশ করিতে পারে; কিন্তু গ্রীক প্রস্তরমূর্তিতে রঙচঙ বকম-সকম নাই— তাহা প্রাঞ্জল এবং সর্বপ্রকার প্রয়াস-বিহীন। কিন্তু তাই বলিয়া সহজ নহে। সে কোনোপ্রকার তুচ্ছ বাহ্য কৌশল অবলম্বন করে না বলিয়াই, ভাবসম্পদ তাহার অধিক থাকা চাই।'

দীপ্তি বিশেষ একটু বিরক্ত হইয়া কহিল, 'তোমার গ্রীক প্রস্তরমূর্তির কথা ছাড়িয়া দাও। ও সম্বন্ধে অনেক কথা শুনিয়াছি এবং বাচিয়া থাকিলে আরো অনেক কথা শুনিতে হইবে। ভালো জিনিষের দোষ এই যে, তাহাকে সর্বদাই পৃথিবীর চোখের সামনে থাকিতে হয়, সকলেই তাহার সম্বন্ধে কথা কহে, তাহার আর পর্দা নাই, আক্রমণ নাই; তাহাকে আর কাহারও আবিষ্কার করিতে হয় না, বুঝিতে হয় না, ভালো করিয়া চোখ মেলিয়া তাহার প্রতি তাকাইতেও হয় না, কেবল তাহার সম্বন্ধে বাধি গৎ শুনিতে এবং বলিতে হয়। সূর্যের যেমন মাঝে মাঝে মেঘগ্রস্ত

## প্রাঞ্জলতা

ধাকা উচিত, নতুবা মেঘমুক্ত স্বর্ষের গৌরব বুঝা যায় না, আমার বোধ হয় পৃথিবীর বড়ো বড়ো খ্যাতির উপরে মাঝে মাঝে সেইরূপ অবহেলার আড়াল পড়া উচিত— মাঝে মাঝে গ্রীক মূর্তির নিন্দা করা ফেশান হওয়া ভালো, মাঝে মাঝে সর্বলোকের নিকট প্রমাণ হওয়া উচিত যে কালিদাস অপেক্ষা চাণক্য বড়ো কবি। নতুবা আর সহ্য হয় না। যাহা হউক, ওটা একটা অপ্রাসঙ্গিক কথা। আমার বক্তব্য এই যে, অনেক সময়ে ভাষের দারিদ্র্যকে, আচারের বর্বরতাকে সরলতা বলিয়া ভ্রম হয়— অনেক সময় প্রকাশক্ষমতার অভাবে ভাবাধিক্যের পরিচয় বলিয়া কল্পনা করা হয়— সে কথাটাও মনে রাখা কর্তব্য।’

আমি कहিলাম, ‘কলাবিদ্যায় সরলতা উচ্চ অঙ্গের মানসিক উন্নতির সহচর। বর্বরতা সরলতা নহে। বর্বরতার আড়লের আয়োজন অত্যন্ত বেশি। সভ্যতা অপেক্ষাকৃত নিরলংকার। অধিক অলংকার আমাদের দৃষ্টি আকর্ষণ করে কিন্তু মনকে প্রেতিহত করিয়া দেয়। আমাদের বাংলা ভাষায় কি ধবরের কাগজে কি উচ্চশ্রেণীর সাহিত্যে সরলতা এবং অপ্রমত্ততার অভাব দেখা যায়— সকলেই অধিক করিয়া, চীৎকার করিয়া, এবং ভক্তিমা করিয়া বলিতে ভালোবাসে; বিনা আড়লের সত্য কথাটি পরিষ্কার করিয়া বলিতে কাহারও প্রবৃত্তি হয় না। কারণ, এখনো আমাদের মধ্যে একটা আদিম বর্বরতা আছে; সত্য প্রাঞ্জল বেশে আসিলে তাহার গভীরতা এবং অসামান্যতা আমরা দেখিতে পাই না, ভাবের সৌন্দর্য কৃত্রিম ভূষণে এবং সর্বপ্রকার আতিশয্যে ভারাক্রান্ত হইয়া না আসিলে আমাদের নিকট তাহার মর্যাদা নষ্ট হয়।’

সমীর कहিল, ‘সংঘম ভঙ্গুরতার একটি প্রধান লক্ষণ। ভঙ্গুরলোকেরা কোনো প্রকার গায়ে-পড়া আতিশয্য দ্বারা আপন অস্তিত্ব উৎকট ভাবে প্রচার করে না; বিনয় এবং সংঘমের দ্বারা তাহারা আপন মর্যাদা

## প্রাঞ্জলতা

বক্ষা করিয়া থাকে। অনেক সময়ে সাধারণ লোকের নিকট সংখত হুমসাহিত ভঙ্গতাব অপেক্ষা আড়ম্বর এবং আতিশয্যের ভঙ্গিমা অধিকতর আকর্ষণজনক হয়, কিন্তু সেটা ভঙ্গতাব দুর্ভাগ্য নহে—সে সাধারণের ভাগ্যদোষ। সাহিত্যে সংযম এবং আচারব্যবহারে সংযম উন্নতির লক্ষণ—আতিশয্যের দ্বারা দৃষ্টি আকর্ষণের চেষ্টাই বর্জিত।’

আমি কহিলাম, ‘এক-আধটা ইংরাজি কথা মাপ করিতে হইবে। যেমন ভঙ্গলোকের মধ্যে তেমনি ভঙ্গ সাহিত্যেও ম্যানার আছে, কিন্তু ম্যানারিক্স্ নাই। ভালো সাহিত্যের বিশেষ একটি আকৃতিপ্রকৃতি আছে সন্দেহ নাই, কিন্তু তাহার এমন একটি পরিমিত স্থমা যে আকৃতিপ্রকৃতির বিশেষত্বটাই বিশেষ করিয়া চোখে পড়ে না। তাহার মধ্যে একটা ভাব থাকে, একটা গূঢ় প্রভাব থাকে, কিন্তু কোনো অপূর্ব ভঙ্গিমা থাকে না। তরঙ্গভঙ্গের অভাবে অনেক সময়ে পরিপূর্ণতাও লোকের দৃষ্টি এড়াইয়া যায়, আবার পরিপূর্ণতার অভাবে অনেক সময়ে তরঙ্গভঙ্গও লোককে বিচলিত করে। কিন্তু তাই বলিয়া এ ভ্রম যেন কাহারও না হয় যে, পরিপূর্ণতার প্রাঞ্জলতাই সহজ এবং অগভীরতার ভঙ্গিমাই দুর্বল।’

শ্রোতৃস্বিনীর দিকে ফিরিয়া কহিলাম, ‘উচ্চশ্রেণীর সরল সাহিত্য বুঝা অনেক সময় এই জন্ত কঠিন যে, মন তাহাকে বুঝিয়া লয় কিন্তু সে আপনাকে বুঝাইতে থাকে না।’

দীপ্তি কহিল, ‘নমস্কার করি! আজ আমাদের বখেট শিক্ষা হইয়াছে। আর কখনো উচ্চ অঙ্গের পণ্ডিতদিগের নিকট উচ্চ অঙ্গের সাহিত্য সম্বন্ধে মত ব্যক্ত করিয়া বর্জিত প্রকাশ করিব না।’

শ্রোতৃস্বিনী সেই ইংরাজ কবির নাম করিয়া কহিল, ‘তোমরা যতই তর্ক কর এবং যতই গালি দাও, সে কবির কবিতা আমার কিছুতেই ভালো লাগে না।’

## কৌতুকহাস্য

শীতের সকালে রাস্তা দিয়া খেজুর-রস হাঁকিয়া বাইতেছে। ভোরের দিককার আপসা কুয়াশাটা কাটিয়া গিয়া তরুণ রৌদ্রে দিনের আবহ-বেলাটা একটু উপভোগযোগ্য আতপ্ত হইয়া আসিয়াছে। সমীর চা খাইতেছে, ক্ষিতি খবরের কাগজ পড়িতেছে এবং ব্যোম মাখার চারি দিকে একটা অত্যন্ত উজ্জল নীলে সবুজে মিশ্রিত গলাবন্ধের পাক জড়াইয়া একটা অসংগত মোটা লাঠি হস্তে সম্প্রতি আসিয়া উপস্থিত হইয়াছে।

অদূরে দ্বারের নিকট দাঁড়াইয়া শ্রোতবিনী এবং দীপ্তি পরম্পরের কটিবেষ্টন করিয়া কী একটা রহস্য-প্রসঙ্গে বারম্বার হাসিয়া অস্থির হইতেছিল। ক্ষিতি এবং সমীর মনে করিতেছিল, এই উৎকট নীলহরিৎ-পশমরাশি-পরিবৃত স্থানগৌন নিশ্চিন্তচিত্ত ব্যোমই ঐ হাস্যরসোচ্ছ্বাসের মূল কারণ।

এমন সময় অগ্রমনস্ক ব্যোমের চিত্তও সেই হাস্যরবে আকৃষ্ট হইল। সে চৌকিটা আমাদের দিকে ঈষৎ ফিরাইয়া কহিল, 'দূর হইতে এক জন পুরুষমানুষের হঠাৎ ভ্রম হইতে পারে যে, ঐ দুটি সখী বিশেষ কোনো একটা কৌতুককথা অবলম্বন করিয়া হাসিতেছেন। কিন্তু সেটা মায়া। পুরুষজাতিকে পক্ষপাতী বিধাতা বিনা কৌতুকে হাসিবার ক্ষমতা দেন নাই কিন্তু মেয়েরা হাসে কী জগৎ তাহা দেবা ন জানন্তি কুতো মনুগ্রাঃ। চক্ৰমকি পাথর স্বভাবতঃ আলোকহীন, উপযুক্ত সংঘর্ষ প্রাপ্ত হইলে সে অট্টশব্দে জ্যোতিঃকুলিক নিষ্ক্ষেপ করে। আর মানিকের টুকরা আপনা-আপনি আলোয় ঠিকরিয়া পড়িতে থাকে, কোনো একটা সংগত উপলক্ষ্যের অপেক্ষা রাখে না। মেয়েরা অল্প কারণে কাঁদিতে জানে এবং বিনা কারণে হাসিতে পারে; কারণ ব্যতীত কাঁধ হয় না, জগতের এই জড়া নিয়মটা কেবল পুরুষের পক্ষেই ধাটে।'

## কৌতুকহাস্ত

সমীর নিশেধিত পাত্রে দ্বিতীয় বার চা ঢালিয়া কহিল, 'কেবল মেয়েদের হাসি নয়, হাস্তবস্টাই আমার কাছে কিছু অসংগত ঠেকে। দুঃখে কাঁদি স্বখে হাসি এটুকু বুঝিতে বিলম্ব হয় না, কিন্তু কৌতুকে হাসি কেন। কৌতুক তো ঠিক স্বখ নয়। মোটা মাহুঘ চৌকি ডাঙিয়া পড়িয়া গেলে আমাদের কোনো স্বখের কারণ ঘটে, এ কথা বলিতে পারি না, কিন্তু হাসির কারণ ঘটে ইহা পরীক্ষিত সত্য। ভাবিয়া দেখিলে ইহার মধ্যে আশ্চর্যের বিষয় আছে।'

কিন্তি কহিল, 'বন্ধা করো, ভাই। না ভাবিয়া আশ্চর্য হইবার বিষয় জগতে যথেষ্ট আছে; আগে সেইগুলো শেষ করো, তার পরে ভাবিতে শুরু করিয়ো। এক জন পাগল তাহার উঠানকে ধূলিশূন্য করিবার অভিপ্রায়ে প্রথমতঃ কাঁটা দিয়া আচ্ছা করিয়া কাঁটাইল, তাহাতেও সম্পূর্ণ সন্তোষজনক ফল না পাইয়া কোদাল দিয়া মাটি টাচিতে আরম্ভ করিল। সে মনে করিয়াছিল, এই ধূলামাটির পৃথিবীটাকে সে নিশেধে আকাশে কাঁটাইয়া ফেলিয়া অবশেষে দিবা একটি পরিষ্কার উঠান পাইবে। বলা বাহুল্য, বিস্তর অধ্যবসায়েরও কৃতকার্য হইতে পারে নাই। ত্রাতঃ সমীর, তুমি যদি আশ্চর্যের উপরিস্তর কাঁটাইয়া অবশেষে ভাবিয়া আশ্চর্য হইতে আরম্ভ কর, তবে আমরা বহুগণ-বিদায় লই। কালোহর্যঃ নিরবধিঃ, কিন্তু সেই নিরবধি কাল আমাদের হাতে নাই।'

সমীর হাসিয়া কহিল, 'ভাই কিন্তি, আমার অপেক্ষা ভাবনা তোমারই বেশি। অনেক ভাবিলে তোমাকেও সৃষ্টির একটা মহাশ্চর্য ব্যাপার মনে হইতে পারিত, কিন্তু আরো ঢের বেশি না ভাবিলে আমার সহিত তোমার সেই উঠানমার্জনকারী আদর্শটির সাদৃশ্য বলনা কথিতে পারিতে না।'

কিন্তি কহিল, 'মাপ করো ভাই, তুমি আমার অনেক কালের



## কৌতুকহাস্য

বিশেষ পরিচিত বন্ধু, সেই জন্তই আমার মনে এতটা আশঙ্কার উদয় হইয়াছিল। যাহা হউক, কথাটা এই যে, কৌতুকে আমরা হাসি কেন। ভারি আশ্চর্য! কিন্তু তাহার পরের প্রশ্ন এই যে, যে কারণেই হউক হাসি কেন। একটা কিছু ভালো লাগিবার বিষয় যেই আমাদের সম্মুখে উপস্থিত হইল, অমনি আমাদের গলার ভিতর দিয়া একটা অদ্ভুত প্রকারের শব্দ বাহির হইতে লাগিল এবং আমাদের মুখের সমস্ত মাংসপেশী বিকৃত হইয়া সম্মুখের দস্তপংক্তি বাহির হইয়া পড়িল— মস্তকের মতো ভ্রূ জীবের পক্ষে এমন একটা অসংযত অসংগত ব্যাপার কি সামান্য অদ্ভুত এবং অবমানজনক। যুরোপের ভ্রূলোক ভয়ের চিহ্ন, দুঃখের চিহ্ন, প্রকাশ করিতে লঙ্কা বোধ করেন— আমরা প্রাচ্যজাতীয়েরা সভ্যসমাজে কৌতুকের চিহ্ন প্রকাশ করাটাকে নিতান্ত অসংযমের পরিচয় জ্ঞান করি—

সমীর ক্ষিতিকে কথা শেষ করিতে না দিয়া কহিল, 'তাহার কারণ, আমাদের মতে কৌতুকে আমোদ অশুভব করা নিতান্ত অযৌক্তিক। উহা ছেলেমানুষেরই উপযুক্ত। এই জন্ত কৌতুকরসকে আমাদের প্রবীণ লোক-মাত্রেই ছাব্বলামি বলিয়া ঘৃণা করিয়া থাকেন। একটা গানে স্তনিয়াছিলাম, শ্রীকৃষ্ণ নিভ্রাভঙ্গে প্রাতঃকালে হঁকা হস্তে রাধিকার কুটিরে কিঞ্চিৎ অঙ্গারের প্রার্থনায় আগমন করিয়াছিলেন। স্তনিয়া শ্রোতামাজের হাস্য উদ্ভেক করিয়াছিল। কিন্তু হঁকা হস্তে শ্রীকৃষ্ণের বল্লনা সন্দরও নহে, কাহারও পক্ষে আনন্দজনকও নহে— তবুও যে আমাদের হাসি ও আমোদের উদয় হয় তাহা অদ্ভুত ও অমূলক নহে তো কী। এই জন্তই এক্ষণ চাপল্য আমাদের বিজ্ঞসমাজের অহুমোদিত নহে। ইহা যেন অনেকটা পরিমাণে শারীরিক; কেবল স্নায়ুর উদ্ভেজনা মাত্র। ইহার সহিত আমাদের সৌন্দর্যবোধ, বুদ্ধিবৃত্তি, এমন কি স্বার্থবোধেরও যোগ নাই। অতএব অনর্থক সামান্য কারণে কণকালের জন্ত বুদ্ধির এক্ষণ

## কৌতুকহাস্য

অনিবার্য পরাভব, স্বৈর্ঘ্যের একরূপ সম্যক বিচ্যুতি, মনস্বী জীবের পক্ষে  
জ্ঞানক সন্দেহ নাই ।’

কিন্তি একটু ভাবিয়া কহিল, ‘সে কথা সত্য । কোনো অখ্যাতনামা  
কবি-বিবচিত্ত এই কবিতাটি বোধ হয় জানা আছে—

তুষার্ত হইয়া চাহিলাম এক ঘটি জল ;

তাড়াতাড়ি এনে দিলে আধখানা বেল ।

‘তুষার্ত ব্যক্তি যখন এক ঘটি জল চাহিতেছে তখন অত্যন্ত তাড়াতাড়ি  
করিয়া আধখানা বেল আনিয়া দিলে অপরাপর ব্যক্তির তাহাতে আমোদ  
অশুভব করিবার কোনো ধর্মসংগত অথবা যুক্তিসংগত কারণ দেখা যায়  
না । তুষিত ব্যক্তির প্রার্থনা-মতে তাহাকে এক ঘটি জল আনিয়া দিলে  
সমবেদনারুক্তিপ্রভাবে আমরা সুখ পাই ; কিন্তু তাহাকে হঠাৎ আধখানা  
বেল আনিয়া দিলে, জানি না কী বৃত্তি-প্রভাবে, আমাদের প্রচুর  
কৌতুক বোধ হয় । এই সুখ এবং কৌতুকের মধ্যে যখন শ্রেণীগত প্রভেদ  
আছে তখন দুইয়ের ভিন্নবিধ প্রকাশ হওয়া উচিত ছিল । কিন্তু প্রকৃতির  
গৃহিণীপনাই এইরূপ— কোথাও বা অনাবশ্যক অপব্যয়, কোথাও অত্যা-  
বশ্যকের বেলায় টানাটানি । এক হাসির দ্বারা সুখ এবং কৌতুক  
দুটোকে সান্নিধ্য দেওয়া উচিত হয় নাই ।’

ব্যোম কহিল, ‘প্রকৃতির প্রতি অন্তায় অপবাদ আরোপ হইতেছে ।  
সুখে আমরা শ্মিতহাস্য হাসি, কৌতুকে আমরা উচ্চহাস্য হাসিয়া উঠি ।  
ভৌতিক জগতে আলোক এবং বজ্র ইহার তুলনা । একটা আন্দোলন-  
জনিত, স্থায়ী ; অপরটি সংঘর্ষজনিত, আকস্মিক । আমি বোধ করি, যে  
কারণভেদে একই ঋতবে আলোক ও বিদ্যুৎ উৎপন্ন হয় তাহা আবিষ্কৃত  
হইলে তাহার তুলনায় আমাদের সুখহাস্য এবং কৌতুকহাস্যের কারণ  
বাহির হইয়া পড়িবে ।’

## কৌতুকহাস্য

সমীর ব্যোমেয় আঙ্গণবি কল্পনার কর্ণপাত না করিয়া কহিল, 'আমোদ এবং কৌতুক ঠিক লুখ নহে, বরঞ্চ তাহা নিরুদ্ভাবিত দুঃখ স্বল্পপরিমাণে দুঃখ ও পীড়ন আমাদের চেতনার উপর যে আঘাত করে তাহাতে আমাদের লুখ হইতেও পারে। প্রতিদিন নিয়মিত সময়ে বিনা কষ্টে আমরা পাচকের প্রস্তুত অন্ন খাইয়া থাকি, তাহাকে আমরা আমোদ বলি না; কিন্তু যে দিন চড়িভাতি করা যায় সে দিন নিয়ম ভঙ্গ করিয়া, কষ্ট স্বীকার করিয়া, অসময়ে সম্ভবতঃ অথাত্ত আহাৰ করি, কিন্তু তাহাকে বলি আমোদ। আমোদের জন্ত আমরা ইচ্ছাপূর্বক যে পরিমাণে কষ্ট ও অশান্তি জাগ্রত করিয়া তুলি তাহাতে আমাদের চেতনশক্তিকে উত্তেজিত করিয়া দেয়। কৌতুকও সেইজাতীয় সুখাবহ দুঃখ। শ্রীকৃষ্ণ সধঙ্গে আমাদের চিরকাল বেক্রম ধারণা আছে, তাঁহাকে ছ'কা হস্তে বাধিকার কুটিবে আনিয়া উপস্থিত করিলে হঠাৎ আমাদের সেই ধারণায় আঘাত করে। সেই আঘাত ঈষৎ পীড়া-জনক; কিন্তু সেই পীড়ার পরিমাণ এমন নিয়মিত যে, তাহাতে আমরাগকে যে পরিমাণে দুঃখ দেয় আমাদের চেতনাকে অকস্মাৎ চঞ্চল করিয়া তুলিয়া তদপেক্ষা অধিক লুখী করে। এই সীমা ঈষৎ অতিক্রম করিলেই কৌতুক প্রকৃত পীড়ায় পরিণত হইয়া উঠে। যদি যথার্থ ভক্তির কীৰ্তনের মাঝখানে কোনো বসিকতাবায়ুগ্রস্ত ছোকরা হঠাৎ শ্রীকৃষ্ণের ঐ তাম্বকুটধূমপিপাসুতার গান গাহিত, তবে তাহাতে কৌতুক বোধ হইত না; কারণ, আঘাতটা এত গুরুতর হইত যে, তৎক্ষণাৎ তাহা উত্তম মুষ্টি-আকার ধারণ করিয়া উক্ত বসিক ব্যক্তির পৃষ্ঠাভিমুখে প্রবল প্রতিঘাত-স্বরূপে ধাবিত হইত। অতএব, আমার মতে কৌতুক—চেতনাকে পীড়ন, আমোদও তাই। এই লক্ষ প্রকৃত আনন্দের প্রকাশ স্মিতহাস্য এবং আমোদ ও কৌতুকের প্রকাশ উচ্চহাস্য; সে হাস্য বেন হঠাৎ একটা দ্রুত আঘাতের পীড়ন-

## কৌতুকহাস্য

বেগে সশব্দে উর্ধ্বে উল্লীর্ণ হইয়া উঠে ।’

ক্ষিত্তি কহিল, ‘তোমরা যখন একটা মনের মতো খিদোবির সঙ্গে একটা মনের মতো উপমা জুড়িয়া দিতে পার তখন আনন্দে আর সত্যাসক্তা জ্ঞান থাকে না । ইহা সকলেরই জ্ঞানা আছে, কৌতুকে যে কেবল আমরা উচ্চহাস্য হাসি তাহা নহে, মুহূহাস্যও হাসি, এমন কি, মনে মনেও হাসিয়া থাকি । কিন্তু ওটা একটা অবাস্তব কথা । আসল কথা এই যে, কৌতুক আমাদের চিত্তের উত্তেজনার কারণ ; এবং চিত্তের অনতিপ্রবল উত্তেজনা আমাদের পক্ষে স্বখজনক । আমাদের অন্তরে বাহিরে একটি সুযুক্তিসংগত নিয়মশৃঙ্খলার আধিপত্য, সমস্তই চিরায়ত্ত চিরপ্রত্যাশিত ; এই সুনিয়মিত যুক্তিরাজ্যের সমভূমি-মধ্যে যখন আমাদের চিত্ত অবাধে প্রবাহিত হইতে থাকে তখন তাহাকে বিশেষরূপে অহুভব করিতে পারি না— ইতিমধ্যে হঠাৎ সেই চারি দিকের যথাযোগ্যতা ও যথাপরিমিততার মধ্যে যদি একটা অসংগত ব্যাপারের অবতারণা হয় তবে আমাদের চিত্তপ্রবাহ অকস্মাৎ বাধা পাইয়া দুনিবার হাস্যতরঙ্গে বিক্ষুব্ধ হইয়া উঠে । সেই বাধা সুখের নহে, সৌন্দর্যের নহে, সুবিধার নহে, তেমনি আবার অতিদুঃখেরও নহে— সেই জগৎ কৌতুকের সেই বিস্তৃত অমিশ্র উত্তেজনার আমাদের আনন্দ বোধ হয় ।’

আমি কহিলাম, ‘অহুভবক্রিয়ামাত্রই সুখের, যদি না তাহার সহিত কোনো গুরুতর দুঃখভয় ও স্বার্থহানি মিশ্রিত থাকে । এমন কি, ভয় পাইতেও সুখ আছে, যদি তাহার সহিত বাস্তবিক ভয়ের কোনো কারণ জড়িত না থাকে । ছেলেরা ভূতের গল্প শুনিতে একটা বিষম আকর্ষণ অহুভব করে, কারণ, হৃৎকম্পের উত্তেজনায় আমাদের যে চিত্তচাক্ষুস জন্মে তাহাতেও আনন্দ আছে । বামাঘণে সৌভাগ্যবিয়োগে বামের দুঃখে আমরা দুঃখিত হই, ওখেলোর অমূলক অশ্রুয়া আমাদের পীড়িত করে, দুহিতার

## কৌতুকহাস্য

কৃতদ্রুতাশর-বিন্দু উন্মাদ লিয়রের মর্মযাতনায় আমরা বাথা বোধ করি—  
কিন্তু সেই দুঃখপীড়া বেরনা উদ্রেক করিতে না পারিলে সে সকল কাব্য  
আমাদের নিকট তুচ্ছ হইত। বরঞ্চ দুঃখের কাব্যকে আমরা সুখের কাব্য  
অপেক্ষা অধিক সমাদর করি। কারণ, দুঃখানুভবে আমাদের চিত্তে  
অধিকতর আন্দোলন উপস্থিত করে। কৌতুক মনের মধ্যে হঠাৎ আঘাত  
করিয়া আমাদের সাধারণ অহুস্তবক্রিয়া জাগ্রত করিয়া দেয়। এই জন্ত  
অনেক রসিক লোক হঠাৎ শরীরে একটা আঘাত করাকে পরিহাস জ্ঞান  
করেন, অনেকে গালিকে ঠাট্টার স্বরূপে ব্যবহার করিয়া থাকেন, বাসর-  
ঘরে কর্ণমর্দন এবং অগ্ন্যান্ত পীড়ন-নৈপুণ্যকে বঙ্গসীমস্তিনীগণ এক শ্রেণীর  
হাস্যরস বলিয়া স্থির করিয়াছেন, হঠাৎ উৎকট বোমার আওয়াজ করা  
আমাদের দেশে উৎসবের অঙ্গ, এবং কর্ণবধিরকর খোল-করতালের শব্দ  
দ্বারা চিত্তকে ধূমপীড়িত মোচাকের মোমাছির মতো একান্ত উদ্ভ্রান্ত  
করিয়া ভক্তিরসের অবতারণা করা হয়।’

ক্ষিত্তি কহিল, ‘বন্ধুগণ, ক্ষান্ত হও। কথাটা এক প্রকার শেষ হইয়াছে।  
যতটুকু পীড়নে সুখ বোধ হয় তাহা তোমরা অতিক্রম করিয়াছ, এক্ষণে  
দুঃখ ক্রমে প্রবল হইয়া উঠিতেছে। আমরা বেশ বুঝিয়াছি যে, কমেডির  
হাস্য এবং ট্র্যাগেডির অশুভ্রল দুঃখের তারতম্যের উপর নির্ভর করে—’

ব্যোম কহিল, ‘যেমন বরফের উপর প্রথম রৌদ্র পড়িলে তাহা  
কিকমিক্ করিতে থাকে, এবং রৌদ্রের তাপ বাড়িয়া উঠিলে তাহা গলিয়া  
পড়ে। তুমি কতকগুলি শ্রেহসন ও ট্র্যাগেডির নাম করো, আমি তাহা  
হইতে প্রমাণ করিয়া দিতেছি—’

এমন সময় দীপ্তি ও শ্রোতবিনী হাসিতে হাসিতে আসিয়া উপস্থিত  
হইলেন। দীপ্তি কহিলেন, ‘তোমরা কী প্রমাণ করিবার জন্য উদ্বৃত্ত  
হইয়াছ।’

## কৌতুকহাস্য

কিতি কহিল, 'আমরা প্রমাণ করিতেছিলাম যে, তোমরা এত ক্ষণ বিনা কারণে হাসিতেছিলে।'

তুলিয়া দীপ্তি শ্রোতবিনীর মুখের দিকে চাহিলেন, শ্রোতবিনী দীপ্তির মুখের দিকে চাহিলেন, এবং উভয়ে পুনরায় কলকণ্ঠে হাসিয়া উঠিলেন।

ব্যোম কহিল, 'আমি প্রমাণ করিতে যাইতেছিলাম যে, কমেড়িতে পরের অল্প পীড়া দেখিয়া আমরা হাসি এবং ট্র্যাজেডিতে পরের অধিক পীড়া দেখিয়া আমরা কাঁদি।'

দীপ্তি ও শ্রোতবিনীর স্মৃষ্টি সম্মিলিত হাস্যরসে পুনশ্চ গৃহ কৃত্তিত হইয়া উঠিল, এবং অনর্থক হাস্য-উদ্বেকের জন্ত উভয়ে উভয়কে দোষী করিয়া পরস্পরকে তর্জন-পূর্বক হাসিতে হাসিতে সলজ্জ ভাবে দুই সখী গৃহ হইতে প্রস্থান করিলেন।

পুরুষ সভাগণ এই অকারণ হাস্যোচ্ছ্বাস-দৃশ্যে স্মিতমুখে অবাক হইয়া রহিল। কেবল সমীর কহিল, 'ব্যোম, বেলা অনেক হইয়াছে, এখন তোমার ঐ বিচিত্রবর্ণের নাগপাশ-বন্ধনটা খুলিয়া ফেলিলে স্বাস্থ্যহানির সম্ভাবনা দেখি না।'

কিতি ব্যোমের লাঠিগাছটি তুলিয়া অনেক ক্ষণ মনোযোগের সহিত নিরীক্ষণ করিয়া কহিল, 'ব্যোম, তোমার এই গদাখানি কি কমেড়ির বিষয় না ট্র্যাজেডির উপকরণ।'

## কৌতুকহাস্যের মাত্রা

সেদিনকার ডায়ারিতে কৌতুকহাস্য সম্বন্ধে আমাদের আলোচনা পাঠ করিয়া শ্রীমতী দীপ্তি লিখিয়া পাঠাইয়াছেন—

‘এক দিন প্রাতঃকালে শ্রোতস্থিনীতে আমাতে মিলিয়া হাসিয়াছিলাম। দ্বন্দ্ব সেই প্রাতঃকাল এবং দ্বন্দ্ব দুই সখীর হাস্য। জগৎসৃষ্টি অবধি এমন চাপল্য অনেক রমণীই প্রকাশ করিয়াছে, এবং ইতিহাসে তাহার ফলাফল ভালোমন্দ নানা আকারে স্থায়ী হইয়াছে। নারীর হাসি অকারণ হইতে পারে কিন্তু তাহা অনেক মন্দাক্রান্তা, উপেক্ষাবজ্রা, এমন কি, শার্দূল-বিক্রীড়িতচ্ছন্দ, অনেক ত্রিপদী, চতুঃপদী, চতুর্দশপদীর আদিকারণ হইয়াছে, এইরূপ শুনা যায়। রমণী তরলশব্দাবশতঃ অনর্থক হাসে, মাঝের হইতে তাহা দেখিয়া অনেক পুরুষ অনর্থক কাঁদে, অনেক পুরুষ ছন্দ মিলাইতে বসে, অনেক পুরুষ গলায় দড়ি দিয়া মরে— আবার এই বার দেখিলাম নারীর হাস্যে প্রবীণ ফিলজ্জফরের মাথায় নবীন ফিলজ্জফি বিকলিত হইয়া উঠে। কিন্তু সত্য কথা বলিতেছি, তত্ত্বনির্ণয় অপেক্ষা পূর্বোক্ত তিন প্রকারের অবস্থাটা আমরা পছন্দ করি।’

এই বলিয়া সে দিন আমরা হাস্য সম্বন্ধে যে সিদ্ধান্তে উপনীত হইয়াছিলাম শ্রীমতী দীপ্তি তাহাকে যুক্তিহীন অপ্রামাণ্য বলিয়া প্রমাণ করিয়াছেন।

আমার প্রথম কথা এই যে, আমাদের সেদিনকার তত্ত্বের মধ্যে যে যুক্তির প্রাবল্য ছিল না, সে জন্ম শ্রীমতী দীপ্তির রাগ করা উচিত হয় না। কারণ, নারীহাস্যে পৃথিবীতে যত প্রকার অনর্থপাত করে তাহার মধ্যে বুদ্ধিমানের বুদ্ধিব্রংশও একটি। যে অবস্থায় আমাদের ফিলজ্জফি প্রলাপ হইয়া উঠিয়াছিল সে অবস্থায় নিশ্চয়ই মনে করিলেই কবিতা লিপিতেও পারিতাম, এবং গলায় দড়ি দেওয়াও অসম্ভব হইত না।

## কৌতুকহাস্তের মাত্রা

দ্বিতীয় কথা এই যে, তাঁহাদের হাস্ত হইতে আমরা তত্ত্ব বাহির করিব এ কথা তাঁহারা যেমন করন না, আমাদের তত্ত্ব হইতে তাঁহারা যে যুক্তি বাহির করিতে বসিবেন তাহাও আমরা করন না করি নাই।

নিউটন আজ্ঞায় সত্যাত্মবোধের পর বলিয়াছেন, 'আমি জ্ঞানসমুদ্রের কূলে কেবল হুড়ি ফুড়াইয়াছি।' আমরা চার বুদ্ধিমানের ক্ষণকালের কথোপকথনে হুড়ি ফুড়াইবার ভরসাও রাখি না, আমরা বালির ঘর বাধি মাত্র। ঐ খেলাটার উপলক্ষ্য করিয়া জ্ঞানসমুদ্র হইতে খানিকটা সমুদ্রের হাওয়া খাইয়া আসা আমাদের উদ্দেশ্য। রত্ন লটয়া আসি না, খানিকটা স্বাস্থ্য লইয়া আসি; তাহার পর সে বালির ঘর ভাঙে কি থাকে তাহাতে কাহারও কোনো ক্ষতিবুদ্ধি নাই।

রত্ন অপেক্ষা স্বাস্থ্য যে কম বহুমূল্য, আমি তাহা মনে করি না। রত্ন অনেক সময় খুঁটা প্রমাণ হয়, কিন্তু স্বাস্থ্যকে স্বাস্থ্য ছাড়া আর কিছু বলিবার জো নাই। আমরা পার্শ্বভৌতিক সভ্যতার পাঁচ ভূতে মিলিয়া এ পর্বস্ত একটা কানাকড়ি দামের সিদ্ধান্তও সংগ্রহ করিতে পারিয়াছি কি না সন্দেহ, কিন্তু তবু যত বার আমাদের সভা বসিয়াছে আমরা শুল্কহস্তে কিবিদ্যা আসিলেও আমাদের সমস্ত মনের মধ্যে যে সবেগে রক্ত-সঞ্চালন হইয়াছে এবং সে জন্ত আনন্দ এবং আবেগ্য লাভ করিয়াছি তাহাতে সন্দেহমাত্র নাই।

গড়ের মাঠে এক চটাক শস্ত জন্মে না, তবু অতটা জমি অনাবশ্যক নহে। আমাদের পার্শ্বভৌতিক সভ্যতাও আমাদের পাঁচ জনের গড়ের মাঠ; এখানে সত্যের শস্ত-লাভ করিতে আসি না, সত্যের আনন্দ-লাভ করিতে মিলি।

সেই জন্ত এ সভায় কোনো কথার পুরা গীমাংসা না হইলেও ক্ষতি



## কৌতুকহাস্যের মাত্রা

নাই, সত্যের কিয়দংশ পাইলেও আমাদের চল। এমন কি, সত্যক্ষেত্র গভীররূপে কর্ণণ না করিয়া তাহার উপর দিয়া লঘুশব্দে চলিয়া যাওয়াই আমাদের উদ্দেশ্য।

আর এক দিক হইতে আর এক বকমের তুলনা দিলে কথাটা পরিষ্কার হইতে পারে। রোগের সময় ডাক্তারের ঔষধ উপকারী, কিন্তু আত্মীয়ের সেবাটা বড়ো আশ্রামের। জার্মান পণ্ডিতের কেতাবে তত্ত্বজ্ঞানের যে সকল চরম সিদ্ধান্ত আছে তাহাকে ঔষধের বটিকা বলিতে পার, কিন্তু মানসিক স্ক্রুয়া তাহার মধ্যে নাই। পাঞ্চভৌতিক সভায় আমরা যে ভাবে সত্যালোচনা করিয়া থাকি তাহাকে রোগের চিকিৎসা বলা না বাক, তাহাকে রোগীর স্ক্রুয়া বলা যাইতে পারে।

আর অধিক তুলনা প্রয়োগ করিব না। মোট কথা এই, সে দিন আমরা চার বুদ্ধিমানে মিলিয়া হাসি সহজে যে সকল কথা তুলিয়াছিলাম তাহার কোনোটাই শেষ কথা নহে। যদি শেষ কথার দিকে বাইবার চেষ্টা করিতাম তাহা হইলে কথোপকথনসভার প্রধান নিয়ম লঙ্ঘন করা হইত।

কথোপকথনসভার একটি প্রধান নিয়ম— সহজে এবং দ্রুতবেগে অগ্রসর হওয়া। অর্থাৎ মানসিক পায়চারি করা। আমাদের যদি পদতল না থাকিত, দুই পা যদি দুটো তীক্ষ্ণ শলাকার মতো হইত, তাহা হইলে মাটির ভিতর দিকে স্ক্রুজীর ভাবে প্রবেশ করার সুবিধা হইত, কিন্তু এক পা অগ্রসর হওয়া সহজ হইত না। কথোপকথন-সমাজে আমরা যদি প্রত্যেক কথার অংশকে শেষ পর্যন্ত তলাইবার চেষ্টা করিতাম তাহা হইলে একটা জায়গাতেই এমন নিরুপায় ভাবে বিদ্ধ হইয়া পড়া যাইত যে, আর চলাফেরার উপায় থাকিত না। এক-এক বার এমন অবস্থা হয়, চলিতে চলিতে হঠাৎ কাদার মধ্যে গিয়া পড়ি; সেখানে যেখানেই পা ফেলি হাঁটু পর্যন্ত বসিয়া যায়, চলা দায় হইয়া উঠে। এমন সকল বিষয়

## কৌতুকহাস্তের মাত্রা

আছে বাহাতে প্রতি পদে গভীরতার দিকে তলাইয়া বাইতে হয় ; কথোপকথনকালে সেই সকল অনিশ্চিত সন্দেহতরল বিষয়ে পদার্পণ না করাই ভালো । সে সব জমি বায়ুসেবী পর্যটনকারীদের উপযোগী নহে, কৃষি বাহাদেব ব্যবসায় তাহাদের পক্ষেই ভালো ।

বাহা হউক, সে দিন মোটের উপরে আমরা প্রমত্ত। এই তুলিয়াছিলাম যে, যেমন দুঃখের কাগ্না তেমনি সুখের হাসি আছে, কিন্তু মাঝে হইতে কৌতুকের হাসিটা কোথা হইতে আসিল । কৌতুক জিনিসটা কিছু রহস্যময় । জঙ্ঘবাণ সুখদুঃখ অস্থভব করে, কিন্তু কৌতুক অস্থভব করে না । অলংকারশাস্ত্রে যে ক'টা রসের উল্লেখ আছে সব রসই জঙ্ঘদের অপরিণত অপরিষ্কৃত সাহিত্যের মধ্যে আছে, কেবল হাস্যরসটা নাই । হয়তো বানরের প্রকৃতির মধ্যে এই রসের কথঞ্চিৎ আভাস দেখা যায়, কিন্তু বানরের সহিত মানুষের আরো অনেক বিষয়েই সাদৃশ্য আছে ।

বাহা অসংগত তাহাতে মানুষের দুঃখ পাওয়া উচিত ছিল, হাসি পাইবার কোনো অর্থই নাই । পশ্চাতে যখন চৌকি নাই তখন চৌকিতে বসিতেছি মনে করিয়া কেহ যদি মাটিতে পড়িয়া যায় তবে তাহাতে মর্শক-বৃন্দের সুখস্থভব করিবার কোনো যুক্তিসংগত কারণ দেখা যায় না । এমন একটা উদাহরণ কেন, কৌতুকমাত্রেরই মধ্যে এমন একটা পদার্থ আছে বাহাতে মানুষের সুখ না হইয়া দুঃখ হওয়া উচিত ।

আমরা কথায় কথায় সে দিন ইহার একটা কারণ নির্দেশ করিয়াছিলাম । আমরা বলিয়াছিলাম, কৌতুকের হাসি এবং আমোদের হাসি একজাতীয়— উভয় হাস্তের মধ্যেই একটা প্রবলতা আছে । তাই আমাদের সন্দেহ হইয়াছিল যে, হয়তো আমোদ এবং কৌতুকের মধ্যে একটা প্রকৃতিগত সাদৃশ্য আছে ; সেইটে বাহির করিতে পারিলেই কৌতুকহাস্তের রহস্য-ভেদ হইতে পারে ।

## কৌতূহলপ্রসূত মাত্ৰা

সাধারণ ভাবের স্বথের সহিত আমোদের একটা প্রভেদ আছে। নিয়মভঙ্গে যে একটু পীড়া আছে সেই পীড়াটুকু না থাকিলে আমোদ হইতে পারে না। আমোদ জিনিসটা নিত্যনৈমিত্তিক সহজ নিয়ম-সংগত নহে; তাহা মাঝে মাঝে এক-এক দিনের, তাহাতে প্রয়াসের আবশ্যক। সেই পীড়ন এবং প্রয়াসের সংঘর্ষে মনের যে একটা উত্তেজনা হয় সেই উত্তেজনাই আমোদের প্রধান উপকরণ।

আমরা বলিয়াছিলাম, কৌতূহলের মধ্যেও নিয়মভঙ্গজনিত একটা পীড়া আছে; সেই পীড়াটা অতি অধিক মাত্ৰায় না গেলে আমাদের মনে যে একটা স্বথকর উত্তেজনায় উদ্রেক করে, সেই আকস্মিক উত্তেজনায় আঘাতে আমরা হাসিয়া উঠি। যাহা সুসংগত তাহা চিরদিনের নিয়ম-সম্মত, যাহা অসংগত তাহা ক্ষণকালের নিয়মভঙ্গ। যেখানে যাহা হওয়া উচিত সেখানে তাহা হইলে তাহাতে আমাদের মনের কোনো উত্তেজনা নাই। হঠাৎ, না হইলে কিম্বা আর এক-রূপ হইলে সেই আকস্মিক অনতিপ্রবল উৎপীড়নে মনটা একটা বিশেষ চেতনায় অস্থিত কবিয়া স্বথ পায় এবং আমরা হাসিয়া উঠি।

সে দিন আমরা এই পর্যন্ত গিয়াছিলাম, আর বেশি দূর যাই নাই। কিন্তু তাই বলিয়া আর যে যাওয়া যায় না তাহা নহে। আরো বলিবার কথা আছে।

শ্রীমতী দীপ্তি প্রশ্ন করিয়াছেন যে, আমাদের চার পণ্ডিতের সিদ্ধান্ত যদি সত্য হয় তবে চলিতে চলিতে হঠাৎ অল্প হাঁচট খাইলে কিম্বা রাস্তার বাইতে অকস্মাৎ অল্প মাত্ৰায় দুর্গন্ধ নাকে আসিলে আমাদের হাসি পাওয়া, অস্তুত উত্তেজনাজনিত স্বথ অস্থিত করা উচিত।

এ প্রশ্নের দ্বারা আমাদের মীমাংসা খণ্ডিত হইতেছে না, সীমাবদ্ধ হইতেছে মাত্র। ইহাতে কেবল এইটুকু দেখা যাইতেছে যে, পীড়নমাত্রেই

## কৌতুকহাস্যের মাত্রা

কৌতুকজনক উদ্ভেজনা জন্মায় না। অতএব, এক্ষণে দেখা আবশ্যিক, কৌতুকপীড়নের বিশেষ উপকরণটা কী।

জড়প্রকৃতির মধ্যে কল্পনরসও নাই, হাস্যরসও নাই। একটা বড়ো পাথর ছোটো পাথরকে গুঁড়াইয়া ফেলিলেও আমাদের চোখে জল আসে না, এবং সমতল ক্ষেত্রের মধ্যে চলিতে চলিতে হঠাৎ একটা খাপছাড়া গিরিশৃঙ্গ দেখিতে পাইলে তাহাতে আমাদের হাসি পায় না। নদী-নির্ঝর পর্বত-সমুদ্রের মধ্যে মাঝে মাঝে আকস্মিক অসামঞ্জস্য দেখিতে পাওয়া যায়— তাহা বাধাজনক, বিরক্তিজনক, পীড়াজনক হইতে পারে, কিন্তু কোনো স্থানেই কৌতুকজনক হয় না। সচেতন পদার্থ-সম্বন্ধীয় খাপছাড়া ব্যাপার বাতীত শুদ্ধ জড়পদার্থে আমাদের হাসি আনিতে পারে না।

কেন, তাহা ঠিক করিয়া বলা শক্ত কিন্তু আলোচনা করিয়া দেখিতে দোষ নাই।

আমাদের ভাষায় কৌতুক এবং কৌতূহল শব্দের অর্থের যোগ আছে। সংস্কৃতসাহিত্যে অনেক স্থলে একই অর্থে বিকল্পে উভয় শব্দেরই প্রয়োগ হইয়া থাকে। ইহা হইতে অনুমান করি, কৌতূহলবৃত্তির সহিত কৌতূকের বিশেষ সম্বন্ধ আছে।

কৌতূহলের একটা প্রধান অঙ্গ নূতনত্বের লালসা, কৌতূকেরও একটা প্রধান উপাদান নূতনত্ব। অসংগতের মধ্যে যেমন নিছক বিশুদ্ধ নূতনত্ব আছে, সংগতের মধ্যে তেমন নাই।

কিন্তু প্রকৃত অসংগতি ইচ্ছাশক্তির সঠিত জড়িত, তাহা জড়পদার্থের মধ্যে নাই। আমি যদি পরিষ্কার পথে চলিতে চলিতে হঠাৎ দুর্গন্ধ পাই তবে আমি নিশ্চয় জানি, নিকটে কোথাও এক আয়গায় দুর্গন্ধ বস্তু আছে তাই এইরূপ ঘটিল; ইহাতে কোনোরূপ নিঃস্বপ্নের ব্যক্তিক্রম নাই,

## কৌতুকহাস্যের মাত্রা

ইহা অবশ্যস্বাভাবী। জড়প্রকৃতিতে যে কারণে যাহা হইতেছে তাহা ছাড়া আর কিছু হইবার জো নাই, ইহা নিশ্চয়।

কিন্তু পথে চলিতে চলিতে যদি হঠাৎ দেখি এক জন মান্ত বৃদ্ধ ব্যক্তি খেমটা নাচ নাচিতেছে, তবে সেটা প্রকৃতই অসংগত ঠেকে; কারণ, তাহা অনিবার্ধ নিয়ম-সংগত নহে। আমরা বুদ্ধের নিকট কিছুতেই এরূপ আচরণ প্রত্যাশা করি না; কারণ সে ইচ্ছাশক্তিসম্পন্ন লোক, সে ইচ্ছা করিয়া নাচিতেছে, ইচ্ছা করিলে না নাচিতে পারিত। জড়ের নাকি নিজের ইচ্ছামতো কিছু হয় না, এই জগৎ জড়ের পক্ষে কিছুই অসংগত কৌতুকাবহ হইতে পারে না। এই জগৎ অনপেক্ষিত হুঁচট বা দুর্গন্ধ হাস্যজনক নহে। চায়ের চামচ যদি দৈবাৎ চায়ের পেয়ালা হইতে চ্যুত হইয়া দোয়াতের কালির মধ্যে পড়িয়া যায়, তবে সেটা চামচের পক্ষে হাস্যকর নহে—ভারাকর্ষণের নিয়ম তাহার লঙ্ঘন করিবার জো নাই। কিন্তু অন্তমনস্ক লেখক যদি তাহার চায়ের চামচ দোয়াতের মধ্যে ডুবাইয়া চা খাইবার চেষ্টা করেন, তবে সেটা কৌতুকের বিষয় বটে। নীতি যেমন জড়ে নাই, অসংগতিও সেইরূপ জড়ে নাই। মনঃপদার্থ প্রবেশ করিয়া যেখানে দ্বিধা জন্মাইয়া দিয়াছে সেইখানেই উচিত এবং অসুচিত, সংগত এবং অসুত।

কৌতুহল জিনিসটা অনেক স্থলে নিষ্ঠুর; কৌতুকের মধ্যেও নিষ্ঠুরতা আছে। সিরাজউদ্দৌলা দুই জনের দাড়িতে দাড়িতে বান্ধিয়া উভয়ের নাকে নস্ত পুরিয়া দিতেন এইরূপ প্রবাদ শুনা যায়— উভয়ে যখন হাঁচিতে আরম্ভ করিত তখন সিরাজউদ্দৌলা আয়োদ অহুভব করিতেন। ইহার মধ্যে অসংগতি কোন্‌খানে। নাকে নস্ত দিলে তো হাঁচি আসিবারই কথা। কিন্তু এখানেও ইচ্ছার সহিত কার্যের অসংগতি। বাহাদুরের নাকে নস্ত দেওয়া হইতেছে তাহাদের ইচ্ছা নয় যে তাহারা হাঁচে, কারণ,

## কৌতুকহাস্যের মাত্রা

হাঁচিলেই তাহাদের দাড়িতে অকস্মাৎ টান পড়িবে, কিন্তু তথাপি তাহাদিগকে হাঁচিতেই হইতেছে।

এইরূপ ইচ্ছার সহিত অবস্থার অসংগতি, উদ্দেশ্যের সহিত উপায়ের অসংগতি, কথার সহিত কার্যের অসংগতি— এগুলোর মধ্যে নিষ্ঠুরতা আছে। অনেক সময় আমরা বাহাকে লইয়া হাসি সে নিজের অবস্থাকে হাস্যের বিষয় জ্ঞান করে না। এই জ্ঞানই পাঞ্চভৌতিক সভায় ব্যোম বলিয়াছিলেন যে, কমেডি এবং ট্র্যাগেডি কেবল পীড়নের মাত্রা-ভেদ মাত্র। কমেডিতে যতটুকু নিষ্ঠুরতা প্রকাশ হয় তাহাতে আমাদের হাসি পায় এবং ট্র্যাগেডিতে যত দূর পর্যন্ত যায় তাহাতে আমাদের চোখে জল আসে। গদভের নিকট অনেক টাইটিনিয়া অপূর্ব মোহ-বশতঃ যে আত্মবিসর্জন করিয়া থাকে তাহা মাত্রাভেদে এবং পাত্রভেদে মমভেদী শোকের কারণ হইয়া উঠে।

অসংগতি কমেডিরও বিষয়, অসংগতি ট্র্যাগেডিরও বিষয়। কমেডিতেও ইচ্ছার সহিত অবস্থার অসংগতি প্রকাশ পায়। ফল্‌স্টাফ উইণ্ডসর-বাসিনী রঞ্জিণীর প্রেম-লালসায় বিশ্বস্তচিত্তে অগ্রসর হইলেন, কিন্তু দুর্গতির একশেষ লাভ করিয়া বাহির হইয়া আসিলেন; রামচন্দ্র যখন রাবণবধ করিয়া, বনবাসপ্রতিজ্ঞা পূরণ করিয়া, রাজ্যে ফিরিয়া আসিয়া দাম্পত্যসুখের চরম শিগরে আবেহণ করিয়াছেন, এমন সময় অকস্মাৎ বিনা মেঘে বজ্রাঘাত হইল— গর্ভবতী সীতাকে অরণ্যে নির্বাসিত করিতে বাধ্য হইলেন। উভয় স্থলেই আশার সহিত ফলের, ইচ্ছার সহিত অবস্থার অসংগতি প্রকাশ পাইতেছে। অতএব স্পষ্ট দেখা বাইতেছে, অসংগতি দুই শ্রেণীর আছে— একটা হাস্যজনক, আর একটা দুঃখজনক। বিরক্তিজনক, বিষয়জনক, রোষজনককেও আমরা শেষ শ্রেণীতে ফেলিতেছি।

## কৌতুক-সংস্করণ মাত্রা

অর্থাৎ, অসংগতি যখন আমাদের মনের অনতিগভীর স্তরে আঘাত করে তখনই আমাদের কৌতুক বোধ হয়, গভীরতর স্তরে আঘাত করিলে আমাদের দুঃখ বোধ হয়। শিকারি যখন অনেক ক্ষণ অনেক তাক করিয়া হংসভ্রমে একটা দূরস্থ বৈত পদার্থের প্রতি গুলিবর্ষণ করে এবং ছুটিয়া কাছে গিয়া দেখে সেটা একটা ছিন্ন বস্ত্রখণ্ড, তখন তাহার সেই নৈরাশ্রে আমাদের হাসি পায়। কিন্তু কোনো লোক বাহাকে আপন জীবনের পরম পদার্থ মনে করিয়া একাগ্রচিত্তে একান্ত চেষ্টায় আজন্মকাল অহুসরণ করিয়াছে এবং অবশেষে সিদ্ধকাম হইয়া তাহাকে হাতে লইয়া দেখিয়াছে সে তুচ্ছ প্রবন্ধনামাত্র, তখন তাহার সেই নৈরাশ্রে অন্তঃকরণ ব্যথিত হয়।

দুর্ভিক্ষে যখন দলে দলে মানুষ মরিতেছে তখন সেটাকে প্রহসনের বিষয় বলিয়া কাহারও মনে হয় না। কিন্তু আমরা অনায়াসে কল্পনা করিতে পারি, একটা রসিক শয়তানের নিকট ইহা পরম কৌতুকাবহ দৃশ্য। সে তখন এই সকল অমর-আত্মা-ধারী জীর্ণকলেবরগুলির প্রতি মহাস্ত কটাক্ষপাত করিয়া বলিতে পারে, 'ঐ তো তোমাদের ষড়্দর্শন, তোমাদের কালিদাসের কাব্য, তোমাদের তেত্রিশ কোটি দেবতা পড়িয়া আছে; নাই শুধু ছই মৃষ্টি তুচ্ছ তণ্ডুলকণা, অম্নি তোমাদের অমর আত্মা, তোমাদের জগৎবিজয়ী মহুয়াত্র একেবারে কঠের কাছটিতে আসিয়া ধুকধুক করিতেছে।'

স্কুল কথাটা এই যে, অসংগতির তার অল্পে অল্পে চড়াইতে চড়াইতে বিস্ময় ক্রমে হাশ্বে এবং হাশ্বে ক্রমে অশ্রদ্ধলে পরিণত হইতে থাকে।

## সৌন্দর্য সন্মুখে সন্তোষ

দীপ্তি এবং স্রোতশিনী উপস্থিত ছিলেন না, কেবল আমরা চারি জন ছিলাম।

সমীর বলিল, 'দেখো, সেদিনকার সেই কৌতূহ্যশ্রের প্রসঙ্গে আমার একটা কথা মনে উদয় হইয়াছে। অধিকাংশ কৌতুক আমাদের মনে একটা কিছু অভূত ছবি আনয়ন করে এবং তাহাতেই আমাদের হাসি পায়। কিন্তু বাহারা স্বভাবতঃই ছবি দেখিতে পারে না, যাহাদের বুদ্ধি অ্যাবস্ট্রাক্ট বিষয়ের মধ্যে ভ্রমণ করিয়া থাকে, কৌতুক তাহাদিগকে সহসা বিচলিত করিতে পারে না।'

ক্ষিতি কহিল, 'প্রথমতঃ তোমার কথাটা স্পষ্ট বুঝা গেল না, দ্বিতীয়তঃ অ্যাবস্ট্রাক্ট শব্দটা ইংরাজি।'

সমীর কহিল, 'প্রথম অপরাধটা খণ্ডন করিবার চেষ্টা করিতেছি। কিন্তু দ্বিতীয় অপরাধ হইতে নিষ্কৃতির উপায় দেখি না, অতএব সুবিগণকে গুটা নিজগুণে মার্জন্য করিতে হইবে। আমি বলিতেছিলাম, বাহারা প্রব্যটাকে সম্পূর্ণ বাদ দিয়া তাহার গুণটাকে অন্যায়সে গ্রহণ করিতে পারে তাহারা স্বভাবতঃ হান্তরসবসিক হয় না।'

ক্ষিতি মাথা নাড়িয়া কহিল, 'উহ', এখনো পরিষ্কার হইল না।'

সমীর কহিল, 'একটা উদাহরণ দিই। প্রথমতঃ দেখো, আমাদের সাহিত্যে কোনো সুন্দরীর বর্ণনা-কালে ব্যক্তিবিশেষের ছবি আঁকিবার দিকে লক্ষ্য নাই; স্নমেরু দাড়িধ কদম্ব বিশ্ব প্রভৃতি হইতে কতকগুলি গুণ বিচ্ছিন্ন করিয়া লইয়া তাহারই তালিকা দেওয়া হয় এবং সুন্দরীমাজেরই প্রতি তাহার আরোপ হইয়া থাকে। আমরা ছবির মতো স্পষ্ট করিয়া কিছু দেখি না এবং ছবি আঁকি না, সেই জন্য কৌতুকের একটা প্রধান অঙ্গ হইতে আমরা বঞ্চিত। আমাদের প্রাচীন কাব্যে প্রাশংসাজ্জলে



## সৌন্দর্য সত্ত্বকে সন্তোষ

গজেন্দ্রগমনের সহিত সুন্দরীর মন্দগতির তুলনা হইয়া থাকে। এ তুলনাটি অষ্টদেশীয় সাহিত্যে নিশ্চয়ই হাশ্বকর বলিয়া গণ্য হইত। কিন্তু এখন একটা অদ্ভুত তুলনা আমাদের দেশে উদ্ভূত এবং সাধারণের মধ্যে প্রচলিত হইল কেন। তাহার প্রধান কারণ, আমাদের দেশের লোকেরা ভ্রব্য হইতে তাহার গুণটা অনায়াসে বিস্মিষ্ট করিয়া লইতে পারে। ইচ্ছামতো হাতি হইতে হাতির সমস্তটাই লোপ করিয়া দিয়া কেবলমাত্র তাহার মন্দগমনটুকু বাহির করিতে পারে, এই জন্ত বোড়শী সুন্দরীর প্রতি যখন গজেন্দ্রগমন আরোপ করে তখন সেই বৃহদাকার জন্তটাকে একেবারেই দেখিতে পায় না। যখন একটা সুন্দর বস্তুর সৌন্দর্য বর্ণনা করা কবির উদ্দেশ্য হয় তখন সুন্দর উপমা নির্বাচন করা আবশ্যিক; কারণ, উপমার কেবল সাদৃশ্য-অংশ নহে, অগ্ৰাণ্ড অংশও আমাদের মনে উদয় না হইয়া থাকিতে পারে না। সেই জন্ত হাতির শুঁড়ের সহিত স্ত্রীলোকের হাত-পায়ের বর্ণনা করা সামান্য দুঃসাহসিকতা নহে। কিন্তু আমাদের দেশের পাঠক এ তুলনায় হাসিল না, বিরক্ত হইল না; তাহার কারণ, হাতির শুঁড় হইতে কেবল তাহার গোলঅটুকু লইয়া আর সমস্তই আমরা বাহ দিতে পারি, আমাদের সেই আশ্চর্য ক্ষমতাটি আছে। গৃধিনীর সহিত কানের কী সাদৃশ্য আছে বলিতে পারি না, আমার তদুপযুক্ত কল্পনা-শক্তি নাই; কিন্তু সুন্দর মুখের দুই পাশে দুই গৃধিনী ঝুলিতেছে মনে করিয়া হাসি পায় না কল্পনাশক্তির এত অসাড়তাও আমার নাই। বোধ করি ইংরাজি পড়িয়া আমাদের না-হাসিবার স্বাভাবিক ক্ষমতা বিকৃত হইয়া যাওয়াতেই এরূপ দুর্ঘটনা ঘটে।

ক্বিত্তি কহিল, 'আমাদের দেশের কাব্যে নারীদেহের বর্ণনায় যেখানে উচ্চতা বা গোলতা ব্যাছিবাব আবশ্যক হইয়াছে সেখানে কবির অনায়াসে গঞ্জীরমুখে স্তম্ভক এবং মেদিনীর অবতারণা করিয়াছেন;

## সৌন্দর্য সহজে সম্ভাব

তাহার কারণ, অ্যাবস্ট্রাক্টের দেশে পরিমাণবিচারের আবশ্যকতা নাই। গোকর পিঠের কুঁজও উচ্চ, কাঞ্চনজঙ্ঘার শিখরও উচ্চ; অতএব অ্যাবস্ট্রাক্ট উচ্চতাটুকু মাত্র ধরিতে গেলে গোকর পিঠের কুঁজের সহিত কাঞ্চনজঙ্ঘার তুলনা করা বাইতে পারে। কিন্তু যে হতভাগ্য কাঞ্চনজঙ্ঘার উপমা অনুবামাত্র কল্পনাপটে হিমালয়ের শিখর চিত্রিত দেখিতে পায়, যে বেচারি গিরিচূড়া হইতে আলগোঁছে কেবল তাহার উচ্চতাটুকু লইয়া বাকি আর সমস্তই আড়াল করিতে পারে না, তাহার পক্ষে বড়োই মুশকিল। ভাই সমীর, তোমার আজিকার এই কথাটা ঠিক মনে লাগিতেছে—প্রতিবাদ না করিতে পারিয়া অত্যন্ত চুঃখিত আছি।’

ব্যোম কহিল, ‘কিছু প্রতিবাদ করিবার নাই তাহা বলিতে পারি না। সমীরের মতটা কিঞ্চিৎ পরিবর্তিত আকারে বলা আবশ্যক। আসল কথাটা এই, আমরা অন্তর্জগৎবিহারী। বাহিরের জগৎ আমাদের নিকট প্রবল নহে। আমরা যাহা মনের মধ্যে গড়িয়া তুলি বাহিরের জগৎ তাহার প্রতিবাদ করিলে, সে প্রতিবাদ গ্রাহ্যই করি না। যেমন ধূমকেতুর লণ্ণু পুচ্ছটা কোনো গ্রহের পথে আসিয়া পড়িলে তাহার পুচ্ছেরই ক্ষতি হইতে পারে, কিন্তু গ্রহ অপ্রতিহত ভাবে অনায়াসে চলিয়া যায়, তেমনি বহির্জগতের সহিত আমাদের অন্তর্জগতের রীতিমতো সংঘাত কোনো কালে হয় না—হইলে বহির্জগৎটাই হঠিয়া যায়। যাহাদের কাছে হাতিটা অত্যন্ত প্রত্যক্ষ প্রবল সত্য, তাহারা গজেশ্বর-গমনের উপমায় গজেশ্বরটাকে বেমালাম বাদ দিয়া কেবল গমনটুকুকে রাখিতে পারে না—গজেশ্বর বিপুল দেহ বিস্তার-পূর্বক অটল ভাবে কাব্যের পথরোধ করিয়া দাঁড়াইয়া থাকে। কিন্তু আমাদের কাছে, গজ বলো, গজেশ্বর বলো, কিছুই কিছু নয়। সে আমাদের কাছে এত অধিক

## সৌন্দর্য সঙ্ক্ষেপে সন্তোষ

জাজ্জল্যমান নহে যে, তাহার গমনটুকু রাখিতে হইলে তাহাকে স্বল্প পুষ্টিতে হইবে।’

কিন্তু কহিল, ‘আমরা অন্তরে বাশের কেলা বাধিয়া তীতুমীরের মতো; বহিঃপ্রকৃতির সমস্ত ‘গোলা খা ডালা’— সেই জন্ত গজেন্দ্র বলো, স্বমেক বলো, মেদিনী বলো, কিছুতেই আমাদেরিগকে হঠাইতে পারে না। কাব্যে কেন, জ্ঞানবাজ্যেও আমরা বহির্জগৎকে খাতিরমাত্র করি না। একটা সহজ উদাহরণ মনে পড়িতেছে। আমাদের সাত পুত্র ভিন্ন ভিন্ন পশুপক্ষীর কণ্ঠস্বর হইতে প্রাপ্ত, ভারতবর্ষীয় সংগীতশাস্ত্রে এই প্রবাদ বক্তকাল চলিয়া আসিতেছে। এ পর্যন্ত আমাদের ওস্তাদদের মনে এ সম্বন্ধে কোনো সন্দেহমাত্র উদয় হয় নাই, অথচ বহির্জগৎ হইতে প্রতিদিনই তাহার প্রতিবাদ আমাদের কানে আসিতেছে। স্বরমালায় প্রথম সুরটা যে গাধার সুর হইতে চুরি, একরূপ পরমাশ্চর্য কল্পনা কেমন করিয়া যে কোনো সুরজ্ঞ ব্যক্তির মনে উদয় হইল তাহা আমাদের পক্ষে স্থির করা দুর্লভ।’

ব্যোম কহিল, ‘গ্রীকদিগের নিকট বহির্জগৎ বাষ্পবৎ মরীচিকাবৎ ছিল না, তাহা প্রত্যক্ষ জাজ্জল্যমান ছিল; এই জন্ত অত্যন্ত বস্ত্র-সহকারে তাঁহাদিগকে মনের সৃষ্টির সহিত বাহিরের সৃষ্টির সামঞ্জস্য রক্ষা করিতে হইত। কোনো বিষয়ে পরিমাণলঙ্ঘন হইলে বাহিরের জগৎ আপন মাপকাঠি লইয়া তাঁহাদিগকে লঙ্ঘা দিত। সেই জন্ত তাঁহারা আপন দেবদেবীর মূর্তি সুন্দর এবং স্বাভাবিক করিয়া গড়িতে বাধ্য হইয়াছিলেন; নতুবা জাগতিক সৃষ্টির সহিত তাঁহাদের মনের সৃষ্টির একটা প্রবল সংঘাত বাধিয়া তাঁহাদের ভক্তির ও আনন্দের ব্যাঘাত করিত। আমাদের সে ভাবনা নাই। আমরা আমাদের দেবতাকে যে মূর্তিই দিই না কেন, আমাদের কল্পনার সহিত বা বহির্জগতের সহিত তাহার কোনো

## সৌন্দর্য সম্বন্ধে সন্তোষ

বিরোধ ঘটে না। মূষিকবাহন চতুর্ভুজ একদন্ত লম্বোদর গজানন মূর্তি আমাদের নিকট হাস্তজনক নহে; কারণ আমরা সেই মূর্তিকে আমাদের মনের ভাবের মধ্যে দেখি— বাহিরের জগতের সহিত, চারি দিকের সত্যের সহিত তাহার তুলনা করি না। কারণ, বাহিরের জগৎ আমাদের নিকট তেমন প্রবল নহে, প্রত্যক্ষ সত্য আমাদের নিকট তেমন স্পষ্ট নহে; আমরা যে কোনো একটা উপলক্ষ্য অবলম্বন করিয়া নিজের মনের ভাবটাকে জাগ্রত করিয়া রাখিতে পারি।’

সমীর কহিল, ‘যেটাকে উপলক্ষ্য করিয়া আমরা প্রেম বা ভক্তির উপভোগ অথবা সাধনা করিয়া থাকি, সেই উপলক্ষ্যটাকে সম্পূর্ণতা বা সৌন্দর্য বা স্বাভাবিকতায় ভূষিত করিয়া তোলা আমরা অনাবশ্যক মনে করি। আমরা সম্মুখে একটা কুগঠিত মূর্তি দেখিয়াও মনে তাহাকে সুন্দর বলিয়া অহুভব করিতে পারি। মাহুধের ঘননীলবর্ণ আমাদের নিকট স্বভাবত: সুন্দর মনে না হইতে পারে, অথচ ঘননীলবর্ণে চিত্রিত কৃষ্ণের মূর্তিকে সুন্দর বলিয়া ধারণা করিতে আমাদেরকে কিছুমাত্র প্রয়াস পাইতে হয় না। বহির্জগতের আদর্শকে যাহারা নিজের ইচ্ছামতে লোপ করিতে জানে না, তাহারা মনের সৌন্দর্যভাবকে মূর্তি দিতে গেলে কখনোই কোনো অস্বাভাবিকতা বা অসৌন্দর্যের সমাবেশ করিতে পারে না। গ্রীকদের চক্ষে এই নীলবর্ণ অত্যন্ত অধিক পীড়া উৎপাদন করিত।’

ব্যোম কহিল, ‘আমাদের ভারতবর্ষীয় প্রকৃতির এই বিশেষত্বটি উচ্চ অঙ্গের কলাবিদ্যার ব্যাঘাত করিতে পারে, কিন্তু ইহার একটু সুবিধাও আছে। ভক্তি স্নেহ প্রেম, এমন কি, সৌন্দর্যভোগের জন্ত আমরা নিজেকে বাহিরের দাসত্ব করিতে হয় না, সুবিধা-সুযোগের প্রতীক্ষা করিয়া বসিয়া থাকিতে হয় না। আমাদের দেশের স্ত্রী স্বামীকে দেবতা বলিয়া পূজা করে, কিন্তু সেই ভক্তিভাব উজ্জ্বল করিবার জন্ত স্বামীর দেবত্ব বা মহত্ব

## সৌন্দর্য সঙ্কে সন্তোষ

খাকিবার কোনো আবশ্যক করে না; এমন কি, ঘোরতর পশুত্ব থাকিলেও পূজার ব্যাধাত হয় না। তাহার। এক দিকে স্বামীকে মানুস্বভাবে লাহুনা গল্পনা করিতে পারে, আবার অন্য দিকে দেবতাভাবে পূজাও করিয়া থাকে। একটাতে অল্পটা অভিজুত হয় না। কারণ, আমাদের মনোজগতের সহিত বাহ্যজগতের সংঘাত তেমন প্রবল নহে।’

সমীর কছিল, ‘কেবল স্বামীদেবতা কেন, পৌরাণিক দেবদেবী সঙ্কেও আমাদের মনের এইরূপ দুই বিরোধী ডাব আছে— তাহার। পরস্পর পরস্পরকে দূরীকৃত করিতে পারে না। আমাদের দেবতাদের সঙ্কে যে সকল শাস্ত্রকাহিনী ও জনপ্রবাদ প্রচলিত আছে তাহা আমাদের ধর্মবুদ্ধির উচ্চ আদর্শ-সংগত নহে; এমন কি, আমাদের সাহিত্যে, আমাদের সংগীতে সেই সকল দেবকুৎসার উল্লেখ করিয়া বিস্তর তিরস্কার ও পরিহাসও আছে— কিন্তু বাদ ও ভংগনা করি বলিয়া যে উক্তি করি না তাহা নহে। গাভীকে জন্তু বলিয়া জানি, তাহার বুদ্ধিবিবেচনার প্রতিও কটাক্ষপাত করিয়া থাকি, খেতের মধ্যে প্রবেশ করিলে লাঠি হাতে তাহাকে তাড়াও করি, গোয়ালঘরে তাহাকে একইটু গোময়পঙ্কের মধ্যে ঠাড়া করাইয়া রাখি; কিন্তু ভগবতী বলিয়া উক্তি করিবার সময় সে সব কথা মনেও উদয় হয় না।’

স্মৃতি কছিল, ‘আবার দেখো, আমরা চিরকাল বেহুরো লোককে পাখার সহিত তুলনা করিয়া আসিতেছি, অথচ বলিতেছি গাধাই আমা-দিগকে প্রথম স্বর ধরাইয়া দিয়াছে। এখন এটা বলি তখন ওটা মনে আনি না, এখন ওটা বলি তখন এটা মনে আনি না। ইহা আমাদের একটা বিশেষ ক্ষমতা সন্দেহ নাই, কিন্তু এই বিশেষ ক্ষমতা-বশতঃ ব্যোম যে সুবিধার উল্লেখ করিতেছেন আমি তাহাকে সুবিধা মনে করি না। কাল্পনিক সৃষ্টি বিস্তার করিতে পারি বলিয়া অর্ধলাভ জ্ঞানলাভ এবং

## সৌন্দর্য সন্ধকে সন্তোষ

সৌন্দর্যভোগ সন্ধকে আমাদের একটা ঐদাসীভূক্তিত সন্তোষের ভাব আছে। আমাদের বিশেষ কিছু আবশ্যক নাই। স্বরোপীয়েরা তাঁহাদের বৈজ্ঞানিক অল্পমানকে কঠিন প্রমাণের দ্বারা সহস্র বার করিয়া পরীক্ষা করিয়া দেখেন, তথাপি তাঁহাদের সন্দেহ মিটিতে চায় না; আমরা মনেও মধ্যে যদি বেশ একটা সঙ্গত এবং সঙ্গতি মত খাড়া করিতে পারি তবে তাহার সঙ্গতি এবং সুষমাই আমাদের নিকট সর্বোৎকৃষ্ট প্রমাণ বলিয়া গণ্য হয়, তাহাকে বহির্জগতে পরীক্ষা করিয়া দেখা বাহুলা বোধ করি। জ্ঞানবৃত্তি সন্ধকে যেমন হৃদয়বৃত্তি সন্ধকে সেইরূপ। আমরা সৌন্দর্যবসের চর্চা করিতে চাই, কিন্তু সে জগ্ন অতি যত্ন-সহকারে মনের আদর্শকে বাহিরে মূর্তিমান করিয়া তোলা আবশ্যক বোধ করি না— যেমন-তেমন একটা-কিছু হইলেই সন্তুষ্ট থাকি। এমন কি, আলাংকারিক অত্যাঙ্কি অহুসরণ করিয়া একটা বিরক্ত মূর্তি পাড়া করিয়া তুলি এবং সেই অসঙ্গত বিরূপ বিসদৃশ ব্যাপারকে মনে মনে আপন ইচ্ছা-মতো ভাবে পরিণত করিয়া তাহাতেই পরিতুষ্ট হই; আপন দেবতাকে, আপন সৌন্দর্যের আদর্শকে প্রকৃতরূপে সূন্দর করিয়া তুলিবার চেষ্টা করি না। ভক্তিরসের চর্চা করিতে চাই, কিন্তু যথার্থ ভক্তির পাত্র অযেষণ করিবার কোনো আবশ্যকতা বোধ করি না— অপাত্রে ভক্তি করিয়াও আমরা সন্তোষে থাকি। সেই জগ্ন আমরা বলি গুরুদেব আমাদের পূজনীয়; এ কথা বলি না যে যিনি পূজনীয় তিনি আমাদের গুরু। হয়তো গুরু আমার কানে যে মন্ত্র দিয়াছেন তাহার অর্থ তিনি কিছুই বুঝেন না, হয়তো গুরুঠাকুর আমার মিথ্যা মোক্ষদায় প্রধান মিথ্যাসাকী, তথাপি তাঁহার পরধূলি আমার শিরোধার্য— এরূপ মত গ্রহণ করিলে ভক্তির স্তম্ভ ভক্তি-ভাজনকে খুঁজিতে হয় না, দিব্য আরামে ভক্তি করা যায়।’

সমীর কহিল, ‘ইংরাজি শিক্ষার প্রভাবে আমাদের মধ্যে ইহার

## সৌন্দর্য সম্বন্ধে সম্ভাষণ

ব্যতিক্রম ঘটতেছে। বন্ধিমের কৃষ্ণচরিত্র তাহার একটি উদাহরণ। বন্ধিম কৃষ্ণকে পূজা করিবার এবং কৃষ্ণপূজা প্রচার করিবার পূর্বে কৃষ্ণকে নির্মল এবং সুন্দর করিয়া তুলিবার চেষ্টা করিয়াছেন। এমন কি, কৃষ্ণের চরিত্রে অনৈসর্গিক বাহা কিছু ছিল তাহাও তিনি বর্জন করিয়াছেন। তিনি কৃষ্ণকে তাহার নিজের উচ্চতম আদর্শের উপর প্রতিষ্ঠিত করিবার চেষ্টা করিয়াছেন। তিনি এ কথা বলেন নাই যে, দেবতার কোনো কিছুতেই দোষ নাই, তেজীমানের পক্ষে সমস্ত মার্জনীয়। তিনি এক নূতন অসম্ভাষণের সূত্রপাত করিয়াছেন; তিনি পূজাবিতরণের পূর্বে প্রাণপণ চেষ্টায় দেবতাকে অন্বেষণ করিয়াছেন ও হাতের কাছে বাহাকে পাইয়াছেন তাহাকেই নমোনমঃ করিয়া সম্বৃত্ত হন নাই।’

ক্ষিত্তি কহিল, ‘এই অসম্ভাষণটি না থাকাতো বহুকাল হইতে আমাদের সমাজে দেবতাকে দেবতা হইবার, পূজ্যকে উন্নত হইবার, মূর্তিকে ভাবের অরূপ হইবার প্রয়োজন হয় নাই। ব্রাহ্মণকে দেবতা বলিয়া জানি, সেই জন্ত বিনা চেষ্টায় তিনি পূজা প্রাপ্ত হন, এবং আমাদেরও ভক্তি-বৃত্তি অতি অনায়াসে চরিতার্থ হয়। স্বামীকে দেবতা বলিলে স্ত্রীর ভক্তি পাইবার জন্ত স্বামীর কিছুমাত্র যোগ্যতা-লাভের আবশ্যক হয় না, এবং স্ত্রীকেও স্বার্থ ভক্তির যোগ্য স্বামী-অভাবে অসম্ভাষণ অরূপ করিতে হয় না। সৌন্দর্য অরূপ করিবার জন্ত সুন্দর জিনিসের আবশ্যকতা নাই, ভক্তি বিতরণ করিবার জন্ত ভক্তিভাজনের প্রয়োজন নাই—এরূপ পরম-সম্ভাষণের অবস্থাকে আমি স্মৃতিধা মনে করি না। ইহাতে কেবল সমাজের দীনতা শ্রীহীনতা এবং অবনতি ঘটিতে থাকে। বহির্জগৎটাকে উত্তরোত্তর বিলুপ্ত করিয়া দিয়া মনোজগৎকেই সর্বপ্রাধান্য দিতে গেলে যে ডালে বসিয়া আছি সেই ডালকেই কুঠারাঘাত করা হয়।’

## ভদ্রত'র আদর্শ

শ্রোতস্থিনী কহিল, 'দেখো, বাড়িতে ক্রিয়াকর্ম আছে, তোমরা ব্যোমকে একটু ভদ্রবেশ পরিয়া আসিতে বলিয়ো ।'

শুনিয়া আমধা সকলে হাসিতে লাগিলাম । দীপ্তি একটু রাগ করিয়া বলিল, 'না, হাসিবার কথা নয় । তোমরা ব্যোমকে সাবধান করিয়া দাও না বলিয়া সে ভদ্রসমাজে এমন উন্নাদের মতো সাজ করিয়া আসে । এ সকল বিষয়ে একটু সামাজিক শাসন থাকা দরকার ।'

সমীর কথাটাকে ফলাইয়া তুলিবার অভিপ্রায়ে জিজ্ঞাসা করিল, 'কেন দরকার ।'

দীপ্তি কহিল, 'কাব্যরাজ্যে কবির শাসন যেমন কঠিন— কবি যেমন ছন্দের কোনো শৈথিল্য, মিলের কোনো ত্রুটি, শব্দের কোনো রুঢ়তা মার্জন্য করিতে চাহে না— আমাদের আচারব্যবহার বসনভূষণ সম্বন্ধে সমাজপুরুষের শাসন স্তমনি কঠিন হওয়া উচিত, নতুবা সমগ্র সমাজের ছন্দ এবং সৌন্দর্য কখনোই রক্ষা হইতে পারে না ।'

কিন্তি কহিল, 'ব্যোম বেচারী যদি মাহুশ না হইয়া শব্দ হইত তাহা হইলে এ কথা নিশ্চয় বলিতে পারি, ভট্টিকাব্যেও তাহার স্থান হইত না— নিঃসন্দেহ তাহাকে মুগ্ধবোধের সূত্র অবলম্বন করিয়া বাস করিতে হইত ।'

আমি কহিলাম, 'সমাজকে স্তম্বের সুশিষ্ট সুশৃঙ্খল করিয়া তোলা আমাদের সকলেরই কর্তব্য সে কথা মানি, কিন্তু অগ্রমনস্ক ব্যোম বেচারী যখন সে কর্তব্য বিন্ধিত হইয়া দীর্ঘ পদবিক্ষেপে চলিয়া যায় তখন তাহাকে মন্দ লাগে না ।'

দীপ্তি কহিল, 'ভালো কাপড় পরিলে তাহাকে আরো ভালো লাগিত ।'

কিন্তি কহিল, 'সত্য বলাে দেখি, ভালো কাপড় পরিলে ব্যোমকে



## ভঙ্গতার আদর্শ

কি ভালো দেখাইত। হাতির যদি ঠিক ময়ূরের মতো পেখম হয় তাহা হইলে কি তাহার সৌন্দর্যবৃদ্ধি হয়। আবার ময়ূরের পক্ষেও হাতির লেজ শোভা পায় না। তেমনি আমাদের স্যোমকে সমীরের পোশাকে মানায় না, আবার সনীর যদি স্যোমের পোশাক পরিয়া আসে উহাকে ঘরে ঢুকিতে দেওয়া যায় না।'

সমীর কহিল, 'আসল কথা, বেশভূষা আচারব্যবহারের স্থলন যেখানে শৈথিল্য অজ্ঞতা ও জড়তা সূচনা করে সেইখানেই তাহা কদর্ষ দেখিতে হয়। সেই জগৎ আমাদের বাঙালিসমাজ এমন শ্রীবিহীন। লক্ষীছাড়া যেমন সমাজছাড়া, তেমনি বাঙালিসমাজ যেন পৃথ্বীসমাজের বাহিরে। হিন্দুস্থানির সেলামের মতো বাঙালির কোনো সাধারণ অভিবাদন নাই। তাহার কারণ, বাঙালি কেবল ঘরের ছেলে, কেবল গ্রামের লোক। সে কেবল আপনার গৃহসম্পর্ক এবং গ্রামসম্পর্ক জানে, সাধারণ পৃথিবীর সহিত তাহার কোনো সম্পর্ক নাই—এ জগৎ অপরিচিত সমাজে সে কোনো শিষ্টাচারের নিয়ম খুঁজিয়া পায় না। এক জন হিন্দুস্থানি, ইংরাজকেই হটক আর চীনেম্যানকেই হটক, ভঙ্গতাস্থলে সকলকেই সেলাম করিতে পারে; আমরা সে স্থলে নমস্কার করিতেও পারি না, সেলাম করিতেও পারি না, আমরা সেখানে বর্বর। বাঙালি স্ত্রীলোক যথেষ্ট আবৃত নহে এবং সর্বদাই অসম্বৃত—তাহার কারণ, সে ঘরেই আছে; এই জগৎ ভাঙব-খণ্ডব-সম্পর্কীয় গৃহপ্রচলিত যে সকল কৃত্রিম লজ্জা তাহা তাহার প্রচুর পরিমাণেই আছে, কিন্তু সাধারণ ভঙ্গসমাজসংগত লজ্জা সম্বন্ধে তাহার সম্পূর্ণ শৈথিল্য দেখা যায়। গায়ে কাপড় রাখা বা না রাখার বিষয়ে বাঙালি পুরুষদেরও অপর্থাপ্ত ঔদাসীন্য; চিরকাল অধিকাংশ সময় আত্মীয়-সমাজে বিচরণ করিয়া এ সম্বন্ধে একটা অবহেলা তাহার মনে দৃঢ় বন্ধমূল হইয়া গিয়াছে। অতএব বাঙালির বেশভূষা চালচলনের অভাবে একটা

## জ্ঞানভার আদর্শ

অপরিমিত আলস্য শৈথিল্য বেজ্জাচার ও আত্মসম্মানের অভাব প্রকাশ পায়, স্বতন্ত্র তাহা যে বিপুল বর্বরতা তাহাতে আর সন্দেহ নাই ।’

আমি কহিলাম, ‘কিন্তু সে জ্ঞান আমরা লঙ্ঘিত নহি। যেমন রোগ-বিশেষে মানুষ বাহা খায় তাহাই শরীরের মধ্যে শর্করা হইয়া উঠে, তেমনি আমাদের দেশের ভালোমন্দ সমস্তই আশ্চর্য মানসিক বিকার-বশতঃ কেবল অতিমিত্র অহংকারের বিষয়েই পরিণত হইতেছে। আমরা বলিয়া থাকি, আমাদের সভ্যতা আধ্যাত্মিক সভ্যতা, অশনবসনগত সভ্যতা নহে, সেই জন্মই এই সকল জড় বিষয়ে আমাদের এত অনাসক্তি ।’

সম্মত কহিল, ‘উচ্চতম বিষয়ে সর্বদা লক্ষ্য স্থির রাখিতে নিয়তন বিষয়ে ঐহাদের বিন্যুতি ও ঔদাসীন্য জন্মে তাঁহাদের সম্বন্ধে নিন্দার কথা কাহারও মনেও আসে না। সকল সভ্যসমাজেই এরূপ এক সম্প্রদায়ের লোক সমাজের বিরল উচ্চশিখরে বাস করিয়া থাকেন। অতীত ভারতবর্ষে অধ্যয়ন-অধ্যাপন-শীল ব্রাহ্মণ এই শ্রেণীভুক্ত ছিলেন; তাঁহারা যে ক্ষত্রিয় বৈশ্যের স্থায় সাম্রাজ্য ও কাজকর্মে নিরত থাকিবেন এমন কেহ আশা করিত না। যুরোপেও সে সম্প্রদায়ের লোক ছিল এবং এখনো আছে। মধ্যযুগের আচার্যদের কথা ছাড়িয়া দেওয়া বাক, আধুনিক যুরোপেও নিউটনের মতো লোক যদি নিতান্ত হাল ক্যাশানের সাম্রাজ্য না পরিঘাও নিয়ন্ত্রণে যান এবং লৌকিকতার সমস্ত নিয়ম অক্ষরে অক্ষরে পালন না করেন, তথাপি সমাজ তাঁহাকে শাসন করে না, উপহাস করিতেও সাহস করে না। সর্বদেশে সর্বকালেই স্বল্পসংখ্যক মহাত্মা লোকসমাজের মধ্যে থাকিয়াও সমাজের বাহিরে থাকেন, নতুবা তাঁহারা কাজ করিতে পারেন না, এবং সমাজও তাঁহাদের নিকট হইতে সামাজিকতার ক্ষুদ্র গুণগুলি আদায় করিতে নিরন্ত থাকে। কিন্তু আশ্চর্যের বিষয় এই যে, বাংলাদেশে, কেবল কতকগুলি লোক নহে, আমরা দেশবৃদ্ধ সকলেই

## ভক্ততার আদর্শ

সকল প্রকার স্বভাববৈচিত্র্যে ভুলিয়া সেই সমাজাতীত আধ্যাত্মিক শিখরে অবহেলে চড়িয়া বসিয়া আছি। আমরা টিলা কাপড় এবং অন্ত্যস্ত টিলা আদবকায়না লইয়া দিব্য আরামে ছুটি ভোগ করিতেছি। আমরা যেমন করিয়াই থাকি আর যেমন করিয়াই চলি তাহাতে কাহারও সমালোচনা করিবার কোনো অধিকার নাই, কারণ আমরা উত্তম মধ্যম অধম সকলেই খাটো ধুতি ও ময়লা চাদর পরিয়া নিরুগ্ণ ব্রহ্মে লয় পাইবার জগ্ন প্রস্তুত হইয়া বসিয়া আছি।’

হেনকালে ব্যোম তাহার বৃহৎ লণ্ডুখানি হাতে করিয়া আসিয়া উপস্থিত। তাহার বেশ অল্প দিনের অপেক্ষাও অদ্ভুত। তাহার কারণ, আজ ক্রিয়াকর্মের বাড়ি বলিয়াই তাহার প্রাত্যহিক বেশের উপরে বিশেষ করিয়া একখানা অনির্দিষ্ট-আকৃতি চাপকান-গোছের পদার্থ চাপাইয়া আসিয়াছে, তাহার আশপাশ হইতে ভিতরকার অসংগত কাপড়গুলার প্রাস্ত স্পষ্ট দেখা যাইতেছে— দেখিয়া আমাদের হাস্য সঘরণ করা দুঃসাধ্য হইয়া উঠিল, এবং দীপ্তি ও শ্রোতবিনীর মনে বখেষ্ট অবজ্ঞার উদয় হইল।

ব্যোম জিজ্ঞাসা করিল, ‘তোমাদের কী বিষয়ে আলোচনাই হইতেছে।’

সমীর আমাদের আলোচনার কিয়দংশ সংক্ষেপে বলিয়া কহিল, ‘আমরা দেশসুদ্ধ সকলেই বৈরাগ্যের ‘ভেক’ ধারণ করিয়াছি।’

ব্যোম কহিল, ‘বৈরাগ্য ব্যতীত কোনো বৃহৎ কর্ম হইতেই পারে না। আলোকের সহিত যেমন ছায়া, কর্মের সহিত তেমনি বৈরাগ্য নিয়ত সংযুক্ত হইয়া আছে। তাহার যে পরিমাণে বৈরাগ্যে অধিকার পৃথিবীতে সে সেই পরিমাণে কাজ করিতে পারে।’

ক্ষিতি কহিল, ‘সেই জগ্ন পৃথিবীসুদ্ধ লোক বখন স্নেহের প্রত্যাশায় সহস্র চেষ্টায় নিযুক্ত ছিল তখন বৈরাগী ভাক্বয়িন সংসারের সহস্র চেষ্টা

## ভক্ততার আদর্শ

পবিত্র্যাগ করিয়া কেবল প্রমাণ করিতেছিলেন যে, হাঙ্গেরের আদিপুরুষ বানর ছিল। এই সমাচারটি আহরণ করিতে ডাকঘিনকে অনেক বৈরাগ্য সাধন করিতে হইয়াছিল।’

ব্যোম কহিল, ‘বহুতর আসক্তি হইতে গারিবাল্‌ডি যদি আপনাকে স্বাধীন করিতে না পারিতেন তবে ইটালিকেও তিনি স্বাধীন করিতে পারিতেন না। যে সকল জাতি কর্মিষ্ঠ জাতি তাহারাই স্বার্থ বৈরাগ্য জানে। যাহারা জ্ঞানলাভের স্তম্ভ জীবন ও জীবনের সমস্ত আশ্রয় তুচ্ছ করিয়া মেরুপ্রদেশের হিমশীতল মৃত্যুশালার তুষাররুদ্ধ কঠিন দ্বারদেশে বারম্বার আঘাত করিতে ধাবিত হইতেছে, যাহারা ধর্মবিশ্বরণের স্তম্ভ নরমাংসভুক্‌ রাক্ষসের দেশে চিরনির্বাসন বহন করিতেছে, যাহারা মাতৃ-ভূমির আশ্রানে মুহূর্তকালের মধ্যেই ধনজনযৌবনের সুখশয্যা হইতে গাত্ৰোপ্থান করিয়া হুঃসহ ক্লেশ এবং অতিনিষ্ঠের মৃত্যুর মধ্যে ঝাঁপ দিয়া পড়ে, তাহারাই জানে স্বার্থ বৈরাগ্য কাহাকে বলে। আর আমাদের এই কর্মহীন শ্রীহীন নিশ্চেষ্ট নির্জীব বৈরাগ্য কেবল অধঃপতিত জাতির মূর্ছাবস্থামাত্র— উহা জড়ত্ব, উহা অহংকারের বিষয় নহে।’

ক্ষিত্তি কহিল, ‘আমাদের এই মূর্ছাবস্থাকে আমরা আধ্যাত্মিক ‘দশা’ পাওয়ার অবস্থা মনে করিয়া নিজের প্রতি নিজে ভক্তিতে বিশ্বল হইয়া বসিয়া আছি।’

ব্যোম কহিল, ‘কর্মীকে কর্মের কঠিন নিয়ম মানিয়া চলিতে হয়, সেই স্তম্ভই সে আপন কর্মের নিয়মপালন উপলক্ষ্যে সমাজের অনেক ছোটো কর্তব্য উপেক্ষা করিতে পারে— কিন্তু অকর্মণ্যের সে অধিকার থাকিতে পারে না। যে লোক তাড়াতাড়ি আপিসে বাহির হইতেছে তাহার নিকটে সমাজ সুদীর্ঘ সুসম্পূর্ণ শিষ্টালাপ প্রত্যাশা করে না। ইংরাজ মালী বখন গায়ের কোর্টা খুলিয়া হাতের আঙ্গিন গুটাইয়া বাগানের

## ভক্ততার আদর্শ

কাজ করে তখন তাহাকে দেখিয়া তাহার অভিজাতবংশীয়া প্রভুমহিলার লজ্জা পাইবার কোনো কারণ নাই। কিন্তু আমরা যখন কোনো কাজ নাই, কর্ম নাই, দীর্ঘ দিন রাজপথপার্শ্বে নিজের গৃহদ্বারপ্রান্তে স্থূল বর্তুল উদর উদ্ঘাটিত করিয়া, হাঁটুর উপর কাপড় গুটাইয়া নির্বোধের মতো তামাক টানি, তখন বিশ্বজগতের সম্মুখে কোন্ মহৎ বৈরাগোর, কোন্ উন্নত আধ্যাত্মিকতার দোহাই দিয়া এই কুশ্রী বর্বরতা প্রকাশ করিয়া থাকি ! যে বৈরাগোর সঙ্গে কোনো মহত্ত্ব সচেষ্ট সাধনা সংযুক্ত নাই তাহা অসভ্যতার নামান্তর মাত্র।'

ব্যোমের মুখে এই সকল কথা শুনিয়া শ্রোতস্থিনী আশ্চর্য হইয়া গেল। কিছুক্ষণ চুপ করিয়া থাকিয়া বলিল, 'আমরা সকল ভক্তলোকেই ষত দিন না আপন ভক্ততা-রক্ষার কর্তব্য সর্বদা মনে রাখিয়া আপনাদিগকে বেশে ব্যবহারে বাসস্থানে সর্বতোভাবে ভদ্র করিয়া রাখিবার চেষ্টা করিব, তত দিন আমরা আত্মসম্মান লাভ করিব না এবং পরের নিকট সম্মান প্রাপ্ত হইব না। আমরা নিজের মূল্য নিজে অত্যন্ত কমাইয়া দিয়াছি।'

ক্ষতি কহিল, 'সে মূল্য বাড়াইতে হইলে এ দিকে বেতনবৃদ্ধি করিতে হয়, সেটা প্রভুদের হাতে।'

দীপ্তি কহিল,— বেতনবৃদ্ধি নহে, চেতনবৃদ্ধির আবশ্যিক। আমাদের দেশের ধনীরাও যে অশোভন ভাবে থাকে সেটা কেবল জড়তা এবং মুঢ়তা-বশতঃ, অর্থের অভাবে নহে। যাহার টাকা আছে সে মনে করে জুড়ি-গাড়ি না হইলে তাহার ঐশ্বর্য প্রমাণ হয় না, কিন্তু তাহার অন্ধ:পুণে প্রবেশ করিলে দেখা যায় যে, তাহা ভক্তলোকের গোশালারও অযোগ্য। অহংকারের পক্ষে যে আয়োজন আবশ্যিক তাহার প্রতি আমাদের দৃষ্টি আছে; কিন্তু আত্মসম্মানের জন্ত, স্বাস্থ্যশোভার জন্ত যাহা আবশ্যিক তাহার বেলায় আমাদের টাকা কুলায় না। আমাদের মেয়েরা এ কথা মনেও

## ভ্রতভার আদর্শ

করে না যে, সৌন্দর্যবৃদ্ধির জন্য বতটুকু অলংকার আবশ্যিক তাহার অধিক পরিয়া ধনগর্ব প্রকাশ করিতে যাওয়া ইতরজনোচিত অভ্যস্ত— এবং সেই অহংকারভূষিতর জন্য টাকার অভাব হয় না, কিন্তু প্রাদুর্গণ্য আবর্জনা এবং শয়নগৃহভিত্তির তৈলকঙ্কলময় মলিনতা মোচনের জন্য তাহারে কিছুমাত্র সত্বরতা নাই। টাকার অভাব নহে, আমাদের দেশে স্বার্থ ভ্রতভার আদর্শ এখনো প্রতিষ্ঠিত হয় নাই।’

শ্রোতবিনী কহিল, ‘তাহার প্রধান কারণ, আমরা অলস। টাকা থাকিলেই বড়োমামুলি করা যায়, টাকা না থাকিলেও খাব করিয়া নবাধি করা চলে। কিন্তু ভ্রত হইতে গেলে আলস্ত-অবহেলা বিসর্জন করিতে হয়— সর্বদা আপনাকে উন্নত সামাজিক আদর্শের উপযোগী করিয়া প্রস্তুত রাখিতে হয়, নিয়ম স্বীকার করিয়া আত্মবিসর্জন করিতে হয়।’

ক্ষিত্তি কহিল, ‘কিন্তু আমরা মনে করি আমরা স্বভাবের শিশু, অতএব অত্যন্ত সরল। খুলায় কাদায় নয়তায়, সর্বপ্রকার নিয়মহীনতায়, আমাদের কোনো লজ্জা নাই— আমাদের সকলই অকৃত্রিম এবং সকলই আধ্যাত্মিক।’

## অপূর্ব রামায়ণ

বাড়িতে একটা শুভকার্য ছিল, তাই বিকালের দিকে অদূরবর্তী মন্দের উপর হইতে বারোয়। রাগিণীতে নহবত বাজিতেছিল। ব্যোম অনেকক্ষণ মুদ্রিতচক্ষে থাকিয়া হঠাৎ চক্ষু খুলিয়া বলিতে আরম্ভ করিল, 'আমাদের এই সকল দেশীয় রাগিণীর মধ্যে একটা পরিব্যাপ্ত মৃত্যু-শোকের ভাব আছে; স্বরগুলি কাঁদিয়া কাঁদিয়া বলিতেছে, সংসারে কিছুই স্থায়ী হয় না। সংসারে সকলই অস্থায়ী, এ কথাটা সংসারীয় পক্ষে নূতন নহে, প্রিয়ও নহে, ইহা একটা অটল কঠিন সত্য। কিন্তু তবু এটা বাণির মুখে শুনিতে এত ভালো লাগিতেছে কেন। কারণ, বাণিতে জগতের এই সর্বাপেক্ষা সুকঠোর সত্যটাকে সর্বাপেক্ষা সুমধুর করিয়া বলিতেছে। মনে হইতেছে মৃত্যুটা এই রাগিণীর মতো সুরকণ বটে, কিন্তু এই রাগিণীর মতোই সুন্দর। জগৎসংসারের বন্ধের উপরে গুরুতম বে জগদ্দল পাথরটা চাপিয়া আছে, এই গানের স্বরে সেইটাকে কী এক মল্ল-বলে লঘু করিয়া দিতেছে। এক জনের হৃদয়কুহর হইতে উচ্ছ্বসিত হইয়া উঠিলে বে বেদনা চীৎকার হইয়া বাজিয়া উঠিত, ক্রন্দন হইয়া ফাটিয়া পড়িত, বাণি তাহাই সমস্ত জগতের মুখ হইতে ধ্বনিত করিয়া তুলিয়া এমন অগাধকরণাপূর্ণ অথচ অনন্তসাত্ত্বনাময় রাগিণীর সৃষ্টি করিতেছে।'

দীপ্তি এবং শ্রোতস্বিনী আতিথোর কাজ সারিয়া সুবেমাত্র আসিয়া বসিয়াছিল, এমন সময় আজিকার এই মঙ্গলকার্যের দিনে ব্যোমের মুখে মৃত্যুসম্বন্ধীয় আলোচনায় অত্যন্ত বিরক্ত হইয়া উঠিয়া গেল। ব্যোম তাহাদের বিরক্তি না বুঝিতে পারিয়া অবিকলিত অম্লানমুখে বলিয়া বাইতে লাগিল। নহবতটা বেশ লাগিতেছিল, আমরা আর সে দিন বড়ো তর্ক করিলাম না।

## অপূর্ব রামায়ণ

যোম কহিল, ‘আজিকার এই বাঁশি স্তনিতে স্তনিতে একটা কথা বিশেষ করিয়া আমার মনে উদয় হইতেছে। প্রত্যেক কবিতার মধ্যে একটা বিশেষ রস থাকে— অলংকারশাস্ত্রে যাহাকে আদি করণ শাস্তি-নামক ভিন্ন ভিন্ন নামে ভাগ করিয়াছে। আমার মনে হইতেছে, জগৎ-রচনাকে যদি কাব্য হিসাবে দেখা যায় তবে মৃত্যুই তাহার সেই প্রধান রস, মৃত্যুই তাহাকে যথার্থ কবিত্ব অর্পণ করিয়াছে। যদি মৃত্যু না থাকিত, জগতের যেখানকার যাহা তাহা চিরকাল সেখানেই যদি অবিকৃত ভাবে দাঁড়াইয়া থাকিত, তবে জগৎটা একটা চিরস্থায়ী সমাধিমন্দিরের মতো অত্যন্ত সংকীর্ণ, অত্যন্ত কঠিন, অত্যন্ত বন্ধ হইয়া রহিত। এই অনন্ত নিশ্চলতার চিরস্থায়ী ভার বহন করা প্রাণীদের পক্ষে বড়ো দুঃস্থ হইত। মৃত্যু এই অস্তিত্বের ভীষণ ভারকে সর্বদা লঘু করিয়া রাখিয়াছে, এবং জগৎকে বিচরণ করিবার অসীম ক্ষেত্র দিয়াছে। যে দিকে মৃত্যু সেই দিকেই জগতের অসীমতা। সেই অনন্ত রহস্যভূমির দিকেই মানুষের সমস্ত কবিতা, সমস্ত সংস্কৃত, সমস্ত ধর্মতত্ত্ব, সমস্ত তৃপ্তিহীন বাসনা সমুদ্র-পাবনামী পক্ষীর মতো নীড়-অন্বেষণে উড়িয়া চলিয়াছে। একে যাহা প্রত্যক্ষ, যাহা বর্তমান, তাহা আমাদের পক্ষে অত্যন্ত প্রবল, আবার তাহাই যদি চিরস্থায়ী হইত তবে তাহার একেশ্বর দৌরাত্ম্যের আর শেষ থাকিত না— তবে তাহার উপরে আর আপিল চলিত কোথায়। তবে কে নির্দেশ করিয়া দিত ইহার বাহিরেও অসীমতা আছে। অনন্তের ভার এ জগৎ কেমন করিয়া বহন করিত মৃত্যু যদি সেই অনন্তকে আপনার চিরপ্রবাহে নিত্যকাল ভাসমান করিয়া না রাখিত।’

সমীর কহিল, ‘মরিতে না হইলে বাচিয়া থাকিবার কোনো মর্ধ্যবাই থাকিত না। এখন জগৎসুস্থ লোক যাহাকে অবজ্ঞা করে সেও মৃত্যু আছে বলিয়াই জীবনের গৌরবে গৌরবাধিত।’



## অপূর্ব রামায়ণ

ক্ষিত্তি কহিল, 'আমি সে জন্ত বেশি চিন্তিত নহি ; আমার মতে মৃত্যুর অভাবে কোনো বিষয়ে কোথাও দাঁড়ি দিবার জো থাকিত না, সেইটাই সব চেয়ে চিন্তার কারণ। সে অবস্থায় ব্যোম যদি অর্ধেততঞ্চ সম্বন্ধে আলোচনা উত্থাপন করিত কেহ জোড়হাত করিয়া এ কথা বলিতে পারিত না যে, 'ভাই, এখন আর সময় নাই, অভাব ক্রান্ত হও।' মৃত্যু না থাকিলে অবসরের অন্ত থাকিত না। এখন মানুষ নিদেন সাত-আট বৎসর বয়সে অধ্যয়ন আরম্ভ করিয়া পঁচিশ বৎসর বয়সের মধ্যে কলেজের ডিগ্রি লইয়া অথবা দিব্য ফেল করিয়া নিশ্চিন্ত হয় ; তখন কোনো বিশেষ বয়সে আরম্ভ করারও কারণ থাকিত না, কোনো বিশেষ বয়সে শেষ করিবারও তাড়া থাকিত না। সকল প্রকার কাজকর্ম ও জীবনযাত্রার কথা সেমিকোলন দাঁড়ি একেবারেই উঠিয়া বাইত।'

ব্যোম এ সকল কথায় যথেষ্ট কর্ণপাত না করিয়া নিজের চিন্তাসূত্র অঙ্গুলসরণ করিয়া বলিয়া গেল, 'জগতের মধ্যে মৃত্যুই কেবল চিরস্থায়ী, সেই জন্ত আমাদের সমস্ত চিরস্থায়ী আশা ও বাসনাকে সেই মৃত্যুর মধ্যেই প্রতিষ্ঠিত করিয়াছি। আমাদের স্বর্গ, আমাদের পুণ্য, আমাদের অমরতা সব সেইখানে। যে সব জিনিস আমাদের এত প্রিয় যে কখনো তাহাদের বিনাশ কল্পনাও করিতে পারি না, সেগুলিকে মৃত্যুর হস্তে সমর্পণ করিয়া দিয়া জীবনান্তকাল অপেক্ষা করিয়া থাকি। পৃথিবীতে বিচার নাই, সুবিচার মৃত্যুর পরে ; পৃথিবীতে প্রাণপণ বাসনা নিফল হয়, সফলতা মৃত্যুর কল্পনাকৃতলে। জগতের আর সকল দিকেই কঠিন স্থল বস্তুরাশি আমাদের মানস আদর্শকে প্রতিহত করে, আমাদের অমরতা অসীমতাকে অপ্রমাণ করে— জগতের যে সীমায় মৃত্যু, যেখানে সমস্ত বস্তুর অবসান, সেইখানেই আমাদের প্রিয়তম প্রবলতম বাসনার, আমাদের স্তুতিতম হৃন্দরতম কল্পনার কোনো প্রতিবন্ধক নাই। আমাদের

## অপূর্ব রামায়ণ

শিব স্মশানবাসী— আমাদের সর্বোচ্চ মঙ্গলের আদর্শ মৃত্যুনিকেতনে ।’

মূলতান বারোয়’। শেষ করিয়া সূর্যাস্তকালের স্বর্ণাভ অন্ধকারের মধ্যে নহবতে পুরবী বাস্তিতে লাগিল । সমীর বলিল, ‘মাহুষ মৃত্যুর পারে যে সকল আশা-আকাঙ্ক্ষাকে নির্বাসিত করিয়া দিয়াছে, এই বাশির স্থরে সেই সকল চিরাশ্রসজ্জল হৃদয়ের ধনগুলিকে পুনর্বীর মহুস্থলোকে কিবাইয়া আনিতেছে । সাহিত্য এবং সংগীত এবং সমস্ত ললিতকলা, মহুস্থলোকে সমস্ত নিত্য পদার্থকে মৃত্যুর পরকালপ্রাপ্ত হইতে ইহজীবনের মাঝখানে আনিয়া প্রতিষ্ঠিত করিতেছে । বলিতেছে, পৃথিবীকে স্বর্গ, বাস্তবকে স্বন্দর এবং এই ক্ষণিক জীবনকেই অমর করিতে হইবে । মৃত্যু যেমন জগতের অসীম রূপ ব্যক্ত করিয়া দিয়াছে, তাহাকে এক অনন্ত বাসরশস্যায় এক পরমরহস্যের সহিত পরিণয়পাশে বদ্ধ করিয়া রাখিয়াছে, সেই রুদ্ধদ্বার বাসরগৃহের গোপন বাতায়নপথ হইতে অনন্ত সৌন্দর্যের সৌগন্দ্য এবং সংগীত আসিয়া আমাদের স্পর্শ করিতেছে, তেমনি সাহিত্যরস এবং কলারস আমাদের জড়ভারগ্রস্ত বিক্ষিপ্ত প্রাত্যহিক জীবনের মধ্যে প্রত্যক্ষের সহিত অপ্রত্যক্ষের, অনিত্যের সহিত নিত্যের, তুচ্ছের সহিত স্বন্দরের, ব্যক্তিগত ক্ষুদ্র স্বখঃখের সহিত বিশ্বব্যাপী বৃহৎ রাগিণীর যোগসাধন করিয়া তুলিতেছে । আমাদের সমস্ত প্রেমকে পৃথিবী হইতে প্রত্যাহরণ করিয়া মৃত্যুর পারে পাঠাইয়া দিব না এই পৃথিবীতেই রাখিব, ইহা লইয়াই তর্ক । আমাদের প্রাচীন বৈরাগ্যধর্ম বলিতেছে, পরকালের মধ্যেই প্রকৃত প্রেমের স্থান ; নবীন সাহিত্য এবং ললিতকলা বলিতেছে, ‘ইহলোকেই আমরা তাহার স্থান দেখাইয়া দিতেছি ।’

ক্ষিতি কহিল, ‘এই প্রসঙ্গে আমি এক অপূর্ব রামায়ণ-কথা বলিয়া সভা ভঙ্গ করিতে ইচ্ছা করি ।—

‘রাজা রামচন্দ্র— অর্থাৎ মাহুষ— প্রেম-নামক সীতাকে নানা রাক্ষসের

## অপূর্ব রামায়ণ

হাত হইতে রক্ষা করিয়া আনিয়া নিজের অঘোধ্যাপুরীতে পরমস্বখে বাস করিতেছিলেন। এমন সময় কতকগুলি ধর্মশাস্ত্র দল বাধিয়া এই প্রেমের নামে কলঙ্ক ঘটনা করিয়া দিল। বলিল, উনি অনিত্য পদার্থের সহিত একত্র বাস করিয়াছেন, উহাকে পরিত্যাগ করিতে হইবে। বাস্তবিক অনিত্যের ঘরে কক্ষ থাকিয়াও এই দেবাংশজাতা রাজকুমারীকে যে কলঙ্ক স্পর্শ করিতে পারে নাই সে কথা এখন কে প্রমাণ করিবে। এক, অগ্নিপরীক্ষা আছে, সে তো দেখা হইয়াছে— অগ্নিতে ইহাকে নষ্ট না করিয়া আরো উজ্জ্বল করিয়া দিয়াছে। তবু শাস্ত্রের কানাকানিতে অবশেষে এই রাজা প্রেমকে এক দিন মৃত্যুতমসার তীরে নির্বাসিত করিয়া দিলেন। ইতিমধ্যে মহাকবি এবং তাহার শিষ্যসুন্দের আশ্রয়ে থাকিয়া এই অনাথিনী, কুশ এবং লব, কাব্য এবং ললিতকলা-নামক যুগলসন্তান প্রসব করিয়াছেন। সেই দুটি শিশুই কবির কাছে রাগিনী শিক্ষা করিয়া রাজসভায় আস্ত তাহাদের পরিত্যক্তা জননীকে যশোগান করিতে আসিয়াছে। এই নবীন গায়কের গানে বিরহী রাজার চিত্ত চঞ্চল এবং তাহার চক্ষু অশ্রাসিক্ত হইয়া উঠিয়াছে। এখনো উত্তরকাণ্ড সম্পূর্ণ শেষ হয় নাই। এখনো দেখিবার আছে— জয় হয় ভ্যাগপ্রচারক প্রবীণ বৈরাগ্যধর্মের না প্রেমমঙ্গলগায়ক দুটি অমর শিশুর।'

## বৈজ্ঞানিক কৌতূহল

বিজ্ঞানের আদিম উৎপত্তি এবং চরম লক্ষ্য লইয়া বোম এবং ক্ষিত্তির মধ্যে মহা তর্ক বাণিয়া গিয়াছিল। তদুপলক্ষে বোম কহিল, 'যদিও আমাদের কৌতূহলবৃত্তি হইতেই বিজ্ঞানের উৎপত্তি তথাপি আমার বিশ্বাস, আমাদের কৌতূহলটা ঠিক বিজ্ঞানের তল্লাশ করিতে বাহির হয় নাই; বরঞ্চ তাহার আকাঙ্ক্ষাটা সম্পূর্ণ অবৈজ্ঞানিক। সে খুঁজিতে যায় পরশ-পাথর, বাহির হইয়া পড়ে একটা প্রাচীন জীবের জীর্ণ বৃদ্ধাঙ্গুষ্ঠ; সে চায় আলাদিনের আশ্চর্য প্রদীপ, পায় দেশালাইয়ের বাস্ক। আল্কিমিটাই তাহার মনোগত উদ্দেশ্য, কেমিস্ট্রি তাহার অপ্ৰার্থিত সিদ্ধি; অ্যান্টিলজির জন্ত সে আকাশ ঘরিয়া জাল ফেলে, কিন্তু হাতে উঠিয়া আসে অ্যান্টিনমি। সে নিয়ম খোঁজে না, সে কার্যকারণশৃঙ্খলের নব নব অঙ্গুরি গণনা করিতে চায় না; সে খোঁজে নিয়মের বিচ্ছেদ; সে মনে করে কোন্ সময়ে এক জায়গায় আসিয়া হঠাৎ দেখিতে পাইবে, সেখানে কার্যকারণের অনন্ত পুনরুক্তি নাই। সে চায় অভূতপূর্ব নূতনত্ব— কিন্তু বৃদ্ধ বিজ্ঞান নিঃশব্দে তাহার পশ্চাৎ পশ্চাৎ আসিয়া তাহার সমস্ত নূতনকে পুরাতন করিয়া দেয়, তাহার ইন্দ্রধনুকে পবকলা-বিচ্ছুরিত বর্ণমালার পরিবর্তিত সংস্করণ, এবং পৃথিবীর গতিকে পৰুতালফলপতনের সমশ্রেণীয় বলিয়া প্রমাণ করে।

'যে নিয়ম আমাদের ধূলিকণার মধ্যে, অনন্ত আকাশ ও অনন্ত কালের সর্বত্রই সেই এক নিয়ম প্রসারিত; এই আবিষ্কারটি লইয়া আমরা আজকাল আনন্দ ও বিস্ময় প্রকাশ করিয়া থাকি। কিন্তু এই আনন্দ, এই বিস্ময় মাহুঘের স্বার্থ স্বাভাবিক নহে। সে অনন্ত আকাশে জ্যোতিষ্ক-রাজ্যের মধ্যে যখন অহুসঙ্কানদূত প্রেরণ করিয়াছিল তখন বড়ো আশা করিয়াছিল যে, ঐ জ্যোতির্ঘর অঙ্ককারময় ধামে ধূলিকণার নিয়ম নাই,

## বৈজ্ঞানিক কৌতূহল

সেখানে অভ্যাসৰ্ঘ্ব একটা স্বর্গীয় অনিয়মের উৎসব; কিন্তু এখন দেখিতেছে ঐ চন্দ্রস্বর্ঘ্ব গ্রহনক্ষত্র, ঐ সপ্তর্ষিমণ্ডল, ঐ অশ্বিনী ভরণী কৃত্তিকা আমাদের এই ধূলিকণারই স্ফোষ্ঠ কনিষ্ঠ সহোদর-সহোদরা। এই নূতন তথ্যটি লইয়া আমরা যে আনন্দ প্রকাশ করি তাহা আমাদের একটা নূতন কৃত্তিম অভ্যাস, তাহা আমাদের আদিম-প্রকৃতি-গত নহে।’

সমীর কহিল, ‘সে কথা বড়ো মিথ্যা নহে। পরশপাথর এবং আলাদিনের প্রাদীপের প্রতি প্রকৃতিস্থ মাহুস-মাত্রেয়ই একটা নিগূঢ় আকর্ষণ আছে। ছেলেবেলায় কথামালায় এক গল্প পড়িয়াছিলাম যে কোনো কৃষক মরিবার সময় তাহার পুত্রকে বলিয়া গিয়াছিল যে, অমুক ক্ষেত্রে তোমার জন্ম আমি গুপ্তধন রাখিয়া গেলাম। সে বেচারা বিস্তর খুঁড়িয়া গুপ্তধন পাইল না, কিন্তু প্রচুর খননের গুণে সে ক্ষমিতে এত শস্য জন্মিল যে তাহার আর অভাব রহিল না। বালকপ্রকৃতি বালক-মাত্রেয়ই এ গল্পটি পড়িয়া কষ্ট বোধ হইয়া থাকে। চাষ করিয়া শস্য তো পৃথিবীস্থ সর্বল চাষাই পাইতেছে, কিন্তু গুপ্তধনটা গুপ্ত বলিয়াই পায় না— তাহা বিশ্বব্যাপী নিয়মের একটা ব্যভিচার, তাহা আকস্মিক, সেই জন্মই তাহা স্বভাবতঃ মাহুসের কাছে এত বেশি প্রার্থনীয়। কথামালা যাহাই বলুন, কৃষকের পুত্র তাহার পিতার প্রতি কৃতজ্ঞ হয় নাই সে বিষয়ে কোনো সন্দেহ নাই। বৈজ্ঞানিক নিয়মের প্রতি অবজ্ঞা মাহুসের পক্ষে কত স্বাভাবিক আমরা প্রতিদিনই তাহার প্রমাণ পাই। যে ডাক্তার নিপুণ চিকিৎসার দ্বারা অনেক রোগীর আরোগ্য করিয়া থাকেন তাঁহার সম্বন্ধে আমরা বলি লোকটার ‘হাতযশ’ আছে। শাস্ত্রসংগত চিকিৎসার নিয়মে ডাক্তার রোগ আরাম করিতেছে, এ কথায় আমাদের আন্তরিক তৃপ্তি নাই; উহার মধ্যে সাধারণ নিয়মের ব্যতিক্রম-স্বরূপ একটা রহস্য আরোপ করিয়া তবে আমরা সন্তুষ্ট থাকি।’

## বৈজ্ঞানিক কৌতূহল

আমি কহিলাম, 'তাহার কারণ এই যে, নিয়ম অনন্ত কাল ও অনন্ত দেশে প্রসারিত হইলেও তাহা সীমাবদ্ধ, সে আপন চিহ্নিত রেখা হইতে অণুপরিমাণ ইতস্তত করিতে পারে না— সেই জন্তই তাহার নাম নিয়ম এবং সেই জন্তই মানুষের কল্পনাকে সে পীড়া দেয়। শাস্ত্রসংগত চিকিৎসার কাছে আমরা অধিক আশা করিতে পারি না— এমন রোগ আছে বাহা চিকিৎসার অসাধ্য। কিন্তু এ পর্যন্ত হাতযশ-নামক একটা রহস্যময় ব্যাপারের ঠিক সীমানির্ণয় হয় নাই; এই জন্ত সে আমাদের আশাকে কল্পনাকে কোথাও কঠিন বাধা দেয় না। এই জন্তই ডাক্তারি ঔষধের চেয়ে অবদৌতিক ঔষধের আকর্ষণ অধিক। তাহার ফল যে কত দূর পর্যন্ত হইতে পারে তৎসদৃশ্যে আমাদের প্রত্যাশা সীমাবদ্ধ নহে। মানুষের বত অভিজ্ঞতারবৃদ্ধি হইতে থাকে, অমোঘ নিয়মের লৌহপ্রাচীরে বতই সে আঘাত প্রাপ্ত হয়, ততই মানুষ নিজের স্বাভাবিক অনন্ত আশাকে সীমাবদ্ধ করিয়া আনে, কৌতূহলবৃদ্ধির স্বাভাবিক নূতনত্বের আকাঙ্ক্ষা সংঘত করিয়া আনে, নিয়মকে রাজপদে প্রতিষ্ঠিত করে, এবং প্রথমে অনিচ্ছাক্রমে পরে অভ্যাসক্রমে তাহার প্রতি একটা রাজভক্তির উদ্বেক করিয়া তোলে।'

ব্যোম কহিল, 'কিন্তু সে ভক্তি যথার্থ অন্তরের ভক্তি নহে, তাহা কাজ আদায়ের ভক্তি। যখন নিতান্ত নিশ্চয় জানা যায় যে জগৎকার্য অপরিবর্তনীয় নিয়মে বদ্ধ, তখন কাজেই পেটের দায়ে, প্রাণের দায়ে, তাহার নিকট ঘাড় হেঁট করিতে হয়। তখন বিজ্ঞানের বাহিরে অনিশ্চয়ের হস্তে আত্মসমর্পণ করিতে সাহস হয় না; তখন মানুষি তাগা জল পড়া প্রভৃতিকে গ্রহণ করিতে হইলে ইলেকট্রিসিটি ম্যাগনেটিজম্ হিপ্নটিজম্ প্রভৃতি বিজ্ঞানের জাল মার্কী দেখিয়া আপনাকে ভুলাইতে হয়। আমরা নিয়ম অপেক্ষা অনিয়মকে যে ভালোবাসি তাহার একটা গোড়ার কারণ

## বৈজ্ঞানিক কৌতূহল

আছে। আমাদের নিজের মধ্যে এক জায়গায় আমরা নিয়মের বিচ্ছেদ দেখিতে পাই। আমাদের ইচ্ছাশক্তি সকল নিয়মের বাহিরে, সে স্বাধীন—অন্তত আমরা সেইরূপ অনুভব করি। আমাদের অন্তর-প্রকৃতিগত সেই স্বাধীনতার সাদৃশ্য বাহ্যপ্রকৃতির মধ্যে উপলব্ধি করিতে স্বভাবতঃই আমাদের আনন্দ হয়। ইচ্ছার প্রতি ইচ্ছার আকর্ষণ অত্যন্ত প্রবল; ইচ্ছার সহিত যে দান আমরা প্রাপ্ত হই সে দান আমাদের কাছে অধিকতর প্রিয়, সেবা যতই পাই তাহার সহিত ইচ্ছার যোগ না থাকিলে তাহা আমাদের নিকট রুচিকর বোধ হয় না। সেই জন্ম যখন জানিতাম যে ইন্দ্র আমাদেরকে বৃষ্টি দিতেছেন, মরুৎ আমাদেরকে বায়ু ভোগাইতেছেন, অগ্নি আমাদেরকে দীপ্তি দান করিতেছেন, তখন সেই জ্ঞানের মধ্যে আমাদের একটা আন্তরিক তৃপ্তি ছিল। এখন জানি রোজবৃষ্টিবায়ুর মধ্যে ইচ্ছা-অনিচ্ছা নাই, তাহারা যোগা-অযোগ্য প্রিয়-অপ্রিয় বিচার না করিয়া নির্বিকারে যথানিয়মে কাজ করে, আকাশে জলীয় অণু শীতল বায়ু-সংযোগে সংহত হইলেই সাধুর পবিত্র মণ্ডকে বর্ষিত হইয়া সর্দি উৎপাদন করিবে এবং অসাধুর কুম্বাণ্ডমণ্ডে জলসিঞ্চন করিতে সৃষ্টিত হইবে না—বিজ্ঞান আলোচনা করিতে করিতে ইহা আমাদের ক্রমে একরূপ সচ্ছ হইয়া আসে, কিন্তু বস্তুত ইহা আমাদের ভালোই লাগে না।

আমি कहিলাম, 'পূর্বে আমরা যেখানে স্বাধীন ইচ্ছার কর্তৃত্ব অনুমান করিয়াছিলাম এখন সেখানে নিয়মের অন্ধ শাসন দেখিতে পাই, সেই জন্ম বিজ্ঞান আলোচনা করিলে জগৎকে নিরানন্দ ইচ্ছাসম্পর্কবিহীন বলিয়া মনে হয়। কিন্তু ইচ্ছা এবং আনন্দ যত কণ আমার অন্তরে আছে তত কণ জগতের অন্তরে তাহাকে অনুভব করিতেই হইবে—পূর্বে তাহাকে যেখানে কল্পনা করিয়াছিলাম সেখানে না হউক তাহার অন্তরতর

## বৈজ্ঞানিক কৌতূহল

অন্তরতম স্থানে তাকে প্রতিষ্ঠিত না জানিলে আমাদের অন্তরতম প্রকৃতির প্রতি ব্যাভিচার করা হয়। আমার মধ্যে সমস্ত বিশ্বনিয়মের যে একটি ব্যতিক্রম আছে জগতে কোথাও তাহার একটা মূল আদর্শ নাই, ইহা আমাদের অন্তরাত্মা স্বীকার করিতে চাহে না। এই জন্ত আমাদের ইচ্ছা একটা বিশ্ব-ইচ্ছার, আমাদের প্রেম একটা বিশ্বপ্রেমের নিগূঢ় অপেক্ষা না রাখিয়া বাচিতে পারে না।'

সমীর কহিল, জড়প্রকৃতির সর্বত্রই নিয়মের প্রাচীর চীনদেশের প্রাচীরের অপেক্ষা দৃঢ় প্রশস্ত ও অভ্রভেদী, হঠাৎ মানবপ্রকৃতির মধ্যে একটা ক্ষুদ্র ছিদ্র বাহির হইয়াছে। সেইখানে চক্ষু দিয়াই আমরা এক আশ্চর্য আবিষ্কার করিয়াছি। দেখিয়াছি প্রাচীরের পরপারে এক অনন্ত অনিয়ম রহিয়াছে; এই ছিদ্রপথে তাহার সহিত আমাদের যোগ; সেইখান হইতেই সমস্ত সৌন্দর্য স্বাধীনতা প্রেম আনন্দ প্রবাহিত হইয়া আসিতেছে। সেই জন্ত এই সৌন্দর্য ও প্রেমকে কোনো বিজ্ঞানের নিয়মে বাধিতে পারিল না।'

এমন সময়ে স্রোতস্বিনী গৃহে প্রবেশ করিয়া সমীরকে কহিল, 'দে দিন দীপ্তির পিয়ানো বাজাইবার স্বরলিপি-বইখানা তোমরা এত করিয়া খুঁজিতেছিলে, সেটার কী দশা হইয়াছে জান ?'

সমীর কহিল, 'না।'

স্রোতস্বিনী কহিল, 'রাত্রে ইঁদুরে তাহা কুটি কুটি করিয়া কাটিয়া পিয়ানোর তারের মধ্যে ছড়াইয়া রাখিয়াছে। এরূপ অনাবশ্যক ক্ষতি করিবার তো কোনো উদ্দেশ্য খুঁজিয়া পাওয়া যায় না।'

সমীর কহিল, 'উক্ত ইন্দুরটি বোধ করি ইন্দুরবংশে একটি বিশেষ-ক্ষমতাসম্পন্ন বৈজ্ঞানিক। বিশ্বের গবেষণায় সে বাজনার বহির সহিত



## বৈজ্ঞানিক কৌতূহল

বাক্সনার তারের একটা সম্বন্ধ অনুমান করিতে পারিয়াছে। এখন সমস্ত রাত ধরিয়া পরীক্ষা চালাইতেছে। বিচিত্র ঐক্যতানপূর্ণ সংগীতের আশ্চর্য রহস্য ভেদ করিবার চেষ্টা করিতেছে। তীক্ষ্ণ দস্তাগ্রভাগ দ্বারা বাক্সনার বহির ক্রমাগত বিশ্লেষণ করিতেছে। পিয়ানোর তারের সহিত তাহাকে নানা ভাবে একত্র করিয়া দেখিতেছে। এখন বাক্সনার বই কাটিতে লক্ষ করিয়াছে; ক্রমে বাক্সনার তার কাটিবে, কাঠ কাটিবে, বাক্সনাটাকে শতছিন্ন করিয়া সেই ছিন্নপথে আপন স্বন্দ্র নাসিকা ও চঞ্চল কৌতূহল প্রবেশ করাইয়া দিবে— মাঝে হইতে সংগীতও ততই উত্তরোত্তর সুদূরপর্যায় হইবে। আমার মনে এই তর্ক উদয় হইতেছে যে, ইন্দুর-কুলভিত্তিক যে উপায় অবলম্বন করিয়াছে তাহাতে তার এবং কাগজের উপাদান সম্বন্ধে নূতন তত্ত্ব আবিষ্কৃত হইতে পারে, কিন্তু উক্ত কাগজের সহিত উক্ত তারের যথার্থ যে সম্বন্ধ তাহা কি শতসহস্র বৎসরেও বাহির হইবে। অবশেষে কি সংশয়পরায়ণ নব্য ইন্দুরদিগের মনে এইরূপ একটা বিতর্ক উপস্থিত হইবে না যে, কাগজ কেবল কাগজমাত্র, এবং তার কেবল তার— কোনো জ্ঞানবান জীব-কর্তৃক উহাদের মধ্যে যে একটা আনন্দজনক উদ্দেশ্যবন্ধন বদ্ধ হইয়াছে তাহা কেবল প্রাচীন ইন্দুরদিগের যুক্তিহীন সংস্কার, এই সংস্কারের কেবল একটা এই শুভফল দেখা যাইতেছে যে তাহারই প্রবর্তনায় অল্পসম্বন্ধে প্রবৃত্ত হইয়া তার এবং কাগজের আপেক্ষিক কঠিনতা সম্বন্ধে অনেক পরীক্ষা সম্পন্ন হইয়াছে।

‘কিন্তু এক-এক দিন গহ্বরের গভীরতলে দস্তাচালনকার্যে নিযুক্ত থাকিয়া মাঝে মাঝে অপূর্ব সংগীতধ্বনি কর্ণকুহরে প্রবেশ করে এবং অন্তঃকরণকে ক্ষণকালের জন্য মোহাবিষ্ট করিয়া দেয়। সেটা ব্যাপারটা কী। সে একটা রহস্য বটে। কিন্তু সে রহস্য নিশ্চয়ই কাগজ এবং তার সম্বন্ধে অল্পসম্বন্ধে করিতে করিতে ক্রমশ শতছিন্ন আকারে উদ্ঘাটিত হইয়া যাইবে।’





